



UNIVERSITÄTS-
BIBLIOTHEK
PADERBORN

**Nicolai Lancicii E Societate Iesv Opvscvlorvm Spiritvalivm
Tomvs ...**

Łęczycki, Mikołaj

Antverpiae, 1650

[Prima Pars Pvnctvm Meditationis Pro vsu Tyronum & proficientium in via
spirituali.]

[urn:nbn:de:hbz:466:1-78821](https://nbn-resolving.org/urn:nbn:de:hbz:466:1-78821)

PRIMA PARS

PVNCTVM MEDITATIONIS

Pro vsu Tyronum & proficientium in via Spirituali.

Continet puncta pro Dominicis viginti octo, & pro omnibus diebus ferialibus earum.

DOMINICA PRIMA ADVENTVS.

De Officio iudicario Messie.

AA. i.
Ioan. 5.



Primum punctum. Considera expectatum Messiam fore Iudicē nostrum. Pater enim non iudicat quenquam, sed omne iudicium dedit Filio, ut ait ipse. Et Act. 10. Ipse est, qui constitutus est à Deo Iudex viuorum & mortuorum. Cum ergo nos iudicandi sumus ab eo, & multorum sumus peccatorum conscij, quæ erunt materia eius iudicij, optandus est nobis eius aduentus, ut possit ita à nobis excipi, ita tractari, ita nobis addictus reddi & placatus, ne nos in suo iudicio condemnet, sed absoluat. Delibera ergo, quomodo eum excipere debeas ad hunc finem consequendum.

Secundum Punctum. Considera apparatus cum quo hic venturus Iudex iudicabit. Sol enim obscurabitur, luna non dabit lumen suum, stella cadent de celo, virtutes calorū commouebuntur, parebit signum Filij hominis in celo, plangent omnes tribus terra. Ipse Iudex Veniet in nubibus cali cum virtute multa & maiestate, & mittet Angelos suos cum tuba & voce magna, qui congregabunt electos eius à quatuor ventis: quæ omnia erunt instrumenta incutiendi timoris, sed non amicis Iudicis, verū inimicis. Tuum ergo erit, ne hunc apparatus Iudicis metuas dare nunc operam, ut inueniaris vnus ex amicis & electis eius, ad quod quid sit necessarium considera, & id habere stude.

Tertium Punctum. Considera modum iudicij futuri, postquam congregabuntur sono tubæ ante eum omnes gentes, separabis oves ab hædis, & statuet oves à dextris suis, hædos autem à sinistris. Tu maturè inquire, an in te sint proprietates ouis, vel hædi, & ut ouis sis, rebus tuis consule.

Quartum Punctum. Considera sententiam vltimam Iudicij. Dicit primò ouibus. Venite Benedicti Patris mei possidete regnum paratum vobis à constitutione mundi. Esuriui enim, & dedistis mihi

manducare. Sitiui, & dedistis mihi bibere. Hospitiam, & collegistis me; Nudus, & cooperuistis me. Quod enim fecistis ex fratribus meis minimis, mihi fecistis. Hædis verò dicet. Discedite à me maledicti in ignem æternum, qui paratus est Diabolo & Angelis eius: Esuriui enim, & non dedistis mihi manducare &c. Tu iuxta tertium orandi modum singula verba pondera, eliciendo pios affectus doloris, inuocationis, gratiarum actionis, & similes, cum proposito emendationis.

FERIA SECVNDV.

Post Dominicam primam Aduentus.

Messias erit Agnus.

Primum Punctum. Considera Messiam expectatum, esse Agnum occisum vsque ab origine mundi: hoc est, fructum eius occisionis futuræ omnibus hominibus qui hinc vsque ab initio mundi fuerunt, salutarem fuisse: quia quicquid boni ad vitam æternam conuenientis habuerunt, ex meritis eius occisionis hauserunt. Ideo gratias age pro tam miro bonorum fonte tam citò hominibus aperto. Considera sanctorum illorum veterum bona quæ ex ed hauserunt, & vitâ spe accendere allegandi adhuc plura bona postquam iste Agnus est occisus reipsa: ideoque desideria eius in carne aduentum.

Secundum Punctum. Considera præcipuum huius Agni venturi officium, quod, eius prænuncius, indicauit his verbis: Ecce Agnus Dei, ecce qui tollit peccata mundi. Latus nuncius: quid enim magis peccatori optandum, quam habere eum à quo peccata eius aboleantur? Renocatis ergo in genere in memoriam peccatis tuis, renero confusionis & doloris affectu, offer ea Patri æterni, & roga eum, ut mittat hunc Agnum ad ea delenda, & ut Agno mittendo te commendet, ne ab eo deferaris, sed libereris à tot peccatis tuis.

Tertium Punctum. Considera manufacturam

nem huius Agni venturi, qui cum verbis factisque inimicorum exagitabatur, dicebaturque ad occisionem, tanquam Agnus non aperuit os suum vt tibi daret exemplum patientiae, & vt sua patientia mereretur remissionem peccatorum tuorum. Cogita ergo quomodo eum imiteris, dolo quod non imiteris, propone emendationem.

Quartum Punctum. Considera comitatum huius Agni in Regia caelesti, Erunt enim innumeri homines ex omnibus populis & linguis stantes in conspectu Agni, qui eo venient de tribulatione magna, cum stolis lotis & dealbatis in sanguine Agni, qui reger illos & deducit ad vitae fontes aquarum. Vnde nec esurient nec timent amplius, Inter quos erunt aliqui, qui sequentur Agnum quocumque ierit; qui suam Virginitatem integram conseruarunt. Tu ardentis desiderio accendere: talis vt sis, qui quam proximè hunc Agnum sequaris, eiusque in caelo eximios fauores experiaris, ideo id pete à Patre Agni, & ex tua parte cooperare gratiae Dei.

FERIA TERTIA.

Post Dominicam primam Aduentus.

Messias erit Aduocatus noster.

Primum Punctum. Considera Necessitatē in qua es habendi in caelis Aduocatum tibi addictum, cuius ope obtineas ea quibus egēs in hac vita, tum ad consequendam remissionem peccatorum, tum ad praeseruationem tui à malis, tum ad acquirenda varia alia dona. Hoc officium praestabit Messias venturus. Ideo desidera eius aduentum, vt quamprimū eius opem experiare.

Secundum Punctum. Considera praestantiam huius Aduocati. Erit enim aptissimus ad impetrationem omnium rerum tibi necessariorum: quia est gratissimus SS. Trinitati, à qua impetranda sunt omnia quaecumque impetrari debent: praeterea, habet ius ad impetrandum, imo etiam ad distribuendum omnia dona, quaecumque SS. Trinitas largiri dignatur hominibus: Item ardentissimè intercedet pro his pro quibus intercedet, quia omnia faciet perfectissimè quaecumque aggredietur. Vnum ergo valde pro parte tua necessarium est, vt velit pro te officio fungi Aduocati. Quod vt fiat, cogita, quid te facere oporteat, vt cum venerit, inueniat te sibi carum, & te amare velit efficaciter.

Tertium Punctum. Considera huius Aduocati integritatem, qui non fungetur officio suo, quod ex charitate suscepit contra aequitatem, nec corrumpetur muneribus vt causam iniquam tueatur. Ideo etsi multum possit in curia caelesti, curandum tibi est, vt ad eius patrocini-

um recurras cum causa iusta. Ista autem erit, quoties ex animo quæres eius opem apud Diuinam Maiestatem habens resolutam omnino voluntatem, eum non offendendi iis peccatis ad quorum remissionem ope indigeas huius Aduocati. Vide ergo an in te sit resoluta talis voluntas, seu auersio à peccatis omnibus, non verbalis tantum, sed realis & efficax: quod si non habeas quamptimum habere stude.

Quartum Punctum. Considera praemium quod à te exigit iste Aduocatus non aliud quam ne mala iteres quorum tibi obtinebit remissionem, & vt bonis iis quæ tibi impetrabit bene utaris ad laudem & gustum Dei, eique sis gratus. Quod an facias vide, & quod non facis in posterum facere stude.

FERIA QUARTA.

Post Dominicam primam Aduentus.

Messias est Caput Corporis Ecclesiae.

Primum Punctum. Considera causas ob quas Messias desideratus, sit Caput Ecclesiae Prima. Quia est Superior & primatum tenens Ecclesiae. Secunda. Quia vt ait Concil. Trident, sess. 6. Tanquam caput in membra in iustificatos ingerit virtutem influit, quæ bona eorum opera semper antecedit & comitatur & sequitur. Vnde sequitur Christum audiendum esse, vt caput nostrum, & non repudiandum esse illum vigorem quæ in sua membra influit. Quod quomodo facias, vide, & gratis ei actis pro hoc beneficio, pete vt se tibi copiosissimè communicet per suos diuinos influxus.

Secundum Punctum. Considera miram benignitatem huius capitis, qui bonos Religiosos habet tanquam pu pillas oculi sui. Qui post tangit, tangit pupillam oculi mei: pro qua te magnis ei actis gratis, inquire, an te ita geras, vt decet pupillam oculi, non dico Diuini, sed humani, quæ refugit omnis rei sordidæ aspectum, contractumque vel vnus pili, sine dolore non patitur, vt discas, quàm debeas abhorre à desideris terrenis & rerum ad peccata ducentium, vel cum peccato coniunctarum.

Tertium Punctum. Considera Officium tuum erga hoc caput, sicut enim membra omnia etiam periculis se exponunt ne caput lædatur, ita & tibi faciendum est, Quando ergo vides aliquid fieri & dici quod Christo capiti displiceat, eumque spiritualiter quodammodo lædat, cur te non opponis, & cur potius sæpe ob humanos respectus adianas, & socium te adiungis violantibus leges eius? Ita pluris facis aliud vile membrum, quam Christum caput tuum, Erubescere, veniam precare, & tales socios declinare stude.

Quartum Punctum. Considera quanta debet esse

esse honestas & Sanctimonia in omnibus artibus tuis: si enim caput tuum tam propè est, & illud quidè tam sanctum, quomodo membrum audeat eo præsentè efficere quicquam reprehensione dignum? si caput propter membra patitur res arduas & acerbis, membra, capitis gratia cur non idem patiantur? Erubescere ergo membrum esse impudens & delicatum, & capiti tuo non conforme eique stude esse quàm simillimus.

FERIA QUINTA.

Post Dominicam primam Adventus.

Messias est fons.

Isaia 1.

Primum Punctum. Considera Messiam desideratum esse fontem inexhaustum, tum ratione Diuinitatis infinitæ & immensæ, tum ratione humanitatis in qua sunt merita valoris infiniti, apta ad saluandos mundos infinitos, & infinites plura peccata abluenda, quàm à te sint commissa; hoc ponderando profunde, exulta, habens botium tam amplum & indeficiens, pro te præparatum, & da operam vt ad hauriendas ex hoc fonte aquas admittaris iisque fruaris.

Secundum Punctum. Considera septem esse præcipuas scaturigines per quas ex hoc fonte aquæ salutare derivantur, scilicet septem Sacramenta: quorum aquis partim anima magis mortua quàm est cadaver, reuiuiscit partim, viuens crescit & augetur, vsque ad consecutionem vitæ æternæ. Hos huius fontis & aquæ fructus ponderans admirare fontis huius liberalitatem & efficaciam, maximè cum tanta facilitate potiundæ huius aquæ coniunctam. Ideoque gratias age, & examina te quomodo haurias has aquas: quo scilicet affectu, qua copia, quo fructu, & si quid est emendandum, emenda.

Tertium Punctum. Considera alios innumeros riuulos, per quos in animam tuam, ex hoc fonte cælesti aquæ Diuinorum donorum derivantur. Tot enim sunt isti riuuli, quot sunt opera supernaturalia: hæc enim sunt innumera etiam extra vsum Sacramentorum, quæ vel te disponunt ad gratiam, quando ea cares, vel eam in te augent: & hic obstupescere Dei clementiam, qui tot tibi aperuit salutis vias. Age ex intimo affectu gratias, dole quod parè haurias tanta bona, & te emenda.

Quartum Punctum. Considera causas ob quas per tot annos hauriens tot vias aquas ex fonte hoc salutari, animam tamen tuam vel non, vel parum crescere cernis in mundicia cordis; hoc est in paucitate & raritate peccatorum, item in pulchritudine & nitore quem Virtutes adferunt, cum tamen corpus tuum aquis lutulentis ablutum mundetur, & statim nitidum red-

datur, & causis deploratis, eas submouere stude.

FERIA SEXTA.

Post Dominicam primam Adventus.

Messias est flos.

Primum Punctum. Considera Messiam esse Florem has ob causas. Quia gratum odore diffundit instar odoriferi floris. Odor hic est vita exemplaris, quæ vigeat in primis illis Christianis, de quibus dicebat Apostolus. *Bonus odor Christi sumus.* Hic ponderando Christi præcipuas actiones internas & externas, tenore pietatis gustu & spiritali odoratu, vide quàm gratum Deo, & Angelis & hominibus odorem spirauerint, & ad te factâ reflectione, vide quem odorem ex te Deus percipiat, præfertim ex orationibus tuis, & sermonibus tuis. Et deploratis defectibus tuis, excita desiderium imitandi hunc florem, vt Deus de te dicat: *Ecce odor filij mei, sicut odor agri cui benedixit Dominus.*

Secundum Punctum. Considera Messiam esse florem ob vim medicam quam habet, præstantiorem quàm vlli alij flores. 1. Quia quicquid erat in Christo, habebat vim salutarem mendendi; verba eius, contactus eius, sputa eius, fimbria vestimenti eius, & ipsa mors eius. 2. Quia non vni tantum morbo depellendo erat vilis, sed omnibus profus. Expecta ergo eum ardenti desiderio hunc florem salutarem, & cum datur tibi eius copia, præfertim in Sanctissima Eucharistia scias eo frui, & ab eo deriuare ea, quæ continet bona ad medelam morborum tuorum, & ornatum ac recreationem animæ tuæ.

Tertium Punctum. Considera causas ob quas non experiris in te curationem tuarum infirmitatum, vsu huius Floris tam frequentè; cum tamen minus efficacibus medicinis vitæ, morbos abigas corporales. Et causis agnitis, desiste eas coram Domino tuo, & submouere eas stude.

Quartum Punctum. Considera causas, cur huius iste non vocetur flos horti, sed campi, quod agnosces ex differentia horti à campo. Et elicitis pijs ex hac consideratione affectibus, eos ad morum reformationem dirige.

SABBATO.

Post Dominicam primam Adventus.

De B. Virgine. Ave maris stella.

Primum Punctum. Considera quàm mundus iste inferior, rectè vocetur mare, confertendo tempestates terrores, confusionem & pugnam

gnam pisciam, pericula damna, quæ mare adfert, cum rebus similibus quæ mundus habet; & ex singulis duos affectus decerpe. 1. Grati-
tudinis erga Deum, qui te ab his mundi malis eripuit per statum Religiosum. 2. Magnæ cautelæ in viuendo, ne a mundanis tentationibus quæ etiam Religiosos infestant, veluti in portu, demergaris, edoctus multorum Religiosorum incautum naufragiis.

Secundum Punctum. Considera in contrario sed bono sensu Religionem posse appellari mare, & quidem rubrum & quia vt mare caduera, sic illa malos & incorrigibiles eiicit, & propter alias prerogatiuas quas habuit mare rubrum, per quod Israelitas Deus saluauit, collatas cum spiritualibus prerogatiuis Religionis. Ideo ages Domino Deo frequenter gratias, quod te ad hunc statum vocarit, petesque ab eo, vt eius aquis semper abluat sordes tuas, & te securè vehat ad portum beatitudinis æternæ.

Tertium Punctum. Considera quomodo B. Virgo sit stella matris mundani respectu hominum in seculo viuentium, quibus vâria beneficia (quæ tu sigillatim numerabis & ponderabis) confert spiritualiter, similia beneficiis quæ adferunt hominibus stellæ suæ luce, virtute seu influxu & motu, quæ beneficia etiam tu dum esses in seculo percepisti. Pro iis ergo age gratias pete ne cesset benefacere, & vt quam plurimos & quàm aptissimos ex mundi mari trahat ad portum status Religiosi vocando.

Quartum Punctum. Considera quomodo B. Virgo sit stella in hoc mari Ordinis tui, reuocando in memoriam beneficia, quæ fecit fundatori tuo, & alijs Sanctis tui Ordinis, & alijs eius personis, eas ad illum quandoque miraculosè vocando, in eo liberando à tentationibus & peccatis, illustrando intellectum, mouendo voluntatem ad peccati odium, & virtutis amorem, & alijs modis: pro quibus gratias age, & pete, vt te quoque faciat instar stellæ lucere in gloria cœlesti.

DOMINICA SECUNDA ADVENTVS.

Messias est Brachium Dei.

Primum Punctum. Considera Messiam vocari merito Brachium Dei. 1. Quia per illum vt Deum, Deos Pater creauit omnia propter te, vt ijs vtereris non tantum ad subleuandas necessitates tuas multiplices, sed etiam ad ornatum, hilaritatem & recreationem tuam. Hic pondera Dei Patris & Brachij huius Liberalitatem qui tam multa fecit propter oblectationem tuam, sine quibus esse posses, & viuere commodè. Ideo gratias illi age ingentes, & vide an rebus per hoc brachium creatis, ita vtaris ad gustum Dei, sicut eas ille ad gustum tuum

creauit: si secus, dole, veniam pete & te emendare stude.

Secundum Punctum. Considera Brachij huius Potentiam in rebus creatis ob peccata hominum destructis reparandis. Hinc enim vt dixit discipulis Ioannis, per eum *cæci visum, surdi auditum, claudi gressum leprosi mundationem* alij alia beneficia percipiebant. Cum ergo Deus hoc brachio potenti te toties in Eucharistia pascat, exulta tantum boni particeps factus, eique tuas naturales miseras representa, & ita te gere, vt eius potentie fructum experiare.

Tertium Punctum. Considera Brachij huius assiduum liberalitatem in largiendo dona supernaturalia gratiæ. Ex hoc enim Brachio omnes Sancti ab initio mundi, ad hæc tempora perceperunt omnia quæcunque perceperunt, Martyres Constantiam, Virgines integritatem, Confessores vitæ sanctimoniam, alij alia. Cum ergo tam sæpè hoc brachium contingas, præfertim in commanione quid causæ est, quod nihil noui ab eo recipis quod antea non habueris? Hoc inquirere, & agnitis impedimentis quæ obstant ne experiare huius brachij liberalitatem, illa submouere stude.

Quartum Punctum. Considera Brachij huius vigilantiam, quam ostendit in defendendis suis à varijs hostium oppugnationibus, ne iis succumbant, imò vt gloriose vincant. Cum autem hoc brachium sit omnipotens & tibi præsto adsit, cur tam sæpè in leuissimis & superatu facillimis occasionibus te superari sinis, vel ab ira, vel à concupiscentia, vel à pigritia, vel à negligentia? Hoc cum dolore recogitans, accede ad degustandum hoc Dei Brachium in sacra mensa tibi præparatum, vt deinceps experiaris in te omnem eius efficaciam & liberalitatem.

FERIA SECUNDA.

*Post Dominicam secundam Adventus.**Messias est Hostia.*

Primum Punctum. Considera Messiam merito appellari Hostiam Deo oblatam in odorem suauitatis, quia omnia quæcunque in eo erant tum quoad substantiam, tum quoad accidentia, tum quoad actiones transeuntes eius, denique quoad omnia gratissimum sparsisse Dei Maestati odorem. Tu tua confer cum eius rebus, & visa dissimilitudine erubescere, desse, & corrige cum tamè sis huius capitis membrum.

Secundum Punctum. Considera Primum modum quo Christus Dominus fuit Hostia, scilicet satisfactoria pro peccatis tuis ac totius mundi, per sacrificium mortis suæ in ara crucis oblatum. Admirare Dei bonitatem, quia tale Sacrificium pro te inuenit; extolle eam arden-

ardentissimas age gratias peccata detestare que fuerunt causa mortis Christi, ut satisfactoris, & sancto odio contra te concepto, excita ardens desiderium satisfaciendi Deo pro tuis peccatis per opera pietatis.

Tertium Punctum. Considera secundum modum quo Christus fuit Hostia, scilicet in gratiarum actionem pro beneficijs diuinis oblata, idque miro affectu & rei pretiosissima, qualis erat Christi anima & corpus, & merita eius infiniti valoris. Considera ergo cursum sed non sine tenera ponderatione varia Dei erga te beneficia, & pro illis offer Diuinæ Maiestati hanc Sacrosanctam Hostiam in gratiarum actionem: quandoquidem meliorem non inuenies; & simul, quia res oblata infinitè perfecta est, pete à Deo remunerationem proportionatam muneri oblato, sitam in donis gratiæ & gloriæ æternæ.

Quartum Punctum. Considera Tertium modum quo Christus fuit Hostia: scilicet hostia Laudis; nam per eum eiusque actiones omnes & passionem summus honor in Deum derivabatur, ita erant perfectæ, ita sanctæ. Hic contemplare excellentiam huius multiplicis laudis, eamque admirare, & gustu interno gustare, & excita ardens desiderium, ita omnes tuas internas & externas actiones eliciendi, ut ex ijs quoque quàm maxima laus & cultus Diuinæ Maiestatis emanet; quod ut assequaris, id ardentè à Domino pete, & cum hac Sanctissima Hostia teipsum Domino offer.

FERIA TERTIA.

*Post Dominicam secundam Adventus.**Messias est Imago.*

Primum Punctum. Considera primum modum quo Christus Dominus Messias noster est Imago; scilicet, quia ut filius naturalis, est imago Patris æterni, ab æterno, & figura substantiæ eius, quia ab eo procedit ut verbum. In quâ ratione imaginis æternæ mentis oculos fige, considerans amore Dei Patris, qui ab æterno præparavit tibi obiectum pulcherrimum, quod beatifica visione post mortem aspiciendo, multò sine comparatione iucundius delectari possis, quàm soleant recreari oculi aspectu pulcherrimæ & mundissimæ imaginis. Vnde exardescere amore erga Diuinam Maiestatem quæ ab æterno fuit de tuo bono sollicita, ut tu discas redamare tantum amorem, & esse sollicitus de promovendo eius in te & in alijs gustu & gloria.

Secundum Punctum. Considera secundum modum quo Christus ut homo, est imago Patris per animam rationalem donis naturalibus & supernaturalibus exornatam, & experimentem

diuinas perfectiones, ac varias virtutes, quibus, sicut coloribus beata Christi anima fuit exornata. Tu confer animam tuam cum Christi anima, & quàm similis Deo sit & Christi imagini imago Dei in anima tua. Et visa multiplicitate deformitate, erubescere, desiste, & da operam, ut omnia quæ eam fæderant aboleas, exornesque quam plurimis virtutibus.

Tertium Punctum. Considera Tertium modum quo Christus ut homo, est imago, scilicet idæa & exemplar propositum ad imitandum omnibus qui Sancti esse volunt. Quare discurre per præcipua Christi actiones in quibus depingitur exemplar vitæ eius sanctissimæ. Admirare eius pulchritudinem, magnam opinionem concepe de Christi sanctimonia & desiderium imitandi hanc imaginem cum sis eius membrum.

Quartum Punctum. Considera, quomodo imiteris in tuis moribus Christi exemplarem imaginem, conferendo actiones tuas cum actionibus eius. Quæ res dabit tibi materiam confusionis dolorisque, & occasionem præbebit ad annotanda præcipua quibus te reddere possis Christo simillimum & eandem imago quædam Christi in terra, sicuti magis Sancti fuerunt Christi quædam imagines, aliqui etiam miraculosè ostensi Christi faciei similes, (viti S. Catharina Senensis) alij cum Christo crucifixi, vti quidam Cistercienses.

FERIA QUARTA.

*Post Dominicam secundam Adventus.**Messias est Magister.*

Primum Punctum. Considera Excellentiam huius Magistri, quæ in eo fuit maior omnibus magistris, spectato modo quo doctrinam suam hausit eoque multiplici spectato sine ob quem eam habuit: modo quo eam tradebat, spectata denique infallibilitate eius doctrinæ. Vnde æquum est, ut ita credas Christo docente, itaque eum audias, saltem sicut soles credere alicui doctissimo viro, dum te docet aliquid summè necessarium, quod certò scis & probè esse ei perspectum.

Secundum Punctum. Considera Doctrinam quam Magister iste tuus tradidit è celo per suos Patriarchas & Prophetas ante suum in carne aduentum, & quàm bonos olim haberit Discipulos, factis experimentes eam doctrinam, vti fuit Moyse, Abel, Iosephus, Abraham, Elias, Helisæus, Ezechias, septem Machabæi cum Matre, Tobias, Iob, alijque, & vide an tu, qui illis debes esse doctior & melior, (quippe cum existas in Nouo Testamento quod in melioribus re-promissionibus sanctum est, vti ait Apolto-

lus Hebr. 8. 6. saltem sis tam bono, ut discipuli legis veteris fuerunt, applicando præcipuas horum Sanctorum virtutes, quæ tamen in te ob maiora quæ habes motiua debent esse insignes magis, idè erubescere, & re-emenda.

Tertium Punctum. Considera Doctrinam huius Magistri in carne assumpta tradita, & modum quo eam tradidit, scilicet exemplo & verbo, viuens & moriens, tacendo & loquendo, domi & foris: & renocatis in memoriam aliquibus eius doctrinis, vide an ijs credas credis autem, si factis id ostendis quod docuit. Doctrinas autem has potissimum pondera: *Archa est via qua ducit ad vitam, & pauci ingrediantur per eam. Qui non odit animam suam, non potest meus esse discipulus. Multi sunt vocati, pauci electi. Qui se humiliat, exaltabitur: & qui se exaltat, humiliabitur. In patientia vestra possidebitis animas vestras.*

Quartum Punctum. Considera circumstantias Magisterij Christi, quando cepit docere, quamdiu docuit, quibus in locis, an cum artificio & sine, & similia quæ solent in profanis doctrinis spectari. Et ex singulis decerpe aliqua documenta pro morum tuorum reformatione.

FERIA QUINTA.

Post Dominicam secundam Adventus.

Messias est Medicus noster.

Primum Punctum. Considera Messiam venturum, esse Medicum nostrum ratione Diuinitatis & Humanitatis. Ratione Diuinitatis quidem, quia Diuinitas est primus fons omnium bonorum, omnium remediorum mentibus corporibusque nostris salutem adferentium. Et quidem fons talis, qui nunquam exhauriri potest: & qui continet in se, ad omnes morbos fugandos medicinas plures omnino, quam sint actu in deprauatis etiam hominibus, & maximè improbis morbi. Cum ergo sis multis vel affectus vel saltem obnoxius malis, gaude aduentare medicum tam potentem, ideoque eum desidera, & ad eum excipiendum te para: & interim offer Patri aeterno omnes morbos tuos, rogans, eos ut velit efficaciter sanari per venturum Messiam.

Secundum Punctum. Considera Messiam etiam ratione Humanitatis esse medicum tuum, quia per actiones & passiones in carne assumpta exhibitas promeritus est applicatione omnium medicinarum tibi necessariarum, quæ ex fonte Diuinitatis deriuantur. Idè excita in te tenerum affectum pietatis, erga Christi Humanitatem, tanquam offerentem tibi omnia beneficia Diuina, & felicem te reputans quod eum tam sapè in Sanctissima Eucharistia possis suscipere, & da operam ne sine fructu pro-

Lancicij Opus. Tom. 2.

portionato tanto medico eam recipias.

Tertium Punctum. Considera modum quo Medicus iste cælestis offert & applicat sanandis tuis morbis remedia. Ex parte enim sua nõ alio pharmaco vel unguento te sanat, quam sanguine proprii corporis sui, violentè in ara Crucis expresso. *Cuius tuore inquit S. Petrus sanatus sumus. Quis vnquam Pater tanto affectu pro salute filij venas aperuit: animam effudit: & quamuis effudisset aliquis, non effudisset tam pretiosum sanguinem & animam, ut est sanguis & Anima Christi. Obstupescere ergo tantam beneficentiam ponderans, & ardentissimo amore eum redamare stude.*

Quartum Punctum. Considera quid velit ex parte tua ut fructu eius medicinæ potiariis. Duo vult, ut Sacramentis potissimum duobus Penitentia & Eucharistia, debito modo utaris. 1. Ut mundam habens ab omni peccato mortali, & deliberato veniali conscientiam, opera bona supernaturalia frequentes. Quod an, & quæ par est diligentia facias, perpende & corrigenda corrige.

FERIA SEXTA.

Post Dominicam secundam Adventus.

Messias est Lapis.

Primum Punctum. Considera Messiam esse Lapidem viuum, ut eum S. Petrus appellat: Lapidem quidem, quia est fundamentum Ecclesie, primarium eam sustentans, ne quicquam à portis inferi patiatur, viuum verò quia est fundamentum Ecclesie ratione prædita, scilicet suorum fidelium, quibus communicat vigorem Spirituales vitæ per gratia dona quæ eis largitur: quorum vfu crescunt in Spirituali vita. Hic Deo age gratias, quod sis vnus ex Ecclesie membris, superædificatus huic lapidi angulari, & pete ab eo, ne vnquam auellaris ab hoc ædificio, & vide quomodo utaris influxu vitali donorum Dei quæ tibi communicat, quod inde agnosces, si crescis, & incrementum vides vitæ & profectus Spirituales.

Secundum Punctum. Considera te esse lapidem superædificatum huic lapidi primario, & cum alijs fidelibus constituere hoc ædificium Spirituale, esseque in eo tanquam partem integram. Hic considera conditiones lapidi necessarias, qui est pars ædificij, ne ædificium diruatur, & ut illud adiuuet, scilicet vnionem cum alijs lapidibus, ut suo loco non moueatur, velitque in altum se transferre, ut sit integer re & Spiritually ad te applicando singula, vido ut corrigas si quid sit corrigendum.

Tertium Punctum. Considera lapidem istum angularem fuisse reprobatum & reiectum à Iudæis ex quibus constabat vetus ædificium Synagoge, nunc autem in ædificio Ecclesie col-

M m lecta

lecte ex gentibus factam esse, in caput anglii. Si ergo, Deus ipse in forma serui apparetis, à creaturis suis, à Principibus Ecclesiasticis, & Politicis tui causa reprobatus fuit, cur conturbaris, si non Dei causa sed, ob tua peccata contemnaris, vel patiaris aliquid ab hominibus, eū & lapis iste summus, sit te infinitis partibus præstantior, & tua quotidiana, saltem peccata ventalia, maiores pœnas mereantur.

Quantum Punctum. Considera lapidem istum esse nonnullis lapidem offensionis, & petram scandali his nimirum, qui nō credunt in eum, & secundario his, qui et si speculatiuè credunt in eum vt Deum, practicè tamen non credunt eum esse veracem; tum quia consilia eius & monita non exequuntur, tum quia, præmiâ æterna ab eo promissa & parata mentis desiderant, & curant, quàm consolatiunculas mundanas. Tu an eorum sis è numero vide, & si quid emendandum sit, emenda.

S A B B A T O.

Post Dominicam secundam Adventus.

De Beata Virgine, Dei Mater Alma.

Primum Punctum. Considera excellentiam B. Virginis inde ortam, quod res quædam Dei sit, ad Deum, peculiari modo spectans; ob hęc enim respectum omnia alia, etiam ratione carentia, habebant olim peculiarem excellentiam, & nonnulla etiam venerationem. Reuoca in memoriam locum illum in quo rubus ardens incombustus apparuit (quem ne à Moyse quidem Deus pedibus tectis calcari voluit) Arcam Dei, Tabernaculum fœderis, vasa Sanctuarij, Altaria, Sancta Sanctorum, Montem in quo Deus Moysen allocutus est & legem tradidit. Et consideratis circa singula eorum excellentijs; & cum B. Virginis excellentia maiore, vel simili collatis, decerpe aliquem fructum spiritualem partim in admirationem & laudem huius Virginis, partim in morum tuorum emendationem.

Secundum Punctum. Considera Maternitatem Virginis Beatæ collatam cum partu suo, scilicet Christo Homine, qui in persona erat etiam Deus verus, creator Matris suæ, & respectu huius Filij, quanta fuerit dignitate prædita pondera, reuocatis in memoriam miris excellentijs hominum inde profectis, quia erant & vocabantur à Scriptura, homines Dei, serui Dei, amici Dei, filij Dei, non naturales vt erat filius Mariæ sed adoptiuus per gratiam iustificantiem facti talis. Si ergo illi ob respectum ad Deum, tam multa dona habuerunt, tam mira patrarunt, quãto magis credendum est B. Virginem ob maternitatem suam respectu tantij filij fuisse plenam donis maioribus, & maiora

illis vel fecisse, vel facere potuisse, si voluisset, & si fuisset necesse. Vnde excurrere in laudes eius & Dei, qui ita illam ditauit, gratias ei age pro hac liberalitate erga suam Matrem, & pete vt illa, communicet tibi micæ cadentes de mensa sua, profuturas & menti & corpori tuo.

Tertium Punctum. Considera modum quo Maria Sanctissima erat Mater Dei eumque quadruplicem. 1. enim erat Mater sine opera vilius alterius creaturæ. 2. Mater erat salua virginitate. 3. Mater erat, Spiritus S. peculiari influxu, supplente quod deerat ad eursum ordinatum maternitatis. 4. Sine viliis molestijs que maternitatem ordinariam antecesserunt & consequuntur. Vnde puro animi intuitu considera quomodo Deus Filium suum in carne nasciturum ex Virgine Sanctissima voluit esse mundum, vt ne extrinsecos quosdam re ita dicam, humana fragilitatis & infirmitatis nauos admiserit ad conceptum & ortum filij sui in carne; & si id esset, potuisset sine vili nauo peccati, imò cum ingenti merito, quantum ex altera parte, in tot alijs rebus & milerijs eundem filium suum humiliari & indignè tractari permisit: Hinc agnosce, quantum munditiem à nobis exigit Deus, & quam velit vitari à nobis, omnem etiam remotissimam speciem omnis impuritatis, qui tantam puritatem etiam extrinsecam filium suum habere voluit. Considera ergo, Homilia te profundissime, deplora sordes tuas & multiplicem fecditatem, & à quibus in posterum cauere debeas diligentissime annota & fuge.

Quantum Punctum. Considera ius quod Beata Virgo habet in nos, eam ob causam quod sit Mater Dei. Exigit enim à nobis tantquam Dei Mater obsequium & amorem, vtrumque in gradu maiore quàm vlla alia persona creata, quia omnem superat sua maternitate, & inde ortâ excellentiâ. Introspece ergo te an tali obsequio colas Matrem Dei & priuatim, & publicè in ijs occasionibus quæ se tibi offerunt, an etiam tali amoris affectu eam prosequaris quantum est in te qui sit proportionatus tantæ eius excellentiæ, & in quod habet in te, & quæ sunt corrigenda de te & corrige.

DOMINICA TERTIA ADVENTUS.

Messias est clamans in deserto.

Primum Punctum. Considera merito à S. Ioanne Baptista Messiam coram Iudæis appellatum esse *Clamantem in deserto*. 1. Quia postquam publicè apparere cepit triginta annos natus, perpetuè reliquum vite tempus in prædicanda Euangelij doctrina traduxit, non vni

uni loco affixus, sed lustrans varias vrbes, opida, castella, omni generi hominum proponens suam doctrinam, idq; cum vi & efficacia magna sermonis. Vnde tu qui sectator esse Mellis vis, ad hoc te resolvere debes, ne otio deditus, in angulis te occultes, sed totam vitam quando à Superioribus applicaberis ad auxilium animarum, traducas in tradenda externis rerum necessitatum doctrinâ, siue in Scholis, siue in templis, siue alijs in locis. Cuius rei & utilitate ex parte tua, & necessitate ex parte secularium ponderatâ, ad eam te vehementer accende.

Secundum Punctum. Considera occasiones in quibus ille clamans in deserto, voce clamosa vsus est. I. enim verba illa clamans dixit Luc. 8. *Qui habet aures audiendi, audias* narratâ parabolâ feminis sparsi secus viam, supra petram, & inter spinas. II. Clamavit iterum in templo: *Et me scitis, & vnde sum scitis.* Io. 7. III. Clamavit ibid. *Si quis sitit, veniat ad me & bibat.* IV. Clamavit magna voce: *Lazare veni foras* Io. 11. V. Clamavit dicens Io. 12. *Qui spernit me & non accipit verba mea, sermo quem locutus sum iudicabit illi in nouissimo die.* VI. In Cruce magna voce clamavit: *Deus meus, Deus meus, vt quid dereliquisti me.* Matth. 27. vii. Clamâs voce magna, *Pater in manus tuas commendo spiritum meum, exspirauit.* Quæ pondera: non enim sine causâ Christus Dominus vsus est clamosa voce in his proferendis, & ex singulis decerpe aliquem fructum Spiritualem pro motum tuorum institutione.

Tertium Punctum. Considera modos quibus clamabat hic clamans in deserto, non enim tantum voce sed etiam exemplis clamabat, & præsertim sanguinis pretiosissimi effusione, quem Apostolus ait *melius clamasse quam sanguinem Abel.* Gratias ei age pro his clamoribus, quibus te ad viam cæli reuocat. Et vide quomodo eum audias ita clamantem.

Quartum Punctum. Considera cur mundus vocetur desertum, in quo Christus clamat, consideratis deserti proprietatibus, mundoq; applicatis: & è contra, contrarijs conditionibus vitæ Religiosæ, pro qua Deo gratias age, & ita viuere stude, vti decet florem in horto Dei, eiusdem manu seminatam vel plantatam.

FERIA SECVNDÆ.

Post Dominicam tertiam Aduentus.

Messias est Vitis.

Primum Punctum. Considera Messiam esse Vitam veram. I. In se, quia vt Vitis exterior nullam habet speciem oculis gratam, sed quo est antiquior & fecundior, eò est magis horrida & aspera, ita Christi Domini vita exterior sine specie fuit, mundi oculis non accepta, sed

Lancicij Opus. Tom. 2.

innuisa potius. Ideo se vocat *vermem non hominem, opprobrium hominum, & abiectiorem plebis.* Tu confer vitam tuam, delicatissimas, fucos, desiderium placendi hominibus, & deploratis sensualitatis tuæ & superbiæ coloribus, Christi vitæ, rudi simplicitate te conforma.

Secundum Punctum. Considera Christum esse vitam, respectu nostri. Quia sicut vitis palmitibus largitur succum vitalem ex quo vuarum botri prodeunt, ita Christus membris suis dona gratiæ communicat. Hic extolle Christi beneficentiam, gratias age, modos quibus ea largitur tenero cum affectu recente, & quod tam parum per tot annos participaueris ex eius influxu, desle.

Tertium Punctum. Considera causas ob quas tam paruum in te experiris influxum ex hac vite Spiritualium donorum, quod agnosces, ex paruo tuo vel nullo profectu in vita spirituali. Causis autem cognitis eas remouere stude.

Quartum Punctum. Considera graue malum quod hæc vitis minor malis palmitibus. *Omnem palmitem in me non ferentem fructum tollet eum, & è contra, & omnem qui fert fructum, purgabit eum, vt fructum plus afferat.* Tu factâ ad mores tuos reflexione, vide, qualis sis palmes, & vt fructum feras assidue da operam, adductis motibus, quæ te ad id excitare possunt, scilicet utilitate, necessitate, incunditate, honestate, quæ est in copioso fructu.

FERIA TERTIA.

Post Dominicam tertiam Aduentus.

Messias est Sapientia æterna.

Primum Punctum. Considera Messiam venturum, quod naturam quam habuit priusquam appareret in carne, esse æternam Dei Sapientiam, quæ omnia non tantum præterita, præsentia & futura, sed etiam quæ fieri possunt, vel poterant, vel poterunt nouerat tam distinctè & tam perfectè, ac si vnâ tantum rem nosset clarè & distinctè ac intimè, nullâ re occultatâ, nullâ obscure cognitâ. Inter hæc autem obiecta scientiæ, quæ erat in hac Sapientia diuinâ, sunt ab æterno cogniti omnes prædestinati ad gloriam cœlestem, idque per firmam & immobilem notitiam eorum in memoria diuina, quam S. Thomas appellat *Librum vitæ.* Hic humili & valdè reuerenti affectu siste te ante hanc Sapientiam Diuinam, tanquam pauperculus, & infirmus, & vulneratus, ardentè eam rogans, vt te quoque inscriptum esse velit in hunc librum cœlestem electorum. Et quia vt ait Sanctus Gregorius Prædestinatio iuuatur orationibus, hoc sæpè

M m m 2 &

& ardentem, tum nunc, tum deinceps pete, & piis moribus cooperate, ut vitas semper more electorum.

Secundum Punctum. Considera intra obiecta huius Sapientiae Divinae, esse omnia peccata tua praeterita, praesentia & futura, quae cum ex se adeo sint foeda, & non digna ut tam pura Dei Sapientia illa intueatur, da operam, ea vel non videat (& ideo ea diligentissime fuge) vel ut videat deleta, quocirca dolo de peccatis, satisfactorijsque operibus totum te da, optando ad expianda peccata aduersitates, easque requo animo tolerando, & difficilia opera ac poenalia pro Dei amore frequentando, quod an & quomodo facias, vide, & quia tua res agitur, salutis tuae negotium saltem ea diligentia procura, qua soles vel studia, vel illas res curare, ex quibus humanus applausus & hominum commendatio sequi solet.

Tertium Punctum. Considera modum quo haec diuina Sapientia homines cognoscit: quosdam enim cum gustu & consolatione, alios cum odio & detestatione, hos magis, illos minus, pro diuersitate demeritorum & meritorum. Te qualem agnoscit & spectat, considera, & ut cum gustu te intueatur, da operam, & quid ad hoc sit opus, inquire.

Quartum Punctum. Considera hanc Dei Sapientiam non tantum esse speculatiuam sed etiam practicam, & scire ac suppeditare modos practicos per quos salutem consequuntur electi. Tu examina te, an recipias eos ab ea docente te per S. Scripturam, per superiores, per libros spirituales, per bonos socios, per internum conscientiae magisterium. Et corrigenda corrige, mature, ne aberres a via salutis.

FERIA QUARTA.

Post Dominicam tertiam Aduentus.

Messias est Adonai, seu Dominus.

Primum Punctum. Considera Messiam esse Dominum, non factum ab alio domino, nec habere suos maiores descendentes a persona aliqua quae non fuerit Dominus, ut descendunt omnes Reges a primis parentibus agricolis & hortulanis, saltem paradisi, sed ex natura sua innatum sibi habere summum Dominatum, quocirca carere non potest, omni bono potentiaque cumulatum. Quocirca latari debes te personam tam insignem habiturum cui seruire debeas. Sicut ergo Aulici qui habent bonum, & liberalem, & potentem Dominum, libenter versantur in eius curia, ita tu lateris, quod sis in curia huius Domini, & caue ne ex ea pellaris. Ad quod num occasionem praebes, num te disponas, vide & noxia relica.

Secundum Punctum. Considera liberalitatem

huius Domini, qui tibi omnia profus suppeditat, & quae intra te sunt; & quae extra, imo & te ipsum fecit, & tibi dedit, ut viuere creaturam tam ampla praemia consequaris ei seruando, quam ampla vis. Admiratione beneficentiam hanc; gratias age, excita te ad desiderium maiorum eius praemiorum, & ad media per quae ea consequaris, quae sunt multa bona supernaturalia facere, & multa mala bene tolerare.

Tertium Punctum. Considera facilitatem assequendae magnae gratiae apud hunc Dominum, non enim per opera heroica tantum, non tantum per difficilia (vix contingit in obsequijs Regum terrenorum) gratia huius Domini haberi potest, sed per leuissima per facillima, per vnam pium suspitium hominis iusti, per breuissimum reuerentiae, vel amoris, vel alterius virtutis actum. Si ergo Aulici terreni scirent, certe se posse per tales actus crescere in gratia suorum Principum; o quanto petere illos frequentarent, o quam feruenter Tu, qui gratiam Domini huius terrenam multo maiorem & vtiliorem quaeris, cur adeo signis es in bonis actibus: Erubescas, & te corrige.

Quartum Punctum. Considera finem quem in obsequijs tuis praetendit iste Dominus, non enim quaerit suum commodum, ut quaerunt Principes mundani, sed bonum tuum in hac vita & in altera: & bonum tuum tantum facit, ut illud reputet tanquam bonum suum, proprium, ut ita te magis excitet ad quaerendum bonum tuum. Cur ergo bonum tuum non quaeris audere, assidue, ardentem praestitum cum tibi offerat omnia necessaria auxilia interna & externa. Consule rebus tuis.

FERIA QUINTA.

Post Dominicam tertiam Aduentus.

Messias est Radix Iesse.

Primum Punctum. Considera Messiam natum ex familia David, fuisse tamen ratione Diuinitatis radicem ex qua creuit ipse David, imo totum humanum genus, cui Messias vita initium & incrementum largitus est ante suam in carne apparitionem. Vnde merito non tantum Iesse sed omnes Iusti sunt quaedam arbores ex hac Messiae radice procedentes. Admiratione dignationem huius Messiae, qui non deditur esse radix te producat, & vitam, & folia, & fructus tibi suppeditans. Gratias age, & cum toga, ne te vnquam a se auelli vel abscindi sinat.

Secundum Punctum. Considera Suauitatem qua radix ista communicat suos influxus vitales surculis & virgultis ex se procedentibus. Facit

Facit enim hoc insensibiliter, ita vt nemo aduertat: facit sine coactione, quia liberum non cogit arbitrium: offert quidem gratiæ suæ influxus inuitis & indignis, expectat tamen consensum nostram, vt inde laudem consequamur, eâ verè indigni. Gratias age huic S. Radici pro tanta dignatione, inculca tuam resistantiam quam ostendis in refutando eius influxu, & pete, vt vincat duritiam tuam, & ad id tu quoque cooperare.

Tertium Punctum. Considera copiam influxuum vitalium, quam habet Radix ista. Est enim inexhausta. Hinc omnes Sancti quorum sunt tot millia in cælo, hauserunt bona omnia. De plenitudine eius, inquit S. Ioannes, nos omnes accepimus, & adhuc plena est radix ista suis, quæ communicat, bonis, nil ei decessit. Cum ergo in tuo arbitrio Dei gratiâ fretum positum sit, tantum haurire quantum velis, opta sancta auaritiâ quam plurimum attrahere influxuum vitalium gratiæ, ex hac radice. Quod vt facias aliquibus motibus ad hoc desiderium te excita, & ea huic sanctæ radici offer.

Quartum Punctum. Considera causas tum remotas tum proximas, quæ auellunt virgulta ab hac radice, vt auulsa putrescant & comburantur: scilicet peccata venialia & mortalia, quæ an & quo conatu fugias, vide, & ne auellaris ab hac radice in ignem æternum deturbandus satage, fugiendum etiam peccata venialia quæ disponunt ad mortalia vt patet experientia, & docet S. Thomas.

FERIA SEXTA.

Post Dominicam tertiam Aduentus.

Messias est Clauis David.

Primum Punctum. Considera Messiam esse clauem David, primò, quia factus est secundum carnem ex sanguine Beatissimæ Virginis, quæ erat ex familia David. Hic causas inquite, cur Christus suam carnem ex David familia sumere voluerit, considerando virtutes quibus præcipuè David enituit, ob quas ita Deo placuit; vt ad eorum amorem accendatis, & spem concipias in te quoque spiritualiter nasciturum Messiam, si fueris similis Davidi. Cuius heroicæ virtutes discas, tum ex iis quæ de se in Psalmis præcipuè quoad Dei adentem amorem, cultum, & rerum eius gustum cecinit, tum ex modo quo se cum suis inimicis gessit, tum ex zelo promouendi apud alios Dei cultum.

Secundum Punctum. Considera secundò, Messiam esse Clauem David, quia per illius gratiam David aperuit sibi portam, per quam ex potestate Dæmonis eualit, à quo ob admissa peccata captiuus tenebatur. O quoties te hæc

Lancij Opusc. Tom. 2.

clauis iuuat, vt à seruitute simili profugeres. Gratias age clauis isti, & caue ne iterum ocludatis, & modum euadendi iusto Dei iudicio non inuenias.

Tertium Punctum. Considera tertio Messiam esse clauem David, quia David per hanc clauem aperuit sibi thesauros Dei, & in illis hausit illa dona Diuina ob quæ ab ipso Deo appellatus est *vir secundum cor suum*. Hic pondera præcipua bona quæ in Dauide erant, siue in primo puncto considerata, siue alia, præsertim his versiculis expressa. *Deprecatus sum faciem tuam in toto corde meo. bonum mihi lex oris tui super millia auri & argenti. Lex tua, meditatio mea est. In æternum non obliuiscar iustificationes tuas. Quomodo dilexi legem tuam Domine, totâ die meditatio mea est. Ab omni via mala prohibui pedes meos. Dulcia faucibus meis eloquia tua, super mel ori meo. Omnem viam inquam odio habui. Vidi preuaricantes & rabsesebam, quia eloquia tua non custodierunt. Detrahentem secretò proximo suo, hunc persequerebar. Cum superbo oculo non edebam. Ambulans in via immaculata hic mihi ministrabat. Hæc & similia pondera cum reflexione ad mores tuos, & ad ea te accende, vt per hanc clauem, tu quoque inuenias in Dei thesauris multa bona.*

Quartum Punctum. Considera quartò, Messiam esse clauem David, quia David per hanc clauem aperuit sibi cælum, in quo nunc regnat beatus. Sola enim hæc clauis cælum aperit Electis. Ideo gaude aduentare clauem tam saluiferam, & eam possidere stude, & fuge ea, ob quæ illa absconditur vel perditur.

SABBATO.

Post Dominicam tertiam Aduentus.

De Beatissima Virgine. Semper Virgo.

Primum Punctum. Considera Excellentiam virginittatis in omni sexu, ponderatâ eius similitudine cum Angelis, imò maiore quadam excellentiâ quàm sit in Angelis, ob maiorem eius difficultatem in carne tot obnoxia corruptelis: ponderato item eius præmio & essentiali & accidentalibus in cælis, Dei gustu, quem erga tales ostendit. Vnde exardescas in amorem huius virtutis, & desiderium Angelicæ puritatis, in perfecta mentis & corporis munditia, deploratis rebus contrariis.

Secundum Punctum. Considera B. Virginem hac excellentiâ non caruisse, sed eam in perfectissimo gradu habuisse, ante partum, in partu, & post partum. Ex altera parte colloca te coram oculis huius Sanctissimæ Virginis, tam longe ab ea diuersum, tot sceditibus, si non peccatorum, saltem tentationum & cogitationum inquinatum, & magnâ confusione ac sensu animi defle. infelicitatem tuam, & ani-

M m 3 mo

mo ardenti assurge ad consequendam aliarum virtutum excellentiam, quibus compenses defectum huius excellentiæ virginalis, si ea cares, & quam saltem non habes æqualem virginitati Mariæ.

Tertium Punctum. Considera quibus modis viisque B. Virgo, & quam sollicitè ac studiosè conseruare studuerit suam virginitatem & puritatem: & inquire an tu, qui magis egres tali custodiâ, ita tui curam geras. Annota igitur ea, in quibus deinceps alterum hac in parte præstare te debeas, diligentiorumque custodem tui thesauri.

Quartum Punctum. Considera causas cur Christus Dominus noluerit nasci ex non Virgine, & voluerit etiam post se editum in lucem, Matrem suam Virginem remanere ad mortem. Et hinc decerpe varia incitamenta, ad hanc virtutem, saltem in gradu imperfectiore conseruandam & augendam: desletis amarè iis omnibus quæ hunc Angelicum ac cælestem florem in te vel corruerunt, vel macularunt.

DOMINICA QVARTA ADVENTVS.

Messias est Oriens splendor lucis æternæ.

*Nu. 24. 16.
Luc. 1. 78.*

Primum Punctum. Considera Messiam meritò in scriptura appellari, Orientem, quia perpetuo ab æterno sole, Deo Patre, generatur, & ab eo per non interruptam generationem æternam, procedit & oritur, tanquam lumen de lumine, Deus verus de Deo vero, idque non diuersam, sed eandem prorsus numero naturam Diuinam hauriens ex Patre, quæ est in ipsa persona Patris. Hoc, quia capere non potes eo modo quo est in se, obstupescere, extolle Maiestatem miram huius Diuini ortus, & in hoc ortu æterno & perpetuo huius Dei orientis, cum pio & grato affectu, rudi licet mineruâ, pondera id quod docent Theologi cum S. Thoma Patrem æternum illa cognitione quâ producit, & ex sua substantia oriri facit Verbum æternum seu Filium suum, cognoscere non tantum essentiam suam, sed etiam creaturas omnes, ac proinde, dum iste Oriens à Patre Filius, ab æterno per eius cognitionem oriebatur, & tu eras obiectum huius cognitionis. Imo hoc Verbum ab æterno ex Patre ortum, non tantum Patris æterni expressiuum erat, sed etiam creaturarum, ac proinde tui. Hoc obscurè licet apprehendens, extolle ac lauda tam antiquam tui necdum existentis memoriam, & cum ora, vt te cognoscat, non eo modo quo etiam malos cognoscat, sed eo modo, quo sibi caros, scilicet, cum affectu efficacis benevolentiæ. Ideo opus est, vt id ex parte tua procures, quo per eius gratiam ita ei placere possis.

Secundum Punctum. Considera Messiam in

carne passibili, meritò vocatum esse Orientem quia perpetuo in illo oriebatur: noua & nouæ actiones summè meritorie eorum bonorum quæ nobis promeruit. Vnde meritò dixit de se: *Ego quæ placita sum ei, scilicet Deo Patri facio semper.* Hoc expendens, & gratias Deo agens, qui tam copiosam inuenit tui redemptionem eum imitari stude in hoc, vt sine intermissione quantum fieri potest, ex te oriantur opera meritoria, per quæ angatur in te gratia, & ius ad gloriam: Quod autem facias, vide, & vt facias, à Deo sape & ardentè pete.

Tertium Punctum. Considera Messiam in carne immortalè esse Orientem, quia è celo illuminat omnem hominem venientem in hunc mundum producendo in eo maius ac maius lumen (dummodò non obstat) eo modo, quo sol oriens producit maius ac maius lumen, donec ad meridiem accedat. Tu inquire, quomodo excipias diuinas illustrationes, quibus te auocat ab imperfectiõibus, & ad perfectionem maiorem ac maiorem vocat, & obstacula earum amoue.

Quartum Punctum. Considera Messiam in celo esse Orientem erga Beatos, quia eos sua præsentia recreat, vt sol mundum luce sua, quia vt dicitur Apoc. 21. cælum non egebit sole neque Luna vt luceant in illo, quia lucerna eius est Agnus. Si ergo aspectus huius solis est tam gratus, quid erit huius Orientis in celo aspectus? Hunc desiderata ardentè, & vt eo sis dignus, labora.

FERIA SECVNDÆ.

Post Dominicam quartam Adventus.

Messias est Rex Gentium.

Primum Punctum. Considera Messiam, etiam fuerit Rex Iudæorum, magis tamen esse Regem gentium, quia eas ad Ecclesiam suam vocauit, relicta ingratis Iudæorum Synagoga. Hic age magnas ei gratias pro beneficio hoc, quod sis membrum Ecclesiæ gentium. Ex altera parte time ne deseraris ab eo. Si enim Synagogam illam tot suis beneficiis olim illustratam deseruit ob eius ingratiudine, cave ne te eandem ob causam deserat. Et quia nemo ferè repente fit ita malus, vt deserit mercurus per subtractionem efficacium gratiæ auxiliorum, vide ne sensim deuenias ad eum statum, qui te beneficio salutis, quod est in Ecclesiæ gentium, reddat indignum.

Secundum Punctum. Considera Messiam, etiam fuerit Rex Iudæorum, hoc regnum supra gentes non alio modo esse assecutum, quam per sui sanguinis effusionem: si posuerit pro peccato animam suam, inquit Isaias cap. 53. videbis semina.

longauium, & voluntas Domini in manu eius dirigetur. Cur ergo, refugis molestias, etiam minimas? Cur in omnibus voluntatis tue oblectationem prensas? Recogita illud: *per multas tribulationes oportet intrare in Regnum Dei.*

Tertium Punctum. Considera Messiam regnandi modum potius contrarium aliis Regibus, quia in paupertate, in incommodis, sine comitatu, sine fastu, sine officiis speciosis, sine auxiliis terrenis regnum suum administravit. Vno verbo, in summa paupertate & humilitate. Vt tu discas has duas virtutes vehementer colere & opere monstrare, quod quomodo facias vide, & defectus contrarios abigere stude.

Quartum Punctum. Considera quomodo letitias & obediatis huic Regi Gentium iis in rebus, quas tibi vel vitandas vel faciendas, primo, per sacram scripturam, secundo, per SS. Libros, tertio, per Superiores, quarto, per internas inspirationes praescribit; & defectus multis tuis defectibus, (his praesertim quae ex animi plena deliberatione oriuntur) & deinceps ei feruere fideliter & obedire stude.

FERIA TERTIA.

Post Dominicam tertiam Aduentus.

Messias est Emanuel, nobiscum Deus.

Primum Punctum. Considera Primum modum quo Messias est nobiscum, videlicet ratione intimae praesentiae, quam ut Deus per suam immensitatem habet, omnibus creaturis intimus praesens, quam vix res alia. Hinc cognosce, quam debeas esse purus in internis & externis omnibus actionibus tuis, ne oculos tam intimi Domini tui offendas. Examina ergo te quomodo te geras, & assuesce ita sancte operari omnia, quomodo operareris, si oculis corporeis cerneres praesentem Deum.

Secundum Punctum. Considera secundum modum quo Messias est nobiscum, videlicet ratione Humanitatis nostrae sibi unitae personaliter. Agnosce hinc tuam dignitatem, ob afinitatem naturae humanae cum Rege caeli & terrae, & vide ne vitam tuam minus proba, quodammodo pudorem iucutias affini tuo tam sancto & tam excellenti, & si quid eiusmodi est resecta quam primum.

Tertium Punctum. Considera Tertium modum quo Messias est nobiscum, scilicet per unionem Sacramentalem sub speciebus panis & vini, in SS. Eucharistia ad tuam refectionem semper parata & obuia. Agnosce beneficij magnitudinem, gratias age, & vide quomodo fruaris & frui debeas tanto bono, & pro eo gratus esse.

Quartum Punctum. Considera Quartum modum quo Messias est nobiscum, per praesen-

tiam suae supernaturalis imaginis, hoc est, gratiae iustificantis, in anima inhaerentis. Huius signa an in te sint vide, huius impedimenta an habeas circumspece, ut & tollas si quae sunt, & in ea gratia crescere semper coneris, ut ita quam simillimis euadas Messiae tuo in altissimo gloriae gradu, propter honorem illius quam maximum, & Daemones inimici eius confusionem & dolorem, & Christi meritum splendorem & effectum copiosissimum.

FERIA QUARTA.

Post Dominicam quartam Aduentus.

Messias est Donum Dei.

Primum Punctum. Considera Messiam esse Donum Dei primo, quia est omnium perfectissimum, nihil enim unquam Deus communicauit creaturis suis aequè excellens. Gratias ei age pro tam effusa liberalitate, & discce, quomodo te oporteat Deo donare id quod habet perfectissimum, & quia qui cito dat, bis dat, donationem ne differas.

Secundum Punctum. Considera Messiam esse verè Dei donum, quia eum ex mera gratia nobis dedit, sine vllis meritis nostris, imò eum demeritis maximis nostris. Admirare hanc Dei liberalitatem: pro ea gratias age: & discce nullo habito respectu praemiorum, Deum colere, & amare propter ipsum, & benefacere proximis sine respectu ad eorum merita & demerita.

Tertium Punctum. Considera Messiam esse Donum Dei, quia est irrenocabile donum, nam & vnio Hypostatica est indissolubilis à diuina persona, cui humana natura unita est, & peccatis nostris non arceatur, quin det omnibus sufficientia media ad salutem. Discce hinc, non subtrahere Deo ea quae ei semel dedisti, quod an facias, vide.

Quartum Punctum. Considera Messiam esse donum Dei, quia est fons omnium donorum Dei, ea distribuens hominibus pro libitu. Gratulare igitur tibi quod eum habeas tam obuiam, & à quo ditari possis vberissime & accedere ad fontem hunc inexhaustum, ut quam plurimis & quam maximis eius donis diteris: Et causas inquite, cur adeo sis pauper, habens omnium diuitiarum fontem adeo praesentem, & praesentem, ac tibi intimum.

FERIA QUINTA.

*Post Dominicam quartā Aduentus.**Messias est Princeps pacis.*

Primum Punctum. Considera Messiam esse Principem Pacis. Primò, quia est author pacis hominum cum Deo, per Sacramentum Pœnitentiæ quod instituit ad reconciliandum homines Deo offenso, & tollenda peccata quæ pacem hanc dirimunt. Pondera beneficij huius magnitudinem, quam sæpe in hoc Sacramento iste Princeps pacis se tibi exhibuit pacificum, parènto affectu te reconcilians sibi. Quid ergo pro tanta benignitate debes huic authori pacis, delibera & præsta.

Secundum Punctum. Considera Messiam esse Principem pacis. Quia summâ mansuetudine suæ vitæ pacificæ formam pacis expressit: *calamum quassatum non confringens. ut ait Propheta, lignum fumigans non extinguens: non clamans in plateis: non habens in ore suo redargutiones: obediens tradenti semiquè.* & aliis modis. Confer cum hac pacis idæa acrimoniam morum tuorum, acerbiteriam responsum, & impetus animi ex-candescens, læpe in leuissimis occasionibus, & deploratâ tuâ impatientiâ, Christo te conforma.

Tertium Punctum. Considera Messiam esse pacis Principem, quia pacis amatores tanquam Princeps, vult esse sibi familiares, talibus delectatur, tales ad suam intimam amicitiam & familiaritatem admittit. Vnde fit, vt perturbato animo cum Deo colloquia non succedant. Quare si curæ tibi est dulcis cum Deo conuersatio, cuius suauitatem omnes prædicant, pacè cole cum omnibus.

Quartum Punctum. Considera Messiam esse pacis Principem, quia in illo corde residet tâquam Princeps in sua Regia, in quo inuenit rationem cum Deo concordem, & corpus cum tali ratione consentiens. An ratio tua & corpus tuum sit huiusmodi, introspecte, & ad perfectam eorum pacem aspira, vt sis gratum domicilium huius Principis pacis.

FERIA SEXTA.

*Post Dominicam quartam Aduentus.**Messias est Admirabilis.*

Primum Punctum. Considera Messiam esse esse Admirabilem, ob generationem æternam, quâ à Patre suo æterno accepit Diuinitatem eandem numero cum essentia Patris, idèntificatam tamen modo perfectissimo cum sua persona, verè à personâ Patris distinctâ. Hoc

quia in hac vita non capis, crede, admirare, gratias age, quod id per fidem cognoueris, & sano modo imitari stude, vt licet sis diuersus ab illo, sis tamen vnum quid cum illo per confessionem tuæ voluntatis cum voluntate illius, & per similitudinem morum tuorum, cum moribus illius. Quod an procures vide, & procura cum eius auxilio.

Secundum Punctum. Considera Messiam esse Admirabilem, ob vnionem naturæ humanæ cum sua personâ Diuinâ, quæ licet idem sit cū natura Diuina ipsius à parte rei, tamen vnio naturæ humanæ non dicitur facta cum essentia Diuina communi tribus personis Diuinis, sed cum sola personâ Verbi, vt distincta est à duabus Diuinis personis. Hoc quoque capere non valens. Admirare, crede, gratias age, tum pro beneficio huius vnionis Hypostaticæ, tum pro cognitione huius mysterij, & Messiam hac in re ita imitare, vt quamuis eadem sit & vnica persona Messie qui Deus est & homo, tu tamè similis sis ei, vt homini, non vt Deo, affligendo sensus & membra tua variis incommodis, & animum variis angoribus propter gustum ipsius.

Tertium Punctum. Considera Messiam esse Admirabilem in temporanea natiuitate, dum in carne nostra natus est salua Matris integritate virginea. Hoc credas, adora tam admirabilem Filium, & imitari stude, in hoc, ne mater tuâ Ecclesiâ & Religio, dum te Christo parit, & ad vitam spiritualem format & edit, quicquam, patiatur sinistra ab inconditis moribus tuis, domi & foris. Talis an sis, vide, & tuo Messie quantum licet te conforma.

Quartum Punctum. Considera Messiam esse admirabilem in omnibus operibus suis ob extremam perfectionem in singulis. Adora tam perfectam personam. Vide quomodo te ei similem reddere debeas. Roga vt ipse te sibi similem faciat, & ex parte tua cooperare.

SABBATO.

*Post Dominicam quartam Aduentus.**De Beata Virgine, felix cali porta.*

Primum Punctum. Considera causas, ob quas magis est desideranda & quærenda Regni cælorum post mortem possessio, quàm omnia alia quæcunque in hac vita ab hominibus desiderantur & quærentur. Et vide, an tu magis illud quæras, quàm alia, & prout in te inuenieris, ita actus vel doloris vel gratiarum actionis elicies, cum emendationis proposito.

Secundum Punctum. Considera difficultates varias & impedimenta assequendi regnorum cælorum, tum ex Dæmonum tentationibus, tum ex carnis rebellionem, tum ex prauorum

habitu.

habitu obsequiis, pravis exemplis, consiliis, innataque repudare, & rebus aliis profecta: ideoque magnopere estimanda sunt illa auxilia per quæ efficaciter tolluntur hæc impedimenta.

Tertium Punctum. Considera vnum è præcipuis auxiliis ad consequendum Regnum cælorum esse, opem B.V. Mariæ, ob quæ merito ab Ecclesia appellatur *Cæli porta*, qui titulus ei congruit tum ratione Filij quem peperit, qui est Saluator noster, & via ad cælum, tum ratione variorum auxiliorum quæ suppeditat clientibus suis. Ideo danda tibi est opera eam tibi vt additam reddas, & sinum eius misericordie patentem.

Quartum Punctum. Considera quibus patet hæc cæli porta: nam non omnibus patet, sicut & Deus, non omnibus præbet finalem ingressum in cælum. Examina igitur serio conscientiam tuam, an in ea sit aliquid quod possit impedire ingressum in cælum, vel certe eum reddere dubium. Quod si inuenieris, quamprimum bonâ Confessione & vitæ emendatione amouere stude, & B. Virginis implora auxilium, vt tibi sit semper peruia & aperta cæli porta.

IN VIGILIA NATIVITATIS CHRISTI.

Messias est Saluator noster.

Primum Punctum. Considera magnam lætitiæ causam esse S. Iosepho ab Angelo propositam in Christi Natiuitate. *Vocabis*, inquit, *nomen eius Iesum*, ipse enim saluum faciet populum suum à peccatis eorum. Ideo peccator cum sis, & salutem quærens, gaude offerri tibi Saluatorem: & cogita, quâ viâ possis assequi per eum natum hanc à peccatis liberationem, non pro vno tantum die vel anno, sed pro tota vita duraturam. Et hanc adhibere ac tenere stude.

Secundum Punctum. Considera noluisse Deum hunc nobis Saluatorem dari sine graui suspicionis notâ in matre eius innocentissimâ, cum à Iosepho agnita esset prægnans. Admirare Dei iudicia, qui omnes bonos hac viâ ad salutem ducit, & quandoque à bonis ipsis ea pati sinit, quæ adferunt magnam famæ & honoris notam. Cum ergo Sanctissimâ Virgine melior non sis, cur detrectas sinistra de te iudicia: cur pro gloriâ tuâ conseruatione, offendis Deum: An non fatius est, habere bonam apud Deum opinionem quàm apud homines. Hæc pondera, & te ad contemptus tui desiderium & amorem inflamma, & noli te excusare nisi interrogatus à superiore.

Tertium Punctum. Considera probitatem S. Ioseph, qui cum esset iustus, noluit traducere sponsam suam, quam videbat prægnantem. Disce hinc, consulere famæ alienæ, etiam in rebus

certis & grauissimis. Disce hinc, quàm sæpe videntur nobis mala in aliis, quæ mala non sunt, quæ magna bona sunt, quæ sunt seminaria multorum honorum, vt fuit iste conceptus Virginis in suspicionem adductus. Qua in parte quomodo te geras examina te, & propone emendationem si id hac in re emendandum in te sit.

Quartum Punctum. Considera Angelicum monitum S. Iosepho in somnis datum: *Ioseph fili Dauid, noli timere accipere Mariam conuenientiam, quod enim in ea natum est, de Spiritu Sancto est.* Vbi tum Dei charitatem pondera, qui Virginis innocentiam tuetur, tum talia verba præcludere iuxta secundum orandi modum: & gratis actis tum Deo defensori innocentie Domine ac Matris tuæ, tum S. Angelo huius rei administro. Roga ardentem, vt ope Spiritus S. nascatur in te Saluator tuus, qui saluet te à peccatis tuis, & nunc & semper vsque ad mortem ab eis custodiat, & bono omni repleat.

DIE NATIVITATIS

D. N. Iesu Christi.

Primum Punctum. Considera tum exteriorem corporis compositionem, tum interiores animi affectus quos habebant personæ Christo puerulo recens nato adstantes, tum erga Deum Patrem, qui tanto humanum genus beneficio affectus, tum erga infantulum tenellum nostri causâ natum. Et in te similes quoque erga Deum Patrem, & puerulum natum affectus excita.

Secundum Punctum. Considera verba Deipare & Ioseph, & loco verborum Christi, eius vagentis lachrymas, & in iis pios affectus quibus beata pueruli anima plena erat. Quos nimium affectus erga triplex personarum genus in animo habuit, scilicet erga Diuinâ personas, erga Matrem & Ioseph, & denique erga humanum genus, ob cuius salutem in carne aduenerat, & ex singulis fructum aliquem spirituales elicias.

Tertium Punctum. Considera ipsam Christi Natiuitatem, quàm excellens sit opus Diuinæ Charitatis respectu Dei, quàm inauditum respectu Matris Virginis, quàm nouum respectu mundi, quàm efficax respectu tot malorum mundi huius. Et ex singulis collige aliquam vtilitatem.

Quartum Punctum. Considera finem Christi Natiuitatis, quem Apostolus expressit in Epistola, quæ in primo sacro huius diei legitur his verbis. *Apparuit gratia Dei Saluatoris nostri omnibus hominibus, erudiens nos, vt abnegantes impietatem, & secularia desideria, sobrie iuste, & piè viuamus in hoc seculo, expectantes beatam spem, & aduentum gloria magni Dei, & Saluatoris nostri Iesu Christi.*

Christi. Quæ omnia ponderando iuxta secundum orandi modum, decerpe varia documenta ad vitam tuam ita sanctè traducendam, prout meretur, tum magnitudo huius beneficii, tum efficacia tam rari mediij ad hoc omnibus nobis diuinitus dati.

DIE S. STEPHANI.

AA. 6.

Primum Punctum. Considera magnam S. Stephani laudem à Spiritu S. in Scripturâ relictam, in qua vocatur *plenus fide, plenus gratiâ, & fortitudine, & Spiritu S.* Quod quàm magna laus sit, ubi attentè perpenderit, vide quàm longè distes ab ea; & quibus modis assequi possis similem aliquo modo plenitudinem cogita, & manum operi admoue.

Secundum Punctum. Considera inuidiam & malum erga eum affectum impiorum Iudæorum, qui calumniosè ei adscribebant verba blasphemiarum, quasi ab eo prolata in Moysem & in Deum. Qua in re perpende Stephani felicitatem, quem Deus carere noluit tessera electorum, scilicet linguis inimicorum malignis, & calumniâ imbutis. Gratulare igitur Stephano, gratias age ei pro eis læto animo toleratis, & te excita ad desiderium & amorem persecutionum, quæ per ora maledicæ cudentur, & tuam superbiam & impatientiam hac in re redargue, si est in te.

Tertium Punctum. Considera solatium quod dulces nobis reddere debet omnes huius vitæ molestias Dei causâ immisissas. Quod enim visibiliter S. Stephano contigit, qui in medio persecutorum, visâ gloriâ Dei & Christo Iesu dixit: *Eccce video celos apertos & filium hominis stantem à dextris Dei, scilicet, se animantem, id cuius iniuste afflicto sperandum est, gloria scilicet Dei, & Christi adiutorium.* Considera ergo quàm magnum sit hoc bonum, & te ad crucis desiderium & amorem vehementer accende, & statue nunquam eius occasiones subterfugere.

Quartum Punctum. Considera Stephani patientiam, qui nec falsis accusationibus, nec contemptu quem tulit eiectus ab iis è Synagoga, nec lapidatione quâ vitam amisit ab eorum sincero amore destitit: sed orauit pro iis, idque ex magno affectu, ideo enim dicitur magnâ voce clamasse *Domine ne statuas illis hoc peccatû.* Tu confer tuos impatientiæ actus, auersiones, rancores erga eos à quibus etiam iuste affligeris, & S. Stephanum imitari discè.

DIE S. IOANNIS EVANGELISTÆ.

Primum Punctum. Considera primam S. Ioannis felicitatem, quod ad res secretiores cum Petro & Iacobo, & in monte transfigurationis, & in orto, & alibi à Christo fuerit adhibitus.

Quod procul dubio Christus Dominus non temerè fecit, sed ob maius eius meritum, quod in quavis persona maiorem exigit amorem. Hic pondera quare possis etiam tibi conciliare Christi beneuolentiam, ut eum in maiorum donorum communicatione experire liberalè, & id habere omni conatu stude.

Secundum Punctum. Considera secundum fauorem Christi erga Ioannem, qui in cena reuoluit super pectus Iesu. Et tecum delibera, quid non faceres vel pati velles pro Christo, si tibi nunc Christus apparens idque certò & sine illusionè, te suo pectore adnouerit. O quid non promitteres ei, ô quam dulcia viderentur tibi ea quæ te molestant immeritò. Atqui, maius est beneficium Christo in Eucharistia veligi, quàm illi inniti. Cur ergo eius causa tam pauca & facis & pateris, & tam tepidè & segnitè agnosce Dei dona, & discernè maiora à minoribus, & te emenda.

Tertium Punctum. Considera tertium Ioannis fauorem, quod ipsemet Spiritu Sancto inspirante, se vocauit Discipulum quem diligebat Iesus. Pondera beneficii huius præstantiam, & quidem tantam, ut etiam ipsi Christi clienti à Deo sit indicata, ideoque Sancto desiderio accensus, pete ab ipso, te diligat, diligat autem, si eum diliges, diliges autem, si id operibus ostendes: quod an & quomodo facias recogita, & quæ tibi desunt stude acquirere.

Quartum Punctum. Considera precipuam causam ob quam teste S. Hieronymo & Ecclesiâ in S. Ioannis Officio, fuit à Christo ita amatus: *Quoniam specialis prerogatiua Castitatis ampliori dilectione eum fecerat dignum.* Hic diligenter introspecte, quomodo castitatem replearis, tuus aspectus, tactus, lectio sermo, cogitatio, conversatio, sessio, cubatio, incessus, somnus, vestimenta, & alia omnia: & præmissâ detestatione defectuum tuorum si qui sunt in te hac in parte, offer accensam voluntatem S. Ioanni tuæ emendationis, eamque ab eo pete, vira & tu esse possis Christi seruulus dilectus.

DIE SS. INNOCENTIVM.

Primum Punctum. Considera Christi humilitatem qui licet sine fuga posset manus Herodis euadere, tamen tanquam impotens, & Herode debilior, fugit in Ægyptum. In qua Christi fugâ considera de decus fugæ: item considera imperitorum hominum iudicia, qui id scientes, poterat postea parua fidem adhibere Christo, eiusque diuinitati non credere: quoniam ipso sui ortus initio, diuino aliquo miraculo, se non defendit à persecutione Herodis, sed remedium quæsiuit ex fuga: & hæc omnia, tui causâ. Confer hic tuam superbiam detestantem occasiones humilitatis, & sinistra hominam

minum de tuis talentis iudicia, & vide, an merearis appellationem Christi serui.

Secundum Punctum. Considera Dei dispositionem, qui non ad Mariam etiam Iosepho meliorem & digniorem, sed ad Ioseph misit Angelum, fugam illam suaturum: ut ostendat ordinem Hierarchiæ Ecclesiasticæ, in qua & Sanctos vult regi quandoque per homines minus perfectos, & his potius quam illis, etiam dignioribus, indicat suam voluntatem ad rectè regimen aliorum obeundum. Ideo fide Diuinæ providentiæ, & maiorum tuorum iussis obtemperata enim securus gradieris, Deique ductū sequeris. Quod si non facis, corrige te.

Tertium Punctum. Considera causas, ob quas ex parte sua Christus voluit suam Natiuitatem latam, mæstā nece tot innocentum interturbari. Et ex singulis decerpe aliquod spirituale emolumentum.

Quartum Punctum. Considera causas ex parte Innocentum, ob quas eos ad palmam Martyrij, etiam rei ignaros & renitentes vocans, tanto beneficio affecit. Inter alias esse potest, ut eos ab omni peccato actuali præseruaret. In talibus enim sibi complacet Dominus Iesus. Ad hanc mundiciam aspira, pro ea consequenda quære auxilia interna & externa, & adhibe intercessores istos Innocentes puerulos.

De Circumstantiis Christi Natiuitatis.

Primum Punctum. Considera tempus Christi Natiuitatis, quod fuit maximè incommodum, nam hybernium elegit quod mæstū est, ob ventorum, frigoris, pluuia, niuium asperitates, acerbumque valde. Deinde diei partem similes ob causas valde incommodam, noctem scilicet. Ita Dominus Iesus tui causā amat incommoda corporis. Hanc eius tolerantiam grato affectu, non sine commiseratione ponderans, fac ad tuas commoditates reflexionem, & corrige defectus tuos in hac parte.

Secundum Punctum. Considera locum quem Christus pro natali suo elegit. Non Hierosolymam (quam ad maiorem sui consolationem pro morte, vti frequentatam & celebrem delegit) sed Bethleem, idque extra ciuitatem vile stabulum, & in stabulo vilem lectum, præsepe durū, in loco fætido & deserto ventisque peruiio. Tu confer tuæ habitationis comoda, quæ sæpe plusquam debes, quæris, confer incommoda quæ sæpius circa loca occupationum tuarum refugis, & non sine offensa aliqua Dei, oblata acceptas: & tamen Christum te imitari profitearis: Erubescere, & quid tibi sit in posterum faciendum constitue, ut Christo te conformes, & aliquid pro eo patiaris.

Tertium Punctum. Considera occasionem in

qua Christum peperit eius Mater, tunc, cum iussu Cæsaris Augusti proficisceretur cum Iosepho tanquam Cæsaris subdita, ut describeretur in libro, in quem omnes referebantur subditi. Ita dum obedientiæ, humilitatis, & patientiæ actus in incommodis itineris Maria exercet, Christum parit. Hæc pondera, & decerpe aliquod emolumentum.

Quartum Punctum. Considera quæ humana sola Christo nato sunt adhibita. Non solaria amicorum visitantium Virginem, non vestium mollium pro inuoluendo infante, & similia. Et factā ad te reflexione, singula dirige ad vitæ tuæ emendationem.

De Pastoribus Christum natum inuisentibus.

Primum Punctum. Considera causas ob quas per Angelum non alteri hominum statui Christus natus primò reuelatus fuit, sed pastoribus: & causis piè excogitatis, atque ad te applicatis, fructum inde aliquem collige.

Secundum Punctum. Considera verba Angeli ad Pastores in magna claritate loquentis. *Nolite timere. Euangelizo vobis gaudium magnum quod erit omni populo: quia natus est vobis hodie Saluator: Et hoc vobis signum inuenietis infantem pannis inuolutum, & positum in præsepio.* Duo præ cæteris hic pondera. Primò, Gaudij causam. Secundò, quid mysterij sit, quod pro signo inueniendi nati Saluatoris, nihil aliud ponitur, præter pannos viles, & præsepe durum: & ex singulis proficere stude, factā ad te reflexione.

Tertium Punctum. Considera pium affectum Pastorum erga Christū, & in itinere, quod sine mora aggressi sunt, & festinantes perfecerunt, & postea in pueruli inuenti præsentia, audiēdo mente verba, quæ ad eum eiusque Matrem locuti sunt, & internos affectus quos in animo habuerunt considera: quibus tuos associando affectus, piè puellum pro te natum saluta, & adora, & varia pete ab illo pro tuis & communibus necessitatibus.

Quartum Punctum. Considera effectus bonos relictos in animis Pastorum, qui sunt reuerſi Christo viso. *Nam reuerſi sunt glorificantes, & laudantes Deum.* Tu tecum delibera, quos in te effectus excitare, & imprimere indelebiliter debeat Christi Natiuitas, per fidem visa oculis mentis, eosque à Christo nato pete, & pro virili habere & conseruare stude.

Pro fine anni & pro initio sequentis.

*Vltimā
Decemb.*

Primum Punctum. Imaginare te genua flectere coram Puerulo Iesu iacente in præsepio, adstante B. Virgine Maria, Angelisque iis qui Pastoribus eum natum reuelarunt, & S. Ioseph, & reuoca in memoriā præcipua peccata quæ toto hoc anno commisit, immemor beneficij huius

hujus Christi nati (qui, ut ait Apostolus ideo natus est ut abnegatâ impietate, & desideris secularibus, sobriè, iuste, & piè vivamus.) Peccatis præcipuis in memoriam adductis, ea coram puerulo Iesu desce, peteque ab eo remissionem, & gratiam anno sequenti ab eis abstinendi, & in satisfactionem offer Patri æterno puerû Iesum.

Secundum Punctum. Simili modo, quasi stans ante Iesum iacentem, reuoca præcipua beneficia in memoriam, tum communia aliis, tum tua personalia quæ hoc anno percepisti à Deo, tum prospera tum potissimum aduersa (si ea æquo animo tolerasti,) & eorum magnitudine, necessitate, frequentia consideratis, ac tua ad illa indignitate, gratias age pro iis puerulo, tanquã pro fructibus eius Natiuitatis, & pete ut ea augeat, & pro illis offer in gratiarum actionem Patri æterno Iesum natum.

Tertium Punctum. Considera, an & quantum melior sis factus hoc anno magis quàm ante, quod cognosces ex eo, primò, si hoc anno pauciora, & leuiora admisisti peccata, secundò, si opera ordinaria melius fecisti quàm antea, tertio, si motus inordinatos passionum rariores sensit, quartò, si aduersitates cum minore repugnantia tolerasti Et prout in te inueneris, ita proportionatos affectus erga Christum elicies, eumque Patri offerens, petes pro futuro anno maiorem profectum.

Quartum Punctum. Offer Christo nato loco muneri, aliqua proposita licet pauca, talia tamen, quæ constanter expleas. Deinde statue ut ab vno saltem præcipuo peccato in quod antea sæpius labebaris, toto anno abstineas. Ad hoc excita te variis motiuis, & pete à Christo gratiam hoc propositum exequendi. Deinde à Patre æterno & Spiritu S. Et pro hac re impetranda offer Christum natum pro te, Sanctoque adhibe intercessores, præsertim B. Virginem, & S. Iosephum.

De Circumcisione Christi Domini.

Primum Punctum. Considera Christi miram Obedientiam in implendo in carne sua innocentissimã præcepto de circumcissione lato, quod seruare non tenebatur. Primò, quia carebat peccato originali, in cuius remedium erat illud datum. Secundò, quia non erat conceptus & natus modo vilitate. Tertio, quia erat legislator ipse, qui se poterat eximere ab obligatione eius præcepti. Quartò, quia non erat obnoxius concupiscentiæ vili carnali, cuius ratio etiã est habita à Deo in ferenda hac lege. Quintò, quia venerat ut legem veterem aboleret, & mutaret in nouam, quæ circumcissionem sustulit: vnde poterat inchoare abolitionem legis veteris ab ista lege: maluit tamen obedire cum tanto sensu doloris & pudoris: nam tunc habuit vsum rationis non minùs quàm in adultâ ætate. Admirare Christi obedientiam, & an in te

talis sit, quoad res quas seruare teneris, ad quas & precibus, & minis & poenis non est satis quod compellaris. Desce hinc tuam multiplicem inobedientiam, & obediendi efficac desiderium, tanquam primitias Christo tui causa circumciso offer pro hoc anno, annotatis in particulari aliquibus defectibus hac in parte: præsertim, cum Religionis virtus quasi essentialis sit obedientiæ.

Secundum Punctum. Considera Christi patientiã in suspiciendo hoc vulnere in parte corporis sui sanctissima. Cõfer dolores tuos in Religione, videbis eos minores esse. Cur ergo delicate Christi imitator eos refugis, & iniquo fers animo?

Tertium Punctum. Considera dolorè B. Virginis ex Christi circumcissione visa ortum, duas ob causas. 1. Quia videbat illum cultro & quidè lapideo acerbè vulnerari & scindi. 2. Quia sciebat esse fontem sanctitatis, & tamen pro peccatore haberi. Huic iusto dolori Matris piissimæ associa dolorem tuum, Computere Christo cruentato. Gratias age quod tui causa tam cito fundat sanguinem in remedium peccatorum tuorum. Offer Patri æterno hunc sanguinem pro peccatis tuis. Adora & piè osculare, & in cor tuum collige, & exsuge hunc diuissimum cruorem, tanquam efficacissimum remedium contra omnia mala.

Quartum Punctum. Considera Christi humilitatem qui remedio vsus est ad peccatum originale instituto, ac si esset ei obnoxius. Hic danna tuos fastus, qui malus cum sis, bonus vis haberi, agrè fers dum accusaris vel puniris, cum tamen propter multa mala impune commissa, dignus sis etiam hic illa pœna quam tibi putas sine culpâ imponi. Confundere Christi exemplo, & te emenda.

DE NOMINE IESU.

Primum Punctum. Considera nomen Iesu esse impositum Dei iussu ab Angelo. Hinc Christi excellentiam futuram apprehende: quia omnes ij quibus Deus nomina vel impoluit, vel mutauit, post talem mutationem, magnam aliquam sunt consecuti excellentiam, ut Abrahã Sara, Iacob seu Israel, Sampson, Baptista, Simon Petrus. Vbi etiam perpende Dei clementiam, qui de eorum quos tenerè amat etiam nominibus est sollicitus. Hunc Dei amorem piè ambi & expecta à Christo Iesu multa bona per hæc non ordinariam nominis impositionem prænunciata.

Secundum Punctum. Considera significatum huius nominis Iesu ab Angelo, adhuc ante Christi conceptionem explicatum: *Vocabis, inquit, Angelus Maria nomen eius Iesum: hic erit magnus, & filius altissimi vocabitur.* Et Iosepho idem nomen repetens Christo iam concepto, dixit: *vocabis nomen eius Iesum. ipse enim saluum faciet populum suum à peccatis eorum.* Quod pondera iuxta secundum modum orandi, & pios affectus letitia,

titia, spei, gratiarum actionis pro oblato salutis remedio, & petitiones hinc elicias.

Tertium Punctum. Considera excellentiam huius nominis, tum ob personæ Christi excellentiam multiplicem, tum ob significatum huius nominis tam magna nobis bona adferentis, tum ob miro effectus, quos huius Nominis inuocatio affert hominibus in corpore & anima. Ideo mirum non est, hoc Nomen meteri illum cultum, de quo loquitur Apostolus, in *Nomine Iesu omne genu flectatur, caelestium, terrestrium, & inferorum*. Quis erga hoc nomen cultus, qualis in te sit, & quàm ex animo, vide, & si quid deest, adde.

Quartum Punctum. Considera Sanctorum affectum erga Sanctissimum Iesu nomen. Ideo enim S. Ioannes hoc nomen nominat ducentis & 22. vicibus: S. Paulus in suis Epistolis ducentis decies octies. S. Iulianus ubique scriptum hoc nomen inueniebat, ad eò rigabat lachrymis, vt litera in codicibus à lachrymarum irrigatione corrumpentur, vt testis oculatus S. Ephrem Tom. 3. fol. 266. ait, *S. Franciscus*, inquit S. Bonaventura, *nomen Iesu cum exprimeret, vel audiret, iubilo quodam repletus interius, totus videbatur exterius alterari, ac si mellis suus sapor gustum, vel harmoniacus sonus ipsius immutasset auditum*. Sic & S. Bernardo hoc nomen erat mel in ore, iubilus in corde, Apostoli alijq; Sancti huius nominis inuocacione, abigebant morbos, demones, tentationes. Tu examina quo affectu illud vsurpes, & vsurpare debeas: & pete à Domino per Sancti huius nominis impositionem, vt sit tibi semper Iesus.

De verbis Simeonis & Anna Prophetissæ de Christo.

Primum Punctum. Considera Iesum etsi esset natus ad saluandum, tamen vt prædixit S. Simeon, positus est etiam in *ruinam multorum*. 1. In ruinam Iudæorum quos ob ingratitude nem repulit. 2. In ruinam aliorum infidelium, qui in eum non credunt. 3. In ruinam fidelium qui in sceleribus vitam traducunt. His omnibus Christus Iesus ruinam adfert, culpâ ipsorum: quia fonte salutis vti nolunt. Cum ergo melior non sis multis eorum, qui benè credentes & viuentes aliquandiu, mali sunt mortui, time, & delibera quid tibi faciendum sit vel cauendum, ne excidas à gratia Dei, quod solum ruinæ immediata est causa.

Secundum Punctum. Considera Christum esse positum in resurrectionem multorum, eorum scilicet, qui eius doctrinam & media salutis ab eo tradita amplectuntur. Tu horum eris è numero, si eadem tibi cordi erunt. An autem sint cordi, hinc disces. Media ad tuam salutem data, sunt leges Dei, Ecclesiæ, tui Ordinis, Directio Superiorum, vsus Sacramentorum.

Lancicij Opus. Tom. 2.

rum, Exercitium Virtutum, Internæ inspirationes, Bona exempla, Beneficia Dei, Aduersitates huius vitæ, omnes denique creaturæ. Si his benè vtaris, id est eo modo & fine, quo Deus & tuus Ordo te illis vult vti, spera Christum esse natum in tuam resurrectionem; sin minus, time, & rebus tuis consule, nec enim securior es Angelis, qui in cælo corruerunt.

Tertium Punctum. Considera Christum fuisse præterea positum in gladium, qui animam B. Virginis pertransisse debebat, eò quod occasio futurus erat intensissimi doloris Matri suæ, tot eius incommoda labores, persecuciones, flagella, mortem denique crudelissimam aspecturæ. Ita suos dilectos tractat Christus. Hæc est tessera carorum Dei & prædestinatorum. Dum ergo omnia aduersa, & tuis commodis, voluntati, iudicio, honori contraria refugis, non vis esse in numero electorum Dei. Hoc ponderans, incusa tuam cæcitate, & te emenda.

Quartum Punctum. Considera Annæ Prophetissæ de Christo sermones, quæ non descendens de templo, & ieiunij ac obseruationibus dedita, die ac nocte confitebatur Domino, & loquebatur de illo omnibus qui expectabant Redemptionem Israël. Hæc pondera & imitare.

De fine Christi Natiuitatis.

Primum Punctum. Considera finem primum Aduentus Christi quem exprimit Apostolus. *Christus Iesus venit in hunc mundum peccatores saluos facere*: seu, vt ipse Christus Dominus ait: *veni vt vitam habeant, & abundantius habeant*: hoc est, non tantum vt careant morte peccati per infusionem gratiæ iustificantis, quæ est vita animæ & facit viuæ opera hominis, sed etiam, vt habeant hanc gratiam per bona opera vehementer auctam. Cum ergo peccator sis multis modis, gaude aduenisse Saluatorem. Gratias age sigillatim singulis Diuinis Personis pro hoc beneficio. Gratias age S. Angelo qui eum venturum, & postquam venit annunciauit Mariæ, Iosepho, & Pastoribus. Gratias age Sanctissimæ eius Matri, quæ eum peperit. Et à Saluatore nato, & iam pro te eruentato pete remissionem peccatorum, & ne in illa recidas. Et ex parte tua cooperare ne redeas ad vomitum fugiendo occasiones & dispositiones ad hoc, quarum aliquas fugiendas annota.

Secundum Punctum. Considera secundum finem aduentus Christi, quem his verbis declarat S. Augustinus lib. 1. de Consensu Evangelistarum cap. 35. *vt congruum salui nostre dicendo, faciendo, sustinendo, fieret hominibus deorsum exemplum redeundi (scilicet ad cælum) & eum qui sursum sunt Angelis exemplum manendi*. Examina ergo quomodo per ea quæ Christus dixit, fecit, sustinuit, tendas ad cælum & corrigenda corrige.

N n n Ter-

Tertium Punctum. Considera Tertium finem aduentus Christi, qui etiam celeste regnum non esset querendum, tamen esset iure querendus à nobis, quem S. Gregorius i. parte Past. c. 3. his verbis expressit. *Christus in carne apparuit, ut nos habeat redemptione seruos, conuersatione discipulos.* Vide igitur quomodo tibi viuendum sit, quid cauendum est, ut verbis, cogitationibus, & factis semper te re ipsa ostendas Christi seruum redemptum, & conuersatione discipulum.

Quartum Punctum. Considera modum quo finis hic practicandus est, quem tradit S. Ambrosius in 1. Timot. 1. *Christus de caelestibus ad terram descendens, terrenis se admiscuit, ut hominem coelestem efficeret.* Hic perpende proprietates eorum Spirituum, qui sunt in caelis, quomodo se gerant erga Deum, erga alios caelites, erga mortales, quibus rebus careant & quantum liceat per huius vitae statum, caelestem vitam imitare.

In Vigilia Epiphaniae.

Primum Punctum. Considera Dei ordinatum morem regendi res humanas sine miraculis. Tamdiu enim manere Christum voluit in Aegypto, quamdiu vivebat Herodes, quo mortuo, iussit per Angelum Iosepho, ut cum puero & Matre eius itet in terram Israel, hac causa addita, *desuncti sunt enim qui querebant animam pueri.* Si ergo ne quidem in Christi gratiam Deus miraculis vsus est, pro te multò minùs illa expecta, & ideo ut spiritualium hostium oppugnationem euadas, & victoriam de vitijs & tentationibus referas, noli expectare miracula, sed cooperationem tuam adhibe, fugiendo nimirum occasiones & dispositiones, amouendo impedimenta, conquirendo auxilia ordinata. Quod an & quomodo facias vide, & te emenda.

Secundum Punctum. Considera quantopere sint tibi fugienda occasiones malorum, quando & filium suum Deus noluerit manere in Iudaea, in qua regnabat Archelaus filius Herodis persecutoris Christi, sed per Angelum iussit, ut scederet in partes Galileae. Et tamen & Deo Patri, & Christo facillimum erat manendo in Iudaea, effugere iram Archelai, & Beatissimae Virgini facile erat impetrare à Deo ne quid cum filio pateretur. Quomodo ergo magis tibi declinanda sunt omnes occasiones & pericula malorum, idque magis spiritualium: quia haec frequentiora sunt, & grauiora, & curatur difficiliora. Quod quomodo facias examina te, & rebus tuis consule.

Tertium Punctum. Considera loca in quibus Christus habitauit fugiens persecutores; loca vilia, saltem non tam celebria, vti erat Hierosolyma; loca non boni nominis, vti erat Nazareth, de quo dicebatur vulgò: *A Nazareth*

potest aliquid boni esse? Discce hinc Domini tui causam, non eligere vrbes speciosas, cathedras applausu plenas, cellas commodas, Scholas altiores, quin potius Regis & Dei tui exemplo, elige quantum per obedientiam licet deteriora.

Quartum Punctum. Considera Christi humilitatem, qui non tantum loca vilia pro sua habitatione & conuersatione elegit, sed etiam agnomen; Nazareus enim vocatus est, idque non sine Prophetica praedictione de tali agnomen. Examina ad trutinam huius Christi humilitatis fumos tuos, circa ortum tuum educationem, studia, profectum & his similia, & damnata tua sine ambitione, sine superbia, dice exemplo Christi, illud antiquum spirituum virorum monitum: *Ama uicini, & promulo reputari.*

In Epiphania Domini.

Primum Punctum. Considera Dei iudicia ab humanis diuersa, qui potius rudes ac simplices pastores & pauperes, idque per omnium que tunc erant in caelo nobilissimam creaturam, scilicet Angelum, ad Christum natum accersit, postea Sapientes, & diuites Magos ab oriente, non iam per Angelum, sed per stellam eorum statui in stellarum contemplatione occupato se accommodans, vocauit. Ut ostenderet Paupertatis prerogatiuam praedicti, & Christum pro omnium salute etiam diuitem & sapientium saeculi esse natum, ut omnium Saluatorem, sine personarum discrimine. Gratias age Diuinae charitati, quae omnes ad se vocat, gratias age quod te in tali statu collocat, in quo paupertatis & simplicitatis studio pastoribus, sapientiae saecularis acquisitione. Magis similis esse potes, & particeps beneficij utrisque concessi, & pete ne à tua uocatione vnquam resillas.

Secundum Punctum. Considera Obedientiam Magorum feruentem, qui statim iter aggressi sunt difficile, incommodum, propter solam adorationem pauperi puerulo exhibendam in stabulo, idque non ab alio quam à stella impulsis, non sine tamen Dei motione. A quibus disce sine mora obedire in rebus que sunt & maioris momenti quam sola Christi adoratio, & magis necessaria ad salutem & perfectionem tuam, & non expectare Angelos, qui inbeant, sed minimo radio Diuinae lucis ad hoc te excipientis contentus esto. Quod an facias vide, & corrigenda corrige.

Tertium Punctum. Considera fortitudinem Magorum in calcandis humanis respectibus. Nam etsi esset turbatus Rex, & omnis Hierosolyma cum illo, non dubitarunt tamen & inquirere locum nati Regis Iudaeorum noui, & eò pergere non curantes quid dicere vel face-

re posset ambitiosus alter Rex Iudæorum ad hac superstes. Tu examina, quomodo vineas humanos respectus in rebus facilioribus; in rebus tale vitæ vel honoris periculum non habentibus, quale habebant isti Magi, qui non viderunt nec audierunt Christum esse occisum pro ipsis, uti tu cædō credis. Erubescet igitur, qui plurijs facis hominum fauores & iudicia, quam fauores & iudicia Dei pro te occisi, & te emenda.

Quartum Punctum. Considera affectum quo Magi inquirebant Christum natum, & ad eum pergebant, cuius tamen excellentiam, & beneficia ergo humanum genus, & potentiam non habebant ita perspectam uti tu habes. Confer ergo affectum tuum quem habes, erga Christum pro te mortuum, iam in cælo te expectantem cum corona gloriæ; iam factum in Eucharistia cibum tuum, te ad se invitantem, & quam ardentissimo affectu eum suscipere stude.

Secunda die infra octauam Epiphaniæ.

Primum Punctum. Considera in Christo natō amorem Crucis, qui ita Magorum se querentium iter direxit, ut venient Hierosolymam ubi tunc residebat Herodes, se ad interfectionem querentibus, ut ita initium fieret persecutionis suæ non in oppido infrequenti, sed in frequentissima & præcipua ciuitate & Regia Herodis. Ita D. Iesus tui causa non tantum non refugit Crucem, sed querit maiorem ac maiorem. Tu delicate Christi imitator, conturbare te ante conspectum huius Regis tui, & quantopere eius causa Crucem refugas; vel certe maiorem & quam leuissimam ingeniosè & artificiosè quaras perpende, & erubescet, & seriam hac in parte promitte Regi tuo emendationem, annotatis præcipuis occasionibus in quibus Crucem declinare soles.

Secundum Punctum. Considera causas ob quas Christus se Hierosolymis nominari & queri volens, non alio titulo se insigniri voluit, quam Regis Iudæorum. *vbi est qui natus est Rex Iudæorum;* & ex singulis fructum Spiritualem decerpe, tum ad amandum hunc nouum sed pauperem Regem, tum ad te excitandum ad eius fidele obsequium, qui & natus & mortuus, eodem titulo Hierosolymis insigniri voluit.

Tertium Punctum. Considera sinceritatem Magorum, qui uti Sapientes viri & rerum experientia præditi, et si cogitare poterant non fore iucundam Regis noui inquisitionem in curia Regis alterius eidem genti imperantis, tamen candidè aperuerunt quo animo venerint *venimus adorare eum;* Disce hinc ab Ethnicis sinceritatem in agendo, quia fatius est pati aliquid ab hominibus, quam astu uti, & occultum esse in loquendo & agendo. Nam tandem Deus sinceritati finem bonum conciliat, etiam

Lancij Opus. Tom. 2.

in hac vita. & *oritur post nubijs Rhabus.* Tu examina te quam sincerè cum tuis maioribus & æqualibus agas, & corrigenda corrige.

Quartum Punctum. Considera causamurbationis Herodis Regis fuisse inordinatum sui & excellentiæ Regiæ amorem; timebat enim ne Rex nouus iste sibi regiam adimeret excellentiam. Et quidem quod homo impius hac re turbetur, non est ita mirum, ut mirum est quæpiam Religiosum id est, eum, qui mundanas pompas reliquerit, & eo animo statum Religiosum delegerit, ut mundi gloriam sperneret, ut Christi humilitatem sectaretur, turbari ob meritum perdenda vel non assequenda, alicuius gloriola seu commodi longè minoris quam fuerit sceptrum regium Herodis. Vide ne fortè talis sis, & deploratâ tuâ hypocrisis & fastu, id re ipsa sectare, quod habitu & statu profiteris.

Tertia die infra octauam Epiphaniæ.

Primum Punctum. Consideraurbationem totius Hierosolymæ subsecutam ad exemplumurbationis Herodis, & in ea Tria perpende. 1. Adulationem plebis, quæ cum multa iniqua ab Herode pateretur, tamen assentandi studio turbari se ostendit nuncio noui Regis aduentantis. 2. Christi persecutionis dilationem vsque ad totam ciuitatem frequentem peringentem. 3. Quam perniciosum sit & periculosum malum vnus exemplum alios quoque ad eandem improbitatem accersens. Et ex singulis decerpe aliquid emolumentum pro morum reformatione.

Secundum Punctum. Considera prudentiam Herodis, qui locum Christi nati certè intelligere volens, non aliunde id discere voluit, quam à Sacerdotibus, quos ob hanc causam conuocauit. Poterat ipse id in S. Scriptura inuenire, poterat ab alijs sciscitari legisperitis, maluit tamen Ecclesiasticos consolere. Disce exemplo impij Herodis, à throno Sacerdotali consilia petere, non fidere tuo iudicio, præsertim cum ea sit Dei voluntas, tibi & per Scripturam & per leges tui Ordinis, & per morem omnium Sanctorum declarata, & fructu multiplici comprobata. Quod an facias vide, & si quid sit corrigendum corrige.

Tertium Punctum. Considera simplicitatem primitiue Ecclesiæ, & sequentis, in qua et si multi docti erant, qui bene aduertunt id quod Euangelista Matthæus refert responsum datum à Sacerdotibus discrepare à verbis Prophetæ Micheæ, quæ citando indicabant Herodi locum Natiuitatis Christi, tamen nec Euangelistæ veritatem vocarunt in dubium, nec sacerdotale responsum uti falsum improbarunt, sed conciliate conati sunt cum verbis Prophetæ, idque congruè fecerunt. Hoc disce

Nnn 2 exem-

exemplo, omnia sancita Ecclesie & Ordinis tui Superiorumque tuorum bene interpretari, etiam si quandoque politico iudicio res metiendo, aliud statuendum videretur, subde intellectum tuum semper in obsequium Christi. Et crede Deo qui te non decipiet per Vicarios suos, etiam si eos in praxi errare contingeret, sed efficiet, ut cum fructu tuo cedant omnia, ut & experientia docet multorum, & æquum est cogitare de Diuinæ Sapientie potentissimâ providentiâ, cui te commisit propter ipsum Deum.

Quartum Punctum. Considera felicitatem tuam, quam adfert tibi tam frequens Christi in te cōmoratio per SS. Eucharistie susceptiōnem. Si enim Bethleem merebatur commendationem, eo quod ex illa Christus ortus sit, quantum magis anima tua felicior est, quæ Christum recipit tam sæpè, non passibilem sed gloriosum, non laborantem pro tua salute, sed iam consecutum ius ad te saluandum per merita sua, quorum valor compleri debuit morte in Cruce. His & aliis Anarithis ponderatis & tuâ felicitate agnitâ, vide quid te deceat facere, qui dignus es factus, ut tam frequenti hospitio excipias Dominum tuum, & omnè bonum tuum Dominum Iesum Christum.

Quarta die infra octauam Epiphaniæ.

Primum Punctum. Considera titulum quem Spiritus S. dedit Christo locum eius Natiuitatis assignans, *ex te exiet Dux qui regat populum meum Israël*, seu, ut ait Michæas, qui sit *Dominator in Israël*. Cum ergo Christus sit Dux, Dominator, seu Rex tuus, ita te gere in hac Curia eius, scilicet in hoc statu ad quem vocatus es, quemadmodum aulici solent boni. In aulicis autem bonis quatuor imitare. 1. Magnâ reuerentiâ cū qua ante Regem stant. 2. Maiorem sollicitudinem de exequendis iussis Regis, quàm de propriis cōmodis. 3. Executionem rerum à Rege iniunctarum fidelissimam, etiam si toleranda sint maxima incommoda. 4. Vitam minùs commodam, quàm sit Regis, & magis laboriosam. Quomodo hæc in te sint, vide.

Secundum Punctum. Considera astutiam Herodis inutilem, etsi enim à Magis didicit tempus stellæ, quo eis apparuit, & per eos doceri voluit ubi Christum posset inuenire ad trucidandum, simulans se adoraturum eum, tamen id non est consecutus. Hinc discite fugere simulatum agendi modum & insincerum, & ab animi proposito discrepantem: nam & per se malus est, & optatos non habet successus. An fidè procedas vide, & corrige corrigenda.

Tertium Punctum. Considera prudentiam Magorum, qui etsi radijs stellæ præeuntes diuinitus docerentur, tamen voluerunt & ab ho-

minibus instrui de loco Christi nati, ut ad diuina præsidia etiam humana adiungerent, ut suadebat S.P. Ighatius faciendum. Hic confusionis occasionem arripe, qui sæpè humana non queris auxilia, etiam si diuina non habetas talia, qualia habuerunt isti Magi, sed tuo fidens iudicio, multis te periculis errorum in via spirituali, & in alijs negotijs exponis. Hoc agnosce, & te emenda.

Quartum Punctum. Considera Dei auxilium quod Magis adfuit per iteratum stellæ denovo apparentis ductum, usque ad locum pueri Iesu durantem. Hic contemplete pios affectus quos boni illi Magi id corde habebant videntes stellam præeuntem, & simul modum quo vsi sunt in finiēdo illo itinere residuo, & eos in spiritu comitare cum desiderio adorandi Iesum, & bona operata ab illo impetrata reportandi.

Quinta die infra octauam Epiphaniæ.

Primum Punctum. Considera honorem quæ exhibuerunt Christo puerulo Magi: *proci dentes adorauerunt eum*, ubi tum corporis exteriori reuerentiâ, & in ea situm intueri, & internum Magorum adorantium affectum. Quibus associa tuum quoque affectum, & Christum vnâ cum illis adora. Et vide an simili affectu & modo exteriore, illum in templo, in cubiculo, & alibi adorare soles, & te cum tali reuerentia in præsentia diuinæ Maiestatis gerere. Et quod corrigendum inuenieris, corrige: ponderatis causis adhibendâ magnâ reuerentiâ in conspectu Diuinæ Maiestatis ubique existentis & omnia videntis.

Secundum Punctum. Considera munera quæ Christo Magi obtulerunt, non qualiacunque, sed copiosa: id enim significatur illis verbis *Apertis thesauris suis obtulerunt ei*. Nam ad rem paruum offerendam, non fuit opus aperire thesauros. Discite hic liberalem te Deo exhibere, quem nosti melius quàm norint illi: & vide liberalem non vocari eum qui dat id tantum quod debet, sed qui ultra debitum, dat aliquid, idque largâ manu. Tu talis an sis considera, & qualis esse debeas erga Deum statue.

Tertium Punctum. Considera in particulari, species munerum Christo allatorum Aurum, thus, & mirram. Orientales enim erant, ideo obtulerunt ea quibus abundant Orientales. Hoc & te facere Deo par est. Si illa obtuleris Deo quibus abundas, multum obtuleris. Nulla re abundas magis quàm tempore, quo es in nolis, quamdiu viuis, carere non potes. Hoc totum offer Deo, gratum munus, obtuleris. Vide ergo ne illud otio consumas, ne rebus minus necessarijs & vtilibus, relictis magis vtilibus & necessarijs. Quod an facias, vide,

vide, & pondera, quanta felicitas sit habere tam multum temporis, cuius quævis particulâ minimâ, æternis gloriæ æternæ gradus tibi perpetuò cumulare possis. Utinam hoc penetres, & scias hac ratione coaceruare tibi innumeros gloriæ cœlestis thesauros. *Nam qui parvè seminat, parvè & metet.*

Quartum Punctum. Considera mysticam significationem horum munerum. *In auro, canit Ecclesia, vt ostendatur Regis potentia, in thure Sacerdotem magnum considera, & in Myrrha Dominicam sepulturam.* Tu Christo vt Regi seruias fideliter: & vt Sacerdotem pro te suum sanguinem in Cruce, & seipsum totum in sacro altari, quotidie immolantem, redama feruenter: & vt myrrha potatû, & pro te occisum, in crucis amore, & tolerantia aduersitatum hilari, imitare.

Sexta die intra octauam Epiphania.

Primum Punctum. Considera conditiones seu proprietates auri, easque mysticè applica voto Paupertatis, in quo annotatis tuis si quæ sint imperfectionibus, eas desce, & promissa emendatione renoua hoc votum, & iterato offer Domino.

Secundum Punctum. Considera proprietates & vsum thuris & voto Castitatis applica, vt ad eam colendam perfectius te excites, & defectibus circa eam deploratis, propone emendationem & votum hoc renoua.

Tertium Punctum. Considera Myrrhæ amaræ vsum & effectus, & voto applica obedientiæ, & similiter defectus hac in parte tuos cum dolore reminiscere, detestare, & votum ipsum renoua.

Quartum Punctum. Considera causas ob quas cæteris paribus, oblatio horum trium votorum sit magis grata Christo, quàm fuerit oblatio, auri, thuris, & myrrhæ: vt hinc agnoscas felicitatem tuam, qui vocatus es ad statum aded Christo Domino gratum, & te excites ad amandum eum magis, & ad vota tua perfectius obseruanda.

Septima die intra octauam Epiphania.

Primum Punctum. Considera internos Christi Domini affectus, & externum oculorum intuitum, quo excipiebat aduentum, adorationem, munera Magorum. Et tenero animi sensu Christum aspiciens, gusta eius plenos amore diuino affectus erga Magos, & excita te ad Christum honorandum, verbis, factis, oblatione munerum, vt dignus sis quem è throno cœlesti aspiciat eo affectu, quo ex fasciis aspicebat Magos.

Secundum Punctum. Considera lætitiâ B. Virginis, cum videret Christum à Magis honorari, tu quoque eam in te excita, tum ob illam adorationem, tum ob eum cultum qui Domino tuo per totû orbem defertur maximè ab animabus perfectè viuentibus, & accende cor tuum ad vitam Sanctè instituentem, vt possis esse Beatissimæ Virginis & SS. Angelis ac Spiritibus Beatis causa lætitiæ, imò & ipsius Christi cor exhilares.

Tertium Punctum. Considera quid S. Ioseph secum ruminaret, dum videret Christum ita adorari & visitari, primò à Pastoribus, deinde à Magis, & aliquid emolumenti decerpe ex hac consideratione optimi Christi nutritij.

Quartum Punctum. Considera quid cogitauerint illi Magi visâ Christi etsi pueruli Diuinâ, procul dubio, in illo corpusculo Maiestate & simul paupertate, & ex singulis proficere stude.

DOMINICA INFRA OCTAVAM

EPIPHANIÆ

Vel octauâ Epiphania vel primâ post Epiphaniam.

Primum Punctum. Considera Magos hos ad Christum adorandum Diuinitus vocatos, fuisse primitias gentium ad Ecclesiam Christi ex gentibus conflandam Deo oblatas. Consideratâ autem huius Ecclesiæ excellentiâ, & ratione Legislatoris seu Fundatoris eius Christi in carne, & ratione Sacramentorum, aliorumque mediolorum copiosorum ad cõsequendam salutem æternam, & ratione tot Sanctorum qui in ea floruerunt, gratias age Domino quod in Magorum vocatione quodammodo iecerit fundamenta suæ Ecclesiæ, & quod te eius membrum fecerit. Roga quoque vt eam augeat inter infideles & hereticos, & te faciat viuum & illustre illius membrum, ad maiorem sui nominis gloriam: quod cur tibi sit procurandum, & qua ratione, perpende, & te ad studium magnæ perfectionis accende.

Secundum Punctum. Considera causas cur vt S. Iosephum, ita & hos Magos Deus non in vigiliâ sed in somnis monitos voluerit, de rebus siue faciendis siue vitandis, & ex singulis fructum aliquem spirituales decerpe.

Tertium Punctum. Considera salutare Dei cõsiliû Magis datum ne redirent ad Herodem, & per eos nobis quoque, vt disceremus fugere occasiones malorum, maximè animæ nocentium seu pericula peccatorum, quæ sunt maiora, quàm mors vel persecutio corporalis, ad quam declinandam vetiti sunt Magi ad Herodem reuerti. Non vult Deus, etsi possit, impedire mala in quæ se conijciunt qui amant malorum pericula. Tu an & quomodo hac in parte procedas, vide, & statue quid deinceps agere debeas, & quomodo fugere occasiones peccatorum.

Quartum Punctum. Considera cautelam Magorum & Obedientiam, qui non tantum non redierunt ad Herodem, sed etiam per illam viam per quam venerunt poterant declinare eius conspectum, maioris securitatis gratia, viam prorsus diuersam inierant. Discere hinc, non tantum proximas sed etiam remotas fugere occasiones peccatorum. Discere negotia salutis, non quali quali securitate, sed quam maximam promouere, & in omnibus rebus eligere partem securiorem, maxime in rebus ad conscientiam spectantibus, ideoque fuge laxas opiniones, plurisque facias aeternitatem quam temporale aliquid commodum, cum periculo aeternae salutis etiam remoto. Quod an & quomodo facias vide, & corrige corrigenda.

FERIA SECUNDA.

Post Dominicam primam Epiphaniae.

Primum Punctum. Considera Christi humilem erga Deum pietatem, qui duodecim annos natus, etiam aequae bene posset Deum domi colere, iuit tamen cum Iosepho & Matre ad templum Hierosolymitanum aliquot dierum itinere a domo sua seiunctum, vt legi Diuinae qua id praescribebatur maribus, morem gereret, etsi ab obligatione eius seruanda liber erat. Discere hinc non omittere quaedam quae etsi non videntur absolute necessaria, siue ad salutem, siue ad perfectionem, sunt tamen a pijs vilitata siue tyronibus siue alijs. Et facta ad vitam tuam reflexione, corrige corrigenda.

Secundum Punctum. Considera modum quo Christus iter illud ad templum peregit, quo oculorum aspectu, quo motu manuum, qua inflexione membrorum, quo progressu pedum, tardo vel celeri, qua sermonis copia vel taciturnitate, quo vocis sono, quo in diuersis agendi, comedendi, bibendi, loquendi modo, & ex singulis proficere stude.

Tertium Punctum. Considera deuotionem Christi in templo orantis, quoad affectus internos, quoad situm corporis externum, quoad moram temporis in orando, quoad locum orationis, in hac vel illa templi parte, quoad sensum custodiam. Et ex singulis decerne necessaria documenta ad emendationem morum tuorum facta eorum collatione cum moribus Christi.

Quartum Punctum. Considera affectum Patris aeterni, & SS. Angelorum Christum orantem aspicientium. Quos te aspicere imaginare & gustare, & latere tam acceptas fuisse orationes Christi, & hoc viso accende te ad studium feruentissime orationis, vt dignus sis quem Pater aeternus cum Sanctis suis iucunde aspiciat orantem, & sua dona oranti copiose largiatur.

FERIA TERTIA.

Post Dominicam primam Epiphaniae.

Primum Punctum. Considera causas ob quas Deus in lege veteri iusserit omnes mascululos ter singulis annis in loco ad sacrificium destinato apparere, & cur feminas ad hoc non obligauit. Et collatis nostris templis & sacrificiis, maiori que eorum excellentia bene ponderata, excita in te magnum affectum ad frequentanda templa & sacrificia nostra, ob multiplicem fructum & consolationem.

Secundum Punctum. Considera liberalitatem Mariae in colendo Deo, quae etsi peccatis non esset obnoxia, etsi esset plena gratia, etsi aequae bene potuisset Deum colere domi atque in templo, maluit tamen ad templum se conferre religionis causa, ad quod tamen nulla Dei lege adigebatur, quae pro solis maribus lata erat. Confer te & tuas necessitates cum B. Virgine, & ex hoc exemplo proficere stude.

Tertium Punctum. Considera Christi resolutionem in procurando honore Patris aeterni, ob quam non habito respectu Matris & Ioseph inde dolorem habituri, remansit in templo ad tractandum cum legis Doctoribus, vt tu discas non curare humanos respectus, vbi agitur de re ad Deum spectante, & te opponere tuis aequalibus, si id res postulat, quando Deus Sanctissimae Matris suae & Iosephi rationem non habuit. Facta autem reflexione ad tuos mores, vide quam saepe ob humanos respectus non habes respectum Dei, & rerum eius, quod quae turpe sit & noxium, perpende & te emenda.

Quartum Punctum. Considera Christi modestiam simul & humilitatem, qui vt notauit S. Greg. in medio Doctorum sedebat non docens sed interrogans, etsi per diuinitatis potentiam verbum scientiae ipsi suis Doctoribus ministrari. Discere hinc omnibus Dei seruis familiarem humilitatem, qui etiam in rebus manifestis & bene sibi notis recurrerant ad consilia maiorum, quod & in rebus ad studia spectantibus, & in spiritibus, & in rebus praxim concernentibus viti accurati & prudentes in more habent. Tu rei huius vel necessitate vel vilitate ponderata, facta ad te reflexione, vide, & statue quid tibi sit faciendum.

FERIA QUARTA.

Post Dominicam primam Epiphaniae.

Primum Punctum. Considera quam modestiam & humilitatem Christus Dominus sedit in medio Doctorum in templo, tum ob loci reverentiam, tum ob obseruantiam Doctorum, quae item modestiam interrogabat eos, & interrogantibus respondebat, & ex singulis mores tuos ad Christi normam confirmare stude, improbatum prius defectibus tuis hac in parte.

Secundum Punctum. Considera rationem vitas quâ Christus Dominus à parentibus relictus, se triduo sustentavit, nimirum vt S. Bonaventuræ, & quibusdam alijs placet, cibo emendicato usus est. Hic tenero animi affectu aspice Christum plateas obeuntem, & mendicantem, & postea se reficientem. Quo spectaculo ad commiserationem te excita, & ad gratiarum actionem pro tanta demissione, & incommoditate tui causâ tolerata, ac ad paupertatis amorem & studium frugalitatis; & tuas in victu querendo nimio, vel delicato cupiditates damna.

Tertium Punctum. Considera piam Mariæ & Iosephi incuriam, qui abierunt Christo relicto Hierosolymis, existimantes eum esse in comitatu cognatorum & notorium. Non enim egebat maiorum, quibus erat subiectus custodia. Hinc discere non facile improbare omissiones quasdam aliorum, & proximos accusare incuriæ: contingit etiam Sanctissimos & oculatissimos, multa negligere nullâ suâ culpâ. Quin potius discere excusare omnia, vti ille apud S. Dorotheam, & monachos & immunditiam cellarum visarum ad piam causam referebat. Quod an facias vide, & corrige temeraria tua iudicia.

Quartum Punctum. Considera mysterium quod in loco in quo inuentus est Christus latet. Cur enim non in alio loco inuentus est, sed in templo, in loco Orationis? Deo dicato? An non æque potuit inueniri in foro, in campo in profana æde? Causam huius rei inquire, & proficere stude.

Feria quinta post Dominicam primam Epiphaniæ.

Primum Punctum. Considera valde insignem prudentiam & decorum eloquii quod elucebat in Christi responsis datis Doctoribus, ob quæ astantes omnes stupebant. Gaude Dominum tuum in tenera adhuc ætate, ad eum in opinione bona fuisse apud illos, & perpende, quàm pulchrum sit, & Religioni honorificum si inter externos eius filij ita versentur, vt suis egregijs agendi & loquendi modis rapiant alios in admirationem, & commendationem virtutis. Hoc quam sit necessarium cogita, & an talis vide, & talis esse stude.

Secundum Punctum. Considera Mariæ in loquendo humilitatem, quæ vti obseruauit S. Augustinus, facta mentionem sui & Iosephi primo loco & ordine Iosephum nominat, nõ se, etsi esset vera Christi parens, non ita Iosephus. Ecce, inquit, pater tuus, & ego, dolentes querebamus te. Ita & in verbis misimis, & in ordine ac modo loquendi se vera & profunda humilitas prodit, & nihil etiam si paruum contemnit, sed omnes occasiones humiliationis quæ

rit. Quod an tibi sit familiare, vide, & corrigenda corrige.

Tertium Punctum. Considera quanti sit faciendâ etiam sola localis presentia Christi, quæ etsi Mariæ & Ioseph per gratiam, & ratione Diuinitatis sibi presentem habebant, quia tamen corporaliter non habebant, dolentes querebant eum. Hinc agnosce, quanti faciendâ sit Sacra Communio, in qua corporaliter presentem habemus Christum, & quidem modo longè præstantiori & mirabiliori quam fuerit dum in domo Mariæ aspectabilis viueret. Cur ergo non cum eo animi ardore, eum in Eucharistia quæris, quo dignus es? Cur postquam eam recepisti, tedio afficeris in solito, cum eo colloquio, & ad distractorias occupationes debito citius te proripis? Erubescere, veniam pete, & in posterum quere eum ardentius, conuersare cum eo inuento diutius.

Quartum Punctum. Considera titulum à Maria Iosepho datum. Ecce pater tuus & tamen vere Pater non erat Christi Iosephus, sed solus Deus. Nec tamen hanc ob rem aut Christus indignatur, aut Maria mendax dici meretur. Hæc pondera, causas inquire, & applicando ad praxim, discere, non facile indignari alijs nõ propriè loquentibus, nec contumeliam aut contemptum tu existimâ omnia ea quæ id sonare videntur. Quod quomodo facias considerâ, & assuesce bene omnia interpretari.

FERIA SEXTA.

Post Dominicam primam Epiphaniæ.

Primum Punctum. Considera, & profundè in corde & ore tuo imprime illa Christi verba: *In his quæ Patris mei sunt oportet me esse.* quibus, vti par est quotiescunque se offert occasio te retrahens à piâ aliqua re ad Dei obsequium spectante quoties offert se occasio regulam aliquam transgrediendi, & his similia, si non verbis, certè factis responde. *In his quæ Patris mei sunt oportet me esse.* An autem ita facias, vel potius malis esse in his quæ mali socijs, verbo vel exemplo suadent, vide & erubescere, veniam postula, & tales socios noxios declina.

Secundum Punctum. Considera multiplicem necessitatem quam habes ad totam vitam tuam occupandam in his quæ sunt Patris tui celestis, tum vt ita satisfacias pro peccatis tuis & aliorum, eum que places, tum ob spem præmij tum quia ista est Dei voluntas, tum quia iste est finis vocationis tuæ, tum alias ob causas quas ipse inuenies. Examina ergo omnes diei horas, omnes occupationes tuas, vt agnoscas an eæ sint tales, & tali modo factæ, vt meritò dicendum sit te in iis quære ea quæ sunt Patris tui celestis. Sin secus, dole, desse tuam socordiam, & te emenda.

Tertium Punctum. Considera necessitatem gratiæ Christi abundantis, ob cuius defectum dicitur Ioseph & Maria ab Euangelista non intellexisse illa Christi verba et si clara: *In his quæ Patris mei sunt oportet me esse*, quia scilicet nondum plenè omnes intelligebant, quæ essent res illæ Patris æterni, in quibus Christum oportebat occupari. Ideo satis non est audire verba & monita salutaria si Christi desit plenior gratia. Hinc iisdem verbis conuertitur vnus, alter nequaquam. Quocirca dispone te ad vberem Christi gratiam. Ad quod quid necessarium sit cogita & habere stude.

Quartum Punctum. Considera Christi obedientiam, qui vt suorum voluntati morem gereret, relicto templo rediit in Nazareth & erat subditus illi. Pondera hoc, & simul quàm infinito interuallo fuerit præstantior Matre sua & Iosepho, & quàm non teneretur esse illis subditus, & tamen erat subditus illis, idque non tantum loco, sed factis perfectissime. Hinc discere, quomodo sit tibi obediendum, quàm accuratè, & qui hac in re defectus sint tibi fugiendi.

S A B B A T O.

Post Dominicam primam Epiphania.

De B. Virgine. Sumens illud Aue.

Primum Punctum. Considera in quo corporis situ vel iacentem, vel stantem, vel sedentem, vel flectentem, vel ambulatam inuenierit Gabriël Archangelus B. Virginem diciturus ei: *Aue gratia plena*, &c. & ad mores tuos factâ reflexione, decerpe quæ necessaria videbuntur ad eorum emendationem.

Secundum Punctum. Considera quos affectus mentis habuerit B. Virgo, audita hac honorifica salutatione *Aue gratia plena*, tum eos ponderando qui in Euangelio descripti sunt, tum alios, quos pium est adscribere gratissimæ & SS. Virgini. Et ex omnibus factâ ad te reflexione, collige aliquem fructum Spiritualem.

Tertium Punctum. Considera verba prima Angeli *Aue gratia plena*, & in ijs quantam Virgo habuerit gratiæ plenitudinem, & quàm tu parum habeas gratiæ, cum tamen posses perpetuè in ea crescere si perpetuè tempus expenderes in actionibus factis ob finem supernaturalem habens conscientiam mundam à mortali peccato: statne ergo quomodo in posterum debeas crescere in gratia.

Quartum Punctum. Considera modum quo S. Gabriël hæc ad eam verba in aspectabili specie dixit, quo gestu, quo oculorum intuitu, qua oris compositione, quali voce, quàm sonorâ, quâ reuerentiâ: & singula cõfer cum actionibus tuis, vt in illis emendes defectus in lo-

quendo tuos, & cum maioribus, & cum æqualibus, & cum minoribus, & Angelicos mores induas.

DOMINICA SECUNDA.

Post Epiphaniam.

Primum Punctum. Considera modum quo se gesserunt in Nuptiis Mater Domini Iesu, & ipse Iesus Dominus, cum discipulis suis in loquendo, sedendo, comedendo, bibendo & factâ ad te reflexione, & ad similes actiones tuas, ex Singulis proficere stude.

Secundum Punctum. Considera finem ob quem Christus Dominus, & honestissima Mater eius, ac discipuli verecundiã plenã, nõ sunt dedignati ire ad conuiuium nuptiale: nec enim ob hilaritatis mundanæ gustum captandam, non ob cibos lautiores, non ob inutilia colloquia & fugam laborum ac distractionum æmorem, eõ se cõtulerunt, sed ob alios fines excellentes, ad Diuinæ gloriæ propagationem relatos, qui quales fuerint, & qui per te inquire, & quomodo eos ibi quaerierint perpende, & facta ad te applicatione, fructum spirituale inde decerpe.

Tertium Punctum. Considera piã B. Virginis sollicitudinem, quæ deficiente vino dirigit ad Iesum: *vinum non habens*. Delectare in hoc teneto Charitatis Virgineæ affectu erga indigentes. Gratias ei age, & magnam spem concipe, etiam te tacente SS. Matrem pro te intercessuram in necessitatibus tuis si fueris dignus hac eius beneuolentiâ, ad quam habendam quid te facere oporteat cogita, & hoc procurare stude.

Quartum Punctum. Considera moderationem animi in Christo, qui et si posset statim miraculosè vinum propinare conuiui, noluit, sed paulò post id fecit, vt discas in rebus quoque bonis frenare voluntatis impetus, & non statim, nec festinanter ea exequi, quæ aliquando exequenda sunt, sed eo tempore quo iusta necessitas exigit, vt ita sis dominus tui & actionum tuarum, & non sequaris affectuum tuorum impetum, sed eum regas, & potius rectæ rationis imperium sequi iubeas. Quod an facias vide, & corrige corrigenda.

FERIA SECUNDA.

Post Dominicam secundam Epiphania.

Primum Punctum. Considera Christi responsum B. Virgini datum: *quid mihi & tibi mulier mundum venit hora mea*. Vbi duo pondera. 1. Christi libertatem ab humanis respectibus vacuam, qui etiam Matri petenti negauit pro eo tempore id quod petebat. 2. Nõ statim à Deo exaudi.

exaudiri etiam Sanctos iusta petentes. Et hinc discite tum perseverantiam in orando, etiam si non statim exaudiatur, tum etiam nec propter respectum virorum magnæ autoritatis quicquam facere, quod facere non oporteat vel nõ deceat. Quia in re quomodo te geras vide, & corrige corrigenda.

Secundum Punctum. Considera verba B. Virginis ad ministros coniuuij, quodcumque dixerit vobis, facite. certa de auxilio, modum proponit id obtinendi quo egebant, scilicet, perfectam obedientiam. Hæc verba tibi dicta pnta, eaque exequere, si vis id habere à Deo quo indiges. Ne mirere autem, quod multa petas nec obtineas, quia Christum non audis. Reuoca in memoriam eius quædam consilia data in Evangelio, id agnosces, ideoque da operam vt ea exequare.

Tertium Punctum. Considera modum quo Christus vinum diuinitus coniuuij suppeditauit: *Implete*, inquit, *hydrias aquæ*; illi verò impleuerunt eas vsque ad summum. Hinc discite res à Deo impetratas perfectissimè exequi vt isti ministri nuptiarum, non contenti quomodocumque implere hydrias, eas quam optimè potuerunt impleuerunt, scilicet ad summum. Vnde mirum non est, Christum hanc perfectam obedientiam eis compensasse. Tu percurre præcipuas occupationes diurnas quas obis ex Dei voluntate, & vide an eas ita perfectè obeas sicuti posses, & incusata tuâ fociordia, noli mirari quod in te non certas ea Dei dona quæ serui Dei perfecti à Deo percipiunt. Propone itaque emendationem.

Quartum Punctum. Considera causas ob quas Christus primum hoc miraculum non alibi fecit quam in nuptiis, etsi id temerariæ linguæ carpere potuissent, quasi faueret luxu & ebrietati materiam suppeditasset, & non aliâ in re quam in vini mira effectione, & aquæ transmutatione: & fructum hinc spiritualement de- cerpe.

FERIA TERTIA.

Post Dominicam secundam Epiphaniæ.

Primum Punctum. Considera Agnomen Christo datum à S. Ioanne Baptista. *Ece qui tollis peccata mundi.* Primum enim tollit ea satisfactoribus variis in proprio corpore peractis quod fame, siti, æstu, frigore, laboribus, incommodis aliis, morte denique ipsa excruciatum obtulit pro peccatis nostris, non sine internis in animo doloribus & angotibus. Hoc modo atroci quo sustulit Christus Dominus peccata mundi pöderato, tum gratias age ardentè pro rãta charitate, tum vide quantopere deceat te satisfacere pro peccatis tuis: quod an facias, considera, & propone emendationem saltem in toleran-

dis iis quæ te affligunt, & quæ tibi inuito accidunt, plura enim pro solis tuis peccatis venialibus mereris.

Secundum Punctum. Considera secundum modum quo Christus Dominus tollit peccata mundi, scilicet per Sacramenta ritè suscepta, præsertim penitentia & Eucharistia. Vbi immorare grato animo perpendendo efficaciam horum Sacramentorum ad tollenda verè ex animabus nostris omnia peccata, idque facile. Gratias age Deo pro tantâ beneficentiâ, & vide quam gratus sis pro tanto beneficio & quomodo eo vtaris.

Tertium Punctum. Considera tertium modum quo Christus Dominus tollit peccata mundi, scilicet per auxilia supernaturalia gratia suæ, quibus illuminando intellectum, & excitando voluntatem auertit corda nostra à peccatis, & efficit in nobis varios actus bonos, quibus excluduntur ex animabus nostris, nostra peccata, dum scilicet vel ea detestamur ex animo, dum de illis dolemus ardentè, dum Deum super omnia diligimus. 2. vbi perpende in tua potestate esse frequenter elicere tales actus peccata excludentes, quia Dei gratia præsto tibi est. Cur ergo hac in re segnis es & tepidus, cum tamen multis scateas quotidianis peccatis.

Quartum Punctum. Considera quartum modum quo Christus Dominus tollit peccata mundi, scilicet per homines, qui bonis exemplis, consiliis, reprehensionibus, pœnis iuuant alios vt peccata fugiant, & ne in illa labantur. Gratias age Domino pro hoc beneficio valde necessario, & inde quomodo vtaris his mediis ad euitanda peccata propria, & si quid emendandum est in vita tua, emenda.

FERIA QUARTA.

Post Dominicam secundam Epiphaniæ.

Primum Punctum. Considera humilitatem Christi qui venit à Nazareth Galilææ in Iordanem ad Ioannem, vt ab eo baptizaretur illo baptismo, qui vt ait S. Thomas par. 3. q. 38. a. 3. ad 1. erat *Protestatio quadam, quâ protestabantur homines se penitentiam acturos*, quâ tamen penitentia Christus non egebat, nec egerè poterat vt pote impeccabilis. Confer hic superbiam tuam cum hac Christi humilitate, quam sæpe malus haberi non vis, cum verè sis talis; quam sæpe signa penitentia non vis exhibere, cum deberes, & detestare tuam vanitatem ac te emenda.

Secundum Punctum. Considera alterum finem baptismi à Christo suscepti, scilicet vt quemadmodum obseruauit S. Ambrosius l. 2. in Lucæ. c. vlt. suo exemplo ad baptismum illum suscipiendum hortaretur. Hinc agnosce quam grata sit Christo

Christo Domino boni exempli exhibitio, quæ an tibi non tantum ob aliorum bonum, sed etiam ob tuum proprium commodum sit cordi, vide, & ut cordi sit motius aliquot id tibi persuade, præsertim ipso Christi exemplo quem imitari debes.

Tertium Punctum. Considera verba Ioannis ad Christum ante baptismum; Ioannes enim prohibebat Christum dicens. *Ego à te debeo baptisari, & tu venis ad me?* Ex quibus verbis discere quantum est in te fugere officia speciosa, nec contrariam esse obedientiam talium rerum fugam, dummodo tamen sit coniuncta cum plenâ resolutione animi ad faciendum quod tandem absolute nobis iniungitur. An autem res speciosas fugias, an vilibus delecteris vide, & si quid emendandum sit siue domi, siue foris siue in officio, siue in sessione, siue in aliis occasionibus emenda.

Quartum Punctum. Considera modum quo Christus baptizandus Iordanis fluvium ingressus est, & quo susceptus aquam baptismi à Ioanne, & quo usus est in egressu ex aquis Iordanis, & facta ad te reflexione eius exemplo proficere stude.

FERIA QUINTA.

Post Dominicam secundam Epiphaniæ.

Primum Punctum. Considera causas ob quas Christus baptismum à Ioanne id disuadente suscepturus dixerit. *sine modo, sic enim deceat nos implere omnem iustitiam.* Nimirum quia profunda cordis & operis humilitas cum vita exemplari coniuncta est via, ad assequendam omnem iustitiam, & quodammodo est impletio omnis iustitiæ. Quod quomodo verum sit perpende, & te ad hoc ipsum diligenter excita.

Secundum Punctum. Considera præmium Christi humiliationis. Ut enim ascendit ex aqua, vidit celos apertos, & Spiritum S. corporali specie sicut columbam descendentem & manentem super se. Quod ac si præsens esses mente aspiciens, gratulare Christo Domino hunc honorem, gaude tenerè ob illum, & excita te ad studium faciendi res Deo placentes, qui nil sine remuneratione transire facit.

Tertium Punctum. Considera causas ob quas Spiritus S. supra Christum appariturus non alia specie quam columbæ se spectandum præbuerit. Et ex singulis stude fructum aliquem decerpere.

Quartum Punctum. Considera vocem cælitus demissam supra Christum. *Hic est Filius meus dilectus, in quo mihi complacui.* O quam magna laus est ista, quam ingens bonum placere Deo esse Deo dilectum. Hoc ponderato, inquire quid facto opus sit, ut dilectus Dei euadas, & is in quo sibi Deus complacuit, & hoc omni conatu acquirere stude.

FERIA SEXTA.

Post Dominicam secundam Epiphaniæ.

Primum Punctum. Considera quid Spiritus S. Messerit in humanitate Christi post descensum in eam specie columbæ: scilicet, expulsi enim id est efficaciter impulsi ad eundem in desertum, & quidem eo sine vi tentaretur à Diabolo: unde discere tentationes pati, quibus nullam ipse das causam, non repugnare perfectioni, sed etiam perfectis hoc accidere ob multiplicem fructum quem inde referunt. Noli ergo impatiens esse dum tentaris, noli mutare bona proposita, ante tentationem facta, noli fugere molestias, quia possunt esse ab ipso Spiritu S. immixta ob finem bonum. Quod an facias vide, & præpara animam tuam ad tentationem, nam *iacula præuisa minus feriunt.*

Secundum Punctum. Considera Christi humilitatem exitiam, quam prætulit permitiendo se à Dæmone tentari, quod fuit maior Christi iniuria, quam si Regem aliquem potentissimum in suo conclave sedentem, viliissimum aliquod mancipium inuaderet, ac molestia afficeret, eum ad res indignas sollicitans. Confer hic molestias tuas quas iniquo animo ab hominibus suscipis, & corrige Christi hoc exemplo impatientias tuas, & mansuetudinem addisce.

Tertium Punctum. Considera Christi ieiunium 40. dierum ac nocturnum tui causa susceptum. Gratiâ age pro hoc Christi beneficio, & vide quomodo tu debeas vel ob peccata tua, vel ob Christi beneficia tuam carnem affligere in cibo & potu, quando Christus suam innocentissimam affixit. Quod an facias, & quam imperfecte vide, & relecta imperfectiones tuas hac in parte.

Quartum Punctum. Considera quibus rebus se Christus occupavit in deserto per 40. dies, & ex singulis proficere stude.

SABBATO.

De B. Virgine Gabrielis ore.

Primum Punctum. Considera Hierarchiam ex qua erat Gabriel assumptus ad obeundam hanc admirabilem legationem: verissime enim est fuisse eum ex primis Angelis, ut putat S. Gregorius: ut etiam ex hoc capite commendetur B. V. excellentia, & nostræ salutis præstantia, ad cuius initium, non ex infimo ordine elegerit legatum Deus. Ex qua re exardece tenore affectu erga Deum qui te tam magnificæ ac dignitatis rationem habeat. Gratiâ quoque ei agere pro tam amplâ beneficentiâ, & vide

vide quâ in re similem possis declarare Deo gratitudinem.

Secundum Punctum. Considera S. Gabrielis iteratam legationem; nam multò ante etiam ad edocendum Danielem recondita mysteria missus fuit Dan. 3. & 9. quâ iterata, videtur docere nos Dominus, eos qui fideliter inuncta officia semel obeunt solere ab eo eligi ad res maioris momenti. Quod etsi Religioso viro, circa officia seculi iudicio honorifica optandum non est, vt humilitatem professo, optandum tamen est, circa dona supernaturalia, & circa occasiones Deo magis ac magis placendi. Perpende igitur quâ fidelitate & diligentia obeas quonia tibi à Deo imposita, vt agnoscas an sis dignus qui ad maiora merita iudicio Dei peruenias.

Tertium Punctum. Considera os S. Gabrielis quo Virginem salutauit, nunquam vlla alia re fuisse occupatum nisi triplici sermone. 1. In Dei laudes vergente. 2. Aliquam hominibus vtilitatem adferente. 3. Dei hostes increpante. Tu vicissim examina materiam tuorum sermonum, & agnitis multis defectibus stude os tuum conformare ori sanctissimo Spirituali S. Gabrielis.

Quartum Punctum. Considera modum locutionis S. Gabrielis dum Virginem salutaret, quatuor in ea perpendendo. 1. Quali voce vsus fuerit, id est quâ sonora an clamosa. 2. Quâ feliciter vel lente locutus. 3. Quâ oris compositione in corpore assumpto. 4. Quâ mentis attentione in consideratione singulorum verborum. Ex singulis fac reflexionem ad tuas locutiones, & corrige corrigenda. Denique gratias age S. Gabrielis, pro legatione bene expedita, & roga vt tibi impetret fructum vberiorum tam salutaris legationis.

DOMINICA TERTIA.

Post Epiphaniam.

Primum Punctum. Considera affectum triplicem in leproso ad Christum accedente. 1. Affectum humilitatis, quem lepra corporis in eo exercebat. 2. Desiderium ardens impetrandæ sanitatis. 3. Ardentem petitionem sanitatis. Et pondera te ob lepram spiritualem peccatorum etiam venialium obligati ad hos tres affectus circa liberationem ab eis semper fouendos in corde, & ad Christum medicum dirigendos collatis vtriusque lepræ differentis. Cur ergo talis non es (cum sis conscius tot peccatorum) quales sint leprosi, vt à lepra liberentur? Erubescere & te emenda.

Secundum Punctum. Considera verba leprosi ad Christum, Domine si vis potes me mundare, & ea ponderando applica ea ad SS. Eucharistiam, quam hodie es suscepturus, & magno animi sensu similia loquere ad Christum, sub specie-

bus Eucharistiæ latentem.

Tertium Punctum. Considera modum quo Christus leprosum curauit. *Extendens manum tetigit eum dicens, volo, mundare, & confestim mundata est lepra eius.* Gratias age pro lepra abacta, gratulare leproso curato. Desidera spiritualis lepræ tuæ curationem, & eam spera, qui non tantum manu Christi, sed toto corpore eius toties tangeris, imo illo vesceris. Et exquire à te, cur tam modico corpore toties rescisci solitus, non curaris ab infirmitatibus tuis, & impedimentis amouere stude.

Quartum Punctum. Considera verba Christi ad leprosum sanatum: vide nemini dixeris, sed vade ostende te Sacerdoti & offer munus quod præcepit Moyses in testimonium illis. In quibus pondera fines, ob quos tria hæc monita Christus Dominus dedit leproso curato, & decerpe ex singulis monita pro moram tuorum reformatione.

FERIA SECUNDA.

Post Dominicam tertiam Epiphaniæ.

Primum Punctum. Considera conditionem deserti in quod Christus tui causa post Baptismum secesserat. Erat inquit S. Marcus cum bestiis. Non sine mysterio Spiritus S. hanc deserti circumstantiam scribi voluit, vt nobis dulciter redderet loca omnia quæ Christi causa incolimus. Tu prius pondera hanc Christi commorationem inter bestias Syluestres eumque sic intueri inter eas versantem. Deinde confer omnia loca quam maxime incommoda quæ tibi possunt in Religione contingere, & disce nunquam ea detrectare, vel conqueri ob ea, siquidem nunquam erunt tam vilia vt sint desertum fouens bestias.

Secundum Punctum. Considera molestias famis & sitis quas Christus tui causa tolerauit in deserto. Et pio affectu ac pleno commiserationis Christum tui causa famentem, & sitientem intueri, gratias ei age, & confer tuos in cibo & potu excessus ac delicias, tum Christi exemplo, tum tuo statui paupertatem præferenti repugnantes, easque detestare, & propone seriam Christi causa emendationem.

Tertium Punctum. Considera affectum Patris æterni & SS. Angelorum erga Christi humanitatem nostri causa ita se in deserto macerantem; & mentis ocalis intueri tale spectaculum excitans in te spiritualem gustum & odoratum tum Christi mortificationis, tum affectus diuinarum personarum erga Christum ita se macerantem & ex hoc spirituali gustu excita in te magnum desiderium variis modis macerandi carnem propter Christum.

Quartum Punctum. Considera liberalitatem Christi erga te, & copiam redemptionis tuæ. Nam

Nam etsi non erat necessaria absolute loquendo & simpliciter hæc carnis Christi maceratio ad tui redemptionem, tamen eam adhibere voluit. Disce hinc ea etiam Christi causâ facere & pati ad quæ non teneris. Et tamen quàm segnis es & infidelis in reddendis Domino iis quoque rebus quas ei reddere teneris. Erubescere, veniam pete à Domino, & te emenda.

FERIA TERTIA.

Post Dominicam tertiam Epiphania.

Primum Punctum. Considera Dæmonis astutiam qui videns Christum post longam incediam esurientem, hinc occasionem sumpsit eum tentandi, & quærendi materiam pro fame explenda. Si filius Dei es, dic ut lapides isti panes fiant. Ita Dæmon per illam partem aggreditur hominem quam vel debiliorem inuenit, vel ad quam videt hominem esse magis procliuem. Tu examina animæ tuæ statum quæ in re sit debilior, quæ magis propendat, & vide an ibi inuigiles, an id custodias, & agnito periculo tuo, muni te contra illud.

Secundum Punctum. Considera Christi responsum ad primam tentationem gulæ. Non in solo pane viuit homo, sed in omni verbo quod procedit de ore Dei ostendens hominem gustui verbi Dei, hoc est doctrinis diuinis addictum, ita quodammodo satiari, ut non sit nimium sollicitus de replendo ecclis ventre, nec famis molestias curet. Tu an sis talis vide, & aliorum exemplo quos tales esse legisti, vel audisti assuesce ad occupandum animum studiis diuinis serid tractatis, & gulæ molestias contempnes.

Tertium Punctum. Considera secundam tentationem Christi super pinnaculum templi constituti. Si filius Dei es mitte te deorsum, scriptum est enim quia Angelis suis mandauit de te, & in manibus suis tollent te ne forte offendas ad lapidem pedem tuum. Cui Christus. Non tentabis Dominum Deum tuum. Vbi disce cum timore procedere in Dei obsequio: Nec sperare vanè Dei auxilia sine mediocum ab eo datorum usu. Quod quomodo exequaris vide, quomodo occasiones succumbendi tentationibus vites considera, & si quid sit emendandum, emenda.

Quartum Punctum. Considera tertiam tentationem Dæmonis Christo offerentis omnia Regna mundi, si eum adoraret procidens. Quod etsi fecisset, regna illa non accepisset. Ita Dæmon multos decipit, multa offert, nil vel pauca dat, plurimum tamen apud homines lucratur, dum efficit, ut sapius eius persuasiones malas acceptent quàm Diuinas, plures faciant terrena comoda, quàm præmia cælestia. Tu an talis sis vide, erubescere si talis es dolo; veniam pete, & te emenda.

FERIA QVARTA.

Post Dominicam tertiam Epiphania.

Primum Punctum. Considera mysterium quod est in recessu Satanæ à Christo, à quo non prius recessit nisi postquam audiuit. Dominum Deum tuum adorabis & illi soli seruias. Unde discere possumus ab illis victum fugere Dæmonem, qui ita viuunt, ut factis ostendant se soli Deo seruire, non partim mundo & humanis respectibus, partim Christo. Quod quàm turpe sit pondera, & an in te reperiat vide, & te emenda.

Secundum Punctum. Considera Diabolum nõ totaliter recessisse à Christo, sed ut ait S. Lucas vsque ad tempus, quasi diceret, iterum rediisse ad tentandum. Si ergo Christus non fuit liber à frequentatis Dæmonis insultibus, tu time. Ne autem noceant, tempore quietis arma te & præpara, ut tentator inueniat præparatum, & non noceat. Examina autem ea circa quæ te solet Dæmon tentare, & quomodo te pares ad ea, an tali diligentia qualem adhibent milites hostem expectantes, & confundere, quod hostem omnibus mundi potestatibus fortiorem, & magis altutum minori cum apparatu expectes, quàm alij soleant debiliorem expectare. Et statue quid tibi sit faciendum.

Tertium Punctum. Considera fructum tentationis Christi quam subsecutum est ministerium Angelorum. Ecce Angeli accesserunt, & ministrabant ei. Hoc si tibi contingeret, quomodo te purares felicem sed plus tibi pro tentationum victoria offert Deus scilicet sui visionem parat, se ipsum præbet in præmium. Cui ergo refugis tentationes eius, quibus te vel per homines, vel alio modo molestat, cur tædio acceris. Viriliter age, & sustine Dominum, ipse erit merces tua magna nimis.

Quartum Punctum. Considera modum quo Sancti Angeli Domino ministrabant quo interno affectu, quæ externâ deuotione diligentiaque. Gratulare Christo Domino tam bonum famularum. Gratulare SS. Angelis qui facti sunt digni, ut Christo seruiant, & eorum exemplo reprehende tuam in Christi obsequio negligentiam, in deuotionem, irreuerentiam exterioriorem, teporem interioriorem, maximè in sacro, in lectione sacra, in oratione, in examine, & omnes defectus emendare stude.

FERIA QVINTA.

Post Dominicam tertiam Epiphania.

Primum Punctum. Considera Christum tantquam fontem inexhaustum bonorum omnium, de quo S. Ioannes ait: De plenitudine eius

nos omnes accepimus gratiam pro gratia: id est gratiam vel cumulata, vel vnus hanc, alter pro illa aliam iuxta mensuram donationis Christi. Pondera profunditatem huius fontis, ex quo etiam quouis instanti temporis infinita hominum millia haurirent Dei dona tam copiose, vti hausit B. Virgo, adhuc semper noui & noui mundi pleni maximis Sanctis haberent quod haurirent. Obstupesce Christi præstantiam, & tibi gratulare qui Domino tam diuiti seruis. Cur ergo tam parum hausisti adhuc: cum fons apertus sit, & sequi tibi ingerat tot viis? Causas inquire erubescere, desse tuam socordiam & te emenda.

Secundum Punctum. Considera artes seu modos, quibus vsi sunt serui Dei magni præsertim tui Ordinis, & tam multa dona hauerunt ex hoc fonte diuino. Quod agnoscere poteris ex vitis eorum in memoriam reuocatis, præsertim ex exemplis victoriæ sui ipsius & liberalitatis erga Deum in agendo & patiendo & facta ad te reflexione, statue quid tibi sit faciendum, vt & tu citò ac valde à Christo diceris.

Tertium Punctum. Considera differentiam legis veteris & nouæ his verbis adumbratam. *Lex per Moysen data est gratia & veritas per Iesum Christum facta est.* eò quod Christus reliquerit in sua Ecclesia fontes gratiæ efficaces scilicet Sacramenta, & tam multos vbique terrarum huius gratiæ dispensatores Ecclesiasticos. Veritatem etiam attulit, tum exhibendo veritates adumbratas in legi veteri tum suo exemplo docendo quæ sint vera bona, quæ fucata. Tu inquire quomodo quæras has gratias, quomodo secteris veritates, ab eo promulgatas mundi legibus contrarias, & mores tuos emenda.

Quartum Punctum. Considera proprias gratias & veritates statui Religioso in communi, deinde in particulari tuo Ordini à Christo relictas quibus differunt, & Religiosi à seculo, & nos ab aliis Religiosis. Gratias Deo agere pro illis, examina te quomodo iis vtaris, dole ob negligentiam tuam in vsu illarum, & emenda mores tuos in posterum.

FERIA SEXTA.

Post Dominicam tertiam Epiphaniæ.

Primum Punctum. Considera in Ioanne Humilitatis primum gradum quando legatis Synagoga Judaicæ petentibus, an esset Christus, an esset Helias, respondit. *Non sum.* Hoc est enim primum in humilitate, non attribuere sibi ea quibus quis caret. Tu inquire quàm multa sæpe & naturalia & supernaturalia tibi vel verbis attribuis, vel solo desiderio, vel factis, dum pro tali vis haberi ob opera similitate facta qualis verè non es. Erubescere, veniam pete à Christo humilitatis Magistro, & te emenda.

Lancicij Opus. Tom. 2.

Secundum Punctum. Considera secundum humilitatis gradum in Ioanne, qui rogatus *Propheta es tu dixit.* Non cum tamen Christus de eo dixerit. *Ecce plusquam Propheta.* Ita humilitas claudit oculos, ne videamus multa ex iis quæ verè habemus. Tu an talis sis perpende, & si quid sit emendandum emenda.

Tertium Punctum. Considera tertium humilitatis gradum in Ioanne qui non contentus quòd sibi non adscriberet id quod non habuit, & quod non propalaret quod habuit, verè positiuè sibi attribuit vilem titulum. *Ego vox clamantis in deserto.* Tu inquire an te positiuè humiliter, attribuendo tibi vel verbo, vel opere ea, quæ te possint humiliare; & corrigenda corrige.

Quartum Punctum. Considera Excellentiam Ioannis, qui se ita tribus his modis humiliavit, & excellentiam multiplicem, nam & à Christo laudatus fuit præ cæteris, & ob viuendi rationem admirabilem commendatus est, & tamè adeò se demisit. Tu confer te cum Ioanne. O quàm longè distas ab illo. Cur ergo superbis? Cur te non demittis? Cur honorem tuum Christi causa non calcas. Erubescere, dole, nota actus superbiæ tuæ, & eos resecare.

SABBATO.

Post Dominicam tertiam Epiphaniæ.

De B. Virgine. Funda nos in pace.

Primum Punctum. Considera primam pacem cum Deo nobis necessariam (in qua per Beatissimam Dei Matrem fundari debemus) quæ tollitur quouis peccato mortali, & gratiâ iustificante stabilitur. Hoc considera quàm sæpè, quàm multis modis, quàm grauib. bellum gerendo cum filio huius Matris, volendo eum vt loquitur Apostolus *uirum crucifigere* perdidit istam pacem perdendo gratiam Dei. Desse ergo tuam cæcitatem, humilia te, & hoc efficaciter fugere propone quod te induxit ad hanc pacem perdendam.

Secundum Punctum. Considera secundam pacem necessariam cum proximis nostris, quæ vt fouetur mutuis obsequiis, beneuolentiâ perpetuâ, & omnia in meliorem partem interpretandi consuetudine, ita rumpitur detractionibus, conuitiis, contumeliis, omissione mutui auxilij, non impletione iustæ proximi petitionis. Cum ergo petas à B. Virgine, vt in hac quæ pace funderis, vide an operibus tuis concordans cum hac petitione, qui enim aliter viuit quàm petat, factis se ostendit rem nolle, dictis vel affectu se velle. Qualis sis examina te & omnia paci huic contraria exclude.

Tertium Punctum. Considera tertiam pacem necessariam cum propria conscientia, quæ duobus

O o o b u s

bus modis turbatur. Primò, peccatis venialibus deliberatè admissis. Secundò, vehementibus inordinatorum affectuum motibus, ex merito defectu debitæ mortificationis ortis. Impossibile enim est ex his fontibus non sequi amarum conscientiaë remorsum, ac proinde pacis dulcedinem non perire. Examina ergo te quomodo te hac in parte geris & si malè, deplora hoc, pete veniam à Deo, pete auxilium à Deipara, & promitte emendationem.

Quartum Punctum. Considera stabilitatem tibi necessariam in retinenda hac triplici pace. Talis enim esse debet quæ mereatur appellari fundata & tanquam fundamentum stabile ædificij spiritualis, quod fundamentum nullis oneribus aduersitatum, laborum, linguarum, malorum exemplorum, iniuriarum, difficultatum cedat. An ita sis fundatus, recogita, quod non sis, & cur non sis vide ac deplora statum tuum, & non tantum frequentibus precibus iisque ardentibus, sed magis conatu tuo, ac studio diligenti & operibus clama ad Deiparam vt fundet te in pace.

DOMINICA QVARTA.

Post Epiphaniam.

Primum Punctum. Considera Statum Religiosam similem esse nauiculæ Christi, consideratis commodis, quæ adfert & habet nauis mercibus pretiosis onusta, & ex singulis decerpe pios affectus gratitudinis erga Deum pro hoc beneficio, amoris erga vocationem tuam, modi viuendi & sedendi in hac nauicula seu nauigandi & similes.

Secundum Punctum. Considera variam necessitatem multorum fluctuum, quibus dum sumus in hac vita necesse est motibus ac tempestatibus concuti tum nauim nostram, tum nauigantes, & ex singulis considerationibus decerpe aliquid, pro morum tuorum practicâ institutione, seu sit solatium in tentationibus, seu documentum in præueniendis vel vincendis tentationibus, & aduersitatibus.

Tertium Punctum. Considera optimum modum tentationes vincendi situm esse in Dei inuocatione ardenti, frequenti & assidua, magnæque fiducia plena, vt fecerunt Discipuli visis fluctibus nauiculam penè operientibus. *Domine salua nos perimus.* Et vide quam ardens, quam frequens quam plena spei sit oratio tua, & an verè à te proficiscatur, tanquam à bono & fideli seruo Dei, quem non ore sed opere etiam Dominum verè vocare possis, & si quid emendandum sit emenda.

Quartum Punctum. Considera Christi po-

tentiam qui vt imperauit ventis & mari, facta est tranquillitas magna. Gratulare Domino tuam tantam potestatem, admirare eam, extolle, & te beatum reputa, quod seruis Domino tantâ virtute præditio, & tuam felicitatem pura, qui eum tam potentem, tam sapè, cibi instar sumas te benignè & intimè pascentem. Expone ergo ei nunc ad te aduentanti ventos & fluctus quibus anima & corpus tuum impetitur, petens ab eo salutare auxilium, vt fiat in te ea tranquillitas, quam ipse fecit fore salutarem tibi.

FERIA SECUNDA.

Post Dominicam quartam Epiphania.

Primum Punctum. Considera Iesum aspicientem Nathanaëlem dum ad se veniret, & dicentem de eo: *Ecce verè Israëlita in quo dolus non est.* Et contemplare oculos Christi Dominum iucundè aspicientis Nathanaëlem. Gratulare ei, sanctè ambi similem Christi erga te affectum & quàm sit id magnum beneficium perpende, & vide an in te sit causa & obiectum talis Christi erga te affectus, & si quid est ei contrarium amoue.

Secundum Punctum. Considera verba Christi de Nathanaële dicta. *Ecce verè Israëlita in quo dolus non est.* Sensum horum verborum perpende, & tibi applica an tibi conueniam, & si quid sit, vel in cogitationibus, vel in intentionibus tuis vel in verbis, vel in operibus contrarium iis, emendare stude.

Tertium Punctum. Considera simplicitatem Nathanaëlis quæ in causa fuit, vt Christus eo ipso audiente non dubitaret eum laudare. Ideo enim Nathanaël Christi verbis auditis dixit. *Vnde me nosti.* Talis vt sis da operam, vt etiam laudes tuas tutò audire possis sine damno tuo. An autem talis sis vide & vt talis sis procura.

Quartum Punctum. Considera Christi reponium datum Nathanaëli. *Prisquam te Philippus vocaret cum esses sub ficu vidi te.* Hinc occasionem sume cogitandi de Christi oculis, qui omnia nostra & nos vbique intuentur, in cubiculo, in angulo, in tenebris, cum aliis, in solitudine &c. & saltem ita reuertere oculos Christi Domini tui, sicut reuerteris humanos altius authoritatis. Et quod faceres, vel non faceres ob humanos, fac vel caue ob Diuinos.

FERIA TERTIA.

Post Dominicam quartam Epiphaniæ.

Primum Punctum. Considera Iudæorum irreuerentiam erga templum Hierosolymitanum, in quo auli fuerunt vendere boues, oues, columbas. Vbi rei indignitate ponderatâ, vide ne quid peius à te fiat in templo. Illa enim venditio fuit necessaria, rerum etiam necessarium, secus sunt peccata, quæ ab orantibus vel alio modo committuntur in præsentia SS. Euchariæ. Vnde agnosce an merearis à Christo iustam pœnam ob grauiora delicta.

Secundum Punctum. Considera Christi zelum, qui non verbis solis, sed factis ex funiculis flagello, omnes vendentes è templo eiecit, oues quoque & boues, æs verò nummulariorum effudit, mensas subuertit. Quas actiones abstrahendo à Christi persona considera, & discè non omnia adscribere iræ inordinatæ, quæ fieri vides & quandoque improbas, sed trahere in meliorem partem, & æquitati attribue. Quod quomodo facias factâ ad tua iudicia reflexione inquire.

Tertium Punctum. Considera Christi suauitatem in puniendo qui etsi facilius esset fustem inuenire quàm funem è funiculis necere, hunc tamen maluit quàm illum adhibere ad efficiendos templo iniurios. Idem imitare, dum vel solâ mente vel verbo, vel etiam opere si id facere debeas punis proximum, vt in omnibus resplendeat Christi suauitas, quantum fieri potest, sine præiudicio boni communis.

Quartum Punctum. Considera causas ob quas non eiecit columbas ipse, nec tam seuerum se exhibuit illis, qui eas vendebant, sed tantum dixit. *Auferte ista hinc, & nolite facere domum Patris mei domum negotiationis.* Et ex applicatione ad te proficere stude.

FERIA QVARTA.

Post Dominicam quartam Epiphaniæ.

Primum Punctum. Considera primam causam, ob quam Christus Dominus corpus suum appellauit templum, *Soluite templum hoc & in tribus diebus excitabo illud. Quod dicebat de templo corporis sui.* Quia nimirum vt templum est locus ad cultum Dei destinatus, ita erat Christi corpus in quo perpetuò colebatur Deus. Vide quibus modis Deus in illo coleretur, quo affectu, quâ assiduitate quo Dei ipsius gustu, & confer corpus tuum, an simile sit, & te excita ad imitandum Christi corpus hac in parte.

Lancicij Opus. Tom. 2.

Secundum Punctum. Considera secundam causam huius appellationis, quia nil profanum, nil immundum, nil leue, nil otiosum vquam in Christi corpore apparuit, vel actum est, sicut in templo Dei nil tale facere decet. Admirare pulchritudinem, & nitorem huius spiritualis templi, gusta illius excellentiam, confer contrarias conditiones templi corporis tui, confundere, dole, & te emenda.

Tertium Punctum. Considera tertiam causam huius appellationis. Quia vt templum Domini formam exteriorem & speciem habuit prorsus diuersam ab aliis ædificiis, ita exterior Christi corporis compositio fuit diuersa à moribus aliorum. Discurre hic per præcipuas eius corporis actiones externas, tuisque applica, vt agnitâ in illis diuersitate, corrigas corrigenda, sed prius ea desleas.

Quartum Punctum. Considera quartam causam huius appellationis quod quemadmodum templum Hierosolymitanum ab inimicis non semel passum est graues iniurias, imò etiam penitus dirutum fuit aliquoties, ita tui causa Christi Domini corpus multa acerba sæpè est passum, & voluntariè ab ipso Christo se pro tuis peccatis affligente, & à Iudæis, morte denique crudelissimâ extinctum. Hinc discè quàm tibi dulciâ debeant esse ea omnia quæ Christi causa te pati contingit vel propter tua tam multa peccata. Cur ergo refugis molestias carnis, & sensuum? cur illatas iniquo animo fers? cur non concupiscis ex animo, Erubescere, dole, & Christo Domino tuo te conforma, eique ardentem agere gratias, qui tui causa tale se templum præbuit Patri æterno, quale nunc considerasti.

FERIA QVINTA.

Post Dominicam quartam Epiphaniæ.

Primum Punctum. Considera zelum S. Ioannis Baptistæ qui non dubitauit monere Herodem, de omnibus malis quæ faciebat. Vbi consideratis circumstantiis Herodis, & eorum quos quandoque ex charitate monere deberes delinquentes, agnosce multò liberior & facilius te posse, ac debere proximum corrigere. Quod an facias cogita, & quàm variorum inde malorum, & in te, & in aliis causa sis agnosce & te emendare stude.

Secundum Punctum. Considera modum quo vsus est Sanctus Ioannes in corrigendo Herode, nam abstinuit à verborum conuiciis, imò & ab acerbitate, nec vllum signum edidit plus æquo commoti animi. Sed dicebat: *Nō*

O o o 2 licet

licet tibi habere uxorem fratris tui : si ergo quia Herodis superior non fuit graue eius scelus tam leniter improbat, quanto magis par est te in æqualibus tuis leuiore culpas sine acerbitate sermonis corrigere, & multò minus spiritum vindictæ præferre. Quod an & quomodo facias perpende, & corrige si quid est corrigendum.

Tertium Punctum. Considera Herodis quibusdam in rebus bonam facilitatem, qui multa faciebat quæ suadebat Ioannes Baptista, & libenter eum audiebat, etsi graues suos defectus detegeret ac improbare. Hæc perpende factâ Herodis impij cum persona tuâ (quæ pia esse tenetur) comparatione, & proficere saltem eius exemplo stude.

Quartum Punctum. Considera animum vindicatum Herodiadis, quæ insidiabatur Ioanni, ut volebat occidere illum. Cur? Quia impediabat eius malum & peccatum. Hanc imitantur suo modo, qui ægrè ferunt dum mala eorum impediuntur, siue directè siue indirectè quando deferuntur. Huius vitij mala pondera, & vide an in te sint & resolu te ad contrarium, & te emenda si quid sit quod exposcat aliquam hac in re emendationem.

FERIA SEXTA.

Post Dominicam quartam Epiphaniæ.

Primum Punctum. Considera clementissimum D. Iesum ex itinere pedestri fatigatum, sedentem (ut inquit Euangelista) *super fontem.* Pondera tenero animi affectu quid significant hæc verba, *Iesus ergo fatigatus ex itinere sedebat super fontem hora quasi sexta.* Aspice animo sic sedentem, modum quo sedebat supra fontem, causam cur sedebat, personas ob quas ita fatigatus se, & gratiis ei actis animoque ad labores, usque ad defatigationem pro eo suscipiendos quotidie in rebus ordinariis excitato proficere stude.

Secundum Punctum. Considera humilitatem boni Iesum qui ab impura scemina aquam hauriente petiit. *Da mihi bibere.* Pondera hic Christi sitim, & causam eius, quæ tu ipse fusti, pro quo adeo laborauit. Pondera paupertatem Christi, qui nec aquam habuit sine alieno auxilio oblatam; pondera parsimoniam, qui non potu pretiosiore, sed vilissimum omnium sitim restinxit, & varios pios affectus elicias, ac in te excites tum ardentissimum affectum erga eum, tum erga res aduersas eius causa tolerandas.

Tertium Punctum. Considera candorem fe-

licis Samaritanæ Christo dicentis. *Quomodo Iudeus cum sis bibere à me possis, quæ sum mulier Samaritana.* Non enim contumetur Iudæi Samaritanæ. O felix mulier, quæ etsi mala & Samaritana sis, tamen Christus Rex Iudæorum à te aquæ modicum mendicat. Cogita tu quàm sæpè Christus à te petat res, quas magis desiderat quàm tunc desiderat aquam, & tu quid respondes? quid facis? pondera, & vide quid te deceat facere & dicere.

Quartum Punctum. Considera responsum dulcissimi Saluatoris. *Si sities donum Dei & quod est qui dicit tibi, da mihi bibere, tu forsitan petissa ab eo & dedisset tibi aquam viam, quæ ponderata cum pio affectu, d te etiam applica, & tibi dicta puta, & decerpe aliquid pro tuorum morum reformatione.*

SABBATO.

De Beatissima Virgine. Mutans Eue nomen.

Primum Punctum. Considera Desparatam quomodo respectu Dei aliter se gerentes quàm Eua, nomen Eue mutat. Eua enim vnicum ac primum præceptum Dei seruare noluit. Maria verò seruauit, ut ne veniale quidem peccatum vnquam admisisset. Quam in te admirare gratiæ Dei plenitudinem in Maria gratulare ei, desle tot peccata tua, da operam ut tu quantum fieri potest sis liber etiam à peccatis venialibus, idque à Deo per hanc meliorem Eua pete.

Secundum Punctum. Considera Mariam respectu Dæmonis aliter se gerentem quàm Eua quæ facile acquieuit primo consilio dæmonis non valde virgentis. Maria verò nunquam eius consiliis acquieuit. Tu examina te quàm sæpè Dæmoni pateas in rebus prima specie peioribus, quam fuerit elus pomi in Eua, & tamen vis haberi pro filio non Eua, sed Mariæ. Confundere, dole, promitte Mariæ sanctissimæ emendationem.

Tertium Punctum. Considera Mariam respectu Sponsi sui Ioseph aliter se gerentem quàm Eua. Hæc enim sponsum perdidit, ad peccatum induxit, Dei gratiâ spoliavit. Maria è contra. Hinc agnosce quàm sint detestanda mala consilia, quæ amici incauti suggerunt amicis, quàm sæpè ex te quæ videtur leuior, quàm sit gustus vnius pomi, mala pullulant incredibilia, quàm sæpè vna scintilla magnum excitat incendium. Ideo caue talia. An autem his sis obnoxius vide, & si quid emendandum sit emenda.

Quartum Punctum. Considera Mariam respectu aliorum hominum aliter se gerentem quàm Eua.

Eua, hæc enim etsi mater vocata sit viuentium, tamen occidit omnes per originale peccatum cuius occasio fuit. Maria verò vitam peperit omnibus salutarem, ideoque re ipsa est Mater viuentium. Quod quibus modis præstet considera, & ex singulis pios affectus decerpe.

DOMINICA QVINTA.

Post Epiphaniam.

Primum Punctum. Considera causas ob quas à Christo viri probi in Ecclesia appellentur bonum semen, & eius proprietatibus ponderatis, vide an ex tibi conueniant, vt tu quoque censeris possis in numero filiorum Dei, & scias quæ sint partes tuæ.

Secundum Punctum. Considera causas ob quas homines improbi in Ecclesia Zizaniorum nomine insigniantur, & eas an tibi conueniant, perpende, vt vel gratias agas Domino si talis non es qui inter zizania connumerari possis, vel doleas & emendare te velis, si aliqua zizaniorum proprietates in te resederit.

Tertium Punctum. Considera causam naturam in tritico, id est inter viros bonos zizaniorum somnum hominum, vt exponitur cõmuniter Ecclesie Antistitum. Tu coram Deo te examina, an Christi animo te conformes tacite improbanti hanc negligentiam Superiorum Ecclesiasticorum, & vigilantiam exigenti, an verò contrarium probes & appetas, Quod agnosces facile si consideraueris quo animo, quo affectu suscipias ea, quæ tui Ordinis consuetudines, regulæ, ordinationes alique vigilantie Superiorum modi à te requirunt.

Quartum Punctum. Considera multiplex semen bonum, quod in bonarum mentium agris seminatur Christus Iesus in SS. Eucharistia piè susceptus & an in te quoque hoc semen appareat, & grana spicasque germinet considera, & proportionatos statui animæ tuæ affectus exprime, vel gratiarum actionis pro fructu huius seminationis vel confusio- nis dolorisque, & desiderij emendationis, pro sterilitate voluntaria cordis tui.

FERIA SECVNDA.

Post Dominicam quintam Epiphanie.

Primum Punctum. Considera remedium contra æmulationes aliorum vel tuas à S. Ioanne Baptista iis datum, qui venerant dicentis: *Eccce Christus baptizat & omnes veniunt ad eum:* quibus ille ait: *Non potest homo accipere quidquam, nisi fuerit ei datum de celo.* Ita sanè qui *Lancij Opusc. Tom. 2.*

considerat bona aliorum tanquam à Deo data, non inuidet sed gaudet, & se ad similia humiliter disponit. Tu quomodo te hæc in parte geras considera, & si quid sit corrigendum corrige.

Secundum Punctum. Considera secundum remedium ab eodem datum ad reddendum nobis dulcia omnia amara, siquidem ex iis æquo animo toleratis gloria Dei exurgit: *Gaudium, inquit, meum impletum est* (quod me neglecto omnes currant ad Christum) *illum oportet crescere, me autem minui.* Crescit sanè Deus in te, dum tu eius causâ decrescis & humilioris, quod quàm meritò tibi quædet, vide & excita generosum animum ad omnia acerba & dura propter gustum Domini tui toleranda.

Tertium Punctum. Considera malum omen eorum qui sermones suos expendunt in nugis. *Qui est de terra de terra est, & de terra loquitur.* Quod quàm sit verum pondera, & quomodo tibi conueniat nec ne, & proficere stude.

Quartum Punctum. Considera felicitatem tuam quod habeas Deum liberalem, & filium eius Dominum tuum mediatorem, ad omnia bona ex manu Patris æterni deriuanda. *Non ad mensuram dat Deus spiritum.* En Dei liberalitas. *Pater omnia dedit in manu filij.* En filij Domini tui potestas. Da ergo operam, vt & Patri & Filio eius sis carus, quo multorum bonorum particeps fias. Quod quomodo procures examina te simul & obstacula huius rei expende, & te ad maiora ac maiora Dei dona capienda feruenter dispone.

FERIA TERTIA.

Post Dominicam quintam Epiphanie.

Primum Punctum. Considera causam ob quã ^{Ioan. 4.} gratia quam Christus communicauit suis, ^{v. 14.} à Christo vocetur *fons aquæ salientis in vitam æternam.* Cur fons sit, cur fons aquæ non qualiscunque, sed *salientis in vitam æternam,* & facta ad te applicatione, & ad signa gratiæ huius in te inhabitantis, vel nõ inhabitantis, proficere stude.

Secundum Punctum. Considera pium affectum Samaritanæ, quæ audito hoc Christi dicto, dixit ei *Domine da mihi hanc aquam, vt non sitiam neque veniam huc haurire.* Er ad te applica, & Christo eadem in sensu spiritali dic, & statue ne magis quæras hominum gratiã, quàm gratiam Dei, causis huius rei ponderatis, & de præteritis peccatis veniam pete.

Tertium Punctum. Considera modum quo adorandus est Deus à Christo præscriptum Samaritanæ veri adoratores adorant *Patrem in spiritu & veritate, & Pater tales quarit.* Hoc quid

quid sit, quàm utile sit, quàm necessariam perpende, & talis esse stude, si non es, dole, veniam pete.

Quartum Punctum. Considera admirationem discipulorum Christi, qui inuento Christo loquente cum Samaritana mirabantur quia cum muliere loquebatur. Simul etiam causam admirationis huius inquire, & factâ ad te applicatione, & collatione Christi cum tua persona, decerpe aliqua documenta pro tuorum motum informatione.

FERIA QUARTA.

Post Dominicam quintam Epiphania.

Primum Punctum. Considera primas tenebras quibus ante Christi aduentum, & post illum multi tui similes offundebantur scilicet tenebras peccati, quæ impediabant, ne lux iustitiæ videretur & amaretur, sed mens in peccatis sæculi volutaretur. Hic ergo humilia te, & infra Dæmone pone, qui Deum tot peccatis non offenderunt. Gratias age Christo, qui lumen iustitiæ cordi tuo immisit, vide quid facere debeas, ad illud conseruandum & augendû quod etiam à Domino pete.

Secundum Punctum. Considera secundas tenebras quibus multi sæculares tenentur, dum non vident bona statû Religiosi, ideoque illum non amplectuntur. Tu agnosce quàm multa bona hinc tibi aduenerint, qui lucē Dei perfusus mundum reliquisti. Gratias age illuminatori tuo, recogita quàm grato animo hoc beneficium colas, quanti æstimes vocationem tuam, & si fortè ingeneris opinionem tuam de ea imminutam, & affectum erga illam non ita intentum, ut olim fuit, causas & damna quæ inde prouenire possunt inquire, & proficere stude.

Tertium Punctum. Considera tertias tenebras quibus multi tepidi Religiosi obfuscantur dum non vident, quàm meliora sint præmia quæ dantur ob actus humiliationis, patientiæ, orationis, colloquiorum spiritualium, mortificationis gulæ, & sensuum, & honoris, quàm sint illa recreationes, & gustus, qui ex actibus contrariis percipiuntur. Tu an eorum sis è numero vide, & si quid sit corrigendum corrige.

Quartum Punctum. Considera quartas tenebras quibus multi tepidi Religiosi obfuscantur dum non vident, quàm meliora sint præmia quæ dantur ob actus humiliationis, patientiæ, orationis, colloquiorum spiritualium, mortificationis gulæ, & sensuum, & honoris, quàm sint illa recreationes, & gustus, qui ex actibus contrariis percipiuntur. Tu an eorum sis è numero vide, & si quid sit corrigendum corrige.

FERIA QUINTA.

Post Dominicam quintam Epiphania.

Primum Punctum. Considera interrogationē discipulorum Ioannis Christo Domino propositam. *Quare nos & Pharisæi ieiunamus frequenter, discipuli autem tui non ieiunamus?* In quoru verbis aduerte similem multorum maleolorum tui Ordinis censuram illum carpentium, quod præter Ecclesiæ communia ieiunia particularia more aliorum non habeat Christi vita communi contentus. Gratias age Deo quod Christi & discipulorum eius, vitæ institutum sceleris, si tamen citra ieiunia aliis rebus vitam tuam commendas, quibus Christi Domini discipuli sanctissimi ita commendabant suam ut maleuoli nil ingenerint quod carpere in ea possent præter omissionem Pharisæarum consuetudinem quorundam circa lotionem manuum frequentem. Talis ergo an sis, vide, & quid opus sit talis ut sis, statue.

Secundum Punctum. Considera Christi mansuetudinem, qui cum posset notare in interrogantibus defectus grauiore censura dignos, id non fecit, ne eos confunderet, & vindictæ speciem præferret. Tu vide quomodo iniquis morum tuorum censoribus respondeas, vel de iis cogites, aut etiam loquaris & si quid acerbius contra eos promere conseruasti, id ob Domini tui gloriam deinceps omite.

Tertium Punctum. Considera quàm periculosum sit vel in mores alienos inquirere, vel eos improbare, vel causas ipsas factorum alienorum, etsi non pessimorum indagare curiosè, & quantopete id, tum alienæ famæ, tum propriæ quieti, tum conscientiæ puritati officiat, & varia mala secum trahat, ut tanto ardentius detesteris hunc morem & nūquam hac in re delinquas.

Quartum Punctum. Considera Christi responsum suorum existimationi fauens. *Quandiu, inquit, cum filiis sponsi & nuptiarum sponsus est non possunt ieiunare.* Vbi & de personis ipsis honorificè loquitur & defensionem eorum offert captui interrogantium accommodatam & persuadentem innocentiam suorum. Tu an ita aliorum causas in re simili agas, vide, & Christo te conformare hac in re stude.

FERIA SEXTA.

Post Dominicam quintam Epiphania.

Primum Punctum. Considera continuatam defensionem Christi Discipulorum eo sine factam, ut ieiuniis addicti tanto magis contenti essent de non ieiunantibus eo tempore Christi

Christi discipulis, *venient, inquit Dominus, dies cum auferetur ab eis sponsus, & tunc ieiunabunt in illis diebus.* Ita ex animo & non ad speciem à Christo fama suorum defenditur, vt omnino pars aduersa beneuola illis reddatur. Tu an idem facias in rebus similibus vide, & quid te oporteat facere agnosce.

Secundum Punctum. Considera adhuc allatam similitudinem pro pleniore defensione vitæ Apostolicæ. *Nemo commissuram à nouo vestimento immittit in vetus, alioquin & nouum rumpit, & veteri non conuenit commissura à nouo.* Quia in re eòtm teporo animi gultu Christi hæc viscera intruere ita copiosè suorum causam agentis. Gratias ei age; Discipulis eius tantum patronum gratulare, Christi hanc charitatem ama, & adora, & imitari stude, sed potissimum intimè penetra, quam felix sit anima illa quæ ià Christo chara est, vt etiam non rogatum habeat Christum defensorem, & vide quid tibi desit, vt & tu habeas.

Tertium Punctum. Considera verba ipsa Christi allata, & quid sit commissuram à nouo vestimento ablatam cum eius damno veteri asserere. Vide ne hoc fortè sit veterem tuam simplicitatem, feruorem, obedientiam, obseruantiam Regularum, nouis moribus, nouis, dictaminibus politicis & secularibus destruerè. Quod num facias considera & si quid sit corrigendum, & ad antiquum bonum statum reducendum fac sine mora.

Quartum Punctum. Considera alia Christi verba pro causa suorum tuenda allata. *Nemo mittit vinum nouum in vites veteres, alioquin rumpet vinum nouum vites, & ipsum effunderur, & vites peribunt, sed vinum nouum in vites nouas mittendum est, & vitæque conseruantur, & nemo bibens vetus, statim vult nouum, dicit enim: vetus melius est.* Hæc omnia spiritualiter applica, vel statui tuo, vel moribus tuis, & proficere stude.

SABBATO.

De Beatissima Virgine: Solue vincula reis.

Primum Punctum. Considera potentiam Deiparæ quam benignè exhibet multis soluendo vincula peccatorum, quod illa facit impetrando inspirationes bonas, quibus à peccatis abstrahimur, & ipsam odium peccatorum, & realem fugam à peccatis, & peccatorum expiationem per Sacramenta, & alios modos. Quo circa gratias illi age pro hac beneficentia, pete vt eam tibi quoque semper exhibeat. Denique examina te quomodo coopereris Deiparæ, soluerè cupienti vincula peccatorum tuorum, quod cognosces, si videris quomodo obedias inspirationibus, & aliis modis quibus te Deipara vult abstrahere à peccatis, & si quid emendandum sit emenda.

Secundum Punctum. Considera quomodo peccata etiam minima, sint vincula respectu Dei, quia ligant ei quodammodo manus, ne nobis largiatur ea dona, quæ largiretur si inueniret corda nostra munda, & vacua à peccatis: Quod agnosces tum ex varijs exemplis, tum ex conditione & more Dei, qui munda vasa pretiosis donis suis exigit, & merito. Deprecare ergo Deum, vt te emundet, & sua in te dona abundè conferat.

Tertium Punctum. Considera quomodo peccata etiam leuia sint quædam vincula tua respectu aliarum creaturarum. I. enim Dæmon per ea tanquam per funes quosdam trahere conatur homines ad mortalia, deinde multa peccata sunt talia, præsertim externa, quæ ligant & Superiorum, & æqualium & inferiorum beneuolentiam ac fauorem, ne se aut omnino, aut non copiosè effundat, sicut se effundit erga eos qui peccata fugiunt. Denique ipsum peccantem ligant, & coarctant ne corde sereno, & expedite currat in via Dei, sed hæreat in vno loco, & angoret conscientia tanquam spinas pede nudo calcet, cum nullo vel exiguo progressu. Ex quibus rebus elicias magnum odium & fugam omnium peccatorum.

Quartum Punctum. Considera varios modos ob quos merito reum te appellare debes, ob multa tum delicta, tum debita erga Deum, quibus humili, & pleno doloris affectu saltem in genere consideratis, confundere coram Diuina Maiestate, veniam pete, & ardentè posce à B. Virgine vt hæc vincula, tum aliorum reorum, tum tua quoque benignè soluat, sapienti magno animi sensu & ardenti iterando solue vincula reu.

DOMINICA SEXTA.

Post Epiphaniam.

Primum Punctum. Considera doctrinæ Evangelicæ paruitatem grano sinapis exiguo comparatæ, nimirum quia commendat humilitatis profundissimæ studium, tam interius quàm exterius. Ideo enim vetat quatere primos accubitus in Synagoga, & in contiuio, iubet præbere percutienti etiam alteram maxillam, vetat iudicare proximum, iubet timere casum, humiliari sub potenti manu Dei, neminem contemnere, obedire, honorare Magistratus, & his similia. Tu an hæc obserues vide, & corrige corrigenda.

Secundum Punctum. Considera acrimoniam doctrinæ Evangelicæ instar sinapis mordentem sensualitatem nostram, dum iubet arctam viam ad cælum sectari, abnegare omnia, etiam seipsum, odisse etiam consanguineos dum impediunt res bonas, pati aduersâ patienter &

his similia, quæ an tibi cordi sint, vide, ut agnoscas an tibi sapiat hic cibus amarus, à Christo præparatus.

Tertium Punctum. Considera utilitatem huius seminis, quod acrimoniâ sua magis prodest animæ quàm sinapi corpori dum masticatur, siue excitando deuotionis lachrymas, piâ consideratione, siue purgando animum à noxiis humoribus, in quibus natura corrupta delectatur. Pondera ergo utilitatem quæ adfertur à consilijs præcipuè Euangelicis obseruatis, & agnosce quàm nullius sit momenti gustus ille, cuius gratia fugis molestias crucis Christi, & vitæ Religiosæ, ut ita discas mortificare contrarias sensualitates tuas.

Quartum Punctum. Considera quanto adiumento esse tibi possit, & debeat SS. Eucharistiæ cibus, toties à te sumi solitus, ad hoc ut tibi sapiat hoc Euangelicum sinapi, hoc est perfectio Euangelica, corrupto palato amara, sed bono dulcis. Cur ergo non proficis edens & bibens authorem doctrinæ Euangelicæ, fontem perfectionis in eâ commendatæ? Causas inquire, mala desse, remedia quare & adhibe.

FERIA SECUNDA.

Post Dominicam sextam Epiphaniæ.

Matth. 9.
v. 27.

Primum Punctum. Considera duos cæcos Christum transeuntem secutos, clamantes & dicentes: *Miserere nostri fili David*, quibus etiam te adiunge, hoc est corpus & animam tuam, & necessariam tibi eius misericordiam implora ardenti affectu.

Secundum Punctum. Considera multiplicem cæcitatem animæ & corporis tui præsertim Quadruplicem. 1. Quia ita viuus ac si non videres maiores esse molestias purgatorij, quàm alias quæ te sæpè immeritò conturbant, & ad peccata trahunt in purgatorio expianda grauissimis tormentis. 2. Meliora esse bona spiritalia & supernaturalia vti est profectus in sanctitate, quàm naturalia vti sunt studia, quibus tamen diligentius attendis quàm illi. 3. Meliora esse bona æterna quæ parat Deus singulis operibus meritorijs, quàm temporalia, quorum causa omittis tot occasiones meritorum. 4. Meliorem esse gratiam Dei quàm hominum quibus vt placeas sæpè Deum offendis. Et quia hæc à te quoque pendent, aperi oculos, & vide cæcitatem tuam & exerce.

Tertium Punctum. Considera perseuerantiam bonorum cæcorum qui non contenti, Christum transeuntem sequi, etiam assecuti sunt, & in locum in qua habitabat, intrarunt, & optato beneficio restitutorum luminum potiti sunt, ita pia importunitas & apud Deum locum habet. Hæc & tibi sit cordi, si ea quæ à Deo petis efficaciter impetrare cupis.

Quartum Punctum. Considera cum Christi humilitate certantem gratitudinem cæcorum; Christo enim vetante ne miraculum propalarent, ipsi exeuntes diffamauerunt eum in tota terra illa. Tu hinc discce occultare hominibus tuas virtutes, sine præiudicio tamen exempli boni, quo præluere debes & Christi gloriam propagare, ad eiusq; amorem & cultum quam plurimos trahere.

FERIA TERTIA.

Post Dominicam sextam Epiphaniæ.

Primum Punctum. Considera patientiam quâ Christus suis suadet. *Si quis te percussit in dextram maxillam tuam, præbe ei & alteram.* Pondera diligenter Christi personæ autoritatem id suadentis, animum, quo id suadet, & confer tuas quas putas iniurias, cum hoc Christi consilio inuenies enim multo minores alapa, Confundere itaque ob tuam multiplicem impatientiam, & eam emenda.

Secundum Punctum. Considera mansuetudinem quàm à te Christus exigit. *Qui vult tecum in iudicio contendere & tunicam tuam tollere, dimitte ei & pallium:* & vide quomodo hanc doctrinam serues in colloquijs cum æqualibus in accusationibus seu querelis contra alios eorum superioribus expositis. Et deploratis si qui sunt defectibus statue quid tibi sit in posterum faciendum.

Tertium Punctum. Considera charitatem etiam æquales à Christo commendatari: *quicumque te angustauerit mille passus, vade cum illo & alia duo: qui petiit à te, da ei, & volenti mutuari à te ne auertaris.* Ex altera parte confer tuos motes in exhibendis vel negandis obsequijs religiose charitatis fratribus tuis: quæ potes sine præiudicio religiose disciplinæ, & statue quomodo te in iis gerere debeas, vt Christi monitis obsecundes.

Quartum Punctum. Considera causas, ob quas te deceat ita esse patientem, mansuetum & charitatem præditum prout hic Christus exigit, & vehementer accendere ad demonstrandas harum virtutum actiones in occasionibus omnibus quæ occurrent.

FERIA QUARTA.

Post Dominicam sextam Epiphaniæ.

Primum Punctum. Considera paupertatem quam Christus suadet: *nolite thesaurizare vobis thesauros in terra. & gratias age Domino quod sis per eum abstractus à mundano statu, in quo temporales thesauri diliguntur, & congregantur. Sed vide ne in Religione alios congreges, etsi non ita magnos, scilicet superfluos*

res in victu, vestitu, supellectili aggregando: Circumspice ergo omnia tua, & pro amore Christi pauperis refeca, quæ in meditatione coram Diuinæ Maiestatis oculis inuenieris vere superflua & non necessaria.

Secundum Punctum. Considera Tria mala diuitiarum sæculi, & thesaurorum, scilicet *eruginem, tineam, & fures*, per quæ diuerso modo omnia mundi bona destruuntur. Gaude igitur quod ab iis cor tuum abstraxeris, & vide ne forte adhuc reliquæ super sint in tuis erga illas inordinatis affectibus.

Tertium Punctum. Considera bona Religiosæ vitæ quibus nisi ipse velis nihil nocere potest, nec *erugo* mali exempli, quod instar æruginis deturpat nostra opera, nec *tinea* tepiditatis interitæ quæ insensibiliter exeduntur bona nostra opera, nec *fur*, damnum scilicet vanæ gloriæ merita auferentis. Introspecte ergo mores tuos, an ab his tribus malis sint liberi, & vt liberi sint stude.

Quartum Punctum. Considera quo in loco, seu qua in re sit thesaurus tuus. Ibi autem est, *vbi est cor tuum* id est affectus tuus. Ibi autem est affectus, vbi sunt oculi tui, de quo sunt frequentiores Sermones tui, circa quod versantur desideria tua, in quo non experiris tædia vlla & auersionem, & quia nemo est tam stultus, qui thesaurizat sordes, lutum, sarmenta, sed res pretiosas, vide quomodo thesauros cumulare debeas.

FERIA QUINTA.

Post Dominicam sextam Epiphaniæ.

Primum Punctum. Considera Christi amorem suadentem nobis vt thesaurizemus nobis thesauros in cælo. Gratiâs age pro tanta nostri boni sollicitudine, & pondera quàm sit indecens, quàm petniciosum, quàm stultum non sequi Christi consilia ingerentia nobis ipsis nostri curam, quæ sine vllò monitore extrinseco cordi nobis esse deberet: & animo heroico accendere ad spiritualem & sanctam avaritiam verorum thesaurorum.

Secundum Punctum. Considera primum genus, thesaurorum esse munditiem omnium operum tuorum, quam ille habebit, qui habet opera sua omnia libera à plenè deliberato & graui etiam veniali peccato. Pondera præstantiam huius thesauri, peteque à Domino lesu fonte omnis puritatis, vt te iuuet, desse præteritos defectus, & fuge deinceps.

Tertium Punctum. Considera secundum thesaurorum genus, excellentiam singulorum operum nostrorum, ad quam omni conatu nitri debemus, vt omnia opera nostra quàm perfectissima sint, & quàm simillima magnis sanctis quoad finis supernaturalis altitudinem,

quoad fertorem, & intensionem eorum intrinsecam, ac plenè Seraphicam, quoad omnè denique modum, & circumstantias eorum. Quid ergo tibi desit agnosce, & partim confundere, partim excitare exemplo mundanorum, qui mundana opera faciunt quàm posunt perfectissimè, desiderio solius lucri & gaudij temporalis.

Quartum Punctum. Considera tertium thesaurorum genus, altitudinem graduum gloriæ cælestis, quæ cum correspondeat multitudini meritorum in hac vita, & hæc cumulentur ex multitudine eorum, quæ quis hic patitur mala, & quæ facit bona, & ex actibus intensis, & ex puritate intentionis, agnosce & statue quàm feruens esse debeas, & assiduus, & indeficiens in aggregandis ijs. Quod si non satis est ad te excitandum ad hoc, Dei gloria & gustus, & bonum tuum: excita te saltem exemplo Oeconomorum & mercatorum à quibus ingenium vinci Dei seruum fecidissimum est.

FERIA SEXTA.

Post Dominicam sextam Epiphaniæ.

Primum Punctum. Considera officium oculorum tuorum expressum his Christi verbis *Lucerna corporis tui est oculus tuus*, vt scilicet eo vtaris ad illa tantum videnda quæ necessaria sunt, sicut lucerna non vtitur in die quando opus non est, nec in locis, in quibus sine illa est lumen. Examina ergo quomodo te in vsu oculorum geras, & consideratis malis quæ vsus malus multis attulit & forte tibi ipsi, cautus esto.

Secundum Punctum. Considera certum indicium interni status tui esse oculum tuum, per quem tanquam per lucernam potest cognosci cor tuum, quo vitio, quo affectu labores, quo bono careat. Nam quæ cor amat inordinatè & ordinatè, & oculus aspicit quod detestatur, ab eo auertitur. Inquire ergo in oculorum tuorum actus, & internum statum ijs indicibus ordina iuxta diuinam voluntatem.

Tertium Punctum. Considera bonum quod alij quoque percipiunt ex oculorum bono vsu: nam modestus & pius oculus, est alijs quoque lucerna ob splendorem boni exempli, quem diffundit & viam ostendit bene aspiciendi, Deo quoque ipsi est gratum obiectum, & indicium lucis cælestis inhabitantis. Ideò vide quid te oporteat facere, vt alijs quoque sis lucerna per oculos tuos.

Quartum Punctum. Considera illa Christi verba, *Si lumen quod in te est tenebra sunt, ipsa tenebra quanta erunt*: Et his verbis excitare ad examinanda tua interna dictamina circa modum agendi cum Superioribus, cum æqualibus, cum inferioribus & domesticis & externis, ne forte

hnt

sint vocanda tenebræ potius quam lumen cuius appellationem non merebuntur si erunt contraria exemplis Christi & Sanctorum & præscripto Regularum, & monitis tuorum moderatorum. Ideo si quid mali deprehenderit, ejice.

S A B B A T O.

*Post Dominicam sextam Epiphania.
Profer lumen cæcis.*

Primum Punctum. Considera primam cæcitatem tuam communem tibi cum hominibus sæcularibus, qui practicè non vident quam magna sit offensa Dei quæ fit per quodvis etiam minimum veniale peccatum, cuius offensæ magnitudinem agnosces, si per gradus à personis vilibus ad digniores ascendes, & inde ad Deum ipsum infinitis partibus præstantiorem perveneris, quod enim persona est dignior alterâ personâ, eod eadem offensa est maior quàm offenditur persona dignior, & sic in infinitum, & tamen quam sæpè audes Deum infinitæ Maiestatis offendere, qui tamen sæpè non audes offendere æqualem imò inferiorem te, nonne hoc est execranda cæcitas? erubescere & desine tuam cæcitatem.

Secundum Punctum. Considera alteram cæcitatem tuam communem cum tepidis Religiosis, qui eo sine ingressi sunt Religionem ut viverent perfectius quam sæculares, & tamen multi in sæculo perfectius te vivunt, quot enim piæ fœminæ diutius & ferventius & sine tedio in oratione versantur quam tu? Quot famuli, imò mancipia obediunt magis exactè quam tu? Quot artifices ferventius laborant, sine vilo otio, spe lucri terreni, quam tu spe cælestis? & sic in alijs. Hæc pederentim pondera, confundere & propone emendationem.

Tertium Punctum. Considera tertiam cæcitatem tuam communem cum Ordinis tui Religiosis tepidis, quorum quamvis finis sit perfectioni vacare idque imitando vitam Christi, quam longe tamen abes ab hoc fine? nonne hæc est magna cæcitas, malle imitari discipulos, leues, dissolutos, quam Iesum. Erubescere Christi fidei imitator & te emenda.

Quartum Punctum. Considera quartam cæcitatem tuam communem cum omnibus hominibus, quia ferè omnes plures facimus in praxi temporalia quam æterna bona, plures gratiam, laudes, fauores hominum, quam gratiam, laudes, fauores Dei; nam magis laboramus pro affluendis rebus temporalibus, quam æternis, magis tristamur si quod temporale damnum incurrimus vel bonum perdimus, quam si perdamus æternum. Confundere igitur, & ex intimo cordis affectu ad Deiparam glama *Profer lumen cæcis.*

DOMINICA SEPTVAGESIMÆ.

Primum Punctum. Considera Dei benignitatem dum vocat homines ad laborandum in vinea sua, ut per labores acquirant denarium regni cælestis, per labores inquam exituos eius ope susceptos, regnum æternum omni bono plenum, quæ duo inter se collata pondera grato affectu, age amplas gratias tanto benefactori, excita animum ad laborandum deinceps, & segnitiam præteritam deplora.

Secundum Punctum. Considera labores ad quos vocatus es, non esse alios, quam ordinaria opera, quæ ex regularum præscripto, vel superiorum voce debes peragere. Examina quomodo ea facias, quam libenter, quam ferventer, quam assidue, quam perfectè, quam denique proportionatè denario summi valoris tibi in cælis præparato, & si quid sit emendandum in ijs, nota, & emenda.

Tertium Punctum. Considera felicitatem tuam qui à primis ætatis tui annis, vocatus es ad hos labores, hoc quam sit magnum beneficium, quam utile perpende, & gratijs Deo actis, da operam ne supereris ab ijs, qui in ætate maturata vocantur ad laborandum, imò eos ut superiores, quippe commodiore tempore, & magis flexibili ad bonum ætate vocatus, qua in te quomodo te geras considera, & si quid erratum est, deplora, & corrige.

Quartum Punctum. Considera multa præmia, quæ Deus bonis laborantibus adhuc in hac vita largitur, quod ex renovatis in memoriam donis, quæ Deus concessit Sanctis, agnosces, idèd Dominum vineæ, quem in SS. Eucharistia suscipis, ardentè roga, ut te bonum reddat vineæ suæ cultorem, & operarium vitem, & dignum magnis præmijs in cælo.

FERIA SECUNDA.

Post Dominicam Septuagesimæ.

Primum Punctum. Considera causas ob quas & Ecclesia, & anima cuiusvis iusti, merito vocari potest vinea Christi, habens vites varias, palmites, botros, uvas, & mysticè hæc explicando, decerpe aliquem fructum spiritualem.

Secundum Punctum. Considera necessarium esse ad fructus vitis, ut sit in terra non dura sed molli. Inquire an sis facilis ad Dei inspirationes, ad monita maiorum, an verò durus & difficilis, & desletis defectibus, eos emendare stude.

Tertium Punctum. Considera secundò necessarium esse ad fructum vitis, ut amputentur surculi superflui. Ita ad profectum in vinea Domini, necesse est amputare & res & occupationes

pationes superfluas. Tu inquire, an talia sint in te que amputare sit opus, & adhibe falcem spiritualem, vt Deo proferas optatum fructum.

Quartum Punctum. Considera tertio necessarium esse, vt vitis bonos botros producat, vt sursum feratur paloque vel arbori alicui adhaerescat, nec per terram serpat. Vitis animæ nostræ per orationem eleuatur, quæ est *eleuatio mentis ad Deum*: item per fugam rerum terrenarum etiam non malarum. Hoc an in te sit vide, & si quid sit corrigendum corrige.

FERIA TERTIA.

Post Dominicam Septuagesimæ.

Primum Punctum. Considera an tibi ob negligentem culturam animæ tuæ conueniant illa verba dicta his qui conducti erant antequam conducerentur ad laborandum in vinea. *Quid hic stas tota die otiosus.* Quod agnosces examinando præcipuas actiones tuas. Nam si vel vna imperfectione fœdata sint, viles non sunt, ac proinde otiosæ. Bonum enim ex integra causa, vt loquuntur Theologi, malum autem est ex singulis defectibus. Ideo si otiosè viuus dolo, & te emenda: sin minus gratias age Deo, & magis ac magis progredi stude.

Secundum Punctum. Considera præmium paratum à Deo diligentibus vineæ eius cultoribus. Est enim maius omni humano præmio, tum quoad durationem, quia æternum est: tum quoad magnitudinem utilitatis exitiæ, tum quoad alia omnia motiua, quibus mundani excitantur ad toleranda mala, & facienda bona illecti spe præmij mundani. Quocirca debes extendere affectum tuum ad laborandum Dei causâ modo proportionato excellentiæ huius præmij. Quod an facias vide, & proficere stude.

Tertium Punctum. Considera mundi operarios in omni statu hominum discurrendo per præcipuos quàm multa patiatur & faciant, ob incertam utilitatem, quàm multa expendant patrimonia in aulis Principum sine remuneratione. Tu verò pro præmio qui Deus est, & Dei beatifica visio, an tantum patiaris & facias, an tantum Deo dones, vel Dei causâ expendas, cum possis perpende, & quid tibi faciendum esset nunc, quod faceres si iam iam te moriturum scires.

Quartum Punctum. Considera felicitatem Dei seruorum, qui Dei beneficio, etsi vel tardè vocati ad eius obsequium, vel tardè incipientes illi rectè seruire post multos annos malè transactos possunt per Dei gratiam & suam cooperationem ardentem & indefessam, attingere gradus & merita magnorum Sancto-

rum, & compensare præteritas negligentias, seu vt loquitur Apostolus *redimere tempus*. Ne despera igitur si negligens hactenus fuisti, erigete, fide Deo, adnitere, seridò cooperare, efficaciter vttere auxilijs quæ habes, & consequeris eundem denarium diurnum quem sunt consecuti magni SS.

FERIA QVARTA.

Post Dominicam Septuagesimæ.

Primum Punctum. Considera verba illa Domini Samaritanis dicta, *Meus cibus est vt faciam voluntatem eius qui misit me, & perficiam opus eius.* Inquire an hæc verba tibi conueniant, & da operam vt ita viuas, vt verè hæc verba tibi quadrent.

Secundum Punctum. Considera patientiam Christi & humilitatem, qui derelictus à muliere Samaritana, mansit propè fontem Iacob: vbi perpende quid tunc Dominus Iesus cogitauerit, quid fecerit, quàm æquo animo tulerit se ita solum relictum & ex his considerationibus proficere stude.

Tertium Punctum. Considera fructum laborum nostrorum in Religione, omnium profusus, etiam vilissimorum quibus conueniunt illa Christi verba: *Qui metit mercedem accipit, & congregat fructum in vitam æternam, vt & qui seminat simul gaudeat, & qui metit.* Et ponderatis his verbis, excita te ad laborandum strenuè in vinea Domini.

Quartum Punctum. Considera bonam simplicitatem Samaritanorum, quorum multi propter testimonium Samaritanæ perhibentis quia Dominus Iesus dixit ei omnia quæcunq; fecit crediderunt in eum. O quam plura argumenta habes credendi verbis Christi & tamè illis non obedis. Hæc perpende quàm turpè sit quàm noxium & te emenda.

FERIA QVINTA.

Post Dominicam Septuagesimæ.

Primum Punctum. Considera modum doctrinæ Christi, quem in suis Concionibus adhibebat. Erat enim *docens in Synagogis, quasi potestatem habens, & non sicut Scriba, vt stuperent super doctrina eius.* Excita in te affectum gaudij, ob hanc causam, & mentis auribus, ac si præsens adesses audi Christi doctrinam ad te applicatam & proficere stude.

Secundum Punctum. Considera vnum ex Auditoribus Christi fuisse hominem habentem Spiritum immundum, qui exclamauit. *Quid nobis & tibi Iesu Nazarene venisti perdere nos. Scimus te quod sis Sanctus Dei* singula verba pondera iuxta secundum grandi modum, & quantum licebit

licebit tibi applica, & varios pios affectus deprome.

Tertium Punctum. Considera verborum Christi efficaciam, qui ut dixit. *Obmutesce & exi ab eo, exiit spiritus immundus, dissepens eum.* Admirare Christi potentiam, gratulare, inuoca, ut & tibi sit in tuis miserijs salutaris, & ex parte tua Christo in te operanti cooperare.

Quartum Punctum. Considera maioribus te esse obnoxium miserijs quotidianis, quàm fuerit infectio huius Spiritus in illo homine, qui dum arripere a Spiritu non peccabat ob defectum vsus rationis. Vnde sequitur debere te magis erubescere ob defectus tuos voluntarios, quàm erubesceres si energumenus esses, præterea debere te maiori conatu & studio querere liberationem tui ab illis, quàm quæres liberationem tui à Dæmone, si, quod absit, ab illo obsidereris. Quod an & quomodo facias recogita & propone emendationem.

FERIA SEXTA.

Post Dominicam Septuagesima.

Primum Punctum. Considera felicitatem Petri & Andreæ, quorum domum Christus Dominus introire dignatus est de Synagoga exiens. Cuius beneficij magnitudinem agnoscas facta comparatione cum simili ingressu aliarum personarum illustrium ad domos pauperum, &c. Hinc facta ad te reflexione agnosce adhuc feliciorum esse Petro, quia Christum non iam mortalem recipis, non semel tantum idque miro magis modo, & magis benigno in SS. Eucharistia. Ideo gratias age tenero affectu & cogita quid rependere debeas pro tali visitatione.

Secundum Punctum. Considera benignitatem Domini Iesu, qui ut ingressus est domum Petri, vidit focrum eius iacentem & febricitantem. Hic imaginare te ipsum Christi huic aspectui præsentem, quomodo, quo animi affectu, qua cogitatione afflictum & arotantem aspexerit. Grattas ei age, implora hanc eius erga te miserationem, & erga tuos spirituales morbos, qui sunt multo maiores, quàm febris illa.

Tertium Punctum. Considera modum quo Christus Febrim illam abegit: *accedens eleuauit eam, apprehensâ manu eius, & imperauit febrim, & continuo dimisit eam febrim.* Hic pòdera Christum sæpius ad te accedere & spiritualiter per gratiam, & corporaliter in Eucharistia, sæpius imperare febrim tuis spiritualibus, nec tamen liberaris ab eis, causas indaga, dole, remoue.

Quartum Punctum. Considera gratitudinem huius feminae sanatae, quæ sanata ministrabat Christo & discipulis. Perpende qua in re ministrauerit, & quomodo. Inquire quomodo tu ei ministres, qui tamen plura ab

eo beneficia es consecutus, & facta comparatione beneficiorum à minori ad maius, proficere stude.

SABBATO.

Post Dominicam Septuagesima.

De B.V. Profer lumen cæcis.

Primum Punctum. Considera primum lumen, quo et si non caremus, tamen non vitmur sæpè, & quasi illud non haberemus, ita nos gerimus: scilicet lumen naturale, cum anima rationali nobis inditum à Deo, quo docentur etiam Ethnici, quid sit faciendum, quid vitandum, cuius luminis dogma est. *Quid tibi non visseri, alteri ne fecerim, & cõtra.* Inquire ergo quomodo id oblerues, & agnitis multis circa hoc defectibus tuis, ij'q' te deploratis te emenda.

Secundum Punctum. Considera lumen fidei quod in te sæpè non apparet, illud enim docet, rem nobiliorem esse Deum & cœlestia, quàm homines & terrena, & tamen hæc magis queris quàm illa, de his perditis magis doles quàm de illis confundere, corrige mores tuos.

Tertium Punctum. Considera lumen Religionis tuæ, quod præbent peculiares tui instituti leges, quibus doceris quæ sint faciendæ, quæ non: in quo lumine sæpè non ambulas, leges tuas transgrediendo: annota igitur præcipuas res, circa quas sæpius delinquis, vt te emendes.

Quartum Punctum. Considera lumen conscientia: propriæ, quàm Deus peculiaribus illustrationibus & inspirationibus, ad certas res erudit, tam circa fugam vitiorum, quàm circa exercitium virtutum. O quàm sæpè luce hæc non vteris, & Deum docentem non audis: excita ergo te ne ad peccati tenebras maiores deuoluaris, & pete è B. Virgine stellâ maris huius mundi, vt hoc quartum lumen, ad quantum cæcitatem depellendam, in te conferret & augeat.

DOMINICA SEXAGESIMA E.

Primum Punctum. Considera causas ob quas verbum Dei vocatur à Christo Domino nostro semen, tum propter æternam speciem, tum propter fructum, tum propter cooperationem terræ necessariam, tum propter celestem influxum, sine quo nihil producere potest, tum propter alia: & hinc decerpe aliqua ad morum tuorum informationem.

Secundum Punctum. Considera num animæ tuæ conueniat, vel non conueniat, semen quod cecidit secus viam, & conculcatum est, & volucres cœli comederunt illud. Diaboli de corde sustulerunt, ne credentes salui fiant, & proficere stude.

Tertium

Tertium Punctum. Considera. An tibi conveniat vel non conveniat, semen quod cecidit super petram, & natum atuit, quia non habebat humorem: quia tempore tentationis verbum antea cum gaudio receptum repudiatur, & si ita est dolo & temeraria.

Quartum Punctum. Considera an tale sit in te Dei semen quod cecidit in terram bonam & ortum fecit fructum centuplum; quod si ita est. Deo magnas age gratias. Sin minus dolo, quod tam fecundum semen, tam parum in te producat fructum, & à Christo Iesu in Sanctissima Eucharistia existente pete, ut ille qui in te feminat, faciat illud maturefcere, & fructum quam maximum proferre.

FERIA SECUNDA.

Post Dominicam Sexagesimæ.

Primum Punctum. Considera causas ob quas Christus narrata de semine parabola clamabat dicens; *Qui habet aures audiendi audiat.* Nil enim Christus Dominus sine gravi causa fecit, multò minus non clamasset præter morem suum, & communem aliorum hominum nisi gravi re commotus. Quod quid sit, inquire, & fructum inde aliquem decerpe.

Secundum Punctum. Considera felicitatem tuam, & fratrum tuorum, quibus optimè quadrat illa verba Christi: Apostolis dicta: *Vobis datum est nosse mysterium Regni Dei, cæcæris autem in parabolis, ut videntes non videant, & audientes non intelligant.* Quod non tantum respectu sæcularium verum est, verum etiam respectu multorum Religiosorum in quibus non est tanta rerum diuinarum cognitio quanta in ordine tuo. Extolle Dei bonitatem, gratias age, & vide quomodo utaris hac notitia ad serviendum Deo fideliter & perfecte.

Tertium Punctum. Considera quid mysterij sit quod Christus Dominus dixerit *semen in corde optimo Seminatum fructum asserre in patientia,* cur non dixit in deuotione, in charitate, vel alia virtute, sed in patientia. Hoc inquire & proficere stude.

Quartum Punctum. Considera quando, quibus modis, per quos, quibus in locis, quam sæpè Dominus in corde tuo seminet semen suum, & an respondeas his omnibus circumstantijs spiritualis feminatioris, & si quid sit corrigendum corrige.

Lancicij Opusc. Tom. 2.

FERIA TERTIA.

Post Dominicam Sexagesimæ.

Primum Punctum. Considera Christum circumuentem Galilæam secedentemque in desertum locum ad orandum. Vbi Duo perpende. Primò quomodo Christus summo orationis dono præditus fugit occasiones distractionum quas affert locus non desertus ut tu discas quærere adiumenta collectæ orationis. Secundò quomodo Christus in illo deserto loco, orare solitus fuerit interius, & exterius, & imitare.

Secundum Punctum. Considera pium turbæ affectum erga Christum quæ requirebat eum, & venerunt vsque ad ipsum, & detinebant eum ne discederet. Gratias age illis quod tanti facerent Dominum tuum. Christo Domino gratulare hanc populi gratiam. Vide an tu æquali affectu Christum quæras, & in SS. Sacramento & in cælo, & proficere stude.

Tertium Punctum. Considera Christi beneficentiam, qui omnes malè habentes sanabat. Latere quod habeas Dominum tam potentem, qui omnia mala possit nullo negotio depellere, speremque in te excitari, & talis esse labora, qui dignus sis ut ab illo cureris.

Quartum Punctum. Considera affectum ægrotorum qui Christo Domino occurrebant, vel se offerebant sanandos, quo desiderio, quâ spe curationis quo ardore id petentes. Et examina an tu in necessitatibus tuis, ita implores Christi opem, ita desideras curationem tui, & si quid sit corrigendum corrige.

FERIA QVARTA.

Post Dominicam Sexagesimæ.

Primum Punctum. Considera verba cuiusdam Scribæ qui Christo dixit; *Magister sequar te quocumque ieris.* Et vide an in te sit idem affectus ad sequendum in omnibus Christum. Et inuentis defectibus varijs, qui indicant, te Christum non in omnibus sequi, eos desse, & emendare stude.

Secundum Punctum. Considera tenero commiserationis affectu, verba illa Christi Domini: *Vulpes sœcæas habent, & volucres cæli nidos, silius autem hominis non habet ubi caput inclinet.* Compatere vehementer dulcissimo Domino tuo, ita tui causa egenti, & neglecto ab hominibus. Gratias age, offer illi cor tuum, ut ibi caput suum reclinet, quare ut dignum sit mundum exhibe ab omni labe, & sœtore peccati.

PPP Tertium

Tertium Punctum. Considera verba alterius cuiusdam, cui cum Christus dixisset *sequere me*, dixit *Domine permittite primum ire & sepelire patrem meum*, cui Christus *sine vi mortui sepeliant mortuos suos*. Hinc discere quàm mundus esse debeas ab affectu erga consanguineos, quando rem bonam & quodammodo necessariam Christus filio ergo Patrem disuasit, suadens *vade & annuncia regnum Dei*, quod quomodo prestes perpende.

Quartum Punctum. Considera tertij hominis factum & dictum, qui cum Christo dixisset *sequar te Domine, sed permittite mihi primum renuntiare his quae domi sunt*. ait ad eum *Iesus: nemo mittens manum suam ad aratrum & respiciens retro aptus est regno Dei*. Pondere singula & pios affectus decerpe.

FERIA QVINTA.

Post Dominicam Sexagesimae.

*Matt 8.
Marc 5.
Luc 8.*

Primum Punctum. Considera statum quorundam Gerasenorum qui à Dæmonibus obsessi vestibus non induebantur, in monumentis manebant, sæui nimis, ita ut nemo posset transire per viam illam, neque carentis (quas sæpè & compedes rumpebant) retineri poterant se verò lapidibus concidebant. Compatere creaturis Dei, conditis ad imaginem eius, perpende statum animæ obsessæ à Dæmone, & quàm sit fugiendus penetra, & hinc à minori ad maius discere, quàm peior sit status hominis Dei gratia carentis, ut tanquam à specie colubri fugias non tantum à peccato, sed ab omni umbra peccati mortalis. Quod ad facias vide, & si quid sit emendandum emenda.

Secundum Punctum. Considera excellentiam Sapientiam Christi quam vel inuiti Dæmones per hos obsessos coacti sunt adorare procedentes. Tanta deberet esse Dei seruatorum præstantia, ut etiam inimici conuicti soliditate probitatis cogantur eam agnoscere & obseruare. Talis an sis, talis an esse coneris ob gloriam Domini tui. & S. Ecclesiæ ornamentum, vide & talis esse conare.

Tertium Punctum. Considera petitionem obsessorum Christo porrectam: *Obsecro te Iesu fili Dei altissime ne me torqueas*: dicebat enim illi, *Exi spiritus immunde ab homine*. Hos imitantur ij imprudentes, qui vitio aliquo manifestè laborantes, non conantur illud excludere licet Deus illud exclusum velit per inspirationes occultas, & alias externas, quibus vti solet vias. Eorum an sis è numero vide, & esse caue.

Quartum Punctum. Considera pia Chri-

sti Iesu viscera, & affectus quos habet domnos è caelis aspicit, tot Dæmonum erroribus vel seductos, vel implicatos, & de perfectâ munditiæ animi minus æquo sollicitos. Quid putas Christum de te si talis es cogitare, & de fructu suorum meritorum pro te oblatorum. Hæc humili ac tenero affectu perpende. Christi cor de tuo profectu sollicitum amplectere, adora, veniam pete, dole, & te ferio emendare stude.

FERIA SEXTA.

Post Dominicam Sexagesimae.

Primum Punctum. Considera desiderium Dæmonum qui viso grege porcorum, à Christo petierunt, sibi ut liceret eos ingredi. Considera causas, cur in hæc potius animalia, quàm alia secedere voluerint, & discas illos mores quibus Dæmones delectantur, eos ut fugias.

Secundum Punctum. Considera fructum huius transitus Dæmonum in porcos, quos postquam ingressi sunt præcipites egerant in stagnum & submerserunt. Iste est fructus Dæmoniacæ persuasionis, & omnis mali operis, illi ipsi nocet qui cooperatur ei. Comproba id exemplis ex experientia quotidiana petitis, & firmiter statue ita semper procedete, ne sit tibi vllum commercium cum illis siue personis siue actionibus ad quas se admisceat aliquid, quod Deum non sapiat, quod Deo non placeat.

Tertium Punctum. Considera humilitatem Christi, qui vnum ex his à legione Dæmonum liberatis, ad sanam mentem reuocatum, non est dedignatus assidere sibi, idè enim inuenerunt ciues illi eum ad pedes Christi sedentem. Contemplantur piè Christum, & hunc misellum eius pedibus assidentem. Cogita quid tunc ita Christo assidens cogitauerit. Gratulare ei, beatum prædica, & similes pios affectus elicere stude.

Quartum Punctum. Considera stultitiam Gerasenorum, qui viso tam insigni Christi miraculo, rogarunt eum, ut discederet ab illis, quia magno timore tenebantur idque impetrarunt. Hos imitamur quando eos abesse cupimus à nobis, quando eos refugimus per quos mala nostra abiguntur per quos curamur. Hoc, quantæ sit & dementia & periculi, pondere, & ne talis sis da operam.

SABBA.

SABBATO.

*Post Dominicam Sexagesima.**Mala nostra pelle,*

Primum Punctum. Considera primum malum culpæ proptiâ animum maculantis, Deoq̄ue exolum & cœli incapacem reddentis, & quâtopere & quas ob causas sit fugienda, vide, eiusq̄ue horrorem in te excita, & pro præteritis culpis admissis abundantem dolorem.

Secundum Punctum. Considera malum pœnæ spirituales, vel in hac vita vel in altera luendâ, quod peccatum relinquit, & vide cur tibi dâda sit opera ab eo ut semper sis liber, eolq̄ue adhibeas modos per quos illud ab homine excludit.

Tertium Punctum. Considera malum culpæ alienæ, quàm sit noxium alijs, in vna civitate vel domo, ponderato peccato Achan aliorumq̄ue, ob quod etiam qui non peccarunt sunt puniti, idèd & ta cauere debes ne alijs noceas, & dare operam ne alij peccent: quod an procuret vide, & si quid sit emendandum in te vel in alijs, in quantum licet emenda.

Quartum Punctum. Considera mala pœnæ quæ maligni homines vel Reipublicæ, vel Ecclesiæ, vel tuo Ordini inferre possunt vel solent, & quantopere noceant communi bono: ut ita excites ardens in te desiderium ea vel impediendi ne ingruant, vel amouendi si inuaserunt. Quod an facias inquire, & quid tibi sit faciendum constitue, & ora Deiparam ut hæc mala pellat.

DOMINICA QVINQVAGESIMÆ.

Primum Punctum. Considera causam ob quâ Christus Dominus secreto duodecim discipulos assumpsit iens Ierosolymam versus, & illis dixit præparata sibi flagella & mortem. Et cur non assumpsit alios, & fructum aliquem inde decerpe, eum præsertim ut viam inuenias per quam tantam inire Christi Domini gratiam possis, ut sis vnus ex valdè charis & dilectis eius.

Secundum Punctum. Considera cæcum sedentem secus viam mendicantem, & ad Christum transeuntem clamantem: *Iesu filij David miserere mei.* Gratulare & Christo Domino huic honorem, & cæco hanc felicitatem, quod potuerit inuocare tam beneficium Domini, tam dulcem, & visceribus charitatis plenum. Simul coniunge clamores tuos ad Dominum Iesum, propone tuas & mundi demerenti hinc diebus grauissimas necessitates, & ardentissimè Christi Iesu misericordiam

Lancicij Opusc. Tom. 2.

implora, ne peccata nostra puniat, & ut à peccatis præseruet, & ab admissis quàm citissimè libetet, & pro admissis faciat ritè pœnitere & satisfacere, præteritaq̄ue scelera vitæ emendatione & sanctimonia compensare.

Tertium Punctum. Considera causam ob quam felix ille cæcus Christo non alium titulum tunc dedit, quàm filij David, cum tamen alij etiam Dæmones, nobiliorem aliàs dare solerent, vocantes filium Dei: causam petere potes, tum ex David mansuetudine, tum ex commiseratione erga afflictos, tum ex beneficentia ei familiari: quasi vellet exemplo Davidis, ex cuius profapia Christus descendit, eum ad sibi benefaciendum commouere. Ita placet Domino pia astutia, cum sanctis artibus viuimur ad cor eius benignissimum spectandum ut beneficiat nobis.

Quartum Punctum. Considera Constantiam boni cæci, quem licet increparent transeuntes, ne clamaret Christum inuocans, ipse multò magis clamabat. Hoc nunc faciunt mali Christiani & Religiosi, dum malis exemplis, & otiosis colloquijs vel operibus auocant eos, qui Christum pro suis & peccatorum miserijs vellent ardentius inuocare. Tu ne sis eorum è numero, sed cæcum hunc imitare, & à Christo pete, ut tenebras tuas abigat, & cæci mundi, & te videre faciat in cœlo Deum Trinum & vnum.

FERIA SECUNDA.

Post Dominicam Quinquagesima.

Punctum Primum. Considera quid causæ sit quod etsi Christi Dominus clarissimè diceret discipulis suis se tradendum gentibus, illudendum, flagellandum, conspuendum, occidendum, tertia die resurrecturum, tamen ipsi nihil horum intellexerunt. Tamno difficiles res videbantur? Hinc agnosce quàm nihil possimus sine Dei lumine, quàm multorum malorum turpitudinem, bonorum excellentiam non agnoscamus, ideoq̄ue non moueamur. Tunc ergo ne peccatis tuis luminis Diuini obicem ponas, qui Apostolis melior non es, nec magis quàm illi dignos luminis diuini. Hoc ponderans omnia peccata fugere stude.

Secundum Punctum. Considera quomodo Christus se disposeret ad Passionem suam, eius tempestiua præmeditatione & colloquio de illa. Docet te præuidere iacula, ut minus feriant. Idèd reuocatis in memoriam difficultatibus tuis contra illas te præpara frequentè meditatione, cogitatione, pio colloquio, ne dum occasio obrepit succumbas, quin potius pro Dei gloria gloriosè triumphes.

Ppp 2

Ter-

Tertium Punctum. Considera tenero commiserationis affectu, cæcum adhuc secus vitam sedentem, & mendicantem & pondéra calamitatis eius duplicem; caritatis, & egestatis, & in eo innumeras calamitates temporales multorum hominum & bestiarum, & quia creature sunt Domini tui, in commo- dum tuum conditæ, exardescere tenero commiserationis affectu erga illas, & clama ad Deum ex animo dicens magis affectu, quam verbis *Oculi omnium in te sperant Domine, aperis manum tuam & imple omne animal benedictione. Respice in opera tua Domine & his similia.*

Quartum Punctum. Considera malas cæci qualitates quod scilicet videre & habere non possit, res quibus in sua cæcitate eget, & applica tum mundanorum hominum statui, tum animæ in mortali peccato existenti, & gaude quod vocatus sis in statum lucis & splendoris, Christum lucem mundi secutus & da operam tuis precibus, tum exemplis bonis, & alijs modis ut & tu semper sis a peccatis gravibus immunis, & alij per te ab ijs liberentur.

FERIA TERTIA.

Post Dominicam Quinquagesimæ.

Primum Punctum. Considera benignissimum cor Domini Iesu qui audito pio clamore boni cæci stetit, & iussit illum adduci ad se. Hic intueri Christum stantem, aspice eius intellectum, quid tunc de cæco illo cogitabat, & voluntatem quos tunc affectus voluebat, & opta ut & tu semper ita placeas Domino tuo, ut singula actiones tuæ sint quidam clamores ad aures Domini tui peruo- lantes, illiusque amorem erga te beneficium prouocantes. Tales an sint vide, & tales red- dere Dei ope adiutus stude.

Secundum Punctum. Considera humanita- tem Christi Domini, qui ex adducto cæco, etsi sciret quid vellet, tamen affabilitatis gra- tia, ut se eius colloquio longiore recrearet, petri, *quid tibi vis faciam?* ostendens se quod pete- ter concessurum. O felix anima quæ ita gra- ta est Deo suo ut ad simplicem eius petitionem paratus sit eam exaudire. Cogita quanta sit felicitas hæc, & quàm facilè possit acquiri, discere exemplo huius cæci feruenter clamantis, & talis esse stude.

Tertium Punctum. Considera responsum cæci Christo Domino datum. *Domine ut videam,* non petiit mendicem, etsi id quoque malum esset, sed gratius malum minori prætulit; discere sapientiam hanc à rudi cæco, & inter duo mala magis caue id quod est maius. Tale malum est quæuis vel minima Dei offensa, cur

ergo illam incurtere audes. sic proximum con- tristis ei in malo non cooperandus, cur pecca- re non times, & respectus humanos times.

Quartum Punctum. Considera gratitudi- nem cæci & omnis plebis, quæ visa cæci sa- natione vnà cum eo sequebatur Christum dans laudem Deo. Hoc imitare istis præsertim diebus, quibus Deus & malis parcendo, & bonos fouendo, maiora beneficia præstat; lauda ergo eum ardentè si potes assidue.

Die Cinerum. De Cena in Bethania.

Primum Punctum. Christus cenauit in domo Simonis leprosi in Bethania. Con- sidera modum quo se gessit in illa cena, quid, quomodo, quo gestu, quo auditate com- medis, bibit, locutus est, quomodo ad illam mensam sedit, & ex singulis decerpe decora- menta, quibus & defectus ad mensam emen- des tuos, & Christo cenanti similis fias.

Secundum Punctum. Considera personas quæ huic cenæ adfuerunt. Primum Simonem eum- que leprosum, cuius domum Christus adire non est designatus. Secundo mulierem vn- guentum preciosum super caput Christi sine vilo humano respectu effundentem, nec erubescentem in publico conuiuio tali obsequio Christi honorare, etsi non ita sibi notum, ut nobis nota est eius excellentia. Tertio Iudam murmurantem ob effusionem huius vnquen- ti; putantem in vsus pauperum potius illud conuerti debuisse, & rem bonam bono animo factam vituperantem. Discere hinc non erubescere publicas virtutum exercitationes, & in bonam partem interpretari omnia.

Tertium Punctum. Considera Christi mansuetudinem, qui Iudam non reprehendit, sed tantum factum feminæ collaudauit, quod id fecisset ad se sepeliendum, sempiternâ memo- ria recolendum. Imitare Christi mansuetudi- nem.

Quartum Punctum. Considera quod Iudas hinc sumpsit occasionem Christum tradendi, & vendendi: ideoque adire Principes Sacer- dotum de Christi traditione tractaturus. Quod Christus sciens non impeditur etsi posset volens efficaciter tui causa mortem subire indi- gnissimam. Tu quàm sæpè declinas & impedi- dis occasiones aduersitatum inquite, & ad crucis amorem pro Domino tuo te excita.

FERIA QUINTA.

Matth. 26.

Post Cineres. De Iudæ prodicione.

Primum Punctum. Considera quis fuerit Iudas antequam Christum vendidisset. A Christo ad veram fidem conuersus, ab ipso Christo edoctus fidei mysteria, Christi miraculorum & Sanctitatis spectator, fortè etiam miraculorum & ipse patrator, doctor ac prædicator fidei, & tamen tantum scelus admisit. Pondera an tu ei sis comparandus in eius officii ac muneribus, & quàm timendus sit tibi lapsus grauis.

Secundum Punctum. Considera non statim Iudam ad hanc impietatem esse delapsum sed sensim: & discurre, per quas vias & prauos affectus eò deuenit, vt similes caueas.

Tertium Punctum. Considera quàm vilis res fuerint triginta argentei Christo Deo & Domino rerum omnium comparati. Et pondera, quàm sæpè tu res peiores & viliores anteposueris Deo & creatori tuo, ob illas eum offendendo: vnde dolorem de tuis peccatis concipies, & te Iuda peiorem esse agnosces.

Quartum Punctum. Considera Christi humilitatem & patientiam, qui sciens se minoris habitum à Iuda quàm essent triginta denarij, non tulit agrè se ita contemptum. Hinc discite, quàm debeas Dei tui causâ contentus esse, vt & personæ aliæ plures fiant quàm tu, & officia vilia tibi iniungantur, siquidem nunquam illa, & illa, ita erunt vilia & abiecta, & indigna te, sicut fuerunt hæ Iudæ pecuniæ eum Christo vero Deo & Domino cæli & terræ collatæ.

FERIA SEXTA.

Post Cineres. de Christi venditione.

Primum Punctum. Considera sceditatem huius venditionis, tum quia persona tam excellens fuit vendita: tum quia tam paruo pretio: tum quia à cliente, & tot beneficijs obligato: tum quia cum inimicis ipsis Christi venditi transacta: tum quia maximè repugnabat amicitia veræ, quæ omnem dolam & insinceritatem execratur. Et hinc discite quantopèrè tibi sit fugienda omnis ingratitude erga benefactores, maximè domesticos, & omnis astus, & insincera conuersatio, cui an sis obnoxius perpende, & propone emendationem.

Secundum Punctum. Considera originem huius impiæ venditionis, Amorem scilicet superfluarum commoditatum in victu & vestitu, & possessione rerum ad vsum spectan-

Lancicij Opusc. Tom. 2.

tium. Iudæ enim in Christi schola non defuerunt necessaria, vti aliquando Christus ipsis Discipulis dixit: *Quando aliquid defuit vobis, sed Iudas sobrio & paupere sufficienti tamen ad honestam vitæ rationem, victu non contentus, propter superfluas commoditates pecuniam quærens eò impietatis deuenit.* Tu inquire an quæras superfluas commoditates, in victu, vestitu, cubiculo, libris &c. & caue ne sensim ad maiora mala hæc viâ deuenias.

Tertium Punctum. Considera pecunias impiè à Iuda acquisitas non profuisse, vñus enim non est ijs, sed retulit ijs à quibus acceperat. O quàm sæpè malè parta pessimè dilabuntur, quàm sæpè res contra obedientiam acquisitæ tandem manifestandæ sunt, & restituendæ & amittendæ. Examina igitur, an id, facias. & imitare Iudam saltem in reddendo quod malè acq̄situm est, & propone in posterum emendationem.

Quartum Punctum. Considera Iudæ mortem pessimam ex desperatione ortam. Agnosce Dei bonitatem, qui ob maiora peccata tua non permisit tibi tam malum finem, & caue, ne & tu malè moriaris, ideoque fuge ea per quæ ad malam mortem deuenitur.

SABBATO.

De Causis. Cur Christus Iudam ad Apostolatam vocauit?

Punctum Primum. Considera Dei bonitatem, qui ab æterno sciens Iudam pessimè moriturum, eum tamen vocauit ad statum & officium in Ecclesia Dei perfectissimum & nobilissimum. Admirare hanc Dei benignitatem, eamque imitari semper stude, in beneficiendo ijs etiam, quos certè scires tuam perniciem quæsituros, multò magis illis, qui tales non sunt, etsi tibi molesti sunt, & tibi dant occasionem patientiæ, & humilitationis.

Secundum Punctum. Considera Dei Sapientiam in vocatione Iudæ, qui vt hierarchiam suæ Ecclesiæ, & Religionum à maledicentia hominum vindicaret, voluit ipse per se vocare ad Apostolatam hominem hoc munera indignum, ne Superiores Ecclesiastici (qui corda tamen hominum non norunt, vt noscebat Christus cor Iudæ & exitum) carperentur, dum quandoque præficiunt ineptos Ecclesiasticis functionibus, & ne eorum regimen vilesceret, ob ineptos ministros, siquidem peiores Iuda non eliguntur.

Tertium Punctum. Considera in Collegio Apostolorum tam exiguo, fuisse vnum tam

Ppp 3 ma-

malum, & noli mirari, si vel in Ecclesia, vel in Religione quandoque imperfecti cernantur, siquidem non sunt tam mali, ut fuit Iudas, nec tot, quot sunt inter eos illorum decades, ac proinde nunquam vilescat tibi, aut Ecclesia aut Ordo vllus propter multitudinem imperfectorum, sicut nec Apostolorum Collegium vilescere debuit propter improbitatem Iudæ, etsi maiorem quam sit in imperfectis Religiosis.

Quartum Punctum. Considera Dei amorem erga Ecclesiam & illos Religiosorum Ordines quos purgat, ex iis eijciendo malos, ut Iudam ex Apostolorum numero. Et caue ne & tibi idem contingat, ideoque da operam, ut ijs rebus sitimter adhaereas, quæ solent in in Religione conciliari ex Dei munere perseverantiam; uti sunt fuga peccati grauis, perfecta obedientia, amor crucis & proprii contemptus; & ea fugias, quæ exturbant ex Religione: uti sunt conscientia laxa, amor commoditatum honorisque proprii, duritia proprii iudicij, inobedientia & his similia.

DOMINICA PRIMA QUADRAGESIMÆ.

De Cæna Legali.

Primum Punctum. Considera Christi obedientiam qui etsi non subiaceret legi Moisaicæ quam abrogaturus venerat, tamen iuxta illam voluit Agnum Paschalem cum discipulis ritu Moisaico comedere. Vnde discere, quantopere seruandæ sint tibi illæ leges, ad quas observandas ex Dei præcepto & Ecclesiæ & Religionis tuæ, & internis conscientiæ luminibus adigeris, considerando quam sint & vtiliores & perfectiores ritibus Moisaicis per Christum abrogatis.

Secundum Punctum. Considera exactam Christi in obseruando hoc ritu diligentiam: quomodo ne minimum quidem apicem omiserit, sed minutissima quæque in eo ritu præscripta seruauerit; Deinde confer tuam in seruandis Dei, Ecclesiæ, Ordinisque tui legibus diligentiam, an sit tam exactè in quibus & quantopere deficiat, & excitatâ voluntate seriam saltem in præcipuis rebus particularibus emendationem, exactè Christi diligentiam te conformare stude.

Tertium Punctum. Considera internas Christi cogitationes, & voluntatis affectus, quibus eius sanctissima anima occupabatur inter edendum agnum Paschalem, tam circa ipsum Agnum, quam circa suos conuiuas, quam circa suum cænaculum illud grande stratam, quam circa alias res & personas, circa quas beata illa anima internè occupabatur, & ad huc Christi interiorem statum examina tuum, an

ei sit conformis inter edendum, & proponere ferio quæ in posterum ex animo tuo tam sunt excludenda quam accersenda.

Quartum Punctum. Considera Apostolorum Christo assantium tempore illius cænae modestiam, deuotionem, temperantiam grauitatem in oculorum, oris, manuum, totiusque corporis motu, & gestu, quam in omnibus spirarent sanctitatem: & collatis tuis, in rebus similibus actibus, corrige corrigenda, adde addenda, resecta resectanda.

FERIA SECUNDA.

Post Dominicam primam Quadragesimæ.

De Lotione pedum.

Primum Punctum. Considera quomodo se Christo præparauerit ad lauandos Discipulorum pedes, quomodo à cæna surrexit, quomodo posuit vestimenta sua, quomodo accepit linteum, quomodo se præcinxit linteo, misit aquam in peluum, & ex singulis cape necessaria documenta, & exempla ad res similes, iuxta Christi exemplar peragendas.

Secundum Punctum. Considera Christi modum, externum quo lauit suorum pedes, scilicet, quâ diligentiam quàm accuratam, sine festinatione, cum totali applicatione. Et vide an tu simili modo iniunctas tibi à Deo, Ecclesiæ, Religione, conscientia, res peragas, & propone emendationem.

Tertium Punctum. Considera internum Christi affectum, quo pedes lauit suorum, quo scilicet amore, quo seriore, quâ reuerentiâ internâ, quâ sui humiliatione, quo desiderio maioris adhuc humiliationis, quâ patientia, quâ castimonia, & puritate animi, præcipue verbis, quod sine respectu personarum, & sine acceptione illarum, æquè vni ac alteri, non minus diligenter vni quàm alteri, & ex singulis documenta decerpe.

Quartum Punctum. Considera Christi humilitatem in lauandis pedibus suorum maximè Iudæ sui proditoris futuri ponderatâ excellentiâ personæ Christi in quantum erat & Deus & homo, & actionis ipsius vilitate, & indignitate Apostolorum Christo, ut Deo & vt homini comparatorum, & improbitate Iudæ, qui iam machinabatur Christi prodicionem. Ex altera parte penetra efficaciter, nullam tibi posse contingere in mundo occupationem tam vilem, & abiectam respectu tui, atque fuit latio pedum respectu Christi, & ideo heretico animo firmiter propone, nullam vnquam rem vilem vel occupationem subterfugere, ex superbia, vel vani honoris vel amoris proprii instinctu, quinimo quàm sprimum quàm ardentissimè querere ea, quæ te humiliant cotam homi-

hominibus, & in iis perseverare propter amorem Christi Iesu, ita tui causa se humiliantis.

FERIA TERTIA.

Post Dominicam primam Quadragesimæ.

De verbis Christi & aliorum tempore lotionis pedum.

Primum Punctum. Considera Petri reverentiam & humilitatem, quæ motus detestabatur lotionem. *Domine tu mihi lauas pedes?* & quàm merito id detestaretur ob Christi excellentiam, & suam vilitatem. Hinc discere quàm ratione acceptare vel non acceptare debeas, dum ij qui te superant aliqua re (sive ætate sive virtute, sive doctrinâ, sive aliis talentis sive officio) tibi aliquid deferunt bonoris vel obsequij, & perpende quomodo te in talibus occasionibus geras, quoad locum, occupationem, sessionem, mansionem in cubiculo, & similia, ut emendes quæ digna sunt emendatione.

Secundum Punctum. Considera excessum Petri in humilitate inculpabilem quidem, tamen non omnino perfectum, cum dixit. *Non lauabis mihi pedes in æternum*, ideoque Christus eum correxit *si non lauro te non habebis partem meam*. Hinc discere etiam in actionibus & propositis virtutum fugiendas esse pertinacitas & quasi æternas resolutiones, sed in omnibus servandam moderationem, ut nulli bonæ actioni ita adhareas quin promptè eam relinquant si id Divinæ voluntatis interpretes superiores tui iudicaverint. Cogita quomodo hac in parte procedas, & aspira ad perfectam animi moderationem & æquitatem.

Tertium Punctum. Considera Petri promptitudinem in mutando suo proposito de non permittenda suorum pedum lotionem prius factam, ubi audiuit. *Si non lauro te, non habebis partem meam*. Hinc verò discere ad mutanda tua proposita pertinacia, & ad faciendum id quod Deus per suos vicarios vult, non debere te expectare tam efficacia motiva & tam terribilia uti fuit hoc Christi. *Non habebis partem meam*. Sed te ad minimum nutum & significationem propensionis in superioribus debere flectere tuam voluntatem ad omnia quæ per eos tibi proponuntur, considerando quantopere hoc sit perfectum, nobile, heroicum Deo gratum.

Quartum Punctum. Considera dulcissima illa Christi verba plena succo, & doctrinis, quas ex illis instat apis decerpe. *Scitis quid fecerim vobis? Et Exemplum dedi vobis, ut quemadmodum ego feci vobis, ita & vos faciatis. Amen amen dico vobis non est servus maior Domino suo* (q. d. nolite ergo esse commoiores in victu &c. quam ego fuertim)

si hæc scitis beati eritis si feceritis ea. Non de omnibus vobis dico, ego scio quos elegerim. Utinam tu sis electus, habes ne signa electorum vide.

FERIA QUARTA.

Post Dominicam primam Quadragesimæ.

De Christi prodicione à Christo prænuntiata.

Primum Punctum. Considera quo affectu interno Christus prædixit se à Iuda tradendum, scilicet. *Turbatus fuit Dominus spiritu*. Turbatio enim illa, non ut in nobis prævenit rationem, sed spiritus & rationis imperium secuta est, & meritò quia peccatum tam execrandum Iudæ, dignum erat, uti irâ iustâ, ita turbatione animi illud improbantis. Tu examina turbationes tuas, an habeant has duas condiciones, an ex iustâ causa orientur, & an sequantur non præveniant rationem, & Christo te conformare stude.

Secundum Punctum. Considera Christi dolorem ex Iudæ ingratitude ortum. *Vnus ex vobis qui manducat mecum, & intingit mecum manum in paropside, tradet me*. Et recordare te plura ac maiora à Christo percepisse beneficia quàm hoc fuerit, eodem cum eo cibo vesci, & tamen quàm sæpè tradidisti Christum, præcepta eius & consilia fortasse violando. Et inquire quomodo in posterum te gerere debeas, & pro offenso tam magno benefactore eidem satisfacere.

Tertium Punctum. Considera Christi mansuetudinem, qui non detexit apertè suis discipulis suum proditorem nec nominavit eum. Tu an eodem modo te geras circa alienos defectus vide, & si delinquis emenda te, considerando motiva quibus excitari possis ad detestandum vitium detractionis & infamationis proximi.

Quartum Punctum. Considera Christi bonitatem qui non nisi desiderio iuvandi Iudam, & ipsius Iudæ expressa petitione motus detexit illum ipsi, tanquam proditorem sui futurum, ut ita saltem pudore abstraheretur ab impia liberatione, quod ut facilius persuaderet dixit: *Ve homini illi per quem filius hominis tradetur, bonum erat ei si natus non fuisset homo ille, nec tamen id profuit*. Hinc agnosce quàm periculosum & perniciosum sit laxare habenas immoderatis affectibus sive iræ, sive amoris erga rem aliquam vel personam, & quàm difficile sit, etiam ipsius Dei expressâ voce retrahi à malo proposito ex vehemèti passione orto. Ex altera parte inspicere immoderatos affectus tuos precipuos, & pericula ac mala in quæ per eos delapsus es non semel, & delibera de modis quibus

bus eos frenare & mortificare possis, ne & vehementes in te sint, & te ad nullum peccatum vel imperfectionem adducant.

DOMINICA QUINTA.

Post Dominicam primam Quadragesima.

De ambitiosa contentione Discipulorum.

LUC. 22.
v. 24.

Primum Punctum. Considera humanæ naturæ, etiam in vitis bonis fragilitatem: quomodo Apostoli post perceptam etiam Eucharistiam cœperunt inter se contendere. *Quis eorum videretur esse maior.* Unde agnosces quàm sit difficile eradicare studium honoris & estimationis propriæ, ideoque tuam conscientiam introspecte, an illud in te quoque sit, & quibus signis se prodat, & propone emendationem.

Secundum Punctum. Considera Christi admonitionem quàm paternè, quàm placidè eos ab ambitioso honoris desiderio auocet, ostendens illud in Regibus gentium vigere, ideoque dedecere legem Christi professos. Deinde monet. *Qui maior est in vobis fiat sicut minor, & qui professor est sicut ministrator.* Pondera singula & discite, si maior, & professor esse debet ut minor & ministrator, quantò magis æqualis, quantò magis qui minor est ætate, officio, virtute, talentis. Vide igitur an ita te geras, & notatis præcipuis hac in parte defectibus propone emendationem.

Tertium Punctum. Considera & aliud motiuum Christi ad fugam honoris impellens scilicet exemplum suum. *Ego autem in medio vestrum sum sicut qui ministrat.* Et reuoca in memoriam quomodo Christus à sua natiuitate semper se gesserit ut qui ministrat, in vestitu, victu, habitatione, personis cum quibus agebat, occupationibus &c. ut penetres quàm Deo gratum, quàm tibi conueniens, quàm ad tuam pacem & perfectionem necessarium sit Christo te conformare in hoc, non mundo, non aulicis, non imperfectis Religiosis.

Quartum Punctum. Considera præmiū quod Christus promittit iis, qui eum in humilitatis statu sequuntur. *Ego dispono vobis Regnum,* quomodo Domine: *sicut disposuit mihi Pater.* Pondera hæc *sicut disposuit mihi Pater,* quid inde sequitur: *ut edatis & bibatis super mensam meam in Regno meo, & sedetis super thronos iudicantes duodecim tribus Israel.* Perpende singulas partes huius præmij. Et qui sint quibus id promittit, *vos estis qui permanistis mecum in tentationibus meis,* scilicet in tali statu viuendo in quali ego vixi. Hinc Deo gratias age quod ad talem statum vocatus sis, & magis, si in eo viuis uti de bes, sin minus corrige mores tuos.

FERIA SEXTA.

Post Dominicam primam Quadragesima.

De prænunciato à Christo Discipulorum periculo in eius Passione.

Primum Punctum. Considera Christi curam circa suos quomodo præmonet, ut iacula præuisa non feriant, ut se arment, ut sint vigilantes. *Ece Satan expetit vos, ut cribraret sicut triticum.* Pondera singula verba scilicet *Satanæ potentiam, experientiam in pugnando, altum, media quibus vincit, ardens desiderium, infestum laborem in expugnandis bonis.* Deinde quid prætendat Satan *cribrare bonos sicut triticum* scilicet separare à bonis malos, ut à tritico paleas quas comburat. Hoc prætendit duobus modis Satan. Primum, ut separet moribus, scilicet à bona viuendi ratione bonorum faciat diuersos malos motes inducendo imperfectiones &c. Secundò, tandem ut à vocatione auellat, & ad infernum pertrahat: quàm ergo diligentes & oculatos esse oportet eos, quibus tam potens & expertus hostis insidiatur affluè. Ad has autem insidias euadendas optimum consilium parere consiliis à Christo pet suis Vicariis datis, quibus nos præmonent & præcauent ne vincamur.

Secundum Punctum. Considera Petri bonam voluntatem *Domine tecum paratus sum, & in carcerem & in mortem ire: celsi omnes scandalizati fuerint in te ego nunquam scandalizabor: etiamsi oportuerit me mori tecum, non te regabo.* Et tamen etiam ante mortis periculum statim Christum negauit. Hinc discite timere teipsum, tibi non fidere, plus de aliorum virtute & perseverantia quàm de tua tibi promittere.

Tertium Punctum. Considera veritatem Christi prædictionis, quia ita negauit Petrus Christum, uti Christus prædixit. Unde discite valde necessariam doctrinam scilicet credendum esse omnibus Dei prædictionibus, & præmonitionibus in Scriptura positis quales sunt: *qui querit periculum peribit in eo, nemo respiciens retro aptus est Regno: qui non colligit mecum, dispergit: qui non odit Patrem & matrem &c.* scilicet qui non fugit eodum à bono ad malum trahunt, & qui non batiulat crucem suam (tolerando libenter aduersa saltem patienter) & venit post me (imitando meli modum viuendi in omnibus) non potest meus esse discipulus: *Regnum celorum vim patitur &c. & similes.* Crede ergo his, & ita procede sicut procedendum esse denunciant hæc Dei admonitiones.

Quartum Punctum. Considera cum timore & humilitate, sine curiositate, quid etiam Christus ad dexteram Patris sedens de tua perseverantia in vita bona & statu Religioso cogitet.

giter, quid quodammodo Angelis & Sanctis de te prædicat, & sciens quod te non deseret, nisi tu illum prius deseras; fuge ea ob quæ excidere posses ex hoc statu, & contraria sectare.

SABBATO.

Post Dominicam primam Quadragesimæ.

De Christi itinere ad hortum.

Primum Punctum. Considera modum quo Christus peractâ cenâ cum discipulis suis iuit in hortum distantem à loco cenæ & quasi Christum eonem cum suis aspiciens, intuerè quâ festinatione, quo motu manuum, digitorum, pedum; capitis, quo situ totius corporis, quibus gestibus, quâ oculorum ag. ratione iter illud perfecit. Et ex singulis rebus ad similes tuas actiones reflectens oculos cape nec essaria documenta ad tui reformationem.

Secundum Punctum. Considera comites itineris Christi, an cum aliquo & quali delectu eorum incedat, an hunc potius quàm illum, & cur secum vel sibi proximè assumat. Et eadem in tuis sociis & comitibus examina, disce quàm sint seriò amputandi personarum respectus, priuatæ amicitie, delectus sociorum non ob finem spiritualem sed mundanum, & similia quæ hinc oriuntur, vt etiâ in hoc Christo te conformes.

Tertium Punctum. Considera finem ob quæ Christus iuit in hortum, qui non fuit talis quali mouentur seculares vel Religiosi discipuli & imperfecti, sed longè diuersus, simul considera internum affectum quo Christus eò se contulit, scilicet sine nimia auiditate & celeritate, & desiderio interno, pacatâ mente, & inclinatione voluntatis sedatâ &c. magno tamen desiderio in eo patendi id quod sciebat se ibi perpeffurum. Vnde & tu disce, & emenda duo. Primò, refecare nimiam cupiditatem etiâ bonarum rerum, & mentis in eis quærendis immoderationem. Secundò, repugnantia à locis in quibus te aliquid perpeffurum præsentis mortificationem &c.

Quartum Punctum. Considera an, & qua de re, & quali voce, an elatâ an modicâ, an cum gestibus, an alio modo Christus cum suis in hoc itinere locutus sit, & ex omnibus decerpens necessaria exempla, conforma te in omnibus Christo Domino.

DOMINICA SECUNDA.

QUADRAGESIMÆ.

De Christi Oratione in horto.

Primum Punctum. Considera cur Christus ad orandum delegerit hortum illum, ab urbe

remotum. Item cui etiâ ab Apostolis secesserit longius, non vt simularet orationem, non vt negligenter oraret, vel aliud quid faceret eo tempore, sed contrarium. Tu vide quomodo te hac in parte geras, & seriò magnam hac in parte propone emendationem & efficacem.

Secundum Punctum. Considera cur Christus relictis aliis Apostolis, tres selegerit cum quibus secessit ad orandum, SS. Petrum, Iacobum & Ioannem: quia nimirum in illis eminebant quædam egregiæ virtutes. Hinc disce cur liceat nonnunquam partialem esse in conuersandò eum quibusdam ob eximiam virtutem, dummodo sub prætextu virtutis aliud humanum motiuum non se intuscat. Deinde hinc exardece ad quærendum talem animæ tuæ statum, vt eo Christo plus cæteris placeas, si aliquid capax ad percipiendos maiores eius fauores, non vanæ gloriæ instinctu, sed vt Christi cot magis oblectes & soleris.

Tertium Punctum. Considera situm quem Christus adhibuit in orando *procidit enim in faciem suam.* Si Christus Patri æqualis vt Deus, vt homo Patri charissimus, familiarissimus, nullius mali conscius, debilis, & complexionis tenerimæ, ita orat, quid te facere par est? Confer tu in orando corporis situm, & deplora irreuerentiam tuam, sensualitatem, commoditates, quibus nec Regem alloquendo, vel superiorum videris, & propone seriâ emendationem.

Quartum Punctum. Considera verba Christi orantis. *Non mea sed tua voluntas fiat si non potest hic calix transire nisi bibam illum.* Duo enim potissimum ex oratione fructus decerpenti sunt: attendens desiderium Diuinam in omnibus faciendi voluntatē, & grauisima quæque aduersa pro Deo tolerandi. Examina an hæc per tuas orationes quæras & assequaris, & in posterum vt id assequare da seriò operam.

FERIA SECUNDA.

Post Dominicam secundâ Quadragesimæ.

De angoribus anime Christi tempore Orationis.

Primum Punctum. Considera Christum Dominum in oratione illa in horto sensisse magnam tristitiam. *Capit tristari, & tristis esse.* Causa tristitiæ erat mors acerba sponte subeunda, & peccata nostra huius mortis causa. Hæc autem tristitia sponte à Christo fuit acerbata, vt nihil esset quod nostri causa non perferret. Tu vide an dum tristari soles, ob tam iustam causam ad tristitiam mouearis, an potius tristeris propter eas causas propter quas lætari deberes.

Secundum

Secundum Punctum. Considera Christum præter tristitiam etiam timorem habuisse, scilicet tam duræ mortis, eumque non ut in nobis solet exurgere iuuitis, sed voluntarium. Cum tamen posset omnia à se mala facillimè auertere quæ timebat. Ita Christus tui causâ nil omittit quo se pro tuis peccatis exercuciet. Ut tu etiam similem erga eum liberalitatem, & benè uiuendo, & mala tolerando exhibeas.

Tertium Punctum. Considera Christum præter tristitiam & timorem, etiam tædium voluntarium habuisse, ortum ex apprehensione malorum sibi imminentium, ut tanto magis exercuciaretur sanctissima eius anima, ad satisfaciendum Deo, pro tuis iniquissimis deliciis & voluptatibus huius uitæ. Hinc discere non querere leuamina afflictionum animæ tuæ, sed potius ut Christo acerbè dolenti te conformes, querere ea quæ tuum perpetuo excedant animum, & te exercuciant, ut ita sis capiti tuo conformis.

Quartum Punctum. Considera præter hos tres aculeos peruenisse Christi etiam ad ipsam agoniam præ magnitudine tristitiæ, timoris, & tædij idque sponte & voluntariè. Hinc agnosces maximum erga te Christi amorem, qui nihil omisit, quo se tui causâ enecaret ut te doceret quàm parum ei corresponderes, quàm sis delicatus, ut nil velis pati acerbis, sed omnia ad gustum tuum. Erubescere ô membrum delicatum, ô miles sensualis, & Christo deinceps te conforma.

FERIA TERTIA.

Post Dominicâ secundam Quadragesimæ.

De verbis Christi ad suos in horto.

Primum Punctum. Considera prima Christi verba ad discipulos *sustinete hic & vigilate mecum.* Prævidens enim periculum passionis tempore imminens ad vigilandum excitat, quia tunc maximè necessaria est præparatio ad congressum cum hoste, qui cum semper circumceat *quærens ut leo quem deuoret* semper est nobis vigilandum. Tu vide an vigiles. Vigiliæ autem signum est sæpè de hostis aduentu cogitare, illius inopinatum aduentum metuere, in minima occasione & specie eius insultus, arma arripere, omnia loca debilia per quæ aditus possit ei esse munita habere, & clausa. Tu an ita facias vide, & rebus tuis consule ne imparatus vincaris.

Secundum Punctum. Considera Christi admonitionem discipulis, quos dormientes inuenit datam. *Sic non potuisti vna horâ vigilare mecum:* quàm suavis sit, quàm sine felle; & tamen erat eorû Creator, Dominus, Magister, Superior. Cur ergo tu in æqualis & quandoque Su-

periores te excandescis, & acerbus es? Cogita an te id deceat, qui in multis & Deum & homines offendis, & tamen tolerari vis lapsus tuos.

Tertium Punctum. Considera duo media à Christo discipulis data ad euitanda damna à tentationibus oriri solita. *Vigilate & orate ut non intretis in tentationem.* Duo enim sunt quæ omnes tentationes Dæmonis elidunt, nec nobis noceant. Vigilantia seu cura nostri profectus, & feruens oratio. Tu quomodo in his duobus te geras inquire, & vide ne tuo officio delis.

Quartum Punctum. Considera Christi promptitudinem in offerendo se morti pro nobis, aduentantibus enim inimicis dixit Discipulis. *Ecce appropinquauit qui me tradet: Ecce appropinquauit hora & filius hominis tradetur in manu peccatorum, surgite eamus.* Pondera quàm verbis placidis Christus suam tam acerbam passionem explicet. *Tradetur in manus peccatorum.* Hanc tu loqueris de minoribus tuorum aduersariorum contra te insultibus? Deinde quàm promptè refugis minimas asperitates, labores, aduersitates, confusiones in Dei obsequio? Erubescere, & te seridè emenda.

FERIA QUARTA.

Post Dominicam secundâ Quadragesimæ.

De sudore Christi in horto.

Primum Punctum. Considera ardorem Christi in oratione tantum, ut etiam sudorem eius frigidò anni tempore expresserit. Si Christus omnia habens in manu sua, oratione opus non habens, nullius criminis reus, non tam pro se quàm pro aliis orans, ita feruenter orat, te orate ardentèr quantopere expedit. Hanc orationem modo contrario? Et tamen quis es Christo comparatus ut Deo, quem toties grauissimè offendisti, & fortè offendis.

Secundum Punctum. Considera qualitatem huius sudoris. *Factus est sanguis eius sicut gutta sanguinis decurrentis in terram.* Græcè est *magna gutta.* Mirum est Christum sanguinem sudare, & tam copiosum ut decurrat in terram. Sudor duo indicat, debilitatem & laborem ex quo oritur. Hinc appareat Christi carnis tenerima complexio, quæ insolito modo sudauit, & labor tui causa susceptus inauditus. Tu verò in rebus ob tuæ animæ commodum susceptus sudas nec quo conatu ac diligentia tua stultas, orationes, pœnitentias, alia officia persurgas ad sudorem ne? Confundere ô miles & famule delicate, videns tuum Ducem ita sudantem præ labore tui causâ suscepto in tam debili corpore, & tandem aliquando euigila, & pro te tua.

te tuaque anima feruenter labora.

Tertium Punctum. Considera Christi rigorem in suo corpore tractando, qui sudorem illum exterfisse non legitur. Tu verò quam delicatus es, in minoribus rebus tolerandis, & in quærendis leuaminibus ac deliciis quandoque prætextu sanitatis & necessitatis. Examina igitur sensualitatem tuam & te emenda.

Quartum Punctum. Considera Christi erga te liberalitatem qui oblatum semel Deo Patri sanguinem suum pro peccatis tuis in cruce effundendum quasi moræ impatiens præuenit horam mortis, eum effundendo in horto, vt re doceat celerem esse in reddendis Deo iis obsequiis, quæ debes, vel decalogi, vel Ecclesie vel regularum vel propriæ conscientie legibus & instinctu adactus: maximè in iis exequendis ob tui mortificationem à quibus vitiosa abhorret natura. Talis an sis considera & te emenda.

FERIA QUINTA.

Post Dominicam secundam Quadragesimæ.

De confortatione Christi per Angelum.

Primum Punctum. Considera acerbitatem dolorum Christi, quam ostendere voluit hac Angelum sui facta confortatione, quasi sibi ipse non esset sufficiens ad leuamen dolorum vltro accersitorum. Tu verò omnem das operam, ne vel minima molestia ab vltro afficiaris, & nunquam quidquam passus es quod Angelica consolatione opus haberit, & tamen quam impatientem te gessisti & geris in similibus leuissimis occasionibus patiendi: Confundere, & te corrige.

Secundum Punctum. Considera Christi humilitatem qui à sua creatura voluit confortari. Confer autem Angeli scientiam, potentiam & alia cum Christi scientia, potentia, perfectione, quàm longè is à Christo distet in omnibus, & tamen non indignatur confortari à persona se in omnibus inferiore. Tu verò quam sæpè detrectas meliorum te consilia, perfectiorum monita; consolationes, directiones. Vide igitur quomodo in posterum te gerere debeas.

Tertium Punctum. Considera quæ reuerentia Angelus Christum confortabat, quomodo cum eo colloquebatur, quomodo Christo assistebat, & collato modo tuo quo cum Christo in oratione communionem agis emenda si quæ digna emendatione in te inuenieris.

Quartum Punctum. Considera ipsam Angeli confortationem, quibus rebus Christum confortauit scilicet Dei Patris eum ad mortem destinantis absolutâ voluntate, ipsius Christi ad

hoc præmissâ oblatione, fructu ex illis aduersitatibus secuturo & similibus. Et vide omnia illa quæ Christum confortabant, valere quodque ad reddenda tibi dulcia omnia Religiosæ vitæ onera quantumdams amarissima, ideoque illa in posterum & tolera libentius, & vltro quere ingenialus, & nunquam deponere cogita, sed potius augere & addere ex amore Domini tui tam inulta & acerba tui causa passi.

FERIA SEXTA.

Post Dominicam secundam Quadragesimæ.

De sanguine Christi effuso in horto.

Considera. Quid indicet ex parte Christi sanguis iste.

Primum Punctum. Primò indicat Christi liberalem erga te amorem, qui præueniens & tempus & locum & causas mortis à se electæ ab hominibus per effusionem sanguinis perficienda, illum vltro effudit pro te. Tu vide an ita sis velox in reddendis Deo rebus quas debes, & vt Christianus, & vt Religiosus, & vt talis Religiosus, non dico voluntariis quæ vocantur opera supererogationis, sed imperatis & præscriptis. Et agnita tua tarditate & segnitie in earum executione accende cor ad emendationem seriam.

Secundum Punctum. Secundò indicat iste sanguis acerbitatem Christi doloris ex morte sua, & tuis peccatis præuis concepti. Nam si lacrymæ sunt signa doloris, quanto magis sanguis tam inuitato modo idque tam copiosè effusus. Pende ergo in conspectu Dei, an deceat te tot sceleribus inquinatum inani sæpè & vitiosa læticia disfluere, & non habere illum tuorum peccatorum sensum quem hic Christus tam insolito spectaculo ostendit.

Tertium Punctum. Considera gustum orationis quem Christus tantum habuit, vt quamuis sanguinem sudarit, tamen ab illa non destitit, imo tunc prolixius orauit. Tu verò quam ob leuem dispositionem flaccescis in oratione, illam vel omittendo, vel tepidè & sine debita reuerentia animi, & situs in membris tuis, peragendo. Confundere, incusa te, & propone emendationem & emenda.

Quartum Punctum. Quarto indicat copiosam satisfactionem pro tuis peccatis per Christum factam, cuius gutta vna etsi satis fuisset in eius morte ad redemptionem, tui tamen causa tam copiosum effudit. Exardesce ergo, erga tam beneficium & amantissimum tui Redemptorem, & confundere quod tam parcus sis erga illum in faciendis iis quæ ad salutem tuam & fructum

fructum redemptionis huius copiosæ percipiendum spectant, & præteritam paritatem compensa.

SABBATO.

Post Dominicâ secundam Quadragesimæ.

De eodem sanguine prout Patri æterno offeritur.

Primum Punctum. Considera quàm eximio affectu & gustu Pater æternus aspexit Filij sui sanguinem in oratione effusum, eam ob causam quia erat sanguis filij sui tam cari, tam copiosè, ex tam ardenti erga eius gloriam affectu effusus: & ex vna parte gaude in tali esse pietio apud Patrem cælestem hunc sanguinem & Christo gratulare, ex altera accendere desiderio ingenti quàm maximè placendi Deo, ut res quoque tuas quas ei offers cum gustu tenero tanquam filij carissimi aspiciat, & acceptet, & inquire quæ sint illa in te, quæ hûc dulcem aspectum Dei erga te impediunt, & ea tollere procura.

Secundum Punctum. Considera quid boni nobis conciliarit apud Patrem sanguis iste scilicet liberationem à peccatis, & donorum Dei largitionem; accendere ergo vivâ fiduciâ hos duos effectus consequendi, ad quos assequendos quia necessaria est tua quoque cooperatio, cogita quæ & qualis esse debeat, & in quo sita sit, ne iste thesaurus pro te in sinu Patris à Christo depositus sit sine usu & utilitate tua, quin potius quàm maximè tibi proficius.

Tertium Punctum. Considera causas ob quas iste sanguis Patri æterno fuerit tam gratus, & apud illum tam nobis utilis. Causæ autem hæ peti possunt, tum ex parte personæ, quæ eum effudit, tum ex parte affectus quo effudit, ex parte modi quo effudit, ex parte Quantitatis quæ effudit, ex parte finis ob quem effudit, ex parte temporis quo effudit, ex parte eorum pro quibus effudit, ex parte eius cui eum sic effundendo offert & ex singulis considerationibus decerpe vtilia mōnita quibus partim exardescas amore erga Christum, partim mores tuos emendes malos, & bonos perficias propter gustum tanti benefactoris eiusque quàm maximam gloriam.

Quartum Punctum. Considera præmiū quod humanitati Christi Pater æternus tunc iudicabat convenire ob hanc sanguinis effusionem, & accendere ad tam sancte vivendum, ut dignus sis quàm maximo præmio cælesti, & vide quàm tepide illud quæras, quàm parum merearis, & te emenda.

DOMINICA TERTIA.

QUADRAGESIMÆ.

De eodem sanguine prout corpus Christi perfudit.

Primum Punctum. Considera quàm apta & proportionata fuit huius sanguinis effusi in membris Christi receptio, & aliquantula mansio, in membris inquam tam puris, tam sanctis: deinde quàm improportionata sit eisdem sanguinis, & quidem iam gloriosi, cum glorioso Christi corpore tibi in Eucharistia datum. Nō in membris tuis? Erubescere, intime confundere & tam indignum te eo agnosces quære efficaces modos, quibus quàm maximè reddaris aptum receptaculum tam sancti, tam beatifici liquoris Domini tui & Creatoris Christi Iesu.

Secundum Punctum. Considera sanguinem hunc non fuisse à Christo extretum, sed partim carni eius, partim vesti adhæsisse. Et perpende quàm pretiosa fuerit reliquia vestis illa, tam pretiosa imbuta, & magis ornata quàm si esset plena gemmis, & carbunculis: si liceret habere vnam particulam vestis huius tali sanguine rubentem: Deinde recordate te ipsum posse esse pretiosiorē adhuc reliquiam, qui totum sanguinem verè & realiter hauris dum communicas. Agnosce Divinam dignationem agnosces tuam tantam felicitatem, & quid Deo tuo pro hac re debeas inquire & dona.

Tertium Punctum. Considera hunc sanguinem è corpore Christi in terram decurrentem, & à Iudæis, terram illam, tam pretioso thesauro ditatam, pro nihilo habitam, tanquam vulgarem terram reputatâ. Hinc discere quàm multæ sint, & personæ, & res, & occupationes, & officia in Dei oculis pretiosa, quæ à Deo magni sunt, mundi tamen hominibus vel sunt ignota, vel non magni sunt ab illis, & exquire à teipso, ne fortè & tu sis eis similis, qui parvi facias quæ Deus magni facit, qui contemnas quæ Deus æstimat plurimum, & te emenda.

Quartum Punctum. Considera terræ illi in quam è Christi corpore decidit eius sanguis, sanguinem hunc etiam salutarem nil profuisse. Et inquire an & qua in te tibi proficit idem sanguis, quem & sapius & copiosius Christus in te per Eucharistiam effudit, & caute ne & tu terræ huic sis similis.

FERIA SECUNDA.

*Post Dominicam tertiam Quadragesime.**De eodem sanguine in quantum est nobis utilis.*

Primum Punctum. Considera hunc Christi sanguinem esse quoddam sacrificium SS. Trinitati à Christi humanitate oblatum, illudque excellens valde, eius excellentiam agnosces, tum ex collatione eius cum sacrificiis veterum quæ longè superat, scilicet Abelis, Abrahæ Isaacum offerre volentis, Noë post diluuium, Sacerdotum Aaronicorum, Melchisedeci, & aliorum in lege Mosaica, tum ex consideratione personæ offerentis, & amoris quo offertur, & malorum innumerabilium & grauissimorum pro quibus offertur. Vnde agnosce & felicitatem tuam pro quo in Ecclesia Dei istud sacrificium præparatum est, tot ante sæculis, & spem magnam excita multiplicis Dei misericordiae ex eo deriuandæ, & magnam resolutionem ad præparandum cor & corpus tuum excipiendis fructibus huius tam magni sacrificij.

Secundum Punctum. Considera secundò, hunc sanguinem esse cibum & potum tuum. Cuius beneficij magnitudinem cognosces, tum conferendo illud cum variis ciborum naturalium & miraculosorum generibus, olim à Deo concessis, ab initio mundi ad hæc tempora tum ex ipsa entitate huius diuini sanguinis, quo nos vberius Christus pasçit, quam mater lacte infantes. Hinc agnosce quam sanum spiritualiter quam viuendum, quam robustum, quam infatigabilem, quam Deificatum te esse oporteat, quem cibus iste Diuinus tam sæpè nutrit, & antalis sis, & cur non talis examina te & emenda.

Tertium Punctum. Considera tertio hunc sanguinem esse pretium quò redemptus es à Deo. Ideo exardesce amore tui Redemptoris, qui te tam pretio magno redemit, & agnosce te non debere esse tuum. *Non estis vestri*, inquit Apostolus I. Corin. 6. 29. *empti enim estis pretio magno.* Inquire ergo ita ne viuas, sicut te decet emptum à Deo & quasi mancipium Dei, an uti solent ij qui sui iuris sunt, & liberi. Er reduc te ad statum tuum ad quem spectas ob talem redemptionem.

Quartum Punctum. Considera quarto hunc sanguinem esse exemplar tuum, quod aspiciens moueri debes ad omnia aduersa, illa maximè quæ sine causa & culpa tua tibi innocenti possunt accidere, & patienter, & libenter, & cum gaudio, toleranda, siquidem omnia etsi grauissima non poterunt æquari sanguini Christi. Agnosce ergo te parum vel nihil pati posse.

Lancicij Opus. Tom. 2.

corrigere tuam impatientiam & superbiam in occasionibus patientiæ exurgere solitam, & in posterum velis etiam sanguinem effundere pro Christo, sed practicè.

FERIA TERTIA.

*Post Dominicam tertiam Quadragesime.**De Accessu Iudæ ad Christum.*

Primum Punctum. Considera progressum perniciosum malorum animi affectionum. Primo enim Iudas solâ mente Christi proditorem machinatus est, deinde ad Iudæos se contulit rem tractaturus, tandem apertè non erubuit Christum aggredi cum cohorte. Tu examina perturbationes tuas in quo sint gradu, an eò processerint, ut non erubescas etiam palam exerere siue cum æqualibus siue cum superioribus earum impetum, & vide ne nescias compelleris ad vltimam perniciem delabaris.

Secundum Punctum. Considera miserum huius vitæ statum, quam nullus sit locus, nulla congregatio quæ non sit obnoxia calamitatibus & peccatis, quando neq locus ille in quo erat Christus orans, in quo erant cari & sancti eius Apostoli potuit esse liber ab hac Iudæ cum scelesta cohorte inuasione. Et discere non ideo parui facere statum tuum si vel aduersitates videas contra illum consurgere maleuolorum, vel si videas in eò reperiri discolos & imperfectos quandoquidem non videbis unquam in eo homines æqualis cum Iudæ impietatis: potius hinc occasionem sume ita piè viuendi, ne & tu sis vnus ex illis, qui sua viuendi ratione adducant in contemptum & parui existimationem statum adeo excellentem & sanctum.

Tertium Punctum. Considera cæcitatem quæ inuoluitur homo ab aliqua vehementi passione perturbatus, sciebat Iudas Christi infinitam potentiam, & tamen tanquam eum qui non posset effugere & se liberare, aggressus est cum armis, & facibus, & lateribus. O quoties & tu obcæcaris, dum perturbant te mali affectus tui, quam sæpè mala non agnoscis pro malis, bona pro bonis. Cæue ergo ne hæc cæcitas crescat crescentibus passionum viribus, ne tandem ad extremum malorum deuenias.

Quartum Punctum. Considera quam perniciosa sit societas malorum. Iudas per se non nocuisset Christo, etsi erat iam Christi inimicus, sed cohorte accedente assumpsit animum & audaciam. Tu cæue ne vltra imperfectiones tuas, quaras earum promotores & adiutores ne sensim delabaris ad interitum.

tum. Igitur maturè principis obsta, resecta
malorum contubernium ne pèreas.

FERIA QVARTA:

Post Dominicam tertiam Quadra-
gesima.

Primum Punctum. Considera locum in quo
Christum tradidit scelestus fuisse illum ad
quem Christus sæpè orationis causâ secedebat:
sic solet Dæmon ibi nos aggredi ibi vincere,
vbi magis inuari possemus ob præsentiam pro-
pinquam bonorum, & vbi sanctiores esse de-
beremus ob loci & occupationis sanctimo-
niam. Tu vide an hoc ipsum in te experiaris,
quod cognosces si frequentiora tua peccata ibi
à te committi deprehenderis, vbi esse deberes
magis deuotus, & vbi habes plures bonos te-
cum agentes, & vide quomodo in posterum
procedere debeas, ne talibus locis, occupatio-
nibus & personis abutaris.

Secundum Punctum. Considera tempus quod
elegit ad Christum capiendum, scilicet no-
cturnum, & quidem post cœnam, & quidem
remotum ab hominum multorum consortio.
Ita & Sathan & improbi similia captant tem-
pora, vt ad iniquitatem pertrahant. Examina
an id quoque tibi accidat, & arma te ne in si-
milibus temporibus siue à Dæmone siue ab
imperfectis, ad Dei offensam & imperfectio-
nes adducaris.

Tertium Punctum. Considera verba quæ præ-
misit Iudas antequam Christus caperetur *Aue
Rabbi*, verba dulcia, amica, reuerentiam spiran-
tia, mel veneno illitum. O quàm sæpè ita Deum
& homines tractas, dicis Deo *Dominus meus es
tu: amor meus*, & tamen cor distrahitur offendit
Deum, & non ita te geris vt dicis, vel ei pro-
mittis. Erubescè ò inincere homo, & te emen-
da; homines verò & fratres tuos, quàm sæpè
blandè compellas, & animo foves rancores,
iudicia temeraria, detrahis, Execrate hanc du-
plicitatem Deo & hominibus exosam, &
communitati noxiam, & propone emenda-
tionem.

Quartum Punctum. Considera osculum quo
Christum indicauit capiendum; vnde Christus
*osculo filium hominis tradis, ita re bona abusus est
impius*. Perpende quam turpe sit re ad bonum
finem instituta abuti. Et vide ne & tu simili-
bus rebus abutaris, lectione ad curiositatem,
disputatione ad vanam gloriam, colloquiis ad
variâ linguæ peccata, & sic de aliis, & præci-
pue hac in parte defectus nota & vitare de-
inceps stude.

FERIA QVINTA.

Post Dominicam tertiam Quadagesima.

De Christi verbis ante suam comprehen-
sionem.

Primum Punctum. Considera Christi ad Apo-
stolos verba *surgite eamus, ecce appropinquat
qui me tradet*. In quibus nota tria. Primò, Chri-
sti promptitudinem vtro se offerentis non fugi-
entis inimicorum inuasionem. Tu talisne es,
quàm sæpè refugis non tales inimicos sed le-
uissimos labores, & mortificationes, in poste-
rum ergo ipse eas vtro quære. Secundò, nota
Christi humilitatem, non occurrit solus, cum
solus posset illos annihilare, sed suos secum vo-
cat. Tu discè quære ab aliis auxilia, & quan-
uis quædam posses solus, tamen humilitatis
studio, nonnulla acsi non posses solus cum aliis
adhibe. Tertio, nota Christi modestiam in no-
minando Iuda, non vocat impium, scelestum
etsi potest, sed sine vilo tali epitheto, explicat
nudè ad quid veniat idque verbis quam placidè
dissimis. Comparâ linguæ tuæ epitheta curâ
his, & te emenda.

Secundum Punctum. Considera Christi ver-
ba ad Iudam *Amice ad quid venisti*. In quibus tria
pondera. Primò, Christi mansuetudinem, qui
hostem suum amicum vocat, idque non vt tu
fictè, sed sincerè & ex animo. Secundò, quàm
verè amici sunt omnes illi, qui nobis dant oc-
casionem, & materiam patiendi aliquid pro
Christo. Tertio, quàm verè & tibi Christus
nunc dicere possit. *Ad quid venisti?* scilicet non
venisti ad Religionem propter commoditates,
honores, otium, officia speciosa, vsum rerum
pretiosarum & bonarum, sed ad contraria. Et
tamen illa sectaris, non hæc, erubescè & te
corrige.

Tertium Punctum. Considera Christi verba
ad cohortem. *Quem queritis, ego sum, si me queri-
tis, sinite hos abire*: vbi & Christi mansuetudo,
tam blandè compellantis hostes suos ponde-
randa est, & tua in sermone acerbitas, & cru-
ditas execranda: & Christi Maiestas, qui vix
dixit: *Ego sum* cum omnes prostrati sunt & cor-
ruerunt. Vnde spem in eius auxilio concipies
maximam in necessitatibus & aduersitatibus
tuis, & suorum defensione quos veratangi. Vt
non dubites si bonus fueris, te fore cordi Do-
mino tuo, & te etiam tacente habiturum te
defensionem cælestem.

Quartum Punctum. Considera Christi ver-
ba ad Petrum: *conuerte gladium tuum in lauum
suum*. Ita vetat ne se defendat. Discè hinc val-
dè necessariam doctrinam, & propter pacem,
& propter ædificationem. Tuas vel Religionis
inuitias

iniurias non vleisci modis offensis, non aculeis verborum, non minis alijsve rebus quæ pungunt, sed mansuetudine. In patientia enim possidebimus animas nostras.

FERIA SEXTA.

Post Dominicam tertiam Quadragesimæ.

De Auricula sanata.

Primum Punctum. Considera Christi bonitatem qui gladio vetat quenquam cadere, & causam addit qua id persuadat: qui acceperint gladium, gladio peribunt; & Calicem quem dedit mihi Pater non vis ut bibam illum. Idem tibi faciendum est. Retrahendi à malo mala facientes, non iuuandi consilijs, auxilij, ut tu fortè facis. Deinde persuasiones addendæ, ut id efficaciter impedias. An talis sis vide, & ut talis sis stude.

Secundum Punctum. Considera Christi beneficentiam qui inimicis benefecit sanando auriculam, satis non putauit non nocere ei, sed voluit etiam positivè benefacere. Id enim ante docuerat: Benefacite hu qui oderunt vos. Tu itane te geris cum iis quibus offensus es examinate.

Tertium Punctum. Considera Christi beneficentiam excellentiam quod restituit auriculam sine qua omnes functiones humani corporis bene peragere potuisset, sed noluit clementissimus Dominus illam deformitatem remanere in corpore vulnerati à Petro. Si Deo displicuit naturalis deformitas & inuoluntaria in Malcho, quid putas quomodo displicent peccata in te, & voluntariae forditates? Vide ergo ut ab omnibus sis purus.

Quartum Punctum. Considera Christi potentiam qui solo tactu sanauit vulneratum, & latere quod tam potenti Domino seruias, imo quod tam potentem medicum, & medicinam habeas, tibi tam presentem, ut etiam facta sit tibi cibus ac potus, idque tam frequenter. Quid ergo causæ est, quod illam tibi tam intumè applicari solitam toties accipiens non sanaris ab infirmitatibus tuis, & fortè in dies euadas magis debilis & æger. Inquire causas remoue impedimenta, ne in hora mortis exprobret tibi Deus. Curauimus Babylonem & non est sanata, derelinquamus eam. Ierem. 51.

Lancicij Opusc. Tom. 2.

SABBATO

Post Dominicam tertiam Quadragesimæ.

De Christi in horto comprehensione.

Primum Punctum. Considera miram cecitatem cordis prauo affectu maximè iræ perturbati. Experti sunt hi milites duobus Christi verbis se prostratos, & statim obliti, audent Christum arripere. Contemplare in hac cecitate iracundiæ vim & mala, & eam in te frenare maturè stude, ne si adoleuerit difficile curetur, vel te penitus perdat.

Secundum Punctum. Considera Christi verba ad milites. Quasi ad latronem existis cum gladijs & fustibus, & tamen se permittit ab iis capi. Tu hic collige omnia amara & difficilia, quæ te in Religione perturbant, an sint talia quæ solent inferri latronibus, inuenies non esse talia. Si ergo Christus tui causa ut latro tractari voluit, tu cur tam es delicatus, cur exandescis & murmuras ob minora, & fortè eam ob causam, & erga statum tuæ vocationis, & erga personas varias minus illum amoris affectum quem habere teneris.

Tertium Punctum. Considera ipsam Christi comprehensionem, quàm ferociter in Christum irruerint, eum arripuerint, ligarint, & compatere Domino tuo dilectissimo, tam ignominiosè & crudeliter tractato, & confer omnes tui humiliaiones, & iniurias, quas toties cum murmurationibus & detractionibus tolerasti, sint ne Christi huic ignominia æquales? Confundere ergo ô superbe, & te efficaciter emenda.

Quartum Punctum. Considera Discipulorum Christo comprehenso metum, quo adacti omnes relicto eo fugerunt. Hinc discet duo. Primò, quàm debilis sit homo etiam bonus efficaci Dei auxilio in tentationibus destitutus, quàm impotens ad resistendum, ideo ne & tu eo deuenias, quære quid soleat impedire ne Deus det gratiam efficacem ad resistendum. Secundò, eorum exemplo time ne & tu Christum deseras, & confundere quod ex leuiore multò causa quàm fuerit ille metus mortis in Apostolis Christum ob humanos respectus deseras, dum ne contristes socium, eius vel exemplo vel consilio ad offendendum Deum pertraheris.

Qpp 2 DO.

DOMINICA QUARTA.

QUADRAGESIMA.

De itinere Christi ad domum Annæ.

Primum Punctum. Considera Christum trahi violenter ex parte militum versus domum Annæ ad tribunal Annæ, Christum tamen ipsum libentissimè ex parte sua illuc pergere, ut ibi possit saturari opprobriis tui causa. Tu confer domum Annæ cum locis omnibus ad quæ ex Obedientia mitti vnquam potes, inuenies nullo modo posse comparari cum domo Annæ, & firmiter propone te ex quouis & mansionis & habitationis tuæ in Religione loco, semper fore contentum.

Secundum Punctum. Considera modum quo hoc iter Christus peregit. Non enim eques, non in curru, non manibus Angelicis, non per aërem, uti posset, ad domum Annæ defertur & deducitur, sed pedes idque ligatus. Et discce quomodo te deceat itinera tuafacere, quæ in illis incommoda amplecti, ut Domino tuo sis conformis.

Tertium Punctum. Considera tempus quo Christus hoc iter peregit, nocturnum nimirum, tempus quietis etiam mancipiis concedi solitum, etiam latronibus in carcere detentis, & videns Dominum tuum & Oratione & sudore sanguineo, & mærore ac tadio animi, aded in horto fatigatum, compatere ei ex animo, & pro amore eius offer te illi ad omnes labores, etiam omni hora & tempore quietis libentissimè subeundos.

Quartum Punctum. Considera ignominiam Christi cum qua tanquam sceleratus latro tractus, imo raptatus fuit, celeriter, noctu, cum clamoribus, per viam difficilem, incommodam, quæ omnia patientissimè tolerabat. Quod animo intuens compatere Domino tuo ex intimis visceribus, & resolu te ad perfectam indifferentiam, quæ præditus suas te semper ab obedientia duci ad quæuis officia & loca, etiamsi sint tuæ inclinationi contraria.

FERIA SECUNDA.

*Post Dominicam quartam Quadragesima.**De iudicio Christi in domo Annæ.*

Primum Punctum. Considera Christi modestiam, humilitatem internam & externam, patientiam in omni gestu & motu relucens, cum qua stabat ante Tribunal Annæ, & ex singulis decerpe varia ad imitandum Chri-

stus. dum stas ante meliores iudices quam fuerit Annas.

Secundum Punctum. Considera præsumptionem Annæ, dum ausus est Christum examinare de doctrina eius, & de Discipulis eius. O quoties & tu soles examinare & res & personas, & non tantum curiosè sed etiam præsumptuosè, & malignè inquirere, vel ut noceres, vel ob alium malum finem, quo & Deum & proximum offendis, & tuam pacem & simplicitatem perdis. Erubescè & emenda te agnitâ huius rei malitiâ.

Tertium Punctum. Considera Christi respondentis Annæ verba: *palam locutus sum mundo, inper docui in templo*, in loco quo omnes conueniunt, *in occulto locutus sum nihil*, ut in occulto maneret. *Quid me interrogas? interroga eos qui me audierunt*: Et singulas sententias conferendo etiam sermonibus tuis; an sint tales de quibus hæc ipsa, quæ Christus de suis dixit, dici queant; conforma te in posterum Christo, & abscinde à te talia colloquia, quæ non liceret palam dicere, quæ nolles pro palati: vit enim possunt esse occultatione digna, & à peccato libera.

Quartum Punctum. Considera Christi vitam & sermonem irreprehensibilem: quomodo ausus est se committere Iudæorum informationi de doctrina sua, de qua inquirebat Annas. O quam gloriosum est seruo Dei tam bonam habere suorum factorum & dictorum conscientiam, ut non timeat etiam aliorum informationes. Tu es ne talis? Confundere, & da operam ut sis talis, qui nullas metuas informationes, idque non ex contemptu & superbia, sed ex fiducia in vita rectè peractâ.

FERIA TERTIA.

Post Dominicam quartam Quadragesima.
De alapa Christo data.

Primum Punctum. Considera magnam iniuriâ Christo illatam innocenti, cum ei est inflicta alapa ab irato famulo. Magnitudinem iniuriæ cognosces ex excellentia Christi personæ, ex innocentia eiusdem, & ex maiestate sanctæ illius faciei, quæ in celis exhilarabit oculos Beatorum mitificè, & ex ipso genere ignominie & iniuriæ huius. Collatis autem omnibus iniuriis, quæ tibi possunt in Religione contingere, vide quàm parua sint, ac proinde quanto animi affectu toleranda & desideranda, maxime cum peccata tua id exigant.

Secundum Punctum. Considera Christi patientiam, qui licet iniurias aliorum seruatorum non paucorum noluerit esse etiam in hac vita impunitas, ut patet ex sacris literis & historiis Ecclesiasticis (quarum reminisci potes) tamen nullam ob hanc sumpsit vindictam. Discce quid tibi faciendum sit in minoribus.

bus iniuriis, & abscondè à te animum vindictas optantem, & procurantem verbis & factis, & omissionibus.

Tertium Punctum. Considera Christi, in quantum Dei concussum ad hanc alapam sibi infligendam, sine quo ille scelestus ne digittum mouere potuisset, & vide ante deceat in leuissimis occasionibus patiendi aliquid pro Deo tuo, illas subterfugere, mediaque ad illas vitandas procurare, an non potius vltro optare & offerre se ad toleranda omnia, non datâ tamen culpabili à te occasione.

Quartum Punctum. Considera causam ob quam Christus in sua benedicta facie pari hanc ignominiosam iniuriam voluerit, & magnum dedecus, nimirum vt Patri æterno pro peccatis tuis, à te malo vsu faciei commissis abundè satisfaceret. Ea tu humili animi sensu, & corde contrito in memoriam reuocans, erubescere, dole, Christo ob ea sic tractato compaterere, eumque deprecare, & in posterum da operam, vt sancto vsu membrorum tuâ faciei omnium, compenses præteritos lapsus tuos.

FERIA QVARTA.

Post Dominicam quartam Quadragesimæ.

De responso Christi post acceptam alapam.

Primum Punctum. Considera fictam calumniam scelesti ministri Christum percutientis, quasi irreuerenter allocutum Pontificem: sic respondes Pontifici, ex altera parte reuoca in memoriam Christi in respondendo Pontifici reuerentiam, considerationem, mansuetudinem, & concupisce medullitus, vt à te benefacta pro amore Domini tui sinistra alij interpretentur, vt tibi dent materiam aliquid pro Christo tolerandi.

Secundum Punctum. Considera necessitatem Christi responsi, quamuis enim alias taceret ad calumnias, hic tamen purgare se voluit eo sine, quemadmodum notat S. Cyprianus, vt ostenderet quanto in honore habendi sint Superiores Ecclesiastici, siquidem Christus irreuerentiam erga illos, etsi falsò sibi affictam, sine vera purgatione tolerare noluerit, qui alia scelera sibi falsò adscripta sine defensione tolerauit, vt discas quàm grauiora sint alia peccata contra superiorum auctoritatem à te committi solita, murmurationibus, querelâ, detractationibus irreuerentiâ, insinceritatibus, mendaciis, inobedienciâ, pertinaciâ &c. si tam paruam rem noluit Christus tanquam maculam suâ bonæ famæ insidere.

Lancij Opus. Tom. 2.

Tertium Punctum. Considera Christi verba ad impium ministrum: *si malè locutus sum, testimonium perhibe de malo, si autem bene, quid me cadis?* A quibus verbis absunt epitheta ministri illius, vel agnomina acerba & mordacia, absunt minæ, imprecationes, obiurgationes, exaggerationes iniuriæ sibi illatæ, & alij verbotum aculei quibus tu vteris contra amicos Dei fratres tuos &c. Erubescere, dole, & tandem agnosce ac desse impatientiæ tuæ fædos affectus & Christo te conforma.

Quartum Punctum. Considera quàm sæpè etsi in alto sensu tibi quadrent Christi verba: *si bene locutus sum quid me cadis.* Quàm sæpè enim pia monita, & æqualium & superiorum tuorum acceptas offenso animo, & Christum in iis quodammodo cædis, cui potius gratias agere deberes pro hoc beneficio. Desse itaque cæcitatem tuam, qui infirmus cum sis remedia respis & medicos, & te emenda.

FERIA QVINTA.

Post Dominicam quartam Quadragesimæ.

De Christi itinere ad Caipham à domo Annæ.

Primum Punctum. Considera consultationes Iudæorum cum Anna habitas de Christo, idque animo ei nocendi susceptas, quas ille innocens animo patienti ac hilari tulit paratum se præbens ad omnia quæ de se, & circa se statuerentur. Tu te introspecte, an ad deliberationes Religionis, quæ de eius personis fieri solent ab amicis, bonum earum purè optantibus, & procurantibus, sis ita paratus sine exceptione acceptandas, & quod æquum est hac in patta elige, & te ad id resoluere firmissimo animi decreto.

Secundum Punctum. Considera sententiam Annæ contra Christum eum ad Tribunal Caiphæ tanquam reum remittentis. Et nolimitari si sæpè contingat occultis Dei iudiciis, innocentes haberi pro reis, & hoc ipsum tibi opta, vt sis Christo quàm maxime similis, propter multa bona quæ in hoc reperiantur, quæ ponderare potes.

Tertium Punctum. Considera modum quo Christus mittitur ad Caipham scilicet tanquam latro ligatus, cui licet stipato non fudit Annas, ne effugiat, & tanquam custodia indigentem ablegat à se. Quid ergo perturbatis dum quædam circa te ordinantur, ob quæ putas superiores tibi non fiderent, cum & ex naturæ ipsius fragilitate &

ex præteritis, vel etiam præsentibus lapsibus tuis scias te multis peccatis esse obnoxium, & alienâ custodiâ opus habentem; quin potius age Deo gratias, & ab eo obnoxie pete, ve custodiaris quàm maximè ubique, vt tantò securius à Dei offensâ saltem oculis hominum præferueris.

Quartum Punctum. Considera Christum ita ligatum stipatum militibus euntem ad Caiphæ palatium, & animo eum comitare, singulasque eius tum externas tum internas actiones intueri, excitans in te & amorem ad eas virtutes, quas in hoc actu ostendit & hominibus & Deo, & commiserationem erga illum ita ignominiosè tractatum; & desiderium ardens pro amore illius similia patiendi, & gratiarum actionem pro hac eius charitate, talia tui causa tolerantis.

FERIA SEXTA.

Post Dominicam quartam Quadragesimæ.

De Negatione Petri.

Primum Punctum. Considera gravem Petri lapsum, quo ter grauissimè deliquit, negans se Christum nosse, negans se eius discipulum idque iuramento confirmans. Hinc discenquam tibi fidere, nunquam præsumere de tua virtute, sed cum tremore Christo seruire, quod agnosces si te cum Petro contuleris, & inuenieris te multis partibus ab eo superari.

Secundum Punctum. Considera locum in quo Petrus Christum negauit, scilicet curiam summi Pontificis Iudæorum, aulam plenam malis. Discen hinc talibus in locis dandam potissimum operam, ne in peccata grauiora labamur, propter malorum societatem, præua exempla & monita, & graues occasiones peccandi. Talia ergo loca quantum est in te, fuge, & quod ab eis remotus sis Deo gratias age, & si ibi te esse oporteat, cautè procede.

Tertium Punctum. Considera personam quæ Petrum ad hoc peccatum perduxit, Ancillam. Perpende quàm multi perierint malis personis adherentes. Tu quibus, quomodo adhaereas perpende & examina, & vide ne in faceretotali domo Christum neges, si non verbis, saltem factis, si non in magnis rebus, saltem in paruis.

Quartum Punctum. Considera causam cur Christum negauit Petrus, scilicet metum mortis, metum vitæ perdendæ. Et hinc sumptâ occasione, dole, quod ferè semper factis Christum negaris sine tam graui causâ ideoque confunderis & desse tuam improbitatem, in posterum verò nil tale time vel ama ob quod ad offendendum tam bonum Dominum

tuum perducatis, & at tale aliquid in te se cogita, vt elimines. Cognosces autem hoc, si examinaueris occasiones & causas, ob quas plerique vel non perseverando in Religione Deum negant, vel in ea malè viuunt saltem occultè.

SABBATO.

Post Dominicam quartam Quadragesimæ.

De Petri in peccato perseverantia & respiscencia.

Primum Punctum. Considera cæcitatè quæ quandoque inuoluit etiam iustos, postquam semel lapsi sunt grauius: siquidem elapsa quasi vna hora, iterum Christum Petrus negauit, & toto illo tempore nondum ad cor rediit et si tam grauis sceleris esset conscius. Quis audebit sibi promittere velocem respiscenciam post Dei gratiam semel amissam? Cautè ergo procede, conserua gratiam Dei, si eam in te habes, ne eâ perditâ non facillè relinquantur autem eò deuentas, fuge illa per quæ ad eam perdendam incauti prolabantur.

Secundum Punctum. Considera Christi amorem & curam suorum, nam tandem Petri miseratus, conuersus Dominus respexit Petrum. Intueri Christi faciem Petrum aspicientis, quo vultu, quàm pleno commiserationis, quàm paterno aspiciat se negantem, & exarsit erga tam benignum Dominum, qui etiam inimicos suos ita benignè intuetur, quàm magis amicos. Aspira ergo ad hoc, vt sis ei amicitissimus præsertim cum te peccatè m læpius & grauius, ita benignè de cælo aspexerit.

Tertium Punctum. Considera Petri penitentiam, egressus enim foras fuit amare. Non fleuit quamdiu cum malis fuit, sed postquam inde exiit: non fleuit leuiter, sed amare. Et ex his vide quid tibi faciendum sit post tua grauiora & plura peccata quàm hoc Petri fuerit.

Quartum Punctum. Considera diuinitatem penitentia Petri, siquidem vt scribant Historici, tota vita suâ desse suum peccatum, vsque ad eò vt oculos senescentes prælachrymis sanguine asperos ad mortem vsque habuerit. Tu verò quàm sæpè post ipsum peccatum admissum rides & exultas, ac si nil mali feceris, quàm citò desinis illud desse, quàm cito ita libere viuas, ac si non esses iudicandus à Deo. Erubescere, confundere, & te in his merenda.

DOMI.

DOMINICA QUINTA

QUADRAGESIMÆ.

*De falsis testimonijs contra Christum
apud Caipham.*

Primum Punctum. Considera multitudinem & potentiam Aduersariorum Christi, *Principes enim Sacerdotum & omne Concilium querebant falsum testimonium contra Iesum.* Vnde collige, non esse tibi præsumendum de statu tuo, quia & in eo per immoderationem tuorum affectuum, & inordinata desideria potes edelabi quo isti, sacris functionibus dedicati prolapsi sunt, ne ergo eo deuenias, vita vias illas, per quas isti ad tam grauem Dei offensam peruenerunt.

Secundum Punctum. Considera prauam intentionem horum Sacerdotum. Ideo enim falsa testimonia querebant, vt Christum morti traderent. Tu recogita omnia quæcunque possunt in Religione contra te dici vel fingi à quòpiam, etiam per calumniam, nunquam fore talia, quæ causa mortis esse possint, & tamen quam sæpè te perturbant etiam vera de te dicta, quam sæpè quæ certa sunt, & optimo animo de te dicta, tibi videntur iniuriosa, & tibi reddunt Christi dulce iugum, amarum. Hoc tunc est Christum imitari: hoc tunc est mundum reliquisse: confundere ò superbe & indigne nomine Religiosi: siquidem Religiosus sine patientia in aduersis verè secularis est.

Tertium Punctum. Considera Christi sanctorum testimonia contra quam nil potuerunt impij inuenire, etsi hoc maxime conarentur. Congaude Domino tuo tam sancto, tam irreprehensibili, & erubescere tuam perlostrando vitam, in qua facillime possunt à quouis inueniri plurima reprehensione graui digna. Emenda ergo te, & ita in posterum vive, vt & tu propter consolationem Domini tui sis irreprehensibilis.

Quartum Punctum. Considera Christi patientiam, quia tacebat, & nil profus respondebat ad falsa testimonia. Tu verò quam sæpè ad vera respondes obiecta, ea falso negando, diminuendo, &c. Corrige ergo præterita, & manifestando quæ malè occultasti, & aliter viuendo deinceps.

FERIA SECUNDA.

*Post Dominicam quintam Quadragesimæ.**De verbis Caiphæ ad Christum &
Christi ad illum.*

Primum Punctum. Considera Christi responsum ad Caipham dum ab eo adiuratus est per Deum viuum, & dixeret esset ne filius Dei:

cui obedientissimus Dominus tuus factus est se esse filium Dei, etsi sciret certò, animo nocendi hoc à Caiphæ quæri, imò & nociturum sibi. Si ergo Christus impio Pontifici ita obediit, vt quærenti manifestet id, quod animo nocendi, & cum damno imminente quærebatur, quâ fronte tu voto obstructus obedientiæ, reluctanter obedis, occultaque ea quæ vltro nec rogatus manifestare teneris, maxime dum ob tuum bonum inquiruntur, vt & purgeris à malis, & præserueris, & in bono promotearis. Ineula dicitur tuam & infidelitatem tuam, eamque corrige.

Secundum Punctum. Considera impium os Caiphæ, qui Christum blasphemum esse pronunciauit, ed quod factus esset se esse filium Dei, & iudicem futurum. Tu verò adora & confitere eum vt talem, & detestare blasphemiam Caiphæ, & in ea omnes hæreses Christi excellentiæ aduersantes, & perpende quam patienter ferre debeas conuitia & contumelias quasuis, siquidem nunquam erunt tibi tam iniuriosæ, vt fuit blasphemia Christo impie adscripta ab homine nequissimo.

Tertium Punctum. Considera decretum à Caiphæ assistentibus editum, quò Christus reus mortis denunciatus est, ed quod se filium Dei factus esset. Et cum hoc decreto confes omnia siue æqualium, siue aliorum de te enunciata aut contra te statuta & dicta, nam inuenies nunquam fore ita tibi nociua, & tamen adeò conturbant te, alioqui ob peccata tuâ grauisimis dignum supplicis. Statue ergo quæ ratione deinceps hac in parte te gerere debeas.

Quartum Punctum. Considera internum Christi Domini, statum hoc tempore, quam fuerit pacato animo, quam hilari, quam plenus desiderijs iniuriarum grauiorum, quam à Spiritu vindictæ alienus. Ex altera parte confer statum animæ tuæ cum hoc Christi, quando minima iniuriola afficeris, & ided confundere, & se tiam propone emendationem.

FERIA TERTIA.

*Post Dominicam quintam Quadragesimæ.**De iis qua Christus passus est in do-
mo Caiphæ.*

Primum Punctum. Considera quod impij ministri in Christi faciem expuebant. Cuius contumeliæ ac iniuriæ grauitatem perpende, & ex consideratione propriæ scditatis, & ex Christi faciei præstantia, ac Maiestate personæ. Ideoque Christo compatere intimè, & munda animo has scditates Christi faciei, ac absterge lachrymis & animâ tuâ, & tuas cum his confer iniurias, inuenies enim multò leuiores.

apertè falsis contradicatur, & damnum inferatur. Tu te examina, an similibus affectibus còtra proximum tuum succumbas, eos vel in corde tantum temerè iudicando, & quasi accusando, vel etiam exterius, & si quid repereris eiusmodi, dolo & seriatim propone emendationem; adductis in medium causis, ob quas tibi enitendum sit ne talibus affectibus labores.

Tertium Punctum. Considera Christi humilitatem; qui Herodi miraculum aliquod expectanti, nullum edidit, cum facillimè posset. Tu verò non tantùm non occultas dona quæ habes siue nature, siue gratiæ, ea per inanem iactantiam euulgans, sed etiam quæ non habes tibi adscribis. Vtrumque quàm sit fædum in homine mundi contemptum præferente, & statum humilem amplexo; considera & te emenda.

Quartum Punctum. Considera alterum Christi contemptum, dum spiritus est ab Herode & exercitu eius, & in veste alba ad Pilatum ablegatus per ludibrium, quod amantissimus Iesus tui causa læto animo pertulit. Tu an eius causa leuiiores contemptus, siue in veste viliori, siue alios in Religione toletès patienter, inquite, & ad Christi imitationem seriam, ob eius amorem accendere.

FERIA SEXTA.

Post Dominicam quintam Quadragesimæ.

Deiis qua Christus passus est in domo Pilati.

Primum Punctum. Considera Christi flagellationem, & in ea tres circumstantias, quæ genus hoc castigationis fuisse grauissimum & valde ignominiosum ostendunt. Primò Tenebrositatem corporis virginitatis Christi, & complexionem eius delicatissimam, in qua è parua molestia, magnus excitatur sensus doloris. Secundò catinicum rabiem, qui vt Christus à morte, vt Pilatus optabat, liberaretur, crudeliter in eum sauerunt, vt visâ Christi carne grauiter sauciata, & lacerata, ducti commiseratione desisterent à procurandâ ei morte. Vnde dicitur reuelatum S. Gertrudi plagas fuisse Christo inflictas 5446. Tertio genus hoc tormenti fuisse ex consuetudine Romanorum pro vilissimis personis, & ex infima plebè destinatum. His ponderatis compatere Christo ita lacerato pro peccatis tuis, ideo ea amatè desse, & satisfactionis loco desiderari ardentè, vt tibi liceat pari grauissima quæque quanquã nunquam passus es nec patieris pœnas tam acerbâs, cum tamen ipsi sis dignus, tum ob præterita peccata (quibus debitam pœnam an elueris, ignoras) tum ob præsentia.

Secundum Punctum. Considera Christi corpus quomodo se subiiceret tam dirè castigationi; quomodo non declinaret acerbissimos ictus, non petierit vt secum ageretur mitius, vt plagarum numerus minueretur. Ex altera parte te intospice, & si forte inuenieris te refugere minores carnis molestias, siue ea à cibo, siue à vestibus siue ab alijs causis proficiscantur, confundere, dolo, emendationem Christo promitte.

Tertium Punctum. Considera coronam è spinis acutissimis contextam Christi Diuino capiti profunde impactam, illudque acerbissimè cruentantem, & vnâ arundinem sceptri loco, tanquam Regnum ambientem traditam: vt & caro spinarum aculeis, & animus affectâ ambitionis gratis notâ excrucietur. Qua in re præter magnum in Christi carne & animo dolorem, pondera Christi amorem, nil omittentis quod tui causâ pati potuerit. Exardescere igitur in amorem Regis tui æternas in cælo coronas Sanctis distribuenti, & amorem tuum erga ipsam testare, libenter in posterum eius solius causâ tolerando, carni & menti, præsertim propriè existimationi molestos siue labores, siue officia, siue verba, siue aliorum facta.

Quartum Punctum. Considera alapas, capitis concussionem, sputa, quibus ibidem Christus afficiebatur sine vilo tamen turbationis ac impatientiæ motu. Deinde examina quàm iniuriosa longè sint ea, quæ te in Religione perturbant. Confundere ô membrum Christi delicatum, sub capite ita conquassato, & fetidè te emenda.

SABBATO.

Post Dominicam quintam Quadragesimæ.

De colloquio Pilati cum Christo.

Primum Punctum. Considera verba Pilati Christum alloquentis: Tu es Rex Iudeorum? Ergo Rex es tu? Vnde es tu? In quibus agnosces modestiam huius Ethnici, & quidem Iudicis eo in loco supremi, qui potuisset alioqui Christum à toto Concilio Iudeorum grauissimè accusatum alloqui seuerius & asperius. Quod si tanta in Ethnico Iudice existit moderatio Sermõnis; quantò maior deceat Religiosum etiam in talibus occasionebus, quæ naturâ suâ videntur exigere acerbiteriam & acrimoniâ verborum. Tu an vtaris hac moderatione alloquendo inferiores, æquales, superiores tuos, vide, & si quid sit corrigendum, corrige.

Secundum Punctum. Considera primū Christi responsum Pilato datum: A te ipso hõc dixit, an alij tibi dixerunt de me? Ita Christus sciscitatur à Pilato, ac si id nesciret, cum sciret omnia intima cordium humanorum. Si ergo Christus

eo tempore, quo maximè egebat Pilati beneuolentiâ, occultat hoc donum sciendi occultâ, ne magnifieret à Pilato; discè hinc quàm abhorreere debeas à prestandis ambitiôsè humanis fauoribus, siue ad effugienda quæ times, siue ad assequenda quæ optas. Et si quid hæc in parte corrigendum est, corrige.

Tertium Punctum. Considera alia Pilati verba ad Christum. *Gens tua & Pontifices tradiderunt te mihi, quid fecisti.* Vnde duo discas. Primò felicem esse statum in Religione viuentium, quam sæpè gens nostra, id est Catholici ipsi, & Ecclesiastici liberè viuentes traducunt & carpunt: ideoque gratulare tibi, quod te eadem viâ Dominus ad Regnum cælestè ducat, quâ suum vnigenitum duxit. Secundò da operam, ne tuis moribus des occasio nem externis nomen Religionis vel tuum traducendi: vt sicut Christus nullam calumniarum & querelarum occasionem præbuit, sic neque tu præbeas. Num igitur talis sis, te introspecte, & emendanda emenda.

Quartum Punctum. Considera Christi alia verba ad Pilatum *ego in hoc natus sum, & ad hoc ueni in mundum, vt testimonium perhibeam ueritati.* Quibus uerbis ponderatis, alterque menti impressis, exardescere amore ueritatis, vt te eius studiosum semper ostendas, nunquam siue ob respectus humanos, siue ob timorem confusionis & pœnæ siue ob priuatos amicitiae affectus, siue aliam ob causam, vel tantillum à ueritate sermonis, ab omnibus amplificationibus, æquiuocationibus, diminutionibus, immuni desectendo. Quocirca si antea talis non fuisti, detestare mendacem & insinceram linguam, & stylum sermonis muta.

DOMINICA SEXTA

QUADRAGESIMA.

De Pilati erga Christum affectu.

Primum Punctum. Considera pium Pilati erga Christum affectum, qui auditis grauibus accusationibus contra Christum personarum valdè illustrium, & multarum, tamen non credidit eis, sed Christum audire uoluit quid diceret ad obiecta sibi. Hinc discè valdè necessariam doctrinam, nunquam absolutè credendi dicentibus mala de proximo, & huius rei causas inquire, vt te in hac ueritate firmes fortissimè, valdè necessariâ ad multos defectus & perturbationes euadendas.

Secundum Punctum. Considera alium Pilati erga Christum affectum, quod Christo non excusante se, imò fere semper tacente, & nunquam expressè dicente se esse innocentem, tamen inimicis Christi audacter pro Christo dixerit: *Ego nullam inuenio in eo causam.* Quocir-

ca gratias age Patri aeterno, quod innocentissimo filio suo Domino tuo, ipsum Iudicem dederit Patronum ac defensorem, & ex alia parte firmam concepe de Diuina prouidentia fiduciam, quod te nunquam delicturus sit sine defensione, si erit necessaria, & si eâ morum integritate ac candore te dignum per eius gratiam reddideris, ideoque vt ea dignus sis, uide que in te sint refecanda, ne hoc impediatis, & quæ acquirenda, vt id promerere.

Tertium Punctum. Considera constantiam Pilati in Christo defendendo, nam iterum post Christi ab Herode reditum, Christum defendit, vt prius, adducto etiam Herodis exemplo, à quo illæsus fuerat ad se ablegatus. Hic iterum tenero animi affectu gustâ Diuini cordis piissimum affectum, quo sibi caros defendit, adductis exemplis Isaci, Jacobi, Iosephi, Dauidis, Susannæ, S. Iognatij, & aliorum Sanctorum quos Dominus mirificè ab inimicis defendit, atque ita projice te in Deum ac Dominum tuum, ipse erit protector, defensor, & refugium tuum. Ex altera parte caue uehementer, ne falsis & incertis querelis, ne dolis aliisque prauis modis, proximum tuum iactas, ad quos auertendos ab eo, Deum suorum defensorem exurgere oportet: quod si hac in parte deliquisti aliquando, satisfac, & Deo bona confessione ac dolore, & proximo, modis in Ecclesia uisitas.

Quartum Punctum. Considera affectum Pilati in Christo ad flagellationem destinato, quam eum perpeti uoluit, vt malum grauis mortis à Iudæis intentatæ euaderet. Hinc discè morem Dei, per se, & suos ministros, sæpè leuiora mala etsi molesta immitentis etiam in innocentes, tum vt eluat peccata non bene eluta, tum vt à futuris præseruet, tum vt materiam præbeat meriti & præmij. Inculca ergo tuam cæcitatem, qui hæc non aduertens, iniquo animo excipis aduersa, & bonis te priuas, quæ illa conciliant æquo animo tolerata.

FERIA SECUNDA.

Post Dominicam sextam Quadragesimæ.

De Christi condemnatione ad crucifixionem.

Primum Punctum. Considera pium uictoris Pilati affectum, dum misit qui diceret: *Nil tibi, & iusto illi multa enim passa sum hodie pro uisum propter eum.* Et excita in te affectum tenerrimum gaudij, eod quod inuenta sit uictoria in tot Domini tui afflictionibus, quæ eius causam susciperet, & exardescere ad inuandos in posterum, quantum in te est, iniuste afflictos, in ijs Christum ipsum inuando, qui dixit:

dixit: quod vni ex meis minimis fecisti, mihi fecisti. Deinde asperitatem & inhumanitatem cordis tui execrare, quod alienis iniurijs non moueatur ad commiserationem.

Secundum Punctum. Considera improbitatem Iudæorum, qui maluerunt Barrabam ob seditionem & homicidium in carceres coniectum dimitti quam Christum, quem in conscientia sua sciebant esse innocentissimum, & dignum amore & auxilio, saltem pro tot beneficijs curationum ab eo perceptis. Hinc excita in te magnum desiderium omnimodi contemptus, vt non tantum boni & te excellentiores anteponantur tibi, sed etiam te peiores, & contrariam tuam superbiam detestare, quæ te omnibus anteponi cupit, cum in te plura possis si velis inuenire motiua ad tui contemptum.

Tertium Punctum. Considera Pilati inconsideratam & friuolam suæ conscientia: curam, qui ablutione suarum manuum se putabat fore liberum à grauissimo scelere Christi condemnationis, quem tamen sciebat esse innocentem, & putabat se non fore reum eius mortis, eò quòd ad Iudæorum impulsum eum esset condemnaturus. O quam multi sunt, qui simili modo suas conscientias abluunt superficialiternus non sincerâ confessione, non plene integrâ, qui alios defectus suos, non curant abolere per media debita: vnde coram Deo & Sanctis eius fatent. Tu vide an sis ex talium numero, & si quid deprehenderis errati, cito corrige.

Quartum Punctum. Considera sententiam contra Christum latam, de morte ei inferenda. Dole id tua peccata effecisse, id eò illa desine amare, de peccate Christum per te quodam modo occidendum, & ad satisfaciendum ei, te solve te ad tolerandas omnes sententias & iudicia quibus in hac vita pati aliquid possis.

FERIA TERTIA.

Post Dominicam sextam Quadragesimæ.

De Christi Crucifixione.

Primum Punctum. Considera Christum crucem baiulantem, eamque vltimè ad eò grauem, vt oportuerit accersere Simonem Cyrenæum, qui eam post Iesum deserret, euntem in proprijs vestimentis, quæ ei restituerunt ademptâ chlamyde, vt ita cognosceret melius, & magis confunderetur. Ita Dominus tuus nil permittit omitti eorum, quibus eius & in corpore & in anima dolor & afflictio augeri possit. Tu verò quam leues quæris cruces, omittis grauibus, quam sæpè eas extenuas, & diminuis, vt quam minimè patiaris. Hoccine est Christum imitari, dicentem, qui non baiulat cru-

cem suam & venit post me, non potest meus esse Discipulus. Confundere, & desine caritatem tuam, qui minus illa, per quæ tibi æterna & incomprehensibilis à te in hac vita cœlestis gloria paratur.

Secundum Punctum. Considera multam turbam populi & mulierum in Christi comitatu, eum plangentis, & Christi ad eam verba: Nolite flere super me, sed super vos flete, & super filios vestros, quoniam venient dies, in quibus dicent: Beata steriles, & ventres qui non genuerunt, & vbera quæ non lactauerunt, tunc incipient dicere montibus: cadite super nos, & collibus, operite nos: quia si in viridi ligno hac faciunt in arido quid fiet? Ex quibus verbis hos affectus elice. Primò confulsionis, quod non plangas Christum, vt illa rudis turba, Christum, non ita vt tu noscens. Secundò doloris de peccatis, ob quæ Christus iussit de steri filios illarum. Tertio metum iudicij, cuius tempore mali dicent, qui Christi mortis causa fuerunt, & remedijs eius vti non sunt. Montes cadite super nos. Quarto desiderij patiendi plus pro Christo, quam ille, lignum viride & floridum pro te per concupiscentiam arefacto sit passus.

Tertium Punctum. Considera cum Euthymio præparationem Christi ad Crucifixionem. Nā noluit bibere bonum vinum myrrhatū, quod dari solebat, vt supplicio afficiendi confortarentur, minusque dolores sentirent in debilitate & metu, vel certè à sensibus alienarentur, quod Christus, vt ait Marcus, non accepit, sed gustauit aliud cum felle mixtum, vt sentiret amaritudinem, non totum tamen bibit ne corroboraretur. In hac quasi agonia Christus fugit consolationes, quærit mortificationes, vt te doceat simili modo viuere etiam tunc (quantum obedientia permittit) dum eges humanis solatijs & auxilijs.

Quartum Punctum. Considera Christi Crucifixionem clavis ferreis, in partibus nervosis, id eòque magis dolorem sentientibus factam ab iratis Ministris. Compatere Christo, dolo ob causas huius Crucifixionis, pete veniam, & cogita quibus modis correspondebis Christo sic te amanti, & pro te talia toleranti.

FERIA QUARTA.

Post Dominicam sextam Quadragesimæ.

De Christi verbis in Cruce.

Primum Punctum. Considera Christi verba ad Patrem æternum: Pater dimitte illis, non enim sciunt quid faciunt. & postea alia: Deus Deus meus vt quid dereliquisti me? Et postea alia: Pater in manus tuas commendo spiritum meum. Ex primis dilce amorem inimicorum, & confundere qui etiam amicos & benefactores tuos non amas

ita,

ita, si vel minimum quid ab ijs patiaris, & seriam emendationem promitte Christo tui causa Crucifixo. Ex alijs agnosce grauitatem dolorum Christi, & tuorum peccatorum. Ex vltimis felicitate animæ Christi, quæ digna erat ob suam innocentiam cæli loco. Vnde concipias odium scelerum tuorum, vt ea desideas, & fugias, & desiderium vitæ Sanctæ, ob quam ex Christi crucifixi meritis dignus sis rectâ ad cælum post mortem transferri.

Secundum Punctum. Considera Christi verba ad Matrem Ioannem ei commendantis. *Mulier, ecce filius tuus.* In quibus admirare Christi puritatem, & amorem: puritatem, quod Matrem non aliter compellauerit, sine blandis & effeminatis titulis, alioqui sibi charissimam & dignam omni honorificâ appellatione. Et hinc examina tua colloquia, epitheta, titulos, quibus compellas tibi charos, an sint Christi verbis conformes, & statue quomodo te gerere debeas hac in parte. Amorem verò considera, quod, nec moriens in tot doloribus oblitus sit sui dilecti, eumque sui loco vt filium Matri suæ commendarit. Exardesce erga Christum, qui sibi charos ita amat, & concupisce toto animo, vt sis ei charus.

Tertium Punctum. Considera Christi verba ad Ioannem: *Ecce Mater tua.* O quam felix fuit tali Matre donatus: tu cogita quid oporteat te habere, & non habere, vt dignus sis, cui à Christo B. Virgo detur in Matrem.

Quartum Punctum. Considera Christi verba ad eum latronem, qui Christum defendit ab alterius conuictijs dicens: *Neque tu times Deum qui in eadem damnatione es, & nos quidem iuste, nam digna factis recipimus, hic verò nihil mali gessit: cui Christus dicens: Domine memento mei cum veneris in regnum tuum, respondit. Amen dico tibi, hodie mecum eris in paradiso.* Hic gratias age bono latroni ob Christum defensum, excitaque magnum erga eum amorem hanc ob causam. Imitare quoque eum petendo à Christo Regni cælestis possessionem, & vitam tam sanctam, vt in hora mortis audire merearis in animo tuo: *Hodie mecum eris in paradiso.*

FERIA QUINTA.

Post Dominicam sextam Quadragesima.

De ijs que Christus passus est in cruce pendens.

Primum Punctum. Considera magnam confusionem & pudorem, quem Christus in Cruce sustinuit, omnibus profus vestibus exutus, pendens in aperta luce coram innumera multitudine hominum sibi inferorum & sine

vlla etiam occasione se irridendum. Hæc confusio fere maiorem dolorem Christi animo attulit quam alij dolores in carne, siquidem etiam homo verecundus, mallet occidi quam denudari. Tu confundere qui tantopere refugis leuissimas confusiones coram hominibus, & tamen Deum non erubescis, cui scis nota esse peccata tua, & præterita & præsentia, imò etiam in secretissimo foro conscientie tue Confessario quandoque ea ita manifestare, vt ea nota sunt Deo, erubescis. Corrige errores, & deinceps te emenda.

Secundum Punctum. Considera ingentem Christi dolorem in toto corpore adeò prius flagellis & spinis lacerato, & nunc clavis perfosso, ex illisq; pendente. Considera simul causam horum dolorum, peccata tua, idèò comparere sic dolenti, amplectere & osculare pendentem in tot tormentis pro te, deprecare, offer promptum animum ad toleranda eius causâ omnia corporis incommoda, ea verò quæ sæpius refugis propone in posterum te velle quærere, & amplecti pro eius honore.

Tertium Punctum. Considera ludibria & irrisiones, quas petulit pendens, & magnas blasphemias, nam vt mendacem increpabant, vt vanæ gloriæ deditum, ac superbum, non valentem de Cruce descendere, falso se Filium Dei iactantem. Ex altera parte reuera in memoriam, omnia ea dicta quæ contra te possunt dici, quam sunt leuia, quam modica, quam tibi sæpè conuenientia, & tamen vix aliquid fere æquo animo, & nihilominus pro Christi imitatore haberi cupis. Resolue igitur te ad toleranda quæuis, quæ contra te dici possunt.

Quartum Punctum. Considera Christum in Cruce pendentem, in summis animi & corporis doloribus, nulla tamen solatio quarentem; nec leuamina, & summâ patientiâ tolerantem omnia. Et hinc discite in Religiosa cruce, simili patientiâ tolerare omnia acerba gratiam pro hac re pete, & Christo magnas age gratias pro hac eius passione, & offer illi loco solatiij in hac vltima agonia emendationem, in hoc potissimum, ne tibi sint amaræ cruce Religionis.

FERIA SEXTA.

Post Dominicam sextam Quadragesima.

De Christi morte.

Primum Punctum. Considera Christi mortem plenam innumeris doloribus. Erat enim sine vllò solatio, erat plena afflictionibus, tum propter peccata tua, tum propter multitudinē eorum, quos præsciebat non vltimos medicamentis per mortem suam partæ, tum propter tantam multa, quæ pendens passus est. Quæ omnia, &

& his similia sigillatim ruminans; compatere Domino tuo, amplectere morientem, commenda ei peccata tua, ut deleat suo sanguine, commenda animam tuam, ut eam ita feliciter educat è tuo corpore, sicut suam reddidit in manus Patris: quod ut facilius & certius assequaris, delibera quid faciendum tibi sit, quidve vitandum.

Secundum Punctum. Considera modum quo est mortuus, scilicet clamans voce magna, inclinatioque capite, animam in Patris manus commendata. Quid autem clamor ille indicat & inclinatio capitis discurre, quod indagabis, si ponderaveris, ob quas causas homines sensati solent clamare, & capita inclinare; & ex singulis elicias affectus quibus & tuum amorem erga Christum, & odium erga peccata, & desiderium emendationis, ac satisfactionis pro peccatis tuis, & pro beneficiis Christi ostendas.

Tertium Punctum. Considera valorem Christi mortis, & fructum ex ea pro hominum salute, & multiplici bono provenientem; & in Ecclesie Sacramenta adeo efficacia & salutaria scaturientem: & excitato gaudij magno affectu, quod te Deus in Ecclesia tot bonis affluente, tot remedijs contra tua mala abundante, posuerit, exardescere Seraphica charitate erga Iesum morientem, è cruce & morte sua, tot tibi & tanta beneficia profundentem, & incula extremam tuam malitiam, quæ in causa est, quod tam exiguum fructum Christi mortis in te sentias.

Quartum Punctum. Considera affectum Patris æterni, quo acceptabat Christi mortem, in satisfactionem pro peccatis tuis, tanquam hostiam infiniti valoris, ad delenda & auerenda à mundo omnia mala sufficientem, & si es vivum huius capitis morientis membrum, coniunge cum hoc cruento Sacrificio capitis tui, omnia peccata tua, ut impetres culpæ & peccatæ remissionem, omnia bona tua, membra, sensus, potentias, actiones, omissiones; ut impetres benedictionem vberem, innumera tibi gratiæ dona adferentem, & tandem mortem felicem, & gloriâ cœlestem statim post mortem.

S A B B A T O.

Post Dominicam sextam Quadragesimæ.

De Christi sepultura.

Primum Punctum. Considera planctum B. Virginis, & SS. Mulierum, quò prosecutæ sunt Christi mortem, ante sepulturam, & in ea, & post eam, quàm fuerit planctus ille amarus, quàm plenus affectibus miris, erga Christum, & contra peccata mundi, ob quæ

Lancij Opusc. Tom. 2.

Christus est mortuus, & tuam in descenda Christi morte duritiam conferens cum earum lacrymis, erubescere, & tibi ipsi indignare, quòd tantopere sis ingratus.

Secundum Punctum. Considera causas & motiva planctus istius. & vide maiores te habere causas, descendi Christi mortem, & tamen tam aridus es; causasque huius ariditatis indagatis, eas deplora & te emenda.

Tertium Punctum. Considera optimum Iosephi Arimathæi affectum erga Christum, qui audacter petens à Pilato corpus Christi ad sepeliendam, impetravit: & ex hoc eius affectu, discere sine humano respectu, & metu facere omnia, quæ debes pro Domino tuo, eaque magis aggredi, quæ magis reformidas, causaque collige, ob quas teneris de talibus in te reportare victoriam.

Quartum Punctum. Considera pium Iosephi & Nicodemi obsequium in sepeliendo corpore Christi. Ille enim emptâ mundâ sūdōne inuoluit corpus eius, Nicodemus autem vñxit mirrhâ & aloë, allatis ad hoc centum libris, & ita ligantes linteis cum aromatibus, & caput sudario distincto inuoluentes, sepelierunt in horti monumento nouo Iosephi, exciso in Petra, in quo nondum quisquam positus erat, aduoluto Saxo magno ad hostium monumenti. Singulis horum ritè ponderatis, gratulare Christo hunc honorem, & Patri æternò agere gratias, quòd habuerit saltem post mortem hunc respectum ad corpus Christi benedictum, & melius quàm in vita tractari voluerit, & in spiritu extolle & lauda hunc pium istorum affectum erga Christum: ipse verò discere quo affectu Christum tractare debeas, eique omnia quàm rectissima offerre & puerissima, siquidem melius cognoscis Christi præstantiam, & maiora percipis beneficia eius, quàm perceperunt duo isti Iudæi Christo adeo addicti.

DOMINICA RESURRECTIONIS.

De Christi Resurrectione.

Primum Punctum. Considera Aduentum Christi animæ ad corpus positum in sepulchro, & intueri cum gustu quodam affectus, qui erant in animæ Christi erga corpus eius. Præcipuus autem affectus Christi animæ erga illud erat tenerrimus amor, tanquam ad fidelem socium, à quo iuuabatur in perficienda Patris æterni voluntate per annos ferè triginta quatuor, & opere nostræ Redemptionis. Imaginare ergo quomodo (loquendo humano modo) Christi animi corpori suo se vnians, illud viuificans, gloriosum Diuinitatis virtute reddens, alloqueretur, tenerrimè salutando, amando, gratias agendo pro perpetuâ

R r i

petua obedientia quam erga animam & Dei voluntatem habuit, pro patientia in tot tormentis, & incommodis, quæ vita Christi plena paupertatis & laboris adferebat. Quod considerans & tu in similes affectus erga illud prorumpere, ex tenero deuotionis affectu illud salutans vt domicilium Deitatis, vt fontem gratiarum, vt ideam virtutum; & humiliter adorans, item gratias agens pro iisdem rebus, & ardentissimo supernaturalis amoris affectu diligens.

Secundum Punctum. Considera dotes Christi corporis à morte excitati scilicet, agilitatem, subtilitatem, claritatem, impassibilitatem immortalitatem, & præterea vulnera relicta, quæ sunt magna ornamenta eius: in anima verò summum gaudium etiam in parte inferiore sine vlla tristitia. Exulta igitur tanta bona cernens Christi humanitatis in Resurrectione; gratulare ei Deo gratias age, complacere tibi in bono Redemptoris tui tam multa pro te passi. Et pete à Domino similem gloriam Resurrectionis corpori & animæ tuæ, idque pure propter honorem & gloriam maiorem Christi Domini Capitis tui, cuius es membrum.

Tertium Punctum. Considera vias per quas Christus tantam in anima, & corpore gloriam adeptus est, & eas quantum licebit sectari stude, non alio fine, quam ne discres à capite tuo Christo, & vt sub decore capite, etiam tu membrum eius, sis tali capite dignum, ob maiorem eius gloriam & ornamentum, & ampliore triumphum Christi, non tantum in se, sed etiam in his miseris membris suis, de inferno & Diabolo victoriam reportantis. Hoc autem vt assequaris, tanquam primam gratiam pete à Christo glorioso, vt in te fructum passionis suæ ostendere incipiat amplissimum nunquam deficientem, sed perpetuo crescentem quoad multiplicationem & incrementum assiduam virtutum, donorum Spiritus Sancti, & auxiliorum gratiæ Dei supernaturalium.

Quartum Punctum. Considera Christi resuscitati colloquium cum Sanctissima Matre sua, quam primo omnium visitare voluit, suaque præsentia solari, & in hoc colloquio perpende materiam ac modum sermonis vtriusque personæ, quibus assiste tanquam minimus eorum famulus, excitando pios affectus, ex imaginatis eorum sermonibus mutuis. Et pete à Deo, vt te Filio suo iam glorioso, tradat in perpetuum obsequium, nunquam vlllo peccato interrompendum, & faciat te copiose percipere fructum Redemptionis, tum per alios modos, tum per susceptionem tam frequentem huius gloriosi corporis in Sanctissima Eucharistia, in qua illud, tam multis in locis existens, magno affectu adora, & spiritualiter osculare: & postquam Sanctissimam Eucharistiam susceperis, affectus erga D. Iesum glo-

riosum deprome similes affectibus SS. Matris eius (dum ei apparuit) eum excipientis.

FERIA SECUNDA.

Post Pascha.

Primum Punctum. Considera duos Discipulos euntes versus Emaus ab Hierusalem, & colloquentes de his omnibus quæ acciderant Hierosolymis circa Christi passionem: vbi perpende modum, quo vsi sunt in eundo, colloquendo, materiam quoque sermonum illorum, & ex omnibus proficere stude.

Secundum Punctum. Considera Christi amorem qui volens eos liberare à tristitia quæ premebantur, & ab incredulitate, benigne adiunxit se illis, non statim, se illis cognoscendum præbens. Et vt rem suauis perficeret, quærere cepit. *Quærentes quos constratis ad inuicem ambulantes. & estis tristes.* Hac pondera, ad te dici puta, & dum colloqueris, audire te puta à Deo præsentem vbiq; hæc verba: *qui sunt hi sermones, &c.* & quod Deum præsentem videns non diceret, deinceps non dicam præsentem certius credens, quam sit evertitudo oculorum quæ sæpe fallit.

Tertium Punctum. Considera verba discipulorum de Christo, ipsi Christo dicta. Dixerunt inquit Euangelista, *de Iesu Nazareno, qui fuit in Propheta, potens in opere & sermone coram Deo & omni populo. Et quomodo tradiderunt eum summi Sacerdotes nostri, in damnationem mortis & crucifixerunt eum:* quæ iuxta secundum orandi modum pondera, & excita tum lætitiæ affectum ob has Christi laudes dictas, tum amoris erga eum, & gratitudinis ob eius Crucifixionem tui causâ peractam, commemoratam à Discipulis.

Quartum Punctum. Considera reprehensionem Discipulorum à Christo profectam. *O stulti & tardi corde ad credendum in omnibus quæ locuti sunt Propheta.* Vnde duo discite, Primò acerbam reprehensionem non dedecere summam mansuetudinem quando tua delicta eam exigunt. Secundò applica tibi hæc verba: inuenies enim in multis te ostendere defectum viuæ & practicæ fidei, dum ita viuas, ac si non crederes supplicia peccatis destituta, præmia virtutibus, ac si non crederes melius esse placere Deo, quam hominibus, & potius illos esse offendendos, quam Deum, & bona æterna maiore studio esse quærenda, quam temporales scientias, honores, commoditates. Ideo si quæ sint emendanda emenda.

FERIA

FERIA TERTIA.

Post Pascha.

Primum Punctum. Considera Dominum Iesum venientem ad Discipulos, & in medio eorum stantem, dicentemque *Pax vobis, ego sum, nolite timere.* In quibus verbis tria documenta discere valde nobis necessaria dum sumus congregati. Primò ut pacifici simus, nullam dantes occasionem quâ pax lædatur. Secundò ut ita procedamus tunc, ac si haberemus Dominum Iesum, vel saltem superiorem præsentem. Tertiò ut ita nos geramus ne quidquam nos timere oporteat. Quod ut tibi persuadeas, quære causas, ab quas id agnosces omnino tibi faciendum esse, & si quid hac in parte delinquis, emenda.

Secundum Punctum. Considera Christum ostendentem Discipulis vulnera sua. *Videte manus meas, & pedes meos, palpite & videte.* Tu quoque eadem vulnera tenero affectu intueres, tanquam fontes beneficiorum Dei, tanquam signa amoris Dei erga te certissima, tanquam effectus peccatorum tuorum, tanquam refugia tua in necessitatibus, tanquam incentiva amoris tui erga Dominum Iesum, & iuxta hos quinque respectus, similes affectus erga illa, in anima tua excita.

Tertium Punctum. Considera Christum comedentem piscis alli partem, & fauum mellis. Vbi considera frugalitatem Discipulorum Christi Domini, & Christi humilitatem. Nam non habuerunt pretiosius edulium pisce & fauo mellis. Deinde non obtulerunt ei piscem integrum, sed partem piscis. Signum est ergo non fuisse eos gulæ deditos ita, ut totum piscem absumpserint, quia partem (etsi erant tot) reliquerunt: & Dominus Iesus non dedignatus est, accipere id, quod ipsis superfluerat, *eo iakoby spado zvvvsa ioh,* ut loquamur more nostro. Hinc sume similes instructiones, valde necessarias pro comestione, in hoc statu paupertatis, quem professus es.

Quartum Punctum. Considera Christi verba: *Sic oportebat Christum pati, & resurgere à mortuis tertia die. & prædicari in nomine eius poenitentiam, & remissionem peccatorum in omnes gentes.* Vbi tria perpende. Primò si Christum oportuit pati, quanto magis te. Secundò si prædicari oportuit poenitentiam in Christi nomine, poenitentia necessaria est, quomodo illi vacas? Tertiò remissionem peccatorum in suo nomine vult prædicari. Gratas age illi, exulta quod habeas talem felicitatem, & certam spem remissionis peccatorum dummodò coopereris.

Lancij Opus. Tom. 2.

FERIA QVARTA.

Post Pascha.

Primum Punctum. Considera Petrum, cum aliquot aliis Discipulis piscationi vacantem, & in ea tota nocte sine vilo fructu laboris tam longi, & molesti occupatum. In qua piscatione perpende, qua decentiâ, ac honestate corporis, in situ, vestimentorumque diminutione, ac denudatione aliquâ membrorum: item quâ animi moderatione in voce & omnibus laboribus, sine vilo clamoris ac impatientie signo, velatus sit cum alijs sociis, & ad mores tuos reflectens, corrigenda corrige, vel eis necessaria documenta decerpe.

Secundum Punctum. Considera Iesum è littore moventem, ut iterum piscentur, quo facto, rete non poterant trahere præ multitudinem piscium. Hinc discere eosdem labores in specie, nõ esse æquè viles, sed illos fructum afferre, quando fiunt ex Dei voluntate & consilio. Quam doctrinam an in te experiare, & practices, recogita, & applicare in particulari in posterum stude.

Tertium Punctum. Considera Christum non fuisse agnitum à Discipulis sat diu, sed primùm agnitum esse à Ioanne. Cur autem ille primus agnovit, causas indaga, & vide an in te sint, & eas cum Dei auxilio habere stude.

Quartum Punctum. Considera Domini Iesu amorem erga suos, tum in suadenda piscatione tam bona, tum quia præparauerat pro Discipulis suis in littore prandium supra prunas piscem superpositum & panem, tum quia adhuc alium piscem assandum afferri iussit, ut tractarentur lautius, tum quia eos invitabat benignè, *venite prandete.* Contemplate tum benignum cor, & plenum materna dulcedine Domini Iesu, unde ista in suos charitas effluxit, & discere quàm felix sit, quem amat Iesus, est enim in protectione Iesu, etiam dum non cogitat. Talis ergo esse stude bonis moribus, eius tibi amorem ut concilies.

FERIA QVINTA.

Post Pascha.

Primum Punctum. Considera amorem Mariæ Magdalenæ erga Christum stantis ad monumentum Christi & plorantis. Adiunge te illi pium comitem, excita in te similes ei affectus. Cogita quid tunc cogitaret illa, quibus voluntatis affectibus ferretur erga Dominum Iesum, à quo remissionem peccatorum acceperat, & quidem id se accepisse, certò ex eius ore didicerat.

Secundum Punctum. Considera mentis oculis quomodo flebat hæc dilecta Christi ancilla, quomodo suas extergebat lachrymas, quo ma-

R r r 2 nuum

num oculorumque gestu, vehementiam internorum affectuum demonstrante, & facta ad tuam tepiditatem reflexione proficere stude.

Tertium Punctum. Considera colloquium Magdalene cum duobus Angelis, in albis sedentibus, vno ad caput, & vno ad pedes, vbi positum fuerat corpus Iesu quibus quaerentibus: *Mulier quid ploras? dixit: quia tulserunt Dominum meum, & nescio vbi posuerunt eum.* Pondera singula verba, & latentes sub eis affectus, & te ad similem Domini Iesu dilectionem excita, & defectum eius in te redargue.

Quartum Punctum. Considera colloquium Magdalene cum Domino Iesu, cui interroganti: *Mulier quid ploras? quem quaeris? illa existimans quia hortulanus esset, dicit ei: Domine si in susulisti eum, dicito mihi, vbi posuisti eum, & ego eum tollam.* Hic perpende benignitatem Domini Iesu, qui pia quadam arte vsus sub specie hortulani sese ostendens, solari voluit Magdalenam se quaerentem: ita non derelinquit quaerentes se ex corde. Secundo perpende ardentissimam charitatem Magdalene, quae tanquam extra se posita, impatiens morae, quaerit Dominum Iesum, etsi mortuum, parata, vbi cunq; tandem esset, etiam in manibus inimicorum, illum tollere, quae omnia eius verba perpendens, facta ad te reflexione, conuerte in profectum tuum.

FERIA SEXTA.

Post Pascha.

Primum Punctum. Considera felicitatem magnam Magdalene, quam Christus proprio eius nomine compellauit, eam sui inueniendi desiderio anxiam compellens, *Maria.* Non habent hanc felicitatem impij, quibus illud Psalmi respectu Dei congruit: *Nec memor ero nominum eorum per labia mea.* Tu pondera quam honorificum sit, ab ipso Deo nominari, & quidem cum affectu benevolentiae. Gratulare Magdalene hoc bonum, & hoc ipsum tibi opta, & cogita quibus medijs possis ad hanc felicitatem peruenire.

Secundum Punctum. Considera responsum Magdalene ad Christum se nominantem, seque illi manifestantem, *Rabboni,* scilicet *Magister* hic causas inquire cur Christum alio nomine vel titulo non compellauit. Item quo sensu eum vocarit Magistrum suum, & an tu eodem illum vocare possis, qui eum docentem & monentem non audis, & promitte emendationem.

Tertium Punctum. Considera affectum Magdalene Christum tangentis, hoc est humillimae amplectentis praereuerentia & amore, &

cogita quantum fuerit affectus ille, cum quibus coniunctus cogitationibus pijs, quis in Christo amplectendo gestus, Et specialiter tu quoque simili affectu Christum gloriosum amplectere, & amplectens tres actus elicias. Primo gratias age pro beneficio Redemptionis, hoc tempore peccata. Secundo pete varia quibus & tu & alij egent. Tertio offer eidem, & per eum Diuinis personis, omnia Christi humanitatis merita, vt per ea satisfacias Deo pro beneficijs eius, & noua alia facilius impetres.

Quartum Punctum. Considera Christi verba ad Magdalenam se tangentem. *Noli me tangere, nondum enim ascendi ad Patrem meum.* Vbi cogita quid dicere voluerit Christus his verbis, cur ea dixerit, & hinc proficere stude.

SABBATO.

Post Pascha.

Regina Caeli.

Primum Punctum. Considera causas ob quas Deipara Virgo vocatur *Regina caeli,* similes ijs, etsi in gradu excellentiore, ob quas Regina aliqua vocatur *Regina* allicuius Regni, & varia inde decerpe quibus exotes spem tuam secundariam in ea, desiderium ei seruandi, & alios pios affectus quibus fideles famuli feruntur in Regnam aliquam terrestrem.

Secundum Punctum. Considera titulos ob quos Deipara haec regalis dignitas competit, tum communes alijs Sanctis, quos Deus promissit se Reges in caelo facturum. Apoc. 5. 10. tum peculiarem quia est Mater Regis caelestis, & ob vitam excellentem sanctimoniam, digna quae caelis praesit. Haec ponderando gratulare et hanc dignitatem & laetare, quod talem habetis Regnam, cuius sis obsequijs mancipatus, & da operam, vt sis eius fidelis minister.

Tertium Punctum. Considera modos quibus erga humanum genus Deipara ostendit beneficijs hanc suam Regiam potestatem. Ideo gratias ei age, & propone ei omnes tuas necessitates praecipuas, eis vt subuenire dignetur, & ad flendum clementissimum eius adduc aliquam motiua.

Quartum Punctum. Considera quibus modis & tu peruenire ad hoc possis, vt sis Rex in caelo, & potiare Regia dignitate, a Deo omnibus electis praeparata, & deplorata tua viuendi ratione, quae id non praesert, ea acquirere stude per quae ad hanc excellentiam ob Dei amorem peruenire possis.

DOMI

DOMINICA PRIMA.

POST PASCHA.

Primum Punctum. Considera causas, ob quas Christus volens congregatis simul Discipulis, post Resurrectionem se ostendere, serò se illis ostendit, & clausis propter metum Iudæorum: causas pias inuenies consideratis proprietatibus temporis serotini, & conditionibus bonis, quas adfert metus cordibus humanis, & ex omnibus decerpe fructum aliquem spiritualem.

Secundum Punctum. Considera causas ob quas Christus, non aliis verbis salutarit suos, nisi his. *Pax vobis.* Et quotuplicem pacem nobis attulerit, quotuplicem etiam à nobis exigar perpende, & omnem pacem colere stude.

Tertium Punctum. Considera ostensionem manuum & lateris post annunciatam eis pacem, & hic quoque causas inquire, cur manus & latus ostenderit post annunciatam pacem: quâ te ponderatâ, imaginare te præsentem huic ostensioni, adora manus & latus Christi, tanquam instrumenta redemptionis tuæ, & fontes honorum tuorum. Gratias age Redemptori tuo, osculare ea, stringe, & amplectere tenerrimo affectu.

Quartum Punctum. Considera quantopere deceat, vt manus tuæ & latus, seu pectus tuum, sit proportionatum manibus & lateri Christi, eaque imiteris, quâ autem te imitari debeas, examina te, & te tam puro ac sancto exemplari accommoda.

FERIA SECUNDA.

Dominica prima post Pascha.

Primum Punctum. Considera gaudium Discipulorum Christi, quod eo viso perceperunt, quale fuerit, quale ob causas, & quos effectus in animis eorum reliquerit, & factâ reflexione ad te, cui Deus in frequenti communione maius beneficium præstat, quàm si apparet, cogita quid te pro tanto beneficio facere & pati deceat.

Secundum Punctum. Considera illa Christi verba: *Sicut misit me Pater, & ego mitto vos,* & in ijs perpende modum, & finem, quo, & ob quem Pater æternus Christum misit in mundum, & tibi quoque dicta puta eadem verba, *sicut misit me Pater, & ego mitto vos.* proportionato modo, vt intelligas quid Christi exemplo facere & pati debeas in hoc mundo.

Tertium Punctum. Considera Cereemoniam Christi insufflantis in Discipulos, in signum tradendæ potestatis paulò post explicandæ. Cur

Lancij Opus. Tom. 2.

non alia ceremonia vsus est, scilicet impositione, vel elevatione magnum, benedictione, aliave, sed insufflatione, quæ facta est ore eius sanctissimo gutturis conatu, halitus sui communicatione, & ex singulis piè ponderatis & adiuuentis proficere stude.

Quartum Punctum. Considera potestatem Discipulis datam post hanc insufflationem: *Accipite Spiritum Sanctum, quorum remiseritis peccata, remittantur eis, quorum retinueritis, retenta sunt.* Perpende beneficij magnitudinem necessitatemque eius, in tot tuis peccatis tam frequentibus. Gratias age Iustificatori tuo ex corde intimo, & vide, quid te facere deceat, tum vt gratus sis pro hoc beneficio, tum vt non abutaris eo, tum vt raro peccando non egeas medicinis Christi, quas tanto suo labore & dolore comparauit.

FERIA TERTIA.

Dominica prima post Pascha.

Primum Punctum. Considera piam Christi artem, qui vt daret materiam meriti, duobus Discipulis euntibus in Emaus appropinquantibus castello, ipse finxit se longius ire, vt ita daret occasionem inuitandi sui, hospitalitatis studio, ita nullam occasionem Dominus omittit benefaciendi suis, & meriti materiam suppeditandi. Adora, & ama in Domino tuo hanc bonitatem, gratias age, & extra te ad frequentanda opera meritoria, quandoquidem ijs ita Dominus tuus delectatur, & incusa tuam socordiam, quod tam multas merendi occasiones prætermittas.

Secundum Punctum. Considera modum, quo sunt vsi Discipuli, ad Christum ad se allicendum: *coegerunt illum* (inquit Euangelista.) *Aspice mentis oculis hanc coactionem, delectare in illa, gratias age in Spiritu his, qui eum ita coegerunt, & honorarunt, & intueri modum quo Christus huic coactioni cessit, & disce piam vim inferre Domino tuo & cogere, vt tecum sit & maneat, & quibus eum artibus ad hoc cogere possis cogita.*

Tertium Punctum. Considera verba Discipulorum Christum rogantium: *mane nobiscum, quoniam aduersperasit, & inclinata est iam dies.* Hæc ipsa verba rumina iuxta secundum orandi modum, & ad Christum dirige, & statui præsentis vitæ tuæ applica.

Quartum Punctum. Considera Christi facilitatem qui humanitati Discipulorum cessit, & intravit cum illis. Hinc tu disce cedere aliorum bonæ voluntati, tuamque alienæ subiicere, in rebus quæ malæ non sunt, quod an facias vide, & si quid est emendatione dignum, emenda.

FERIA QUARTA.

Dominica prima post Pascha.

Primum Punctum. Considera modum, quo Christus Dominus sub vna specie; suum sanctissimum corpus post resurrectionem daturus duobus discipulis, accepit panem, & benedixit ac fregit, & porrigebat illis, cui sacro spectaculo te presenta Spiritu; & proficere stude.

Secundum Punctum. Considera effectum huius Sacri Conuiuij. *Aperi sunt enim oculi eorum, & cognouerunt eum.* Hic facta ad te reflexione, vide quomodo ex Eucharistia proficias in cognitione practica obligationis tuæ; & incusata tua cecitate, pete lumen à Deo triplex. Primò vt practice videas placendum esse magis Deo quàm hominibus. Secundò maiore desiderio quærenda esse merita gloriam æternam conciliantia, quàm huius vitæ commoda. Tertio magis cauenda esse peccata & morbos animæ quàm corporis.

Tertium Punctum. Considera quid Christus fecerit postquam agnouerunt eum. *Euanuit ex oculis eorum.* Inquire causas cur euanuerit, cur non manserit diutius, eos vt iuuaret pijs sermonibus, & ex hoc exemplo fructum aliquem decerpe.

Quartum Punctum. Considera verba discipulorum prolata de Christo post eius abscesum. *Dixerunt enim ad inuicem. Nōne cor nostrum ardens erat in nobis dum loqueretur in via, & aperiret nobis Scripturas.* Hic considera, an cor tuum sit ardens, dum Christum alloqueris in oratione, vel dum ille te alloquitur in lectione, vel dum eum intra te habes in Communione, & causis tui frigoris inuentis, eas remoue.

FERIA QUINTA.

Dominica prima post Pascha.

Ioan. 5.

Primum Punctum. Considera illa Christi verba: *Amen amen dico vobis, non potest filius à se facere quidquam, nisi quod viderit Patrem facientem, quacunque enim ille fecerit, hæc & filius similiter facit.* Quæ verba tenero affectu masticando, intueri mentis oculis, Christi vitæ actiones, vel omnes, vel præcipuas, cum spiritali quodam gustu tuo, agnoscendo in eis quomodo expriment actiones Patris sui, creaturis suis beneficientis, miris modis, & varijs; Quas admirare, extolle, gratias age, ingratitude tuam & abusus accusa, & pete, vt in te semper operetur opera sua, & Patris sui.

Secundum Punctum. Considera quantopere,

& quas ob causas deceat te ita Christo conformari, sciētī ille conformabatur Patri suo, vt quemadmodum quæcunque Pater faciebat, hæc faciebat & Christus; ita & tu facias, quæcunque Christus fecit si à te fieri possint eius ope; saltem vt eā facias; quæ directè fecit eo sine vt eā imitaretis, vt sunt: *Disced à me quia mitis sum & humilis corde: Hoc est præceptum meum vt diligatū inuicem: Estote perfecti, sicut Pater vester celestis perfectus est: & his similia Christi dicta & facta, quod an & quomodo facias vide, & quod faciendum est, excite stude.*

Tertium Punctum. Considera Patris æterni amorem erga Christum, his verbis à Christo prolatis expressum: *Pater diligit Filium, & omnia demonstrat ei quæ ipse facit.* O quanta felicitas ita amari à Deo Patre, eumque habere ita familiarem ac Magistrum, vt demonstret omnia faciendā; accendere desiderio assequendæ tantæ dilectionis adeo tibi necessariæ & cogita quibus medijs ad eam petuenire possis, eaque adhibe.

Quartum Punctum. Considera Christi potentiam, *Filius quos vult viuificat, vitā scilicet & corporeā, mortuos reuocando ad eam, & spiritali, tollendo per infusionem gratiæ mortem spirituales animæ, præterea languidis ac tepidis tribuendo vigorem spiritus, & feruorem opera languentia veluti animantem.* Tu si eorum è numero es pete hanc à Domino viuificationem, eamque impedire noli tua duritie & noua accessione peccatorum.

FERIA SEXTA.

Dominica prima post Pascha.

Primum Punctum. Considera in illis Christi verbis: *Pater non iudicat quenquam, sed omne iudicium dedit Filio* causas, cur ita Pater æternus fecerit. Vnam quidem causam dat Christus ipse *vt omnes inquit honorificent Filium; sicut honorificant Patrem.* Hanc pondera & alias quoque, eam præsertim, quod grauius sit timendum Christi iudicium malis, quorum causa plus quàm alia Diuinæ personæ fecit, & peritit Filius Dei in humanitate assumpta. Ideo eum Iudicem tibi additum habere stude, & cogita quid ad hoc sit necessarium.

Secundum Punctum. Considera mala que oriuntur si quis non honoret Christum. *Qui non honorificat Filium, non honorificat Patrem qui misit illum.* Hic primò considera, quibus modis Christus non honorificatur: quod agnosces ex modis quibus violatur honor personæ illustris. Hos applica ad te, ne & tu talis sis, & si es, deplora tuos mores, & te emendare stude, & causas inquire que te excitent ad honorificandum Dominum tuum.

Tertium

Tertium Punctum. Considera felicitatem hominis obedientis verbis Christi. *Qui verbum meum audit, & credit ei qui misit me, habet vitam aeternam, & in iudicium non venit sed transit à morte ad vitam.* Hæc pondera iuxta secundum orandi modum, & excita te ad perfectam executionem omnium Christi monitorum, & facta contraria deplora.

Quartum Punctum. Considera Christi excellentiam sicut inquit, *Pater habet vitam in semetipso, sic dedit & Filio habere vitam in semetipso.* Gratulare Christo hanc excellentiam, & cum Patre aequalitatem. Gaude te esse seruum tam excellentis Domini, & eum imitari stude hac in re, ut eius beneficio habeas vitam spiritualem in te semper contrariam peccato, & operum tepidorum languori.

SABBATO.

Dominica prima post Pascha Letare.

Primum Punctum. Considera primam lætitiæ causam in Deipara, quia nunquam vilo peccato contaminata fuit. Quod bonum quam sit ratum, quam excellens, quam vile perpende, eique ob id gratulare, & quantum fieri potest in hoc eam imitari stude.

Secundum Punctum. Considera secundam causam lætitiæ in Deipara, quia semper Virgo immaculata, non sine voto expresso virginitatis permansit. Perpende & huius beneficij excellentiam, gratias Domino age, quod & te suo modo fecerit participem huius boni, pete perseverantiam in hoc statu, examina te, quomodo hac in re te geras, & cogita quomodo refecare debeas res contrarias.

Tertium Punctum. Considera tertiam causam lætitiæ in Deipara, quia fuit Mater ipsius Dei. Hoc quam magnum sit, quam vile illi alijque pondera, & ardentem ab ea pete, ut tibi talem se exhibeat, in liberando te, & defendendo à variis malis, & in ditando te multis bonis, qualem decet esse Matrem ipsius Dei.

Quartum Punctum. Considera quartam lætitiæ causam in Beatissima Virgine, quia fuit plena gratiæ donis. Intuere & masticata hanc plenitudinem. Admirare, gratulare ei, eam pro modulo tuo expete, à Deo posce, ut habeas da operam & impedimenta amoue.

DOMINICA SECUNDA

POST PASCHA.

Primum Punctum. Considera in Christo primam conditionem boni pastoris, quæ est perpetuò adesse gregi suo, dum vagatur per campos & montes. Hoc Christus facit qui ut Deus semper est ubique præsens, videns om-

nia. Gratias age Pastori tuo, cautè ambula, ne quæ re offendas oculos eius, & vide, an ita te geras eo presente, quomodo te gereres præsentem hominem, quem reuereris, vel times.

Secundum Punctum. Considera secundam conditionem boni pastoris in Christo, quæ est quæ in bonis pascuis pascere. Hoc Christus Dominus facit, quia nos pascit cibo corporali, & spiritali, scilicet verbo suo, internis inspirationibus, externis superiorum monitis, Sacramentis, & in iis proprio corpore ac sanguine. Gratias age pro tam multiplici ac salutari pascu, & factis gratitudinem exhibere stude.

Tertium Punctum. Considera tertiam conditionem boni pastoris in Christo, quæ est, defendere gregem. Hoc Christus Dominus facit, quia te à Satanae tentationibus, ab hominum iniuriis, à tui ipsius peccatis, in quæ laboreris ni ille impediret, defendit. Extolle eius clementiam, pete ut te ab his semper tueatur, & vide, ne tu ipse in hæc mala te conicias.

Quartum Punctum. Considera quartam conditionem boni pastoris in Christo, in infirmas & debiles portare, & earum morbis mederi. O quanto affectu Christus Dominus id facit. Admirare eius patientiam, clementiam, amorem, gratias que pro eo age, præsertim quia in SS. Eucharistia, quam receptorus es, recondidit pharmaca efficacissima, in remedium morborum tuorum, qui si non corantur, tibi attribue, non pastori, & ut profint deinceps da operam.

FERIA SECUNDA.

Dominica secunda post Pascha.

Primum Punctum. Considera excellentiam *Ioan. 10.* amoris Christi erga suas oves, quod pro iis dedit vitam suam, quam nemo pastorum dat pro ouibus suis. Hanc charitatè pondera quam sit magna, etiam si Christi vita non esset melior vitæ vnus ordinarij hominis. Admirare Christi amorem, extolle eum, & cogita quid te deceat facere & pati pro tam benefico pastore, eius ut amori respondeas.

Secundum Punctum. Considera præstantiam vitæ & animæ huius pastoris, quam dedit pro te, & pro aliis ouibus suis. Confer cum ea totum id, quod possis dare Domino tuo, & quod Deo à te exigenti non vis offerre. Agnosce quam parum sit, quod à te exigit Deus: confundere obtuam parcitatem, & te emendare stude.

Tertium Punctum. Considera exiguum fructum tot laborum huius pastoris pro ouibus suis susceptorum. Quam multi enim Ethnici, Hæretici, mali Catholici pereunt, quam pauci ita proficiunt uti possent, in tam salutaribus pascuis ab eo educati, ille tamen tacet, tolerat.

Rit 4 expe-

exspectat emendationem, quæ omnia confidens, admirare benignitatem eius, & passu eius abuti noli, ne tarditatem supplicij gravitate compenset, & te (quod multis te forte melioribus contigit) ex oculi suo expellat.

Quartum Punctum. Considera quo in pretio habenda sint tibi animæ, pro quibus Christus posuit animam suam, quandoquidem plures eas Christus fecit quam vitam propriam. An autem ita æstimes animas proximorum & fratrum tuorum, an hæc earum æstimationem dictis & factis ostendas, examina te, & corrigenda corrige.

FERIA TERTIA.

Dominica secunda post Pascha.

1087.10.

Primum Punctum. Considera primum modum cognitionis Christi quam habet respectu ovium suarum, de quibus dicit: *cognosco meas.* Primò enim cognoscit eas ex exteriore statura & colore, tu examina exteriores tuos mores compositionemque, an sit talis, qualis decet ovem Christi, & si quid emendandum sit, emenda.

Secundum Punctum. Considera secundum modum ex quo cognoscit Christus oves suas, scilicet vocem, quæ diversa est à voce aliorum animalium. Examina sermones tuos, quoad finem eorum, quoad materiam, quoad tempus in quo loqueris, quoad socios, quoad gestus, & soni vehementiam, an verè sint sermones tales, quales debent procedere ab ove Christi, & tales ut sint, labora.

Tertium Punctum. Considera tertium modum quo indicat oves Christi bonas, scilicet mansionem in eo loco, vel campo, in quo eas vult manere, & pabulum sumere: vide an talis sis, an ita resignatus, quoad omnia loca & munia, in quibus te vult manere Christus, & quam id tibi sit necessarium perpende, & talis esse stude.

Quartum Punctum. Considera quartum ex quo Christus agnoscit oves suas, scilicet obedientiam, si vocem eius audiant. Vox Christi duplex est: præcepta & consilia, interna, externa, per se, per vicarios suos prolata: quomodo ea audias perpende, desse si non audis, & deinceps audi.

FERIA QUARTA.

Dominica secunda post Pascha.

Primum Punctum. Considera bonorum resurrectionem de quibus omnium Iudex Christus dixit: *procedent qui bona fecerunt in resurrectionem vitæ.* Hanc opta, eam an merearis

perpende, ea ut dignus sis, cura, quid ad hoc sit opus vide, & habere stude.

Secundum Punctum. Considera malorum resurrectionem. *Qui mala egerunt, procedent in resurrectionem iudicij.* Time ne eorum sis è numero, cum non sis certus te talia mala nunquam commisisse, quæ tali digna sint supplicio, & tibi condonata esse illa. Ideò da operam ut rebus tuis consulas, mala commissa digna poenitentia aboleas ad ea non redeas, iudicem places.

Tertium Punctum. Considera cur malorum resurrectionem Christus Dominus vocet, resurrectionem non supplicij, sed iudicij, quòd antecedit supplicium: inter causas possunt esse hæc; Primò, quia supplicium inferni tale erit, & tam novum, & tam ensibile, nec diuturnitate temporis mitigatum, ac si nondum esset cum rota pœna, & toto sensu doloris coniunctum, sed novi aliquid secum trahens & afferens, uti semper sententia iudicij condemnans reum, novam aliquam pœnam affert. Secundò, quòd homini nocenti Dei excellentiam, maior est habenda ratio iudicij Divini, quam supplicij illud consequentis. In iudicio enim Deus quodammodo affligitur & contristatur ob peccata reorum, quod amantes Deum præcavere debent, ne sint ei causa molestiæ. Hoc pondera & proficere stude.

Quartum Punctum. Considera quid vellent facere & pati ij, qui in Dei iudicio constituti, viderent se commisisse scelera pœnæ inferni digna, eam ut euaderent. Idem & tibi faciendum esse ac tolerandum agnosce, ut qui seculus es delinquentes, sequaris poenitentes.

FERIA QUINTA.

Dominica secunda post Pascha.

Primum Punctum. Considera Christi humilitatem dicentis. *Non possum à me facere quidquam.* Quod quantò magis tibi conveniat, vide, qui sæpè erras, sæpè peccas, sæpè non facis quod deberes. Ideò invooca eius auxilium, ut in te, & per te, quam plurima bona operetur, & volenti operari, noli obistere, & impedimenta tolle, quæ vides in causa esse, ne in te ea Deus operetur, quæ vel vides, vel legis, operatum esse, & operari in dilectis suis.

Secundum Punctum. Considera quam curè tibi sit vivendam, cum Christus dicat, *sicut audio, iudico.* Audit enim omnia tua dicta, quæ etiam facta, quæ habent vocem suam, & clamant ad Deum ut clamabat sanguis Abel de terra teste scriptura. Da igitur operam ne Christus quidquam audiat ex te, iudicio severo dignum, quod si aliquid cõtingat tale, cura ut citò aboleatur, ne illud condemnet. Quod quomodo facias cogita, & rebus tuis consule.

111.

Tertium Punctum. Considera quale sit iudicium Christi. *Iudicium inquam, inquit, iustum est. Et causam subdit, quia non quero voluntatem meam, sed voluntatem eius qui misit me.* O quam necessarium est viventi in communitate, iudicare iuste, quod non faciunt qui se & sua querunt, & inconsiderate procedunt. Tu quomodo te geras in iudicandis aliis, aliorumque dictis & factis, & talentis vide, & corrigenda corrige.

Quartum Punctum. Considera te ob Dei gratum debere contendere, ut tam bonus sis, ut alij de te velint nolint cogantur bonum testimonium dare. Talis erat Christus qui dicebat: *Alius est qui testimonium perhibet de me, & scio quia, verum est testimonium quod perhibet de me.* Tu quoque talis cogita, & recensere quam multa sint in te, quae merito alij interrogari possint reprehendere in te, ut ergo Deo gratum sis obiectum talis esse ob Dei gloriam purissimam stude, ut nihil oculus humanus inueniat, quod in te merito improbare queat.

FERIA SEXTA.

Dominica secunda post Pascha.

Primum Punctum. Considera Ioannis fortitudinem qui sciens Iudaeorum contra Christum offensam, nihilominus testimonium perhibuit veritati in Christi laudem, humanos non timens respectus. Gratias ei age, Christo gratulari, quod habuerit tam bonum suae excellentiae laudatorem, & desine tuam tepiditatem & exiguum erga Christum amorem, qui ne homines offendas, sepe non dicis, non facis, quae deberes, & dicis, & facis quae non deberes.

Secundum Punctum. Considera te debere solius Dei testimonio esse contentum, etsi non contemnere etiam humanum, sed non ambiciosè illud venari. Ego inquit Christus non ab homine testimonium accipio, scilicet tale in quo penitus acquiescam. Tu vide quam avidius, quam diligentius, quam frequentius confecteris humana testimonia & approbationem, quam Dei, & magis tristeteris, si eos videas de te sinistre sentientes, & dicentes, non ita si certo scias, ob certa peccata Deum de te sinistre sentientem. Erubescere, & quam hoc sit indignum cogita & te emenda.

Tertium Punctum. Considera finem omnium verborum Christi quem his verbis declaravit. *Hac dico vi vos salui sum.* Ille finis sermonum nostrorum esse deberet, qui ad nostram aliorumque procurandam salutem vocati sumus. An autem id queramus, & assequamur in nostris sermonibus, vide, & proficere stude.

Quartum Punctum. Considera encomium Ioannis Baptistae à Christo profectum. *Ille erat lucerna ardens & lucens: talem deceat esse servum Dei, qui & in se ardeat fervore charitatis, &*

alios accendat ac illuminet. Quod quomodo S. Ioannes fecerit, recogita: quomodo tu facias examina te, & te eius exemplis conformare stude: & tuos defectus hac in parte desce.

SABBATO.

*Dominica secunda post Pascha.**Alleluia.*

Primum Punctum. Considera verbum Hebraicum halleluia significare. Laudate Deum cum iubilo, cum laetitia & admodum intense. Laudem nostram metetur Deus propter omnia motiva iustarum laudum, quae sunt excellentia personae naturalis supernaturalisque, eaque multiplex, & qualibet infinita in se intrinsece, scilicet eius infinitas, aeternitas, immensitas, independentia, sapientia, bonitas, puritas, omnipotentia, &c. Discurrendo ergo per Dei perfectiones magis notas, ponderando eas, lauda in singulis & ob singulas Deum, perens ut in te relinquat effectus, proportionatos singulis suis perfectionibus, ad gloriam nominis sui maiorem.

Secundum Punctum. Considera alia motiva divinae laudis, eius multiplicia erga nos beneficia, circa quorum considerationem, gerere te ut prius, adiuncta in singulis gratiarum actione, ex cordis lato iubilo profecta.

Tertium Punctum. Considera causas ob quas Dei laudatio debet à te proficisci cum laetitia & iubilo, tum quia hilarem datorem diligit Deus, tum quia in Dei laude adsunt, magis laetandi causae, quam in aliis negotiis humanis, id eoque excitatis laetitiae affectibus, dic iucundè & late, Te Deum laudamus, iuxta tertium orandi modum.

Quartum Punctum. Considera verbum Hebraicum Alleluia vel halleluia, esse compositum ex Allelu id est laudate, & ex Dei nomine Iah, quod Hebraei ab essendo vel timendo deducunt, eo quo Deus sit is, in quo maxime vis essendi, & aliis dandi esse contineatur, & qui omnium maxime timendus sit. Vnde sequitur merito laudationem Dei hoc vocabulo Alleluia expressam debere esse intensam, quia versatur, circa infinitam in essendo essentiam, & Maiestatem infinito timore filiali, & observantia dignam. Quocirca excita in te intensos affectus laudis divinae, ut infinito eius obiecto quodammodo proportionetur laus eius in ore tuo, ut verè cum Psalte sancto dicas magis factis quam verbis. *Laetetur cor meum ut timeat nomen tuum.*

DOMI-

DOMINICA TERTIA.

POST PASCHA.

Primum Punctum. Considera statum vitæ præsentis, bonis & malis permixtæ, illis verbis Christi adumbratum: *modicum & iam non videbitis me, & iterum modicum & videbitis me.* Ideo dum affligeris expecta Dei consolationem, & ea præsentem præpara te ad crucem, quæ ne molesta sit nimium, desiderium eius foue, & causas ad eam expetendam & ferendam inquire.

Secundum Punctum. Considera quos affectus discipuli habuerint auditis Christi verbis: *vado ad Patrem.* Tu similes in te excita, & ad Christi ascensionem, cum sensu pietatis celebrandam, ac per eos frequentatos dispone.

Tertium Punctum. Considera proprium Religiosi hominis officium in hoc mundo, per illa Christi verba indicatum: *Amen amen dico vobis, quia plorabitis & flebitis vos, mundus autem gaudebit, vos autem contristabimini.* Vide an vita tua sit vita ploratus: hoc est vita arcta in cibo, potu, commoditatibus, laboribus, ærumnisque posita, an potius contraria, & cognita obligatione tui status, qui esse debet Christi crucis imitatio, in his vide, quid tibi sit faciendum.

Quartum Punctum. Considera præmium boni Religiosi in hac vita arctè viventis. *Tristitia vestra veretur in gaudium,* scilicet & huius vitæ, quod parit bona conscientia, & alterius, quod affert clara visio Dei summi boni. Inquire igitur, an tuo viuendi modo utrumque gaudium merearis consequi, & si quid obstat, amouere stude.

FERIA SECUNDA.

Dominica tertia post Pascha in illa Christi verba: Gaudebit cor vestrum.

Primum Punctum. Considera primam gaudij nostri causam esse debere, quia verà Dei cognitione per fidem supernaturalem imbuti sumus. *sine qua impossibile est placere Deo* ut ait Apostolus & quæ est *fundamentum iustificationis* ut eam appellat Concilium Triden. Agnosce huius beneficij magnitudinem, consideras quàm multi eo carent, & quàm difficile sit illis, illud consequi. Gratias age Deo pro illo, pete idem pro alijs seductis, & quantum in te est da operam ut ad illud consequendum iuves alios.

Secundum Punctum. Considera secundam gaudij tui causam esse debere, quod sis à statu peccati mortalis vel liber omnino, vel saltem iam liberatus Dei ope. Pondera huius beneficij magnitudinem, & felicitatem tuam gratias a-

ge, ad id alios trahere pro tuo modulo, & te in eo conferuare stude, & quid sit ad hanc in coopererantiam necessarium, inquire.

Tertium Punctum. Considera tertiam gaudij causam esse debere, quod sis ad Dei obsequium è mundo translatus. Pende multiplicem tuam in hoc statu felicitatem, & similes affectus prioribus, ex intimo animi sensu deprome.

Quartum Punctum. Considera quartam gaudij tui causam esse debere conscientiam bonæ quietem quæ Religiosus quiuis abundare deberet, quam vita feruens, & omnium regularum obseruatrix parit. Talis vita an in te sit vide, & annotatis præcipuis defectibus eos declinare stude.

FERIA TERTIA.

Dominica tertia post Pascha.

Primum Punctum. Considera circa probatam piscinam Hierosolymis iacentem multitudinem magnam languentium, expectantium aquæ morum, quæ sanarentur. Confer ardens desiderium eorum obtinendæ sanitatis, an in te sit æquale ad obtinendam meliorem sanitatem à morbis quatuor animi, & confundere si eam ardēter nō expetis, & excitate in te stude.

Secundum Punctum. Considera quadruplex ægrotorum genus ab Evangelista exprimi, circa hanc piscinam iacentium, scilicet languentium, cæcorum, claudorum, aridorum, ad quæ omnes morbi spiritualium personarum reuocari possunt. Languenti, qui opera sua languide sue frigide sine spiritus feruore expediunt. Cæci sunt qui ita viuunt, ac si factis ostenderent se non videre, quod melius sit offendere homines, quàm Deum, quod magis querenda sunt merita gloriæ æternæ, quàm commoditates temporales: quod diligentius querendus sit profectus in virtutibus, & Dei gratia, quàm profectus in litteris. Claudii sunt, qui & Deo seruire se dicunt, & tamen inclinant in mundanas res affectum suum, querentes in Religione commoditates, fumos, honores, & alia quæ sæculi sunt propria, & quæ cum sæculo relinquere debuissent. Aridi sunt, qui vitam gratiæ per ardorem affectus ad peccatum mortale aliquid amiserunt. Talis an sis examina te, & ne talis sis, da operam.

Tertium Punctum. Considera pharmacum quo Deus sanabat illos piscinæ accubentes, scilicet motu aquæ. Aqua sola non sanabat pot se, nisi diuinitus mota. Hic admirare Dei potentiam, qui per rem facilem, qualis est aqua talia efficiebat miracula, & amorem simul, quia sine magnis difficultatibus id præstabat, solo simplici aquæ motu, hoc ipsum præstabit & alijs per Sacramenta, in materijs facile

parabilibus instituta, ideo extolle, eius benefici-
centiam gratumque te ostende Sacramento-
rum effectus querendo, piè, diligenter, cum
fructuque permanendi, & crescenti ex eorum
susceptione accurata.

Quartum Punctum. Considera ministrum ho-
rum beneficiorum Dei scilicet Angelum Do-
mini, qui descendebat in piscinam, & mouebat
aquam. Ita Deus se solo in beneficium nostrum
sine ministris creaturis, aliis non vult omnia
sua dona conferre, vt ita creaturas suas hono-
ret, quartum ministerio vitur, dans eis vim no-
bis bene facendi, & vt amorem quendam in-
ter eas conciliet, præsertim erga SS. Angelos,
quibus potissimum inuisibiliter vitur, ad ne-
gotium nostræ salutis promouendum, Gratias
age benefactori tuo pro tam nobilibus admini-
stris, gratias age & illis, qui non dedignantur
te vilem homuncionem iuuare: vide quomodo
te erga eos geras, quam illis obedias, & si quid
sit corrigendum, corrige.

FERIA QUARTA.

Dominica tertia post Pascha.

Primum Punctum. Considera tempus quo de-
scendebat Angelus, ad mouendam aquam
probaticæ piscinæ, quod erat incertum, nulli
hominum notum, nimirum quando Deus iudicabat
mittendam Angelum, ad sanandum
aliquem, ne si certo tempore semper aqua sa-
naret, non Deo sed aquæ vis illa tribueretur.
Idem facit nobiscum Deus in beneficiis gra-
tiæ, dat quando vult, non quando volumus vel
petimus: ideo precibus bonæque vita stectamus
cor Dei, vt det sæpè dona sua, saltem dum ege-
mus magis eius auxiliis. Quod an procures vide,
& procurare post hac, ac te ad diuina benefi-
cia disponere stude.

Secundum Punctum. Considera causas, ob
quas Angelus aquam mouens vocetur *Angelus
Domini*, & singulas ad te applicando decerpe
aliquem fructum spiritualem.

Tertium Punctum. Considera humilitatem
Angeli, vt loquamur more nostro, qui cum
omnem humanam naturam quoad naturales
facultates superet etiam Christi humanitatem,
iussu tamen Dei, non dedignabatur mouere
vile elementum aquæ, à tot sordidis & vlcerosi-
sis ægris contingi solita. Discè hinc amare &
obire officia & loca vilia pro Domino tuo,
quando ita Deus per suos Vicarios à te exigit,
& causas impellentes ad ea pondera, & vide
quomodo te gesseris hætenus, & in posterum
gerere debeas.

Quartum Punctum. Considera causam, cur
ille tantum sanabatur ab infirmitate, qui prior
descendisset in piscinam post motionem aque.
Ita docuit nos Deus multum valere nostram

diligentiam, in percipiendis iis donis quæ no-
bis sine nostro merito gratis à Deo dantur.
Hanc diligentiam an adhibeas perpende, si
non adhibes, accusa te veniam pete, & adhi-
bere deinceps stude.

FERIA QUINTA.

Dominica tertia post Pascha.

Primum Punctum. Considera præstantiam pis-
cinæ probaticæ, cuius aqua mota per An-
gelum, primus eam post illam motionem con-
tingens; sanus fiebat à quavis infirmitate. O
quanti nunc fieret talis piscina, si alicubi exta-
ret, sed meliorem tibi Christus effudit piscinam,
nec vnâ, tot nimirum Sacramenta, quibus
omnes morbi tui sanentur, quodcumque vo-
lueris, et si non primus ad ea accedas, sed vlti-
mus. Pondera Dei liberalitatem in Sacramen-
torum fluentis copiosissimè se effundentem,
admirare Dei bonitatem, extolle, quomodo ea
fruaris, quo fructu, examina te, & corrigenda
corrige.

Secundum Punctum. Considera diuturnitatem
morbi, quo tenebatur paralyticus piscinæ ac-
cubans, per annos triginta octo, à quo morbo
se liberasset, si id fuisset in eius potestate. Tu
diuturnos morbos tuos spirituales recogita cū
amaritudine animæ, à quibus si velles liber
esse posses, quia à tua voluntate pendent, quæ
nisi velit non peccat. Erubescè, & te emen-
da.

Tertium Punctum. Considera Christi viscera
pietatis plena, qui visio paralytico, & intellectâ
morbi diuturnitate, non rogatus vltro offert
se ad eum sanandum, vnde dixit ei *vis sanus fieri*:
Gratias age clementissimo medico pro tanta
charitate, eandem implora, vt tibi petenti
subueniat, quæ non petenti succurrit, & vide
an sit in te similis affectus charitatis, ad succur-
rendum iis quibus opera tua prodesse possis, &
quod tibi fieri velles, aliis facere stude.

Quartum Punctum. Considera causam, cur
Christus noluerit sanare infirmum, nisi prius
interrogasset, *vis sanus fieri* sciebat id eum vel-
le, & tamen vult audire actum elicitum huius
voluntatis. Ita Deus exigit à nobis, & con-
sensum, & ardens desiderium donorum
suorum, tanquam initium misericordiarum
Dei. Assuesce igitur habere cor desiderii
ardens, & præpara animam tuam ad dona
Dei.

FERIA

FERIA. SEXTA.

Dominica tertia post Pascha.

Primum Punctum. Considera pericula & dāna quibus abundat is qui sibi fidens, aliorum monita non curat adumbratus in illo infirmo qui piscinā accumbens dicebat: *Domine hominē non habeo, vt cum turbata fuerit aqua, mittat me in piscinam.* Talis an sis examina te, & ea quæ ex iudicio proprio facis vel omittis contra monita maiorum emendare stude.

Secundum Punctum. Considera à multis secularibus superari tepidos Religiosos, deuotionē, carnis macerationē, modestiā, obedientiā, reuerentiā erga maiores, patientiā in aduersis, & aliis rebus, vt merito quiuis tepidus possit usurpare illa verba infirmi, ad aquam motam ab Angelo descendere non valentis. *Domine venio ego, alius ante me descendit.* Quod quā turpe sit, quā Dei beneficiis quæ Religioni confert non correspondens, pondera, & ne talis sis caue.

Tertium Punctum. Considera mysticū modū sanitatis spiritualis recuperandæ, verbis Christi illis expressum: *surge, tolle grabatum tuum, & ambula.* Opus enim est primò discedere à loco, seu re, in qua infirmus iacuit, scilicet à defectu eum relinquendo; secundò opus est portare pondus grabati sui, id est onera Religionis & vitæ spiritualis, & aduersa tolerare vt pœnas peccatorum nostrorum, tertio progredi ad altiora, quod est ambulare, quæ quia non facis, idē non proficis, vt ergo proficias ita facias.

Quartum Punctum. Considera causas, ob quas citius infirmi & lapsus sanantur à morbis corporis, quā sanantur à morbis animæ, & causas indagatis proficere stude.

SABBATO.

Dominica tertia post Pascha.

Quem meruisti portare.

Primum Punctum. Considera primum modum quo Maria meruit portare Christum, quia scilicet & illa indigebat Christo, cuius gratia præseruata est ab omni peccato, & repleta bonis eius. Quò sensu ab Ecclesia in benedictione cerei dicitur, etsi non tam præstanti modo. *O felix culpa, qua talem ac tantum meruisti habere Redemptorem,* quod tibi magis congruit obnoxio peccatis quā plurimis, à quibus te liberari oportet. Gratias age liberatori tuo. Vide ne abutare tam frequenti eius liberatione, in tam frequenti reditu & relapsu ad condonanda peccata.

Secundum Punctum. Considera secundum modum quo Maria meruit portare Christum, quia nullam habuit oblatam peccatorum, quod solum maxime horret Deus, & quod Deum expellit ex anima si mortale sit. Gratulare Martiriz hanc puritatem, tuam inmunditiam desle, & cogita quomodo possis te quā maxime reddere purum Dei oculis, vt eius donorum capax esse possis.

Tertium Punctum. Considera tertium modum quo Maria meruit portare Christum, quia vt loquuntur Theologi de congruo merito concipere humanitatem Christi, prædestinatam ad vniōnem cum Verbo; quomodo & Abraham meruit, vt Messias ex eius stirpe nasceretur, & Daniel, vt acceleraretur aduentus Christi in carne. Hic cogita quā fuerint ardentia desideria Christi incarnationis in Maria, quā igneæ preces id postulantes; & tamen Mariæ non erat tam necessaria Christi incarnatio in eius utero, sicut tibi est necessaria salus & perfectio tua. Cur ergo adeo segniter & frigide eam expetis & quaris? Confundere, & amore illius citò assequenda exardescere.

Quartum Punctum. Considera quartum modum quo Maria meruit portare Christum, quia positivè habuit magnis Dei donis ornatum corpus purissimum & animam suam, quæ dona inuitant Deum ad manendum cum gustu in animabus. Hic oculis mentis intueere animam & corpus Deiparæ ornatum. Gusta suauitatem horum ornamentorum, odora ea suauiter, audi dulcem concentum contentientis animæ cum corpore, & Deo suauiter per sanctissimas actiones canentis. Accendere ad imitationem. Confundere ob disparitatem vitæ tuæ, & roga Deum, & vt precibus eius Mariæ, merearis semper portare eum in anima tua iuēndè permanentem.

DOMINICA QUARTA.

POST PASCHA.

Primum Punctum. Considera scopum, qui debet esse in omnibus nostris operibus, illis Christi verbis adumbratum *vado ad eum qui misit me.* vt scilicet talia sint per quæ verè eamus ad Deum, appropinquando ei per augmentum meritum, & incrementum spiritualis profectus. An hoc modo vadas ad Deum examinate, & causas cur non vadis, & progredi stude, tuamque tarditatem in tam lēto progressu, vel celeritatem in regressu deplora.

Secundum Punctum. Considera affectum, quo Christus anhelabat ad Patrem suum, ex altera parte quomodo tu desideres ei appropinquare, ad eumque regnantem peruenire, perpende & confundere, quod res viles, tibi notias, Deo exofas, & petas ardentius, quā Dei tui

conspicuum & regnum, & te emenda.
Tertium Punctum. Considera animum Discipulorum Christi, à curiosis quæstionibus alienum, qui audito Christo loquente de suo discessu, ipso teste non interrogarunt eum *quo vadisseti* quæstio non esset inutilis. Confer curiositates tuas, multiplices, eorum pericula perpende, & ab eis caue.

Quartum Punctum. Considera quo affectu deberes ire ad Sanctissimam Eucharistiam accipiendam, ob hos respectus; tanquam reus ad Iudicem placandum, tanquam pauper ad dititem, tanquam æger ad medicum, tanquam afflicti ad consolatorem, tanquam debilis ad adiutorem, tanquam cliens ad benefactorem, tanquam seruus ad Dominum, tanquam amicus ad amicum, tanquam filius ad Patrem. Et deplorato tuo exiguo affectu eum excitare stude.

FERIA SECUNDA

*Dominica quarta post Pascha.**De Paralytico.*

Primum Punctum. Considera cæcitatem nostram, qui quandoque in rebus non malis scrupulis angimur, in malis & vitandis angimur, uti Iudæi, qui sanato à Christo dicebant: *non licet tibi tollere grabatū tuum sabbato*, & quod Iesum innocentem persequerentur, ob infirmum curatum Sabbato, non vertebant sibi vitio. Hos imiteris nec ne, inquire, & corrigenda corrige.

Secundum Punctum. Considera fortitudinem sanati hominis à Christo, qui scrupulos iniectos à Iudæis contemnens, Christo magis paruit, ac dixit: *qui me sanum fecit, ille mihi dixit: Tolle grabatū tuum & ambula*. Sic respondendum est, si nō verbis saltem factis, dum quis à rectè factis auocat consilio suo, vel exemplo. Hoc an facias vide, & talis esse stude.

Tertium Punctum. Considera obedientiam sanati à Christo, qui interrogatus à Iudæis à quo sanatus esset, nesciebat quis esset, & tamen eius dictis obediuit, ad eius iussionem assurrexit, & fidem habuit obtinendæ sanitatis. O quanta erit tua confusio, qui Christi excellentiam & conditionem bene nosti, & tamen eius monitis non pares. Hoc perpende, & quid te facere deceat, delibera.

Quartum Punctum. Considera Christi humilitatem, qui sanato ad probaticam piscinam infirmo, declinavit à turba constituta in loco. Hanc enim ob causam agnosci non potuit à sanato homine. Disce hinc applausus humanos fugere, non quærere loca, & occupationes in quibus numerosas laudes veneris, non detrectare loca & occupationes, hominum

Lancicij Opus. Tom. 2.

conculsi carentes, & practicè delibera, quid te deceat facere, hac in parte si velis verus esse imitator Christi, & re ipsa ostendere te mundum non sola mutatione loci, sed etiam affectus reliquisse.

FERIA TERTIA

Dominica quarta post Pascha.

Primum Punctum. Considera gratitudinem hominis à Christo sanati, qui deportato grabato in domum suam ad templum se contulit, gratias procul dubio acturus Deo pro recuperata sanitate. Huius exempla discere sapius in die sacra a des adire, vel si id occupationes non permittunt, saltem exemplo Danielis Prophetæ, conuersa versus templum facie, ardentibus ad Deum preces transmittere.

Secundum Punctum. Considera modum quo te gerere debeas in templo, scilicet achi Christum præsentem tibi cerneret, quia verè & ut Deus, & ut homo suo modo præsens est, reque aspicit. Examina verò tuos externos & internos actus, examina nutus, risum, leuitates, irreuerentiam, & quàm sint hæc res indignæ etiam Ethnicò homine, exemplis eorum & aliorum secularium, qui stant ante faciem Dominorum, & deploratis tuis hæc in parte defectibus, eos fuge.

Tertium Punctum. Considera cauendum esse relapsum ad remissa peccata, & dici tibi à Christo pura ea quæ dixit à se sanato: *Ece sanus factus es, iam noli peccare ne deterius tibi aliquid contingat*. Quod ut efficaciter vites, delibera, quomodo vitanda sint ea, quæ ad reditum ad præterita mala viam parant.

Quartum Punctum. Considera malitiam Iudæorum, qui persequi cœperunt Iesum, quod sanasset Sabbato. Hos imitantur qui iniquo ferunt animo, qui irrident, qui fugiunt, qui carpunt eos quos videt aliquid facere ad sui mortificationem, ad contemptum honoris, ad regularis vitæ disciplinam arctam & pietatem spectans, perhitiosum genus hominum, & Dei famulatu indignum. Horum è numero ne sis, caue. Quod si fortè sensim aliquam speciem talium in te agnoscis, quamprimum excutere stude.

FERIA QUARTA

Dominica quarta post Pascha.

Primum Punctum. Considera responsum Christi datum persequentibus se Iudæis ob redditam sanitatem Sabbato. *Pater meus vsque modo operatur, & ego operor*. Non increpat iniustos persecutores, non taxat eorum mores, non minatur, non punit, uti pro meritis eorum posset. Tu an ita te geras, dum aliquid etiam iuste pateris, vide, & Christo te conformare stude.

Sss

Secur-

Secundum Punctum. Considera quid, & quomodo in omnibus creaturis suis, maxime rationalibus, maxime in te operetur Pater celestis, & Filius eius Dominus tuus percurrendo opera naturæ, & gratiæ, quomodo præsto adsit, quomodo ad omnem voluntatem & nutum tuum concurrat cum omnibus membris, sensibus, potentisque tuis, ad omnes earum actiones. Admirare eius benignitatem, collauda, inuoca ut semper adsit, & da operam ut omnes actiones tuæ a deo sint sanctæ, ut non erubescat Deus, more nostro loquendo, ad eas suum adiungere concursus & præsentiam.

Tertium Punctum. Considera incrementum malitiæ Iudeorum, qui arrepto hoc Christi responso, magis queiebant eum interficere. Comparere Christo Domino talia tui causa passo. Aduoca in medium omnes tuas afflictiones, & inuenies minores esse hac persecutione Christi. Si ergo Dux & Dominus tuus, hilari animo grauiora tolerat cum sit innocens, tibi multorum criminum conscio pœnæ eorum cur a deo sunt graues?

Quartum Punctum. Considera nouam causam maioris persecutionis Christi, quod scilicet Patrem suum diceret Deum, & aequalem se Deo faceret. Ita quod debebat esse causa amandi Christi, à malignis vertitur in causam odij. O quoties ob benefacta & dicta aliorum nos insurgimus, quoties medicinam in virus conuertimus. Examina te & emenda, & exulta ex alia parte quod Christus Dominus, qui est Redemptor tuus, & cibus tuus, & Magister tuus sit Patri æqualis, ideoque bona omnia gratiæ & gloriæ per se tibi conferre potest, si id merebere.

FERIA QUINTA.

Dominica quarta post Pascha.

Ioan. 16.

Primum Punctum. Considera felicitatem discipulorum Christi, quibus ipse dixit: *Non dico vobis, quia ego rogabo Patrem de vobis; ipse enim Pater amat vos.* Confer amores Domini erga seruum, Patris erga filium, Regis erga aulicum, & alios. Non sunt æquales huic amori Dei, & tamen homines tantopere cupiunt his amoribus amari, non æquè amari à Deo. Tu talisne sis vide, & quid tibi sit faciendum cogita.

Secundum Punctum. Considera causam ob quam ita discipuli amabantur à Patre, ut opus non haberent precibus Christi, quia inquit *vos me amatis.* Cogita quomodo amarint Christum, & ad similem amorem eius imo maiorem te excita.

Tertium Punctum. Considera quid Christus tui causâ fecerit, & sit passus postquam in eo impletum est eius dictum *exiui à Patre, & veni in mundum.* Tu excundo è sæculo ad Dei famu-

latum, tantum ne facis & pateris Dei causâ, quantum ille tui causâ à Patre exeundo in mundum. Responde Deo id querenti, & confundere, placa cum, & te emenda.

Quartum Punctum. Considera propriam occupationem, quæ continua boni Religiosi esse debet, illis verbis expressam. *Relinquo mundum & vado ad Patrem.* In omnibus enim operibus nostris, hoc elucere debet quod mundum in illis non queramus, non mundano more ea peragamus, sed purè per ea ad Deum tendamus. Examina ergo opera tua, saltem præcipua, & an talia sint vide si non sunt talia facere stude.

FERIA SEXTA.

Dominica quarta post Pascha.

Primum Punctum. Considera quid sit mundum relinquere, ad quod omnes tenentur, scilicet relinquere ea quæ mundani querunt, honores, voluptates, diuitias, & his contraria querere. Deinde relinque modum imperfectum quo mundani opera ad cultum Dei & proximorum bonum spectantia peragunt. Tertio Relinquere finem, quem mundani habent præfixum operibus suis terrenum, caducum, non cælestem. An ita reliqueris mundum vide, & si quid desit, habere stude.

Secundum Punctum. Considera primum motuum mundi relinquendi peccata ad quæ te perduxit, dum in mundo viueres, quæ sunt maiora damna omnibus aliis damnis, ob quæ scilicet sceleris suppliciiis afficiuntur, ideo fuge inordinatum affectum ad res mundanas, quæ te toties illaquearunt: fuge nimiam & incautam conuersionem.

Tertium Punctum. Considera secundum motuum mundi relinquendi, cælestis mundi bona quæ Deus præparauit & offert, imo dat etiam in hac vita iis, qui pro eius amore sic vtuntur hoc mundo quasi non vtentur, in victu, vestitu, laboribus, ærumnis, prosperis & aduersis. Pondera & recense bona ista, quibus plenè sunt historiæ Sanctorum, & ponderata eorum præstantiâ, sed potissimum Dei voluntate & gustu, quem ex tali vita percipit, excita te ad mundum, non querendum sed odio habendum.

Quartum Punctum. Considera tertium motuum mundi relinquendi exemplum Christi, & omnium eius seruorum, qui non aliter colunt querunt. Discurre hic per modum viuendi Christi & seruorum eius mundo contrarium, & his idcirco te conforma.

SABBATO.

*Dominica quarta post Pascha.**De modis quibus B. V. Christum portauit.*

Primum Punctum. Considera primum modum quo Virgo Sanctissima Christum portauit, tanquam Mater Filium in utero; ex suo purissimo sanguine genitum secundum carnem. Hoc modo nulla creatura eum portauit. Gratulate ei, eam verò in hoc imitari stude, dando Christo sudores & labores tuos copiosos in religione, & assiduos, dando sanguinem tuum, priuando te Christi causa quantum per Superiores licet, aliquibus particulis cibi & potus, quæ alioquin conuenterentur in tuum sanguinem per nutritionem nisi te is priuaret.

Secundum Punctum. Considera secundum modum quo Virgo Sanctissima Christum portauit, tanquam Deum per gratiam in sua anima habitantem. Hoc quoque modo nulla pura creatura Christum portauit, quia nulla habuit tam multam gratiam. Gratulare Virgini, eamque imitari stude in accumulandis gratiarum donis, perpetuo opera meritoria elicendo. Quod an & quomodo facias vide, & stude proficere.

Tertium Punctum. Considera tertium modum quo Virgo sanctissima Christum portauit, tanquam cibum suum, sumendo quod sanctissimam Eucharistiam. Tam perfecte nullus Sanctus Christi Eucharistiam sumpsit. Tu vide quomodo eum sumas. Desse si quæ desenda habes hac in parte, & da operam, vt quam simillimus sis Matri sanctissimæ in sumenda Eucharistiâ summo ardore charitatis, & intensissimæ deuotionis, ac profundissimæ reuerentiæ.

Quartum Punctum. Considera quartum modum quo Virgo sanctissima Christum portauit, se variis crucis oneribus onerantem, plus enim passa est in anima dolorum ob Christi filij mortem, & ob nostra peccata cogitata quam sint passi Martyres, teste S. Anselmo libr. de excellentia Virginis capite 5. Tu quomodo Christum portes, vel potius quomodo non portes, sed eum excutias, dum te cruce suâ onerare vult, vide, & portare assuesce, motiuus ad hoc desiderium concipiendum adiunctis.

DOMINICA QUINTA.

Post Pascha.

Primum Punctum. Considera felicitatem tuam ex hac Christi promissione ortam: *Amen Lancicij Opusc. Tom. 2.*

dico vobis; si quid petieritis Patrem in nomine meo dabit vobis. Quam necessaria sit ista gratia mendico, infirmo, afflicto, multorum criminum conscio, vide & exulta, gratias age, & practicè delibera, an Deus sit dignus vt ei des illa omnia quæ à te petit, pro hac eius promissione, tibi omnia promittentis; quæ rite petes.

Secundum Punctum. Considera quid à te petit Deus in scriptura, in Regulis, per Superiores, per Confessarios, per libros spirituales, per bonos socios, per conscientiam propriam. Cur ergo non das Deo quæ petit? Erubescet & te emenda.

Tertium Punctum. Considera quam male hactenus te gessisti in oratione. *Vt què modo non petisti quidpiam in nomine meo.* Non tam quod materiam petitionum tuarum quæ forte bona semper fuit, sed quoad situm, modum, & alia. Et agnosce quàm sit hoc indecens, & iniurium, spectata infinita Dei maiestate, quæ præsens est, & videt te sic orantem, quomodo non auderes petere panem à rustico, si eo extremè egeres.

Quartum Punctum. Considera, quàm aptum sit medium SS. Eucharistia ad concedenda tibi omnia quæ petis, & à Christo in ea dici puta tibi. *Petite & accipietis vt gaudium vestrum sit plenum.* Hæc perpende & assuesce, vt tam efficaci medio ad bona omnia recte utaris.

FERIA SECUNDA.

Dominica quinta post Paschas

Primum Punctum. Considera & tibi applica *Ioan. 16.* illa Christi verba: *Multa habeo vobis dicere scilicet consulendo conscientiam tuam, quid à te Christus exigit, quid in te videre, & non videre cupiat, & Christi internis monitis efficaciter acquiesce, refecando mala, inferendo bona quæ expetit à te.*

Secundum Punctum. Considera tuam culpabilem debilitatem ad portanda ea, quæ antea portabas. *Non potestis portare modo.* Quam frequentius, quam grauiora olim, & magis innocens ferebas, quæ modo non vis pro Christo ferre? cum tamen modo maiora eius beneficia, maiora auxilia, maius lumen, maiora remissa peccata, saltem plura numero, exigant à te maius robur. Vide ergo, quæ causa sit huius voluntariæ debilitatis, & saltem ad pristinum robur redi si non vis ad maius.

Tertium Punctum. Considera causas ob quæ Spiritus S. à Christo promissus vocetur *Spiritus veritatis*, causas inuenies si perpendas originem huius Spiritus à quo procedit, finem ad quem tendit modum quo illabitur in animas.

effectus quos relinquit: & confer cum his omnibus tuum creatum spiritum, an mereatur dici proportionem quadam verus spiritus non carnis, sed *Spiritus veritatis*.

Quartum Punctum. Considera modum quo Spiritus S. docet veritatem Ecclesie necessariam, non enim immediate docet per seipsum omnes, sed per scripturam per superiores, eoque varios per exempla bona, per premia & supplicia, per beneficia varia alia, per internos remorsus, & vide quomodo has doctrinas corde, & animo excipias, & verum discipulum eius te ostendas.

FERIA TERTIA.

Dominica quinta post Pascha.

Ioan. 10.

Primum Punctum. Considera primum quod facturum Spiritus S. Christus prædixit: *Arguet mundum de peccato*, quæ scilicet amplam habeat Spiritus S. arguendi materiam de peccato, in omni hominum statu, & in te ipso. Et ideo varios affectus humiliationis, doloris, petitionis, promissæ emendationis, elicies.

Secundum Punctum. Considera causam tot peccatorum, quia non crediderunt in me. Nam in Hæreticis, Ethnicis, & Iudæis, infidelitas est fundamentum peccatorum: in malis Catholicis defectus viæ fidei, cum factis ostendunt Christum non esse inspectorem iudicemque peccatorum, & summo odio ea prosequentem, & pro iis abolendis passum. In te an sit tam viua fides, uti esse deberet perpende, & ut sit da operam.

Tertium Punctum. Considera secundum Spiritus S. officium: *Arguet mundum de iustitia*, quia nimirum exigua est, & quia opera quæ videntur iusta multis, sunt peccata, & sordida sordibus. Discurre per præcipua opera tua, & si quid emendandum sit emenda.

Quartum Punctum. Considera tertiam Spiritus S. officium. *Arguet mundum de iudicio*, quod scilicet ut explanat S. Bernardus serm. 21. paruo vsurpat, dum tam de se quam de aliis temere iudicat. Hoc an tibi quoque applicari possit vide, & corrigenda corrige.

IN VIGILIA ASCENSIONIS CHRISTI.

Ioan. 16.

Primum Punctum. Considera causas ob quas discipulorum cor tristitia implevit, postquæ audiuerunt Christum dicentem *vado ad eum qui misit me, & nemo ex vobis interrogat me quo vadis?* & singulas causas dirige & applica ad profectum tuum.

Secundum Punctum. Considera causas ob quas utilis erat discipulis Christi è mundo discessus, ideo dixit eis. *Expedi vobis ut ego vadam.* Has causas indagabis facilius, si ponderaue-

ris, & ad rem præsentem applicaueris, utilitates quas adferre solet discessus patris à filio, mercatoris à familia, Regis à regno, Ducis exercitus ab vxore, amici ab amico, vel è contra reditus eorundem ad suam patriam & habitationem.

Tertium Punctum. Considera præcipuum Ascensionis Christi fructum: *si*, inquit *non abierit Paracletus non veniet ad vos, si autem abierit mittam eum ad vos.* Et ponderatâ præstantiâ huius Paracleti, & bonis quæ potest & solet adferre, excita desiderium recipiendi eum, & cogita de modo recipiendi, & ad id te præpara.

Quartum Punctum. Considera quid Christo ascendentis die crastino, tum in necessitatibus tuis, tum in alienis commendatorus, quæ puncta legationis ei daturus. Et memoriz impressa offer & commenda Angelo custodi, ut ea interim Patri æterno representet, & quod desideras, citò & bene impetret.

In die Ascensionis D. N. Iesu Christi.

Primum Punctum. Considera quomodo Christus disposuerit discipulos suos quoad locum ante suam Ascensionem. Nam iussit eos certo in loco manere Hierosolymis ad aduentum Spiritus S. quo factò docuit nos, quantum disponat homines ad dona caelestia loci solitudo, & fuga non necessitarum distractionum. Quod & in Moyse fecerit ante legem acceptam, & postea sæpius, & in aliis Sanctis veteris nouique testamenti recogitans, discite quid tibi sit faciendum.

Secundum Punctum. Considera reprehensionem discipulorum factam à Christo ante Ascensionem. Nam *exprobravit incredulitatem eorum, & duritiam cordis.* Hinc duo discite, Primò, non debere veram lætitiâ animi minui per eas quas natura respuit reprehensiones. Secundò, applica tibi easdem ob causas, etsi in materia dissimili Christi exprobrationes, & temenda.

Tertium Punctum. Considera commissum à Christo Discipulis officium prædicandi. *Euertes in mundum vniuersum, prædicare Evangelium omni creature. Qui crediderit & baptizatus fuerit, saluus erit, qui verò non crediderit condemnabitur.* Gratias age Deo hic pro duplici beneficio. Primò, quia eorum es è numero, qui sunt baptizati & crediderunt. Secundò, quia vocatus es ad Apostolorum vocationem eadem aliis præstandi, & pete ut te aptum, sibi que carum instrumentum ad hæc præstanda efficiat.

Quartum Punctum. Considera modum quo Christus ascendit, & quo in cælo est receptus à Patre æterno. *Nubes suscepit eum ab oculis discipulorum:* Angeli procul dubio deduxerunt ab eum, ille verò antequam ascenderet elevatis manibus benedixit.

benedixit eis. Omnia hæc pondera, & excita affectus lætitiæ, ob Christi gloriæ complementum, ob spem eius auxiliorum è cælis, & pete vt semper sis viuum eius membrum perpetuo crescens in sanctitate, vt suo tempore ibidem sis vbi est caput tuum, & quidem propè caput tuum.

FERIA SEXTA.

Ascendit Redemptor noster.

Primum Punctum. Considera à quibus rebus te Christus redemit, scilicet à peccati seruitute, & à potestate Diaboli, vtrumque quàm sit magnum beneficium (consideratâ duorum horum malorum magnitudine, & impotentia, ad ea viribus naturæ abolenda) perpende: ideo gratias age tuo Redemptori, & eum in cælis gloriosum roga, vt ab his duobus malis semper sis liber, & vt liber sis eius gratiæ id in te operanti cooperare, vitando omnia peccata, & resistendo tentationibus Diaboli, Deiq; inspirationibus obediendo.

Secundum Punctum. Considera pretium quod te Christus redemit, scilicet vitâ propriâ, carne suâ, animâ suâ, operibus suis infinito valoris. Admirare Christi liberalitatem & amorem. Gratias age, offer illi tua omnia, & ab eo in cælis sedente pete, vt det tibi gratiam, quâ possis te ei ita donare, sicut ipse in pretium redemptionis tuæ, se & sua omnia donauit. Dona ergo ei omnes labores tuos, fugiendo otium: dona commoditates fugiendo delicias in victu & vestitu, dona honores, fugiendo vanos fastus, & his similia.

Tertium Punctum. Considera modum quo te redemit, sanguinolentè, per mortem & passionem atrocissimam. Obstupesce excessum amoris in tuo Redemptore. Gratias age, desiderâ pati pro illo similia, & agnosce quàm nihil sit, quod pro illo pateris, & quàm iuste omnia mala possibilia pati deberes, atque ita tuas impatientias, rancores inde ortos, & alia mala exurpa.

Quartum Punctum. Considera finem redemptionis tuæ, non tantum in æterna saluatione tui situm, sed etiam in magna gloria, ad quam velle te Christus ascendere. Cur ergo non anhelas ad illius altitudinem in cælo: cur superaris à mundanis, qui ambitiosius, & ardentius conquirunt, diuitias, commodâ, honores, voluptates quàm tu regnum cælorum, & altos in eo gradus? Confundere, Christum quæ inuocâ vt te ad se quàm proximè attrahat.

Lancicy Opusc. Tom. 2.

SABBATO.

Ascendit Filius Virginis Mariæ.

Primum Punctum. Considera Christum, & humanitatem assumptam ex Virgine in cælo regnare tanquam fratrem nostrum. Quod ergo Iosephus minore charitate præditus, & potentia limitata fratribus suis olim inimicis exhibuit, tu à Christo maiora spera, & dic ei cum teneto affectu, quod olim dixerunt Fratres Iosepho: *Obsecro, vt obtuiscaris sceleris fratrum tuorum, & peccati atque malitiæ quam exercuerunt in te.*

Secundum Punctum. Considera magnam gloriam humani generis in cælo, ob altissimam gloriam Christi humanitatis, in supremo folio collocatâ. Gratulare Christi humanitati, eam adora summo affectu, & sanctis desideriis reple cor tuum, vt quàm proximè accedas ad locum & gloriam Christi humanitatis, idque ob Dei gustum & consolationem: quod an facias & quomodo procurare debeas delibera.

Tertium Punctum. Considera lætitiâ Matris Sanctissimæ, quam percipit ex gloria Christi Humanitatis, è suo purissimo sanguine conflata. Maior procul dubio lætitiâ eius fuit, quàm S. Iacobi Patriarchæ, Iosephum in regimine Ægypti florentem cernentis. Gratulare Deiparæ hanc consolationem, & per eam pete, vt Christi meritis ad cernendam eandem gloriam post hanc vitam, & quidem rectâ peruenias, & ad gradum Christo proximum.

Quartum Punctum. Considera potentia Deiparæ in cælis, & gratiam apud Filium. Quid enim ei petenti neget Filius regnans in cælis? plenus diuitiis, charitate, bonis, quæ dandæ non sit minus diues more Regum terræ. Cogita ergo & propone illi ea quibus egres, vt per eam assequaris misericordiam Domini tui.

DOMINICA SEXTA

Post Pascha.

Ascendit corpus suum in mundo relinquens.

Primum Punctum. Considera Christi amorem, qui ita cælis intulit suum corpus, vt tui causâ hic quoque illud reliquerit, pro auxilio, & solatio tuo. Vide ergo quomodo eo utaris in solatium, quomodo in auxilium tuum, & stude proficere.

Secundum Punctum. Considera mirabiliore modum, quo Christus hic reliquit pro tuo solatio suum corpus,

corpore, quam intulerit in cœlos. Ibi enim est diuisibiliter, quoad locum seu spatium quod occupat, hic totum corpus est cum omnibus membris suis in minima parte hostiæ consecrata, ita ut dum tangis vnâ partem illius corporis, tangas immediatè per species Sacramentalis, omnes & singulas eius partes. O quantâ hinc delicia in vulnerata corda diuino amore profluunt. Potes hic melius quàm Magdalena non solos pedes eius, sed simul & immediatè caput, oculos, pupillas, cor Christi & alia membra contingere, eisquè te purissimè oblectare, quod quomodo facias, vide, & seito frui hoc beneficio.

Tertium Punctum. Considera amplitudinem Christi charitatis, qui non vno in loco mundi suum corpus tibi reliquit, sed in tot templis; adora illud in omnibus, idque sæpè facito, saltem aliquoties in die, compatere Christo, qui tot in locis offenditur ab hominibus, indignè communicantibus, sine debita reuerentia orantibus, & aliis modis. Et vide ne & tu sis hac in parte socius talium.

Quartum Punctum. Considera quas cogitationes Christus in Eucharistia, quos item affectus habeat, præsertim dum est clausum templum, in cuius angulo te positum solum imaginare Christi cogitationes & affectus introsipientem piâ meditatione, & ex singulis decerpe aliquem fructum spiritualem, & pro tanto beneficio ei gratias ex intimo corde age.

FERIA SECUNDA.

Dominica sexta post Pascha.

Ascendit Iudex noster futurus.

Primum Punctum. Considera Christum ut Iudicem respectu bonorum, quos in cœlis, ad quos ascendit, præmio afficiet pro meritis vniuscuiusque. Da igitur operam, ut in te quàm plurima inueniat merita, quæ ampla præmia in cœlo mereatur. Hoc an procures vide, & quid sit tibi faciendum agnosce.

Secundum Punctum. Considera quàm facile sit mereri multa in cœlis præmia. Si enim iustus es, quolibet etiâ indifferenti opere, bono modo, & ob finem supernaturalem facto potes mereri aliquem gloriæ gradum. Examina hic quàm multa opera transeunt, in quibus nihil mereris, & quàm multa peragis, ob quæ potius temporales mereris pœnas. Hac ponderans, emenda te.

Tertium Punctum. Considera hunc Iudicem tuum, etiam nunc ferre iudicium de vita tua per conscientia internâ monita. Conscientia enim reprehendit in te mala quæ committis, vè Dei iustitiæ administra. Introspecte igitur conscientia tuâ iudicium, & vide quid in te ma-

ximè reprehendat, & id fugere stude.

Quartum Punctum. Considera locum, & præmia quæ tibi Iudex tuus preparauit, si us te dignum inuenierit. Est autem locus ille excellentior omni alio in hac vita, præmia verò sunt meliora omni re, quam possis habere in hac vita. Inquire ergo an tanto conatu, & desiderio, & studio sollicitus sis, de acquirendo hoc loco & præmio, sicut es sollicitus de commoditate loci, & habitationis vel alterius commodi temporalis, ad tuum vel honorem vel gustum pertinentis; & an eo conatu & labore aspires ad hunc locum: & hæc præmia, quo sæculi homines aspirant ad temporalia loca & præmia, sius in curiis Principum, siue alibi, & agito errore tuo, assuesce illa desiderare, & querere ardentius, quæ sunt longè præstantiora & nunquam interitura.

FERIA TERTIA.

Dominica sexta post Pascha.

Ascendit Dominus noster.

Primum Punctum. Considera felicitatem nostram ex eo, quod habeamus Christum Dominum nostrum modo communi cum aliis Christianis. Hoc agnosces considerando rationes, ob quas, sæculares solent Dominos suos estimare. Omnes enim inuenies, multo præstantiores in Christo. Gratias ergo et age, quod se voluerit esse Dominum tuum, & seruum suum, & vide ut factis ostendas, te verum & fidelem seruum eius.

Secundum Punctum. Considera peculiaritatem rationem, ob quam Christus est Dominus tuus, in quantum es membrum eius Ordinis, quia nimirum es seruus eius in hac spirituali militia, cuius ipse Dux esse dignatus est. Hinc agnosce officium tuum, seu quid te oporteat & facere & pati in hac sacra militia, ut te voluntati & exemplo tanti tui Ducis conformes.

Tertium Punctum. Considera an ita viuas in hac sacra militia, sicut decet huius Ducis seruus, & si quid inuenieris corrigendum, corrige.

Quartum Punctum. Consolationem quam debes habere ex eo, quod habeas talem Dominum, qui habet in manu omnes creaturas, & omnia bona, & qui potest te præseruare ab omnibus malis, & ditare omnibus bonis. Da igitur operam, ut quàm maximè sis ei gratus, ut eius beneficentiæ copiosè particeps esse possis.

FERIA

FERIA QVARTA.

*Dominica sexta post Pascha.**Ascendit Medicus noster.*

Primum Punctum. Considera morbos tuos qui indigent Christi medela. In omnibus sensibus & potentijs animæ; varios defectus, & habitus prauos, & propensionem ad malum omnibus habitibus antiquiorem. Unde constitue te coram medico cælesti, tanquam leprosum in lecto, plurimis morbis languentem & facturum, idèo profunde te humiliat & pete sanitatem.

Secundum Punctum. Considera modos quibus te sanat Medicus cælestis, scilicet auxilia gratiæ multiplicia, quibus excitat te ad fugam peccati, ad amorem virtutis, ad profectum in virtute, item Sacramenta, item alia extrinseca auxilia, quæ ab hominibus adferuntur per bona eorum exempla & monita. Ex altera parte vide quomodo proficias vsu horum mediorum, & si quid est negligentia, excute.

Tertium Punctum. Considera fontem ex quo deriuatur efficacia, in hos modos ad curandas tuas infirmitates, scilicet Christi medici merita, per sanguinis & vitæ effusionem contempera. Agnosce medicinæ præstantiam; & medici tui amorem. Gratias age, redama tui amantem, & quicquid charissimum tibi est, ei offer, quia nil æquale offeres meritis, & sanguini eius pro te effuso.

Quartum Punctum. Considera annos quos exegisti in applicandis remedijs pro tuorum malorum curatione. An fructus operæ respondeat, & efficiat horum remediorum. Idèo confundere, dole, veniam pete, & te emenda.

FERIA QVINTA.

*Dominica sexta post Pascha.**Ascendit Magister noster.*

Primum Punctum. Considera modos quibus nos docet Magister noster cælestis, prius exemplo, deinde verbis, idque semper, nullo dato vel minimè exemplo non bono. Et quoniam vocatus es ad hunc statum, vt pro conditione tua alios doceas, vide an talis sis, & quid tibi desit.

Secundum Punctum. Considera finem quem præterdit iste cælestis Magister in te docendo, scilicet, gloriam Dei, & tuum bonum in salute perfectioneque tua firum. Inquire quomodo coopereris tali Magisterio & quod corrigendum cognosces, corrige.

Tertium Punctum. Considera quid expressè

nos docuerit Christus: *Discite inquit à me quia mitis sum & humilis corde*, vbi causas inquit, ob quas duas tantum virtutes, mansuetudinem discendas expressè proposuit, & quomodo in ijs te geras perpende, & proficere stude.

Quartum Punctum. Considera quibus in locis Magister iste nos docuerit vbique; in præsepio incommoda varia; in templo aduentem deuotionem: in conuentu hominum sanctimoniam actionum: in via colloquia pia; ad mensam frugalitatem, in cruce patientiam: alibi, alia: Vide quomodo has doctrinas excipias, & opere ostendas, & cælesti Magistro te confoima.

FERIA SEXTA.

*Dominica sexta post Pascha.**Ascendit paraturus nobis locum.*

Primum Punctum. Considera æternum Dei locum, quo antè præuisa nostra vlla merita Deus certos homines elegit, ad dandum eis locum in cælis post hanc vitam per destinata efficacia medijs, quæ prædestinatio quoniam iuuatur orationibus, ardentèr pete vt sis è numero eorum.

Secundum Punctum. Considera loci in cælis à Christo parati excellentias & condiciones, meliores omni huius vitæ felicitate, & exardescè ingenti desiderio eò perueniendi, & causas indagat ob quas ad eò frigidè locum illum desideras.

Tertium Punctum. Considera necessitatem tuam cooperationis, ad perueniendum ad locum illum, quia nemo adulatorum est prædestinatus ad gloriam sine bonis operibus ad finem vitæ duraturis, seu sine finali perseverantia in gratia iustificante. Vide ergo quid tibi sit faciendum, vt in tali statu moriaris, & si quid est contrarium, amoue.

Quartum Punctum. Considera posse te si velis, esse in altissimo loco in cælis, quod per multa opera supernaturalia valdè frequentia, & valdè intensa, & per multas a dueritates patienter toleratas, potes assequi. Quomodo ergo hac in parte geras te, vide, & tuum te oportem exalta, exemplo secularium, qui fortè maiori studio quærunt primos accubitus, & loca magis honorata in mundo.

SABBATO.

*Dominica sexta post Pascha.**Ascendit daturus dona hominibus.*

Primum Punctum. Considera varia dona omnium generis quæ Dominus largitus est omnibus

nibus sæculis seruis suis dilectis, & ob Dei gloriam & confusionem Dæmonis ardenti desiderio desiderata, vt se tibi communicet Dominus tuus vberimè.

Secundum Punctum. Considera diuitias Christi, qui potest sine suo detrimento largiri tibi omnia dona, quæ largitus est omnibus aliis Sanctis. Agnosce felicitatem tuam, & vide, quid sit tibi necessarium, vt tibi reddas beneuolum, tam diuitem Mecænatem tuum, & illud habere stude.

Tertium Punctum. Considera medium efficacissimum esse, ad obtinenda Dei dona actus virtutum in occasionibus quas offert Dominus, & ardentes preces, & diurnas pro iis obtinendis. Tales an Deo offeras, vide, & si quid desit emenda.

Quartum Punctum. Considera secundum medium efficax & omnino necessarium, ad obtinenda Dei dona esse fugam peccatorum omnium diligentissimam. Hæc enim offendunt datorem donorum, & impediunt eius liberalitatem, ne se tam copiosè communicet. Quomodo ergo hac in parte te geras, perpende, & si ditari à Deo velis citò & abundanter, omnia quæ ei displicent, tanquam venena lethalia fuge.

DOMINICA PENTECOSTES.

Primum Punctum. Considera primam proprietatem Spiritus Sancti, qui in ignis specie supra Discipulos apparuit, quod scilicet in se sit purissimus, aut tolerans, & quia amorem conciliat similitudo morum, si amari vis à Spiritu Sancto, eiusque donis repleti, hanc eius puritatem quoad licet amulare. Quod an & quomodo facias, vide, & remouenda remoue.

Secundum Punctum. Considera secundam proprietatem, quod scilicet sit instar ignis lucidissimus, nullos in se fumos tolerans, omnes extra se pellens, nullas intra se ymbas & obcuritates habens, Hoc quomodo imitari debeas, perpende, & imitare.

Tertium Punctum. Considera tertiam proprietatem Spiritus S. quod scilicet à terra alienus sit, sursum feratur vt ignis, & secum sursum trahat alia, imò rapiat. Id ad te applica quomodo tibi conueniat & stude proficere.

Quartum Punctum. Considera quartam proprietatem Spiritus Sancti, quod scilicet instar ignis accendat, & calefaciat res adiacentes, & in se ipse sit ardore vehementi plenus. Tales sunt qui Spiritu Sancto pleni sunt, tales eo digni redduntur, tales vt simus præstat Sanctissima Eucharistia dignè suscepta, quæ sumptâ vt ait S. Chrysostom. Hom. 61. ad pop. deberemus tanquam leonès ignem spirantes ab illa mensa recedere facti Diabolo terribi-

les. Talis an sis cogita, & cur non sis, & talis esse stude.

FERIA SECUNDA.

Pentecostes.

Primum Punctum. Considera quintam proprietatem Spiritus S. per ignem significatam, quod scilicet instar ignis, exsiccat res humiditas, & in se nullam patitur humiditatem. Ita planè Diuinus Spiritus exsiccat, vt loquitur Ecclesia *humorem libidinis*, aridum reddens & infructiferum cor ad carnales illecebras. Tale an in te sit vide, & quid te vel facere, vel vitare oporteat à te ipso discere.

Secundum Punctum. Considera sextam proprietatem Spiritus S. Signe expressam quod scilicet induret multa mollia, tenera ac debilia, robustaque reddat contra res aduersas. Hic effectus Spiritus S. apparet in Martyribus & alijs, qui tentationibus & aduersitatibus sese opponere instar inconcussa rupis. Talis an sis, cur non sis vide, & impedimenta remoue.

Tertium Punctum. Considera septimam proprietatem Spiritus S. quod scilicet more ignis, res alias cœceteras dissoluat, & liquefaciat. Hoc facit in ijs cordibus, quæ ad lacrymas corporeas concitat, vel saltem ad spirituales deuotionem animi, qua cor tanquam rore quodam cœlesti irrigatum, dissoluit in pios erga Deum & res Diuinas affectus, & molleac tractabile redditur ad omnem Dei & maiorum suorum motionem & directionem. Hoc an in te efficiat Diuinus Spiritus, cur non efficiat vide, & causas si quæ sunt amoue.

Quartum Punctum. Considera octauam proprietatem Spiritus S. quia sicut ignis res crudas & inspidas maturat & sapidas reddit. Hoc apparet in iis quibus Christi crux omnis, omnisque afflictio, est in desiderio & amoribus, quales fuerunt omnes Sancti. Hoc quam necessarium sit, quam Spiritui Sancto gratum & familiare pondera, & vt talis sis, ab eo attingenter pete, & talis esse in occasionibus stude.

FERIA TERTIA.

Pentecostes.

Primum Punctum. Considera nonam proprietatem Spiritus Sancti, quia purgat multa impura, remouens à quibusdam metallis æruginem & scoriâ, ab alijs rebus impuras faeces, & his similia. Hoc eorum est proprium, qui alios meliores reddunt, bonis montis & exemplis, aliorum defectus abigendo, quod omnibus ad Religiosum statum vocatis cordi esse debet. Talis an sis considera, &, vide qualem te esse oporteat.

Serui-

Secundum Punctum. Considera decimam proprietatem Spiritus Sancti, quia instar ignis semper est in motu, nunquam in otio. *Nescit tarda molimina Spiritus Sancti gratia* inquit quidam sanctus. Hoc otiosi & male traducentes tempus non habent, talis an sis vide, & ne talis sis cura.

Tertium Punctum. Considera undecimam proprietatem Spiritus Sancti, qui tanquam ignis requirit materiam circa quam occupetur eaque deficiente, deficit & non qualemcunque sed aptam. Hic pondera, quæ sint illa, quæ detinent in anima Spiritum Sanctum, quæ item pellunt, & tibi applica pro motum tuorum instructione.

Quartum Punctum. Considera duodecimam proprietatem Spiritus Sancti, qui quemadmodum ignis minuit res quas adurit, minuit defectus, motus passionum, tentationum vehementiam, carnis concupiscentias, fomitis tyrannidem, sæcularia desideria, &c. quod maxime facit adiutus pabulo Sanctissimæ Eucharistiæ. Cur ergo eam toties fumens, hos Sancti Spiritus effectus non sentis? Indaga causas & amouere stude, & veniam à S. Spiritu, & Sanctissima Eucharistia humiliter & ardenter pete.

FERIA QUARTA.

Post Pentecosten.

Primum Punctum. Considera decimam tertiam proprietatem Spiritus Sancti, qui ut ignis est inter omnia elementa maxime efficax, maxime actiuus, vincit omnia. Agnouerunt hunc effectum tot infideles conuersi ad fidem, tot tepidi ad sanctitatem, tot summe obstinati ad deuotionem, tot impij & scelerati ad summam probitatem. Cur autem tu non sentis hanc Spiritus S. in te operantis efficaciam? Cur in te vel nihil vel vix aliquid euincit? Causas inquire, & te Spiritui S. morigerum præbe, & ob tarditatem, ac resistentiam tuam, veniam ab eo pete.

Secundum Punctum. Considera decimam quartam proprietatem Spiritus S. qui instar ignis magis ac magis augetur, quo magis ac magis materia illi offertur, circa quam se occupet. Ita Diuino Spiritu pleni homines, non deficiunt in bono & laboribus, si eis copiosior materia præbeatur laborandi, & aduersa tolerandi, sed crescunt & id lucro reponunt, si plus cæteris occupentur. Tu an sis talis examina te, & tuis defectibus deploratis eos emenda.

Tertium Punctum. Considera decimum quintam proprietatem Spiritus S. qui instar ignis ea in vilissimum cinerem & puluerem tandem redigit, circa quæ diutissime occupatur. Ita plane ex S. Spiritus operatione se vilissimos & tanquam puluerem ac cinerem reputant Dei

homines, & tanquam vilem puluerem se deprimi, & plane conculcari cupiunt. Tu è contra alta sapis, fumos honorum prentas, contemnentibus te indignaris, aduersantibus obstitis, & tamen Spiritum S. te quærere iactas. Hæc ergo detestare, & quod Spiritus S. solet facere, tu quoque ad similia te dispone.

Quartum Punctum. Considera decimam sextam proprietatem Spiritus Sancti qui quemadmodum ignis non potest abscondi vlla in re, citò se prodit vi & efficaciam suam, ita vir spiritualis solido Spiritu imbutus, non potest ab aduersitatibus occultari, non ab occasionibus imperfectionum, non ab occupationibus distractiis, non à turba hominum, non ab honoribus, non à fauoribus, emicat eius virtus ubique, coram Deo interius coram hominibus exterius, verbis & factis se prodit. Talis an sis vide. Quod si potius in te vitia pro virtute ubique se exerant, erubescere, veniam à Deo pete, & te emenda.

FERIA QUINTA.

Post Pentecosten.

Primum Punctum. Considera primam causam ob quam Spiritus Sanctus descendit de cælo specie venti vehementis quia nimirum instar venti propellit animum vt cito nauigando portum exoptatum gratiæ in hac vita, abundantis gloriæ in altera attingat. Tu examina quam velox sit processus tuus, ad hunc duplicem portum, si tardus, cur tardus, & varios hinc affectus pios decerpe.

Secundum Punctum. Considera secundam causam, ob quam Spiritus Sanctus vento & quidem vehementi est similis, quia sine locorum & rerum discrimine, æquè permeat & perflat sædas paludes, ac amænissimos hortos, æquè stabula ac palatia. Ita qui Dei Spiritu aguntur, non se alligant locis, personis muneribusque speciosis, sed loca, personas, officia vilia, non detrectant, ubique Deum quærunt & inveniunt nulla differentiâ gustus interni. Talis an sis vide, si non es erubescere, & talis esse stude.

Tertium Punctum. Considera tertiam causam ob quam Spiritus Sanctus tanquam ventus intonuit, quia sicut ventus rebus nimium altis obstitit, & eas deiecit & euertit, ita superbos & elatos deprimat, humilibus autem dat gratiam. Examina te, an altus in tua opinione & viuendi ratione sis. Id cognosces, si te verbis & factis humilem exhibes, maioribus & æqualibus tuis, si non inuides iis, qui ad altiora prouehuntur, si ob id non turbatis, & his similia.

Quartum Punctum. Considera quartam causam, ob quam Spiritus S. vento est similis, quia

vt ventus, nubes opacas dissipat, aliquando congregat, ita Spiritus S. vnctio, nunc vtiliter contristat animam, nunc cum opus est exhilarat, ideoque in vtroque statu, anima Spiritui Dei adliarere debet, nec in prosperis diffundendo se ad libertatem & dissolutionem, nec in aduersis animum dispendendo, & mutando, & mutando proposita in desolatione facta tempore consolationis. Talis an sit status animæ tuæ considera, & da operam vt sit talis.

FERIA SEXTA.

Post Pentecosten.

Primum Punctum. Considera primam causam, ob quam Spiritus S. specie linguæ apparuit, quia vt lingua manifestat cordis arcanam, ita Spiritus S. Ecclesiæ Dei, & piis mentibus aperit Diuinam voluntatem, docendo, inspirando, &c. Hoc Magistro edocita est Ecclesiæ, & edocetur Romanus Pontifex, & Præpositi Ecclesiæ, & singuli fideles, suis ac legitimis modis ordinariis, omnem necessariam veritatem. Gratias age tanto Doctore, pete vt te modis ordinariis doctrinæ communes & ordinarias doceat, & vide quomodo morigerum ei te discipulum præbeas, dum te docet quædam fugienda quædam sequenda.

Secundum Punctum. Considera secundam causam ob quam Spiritus S. in linguarum forma se videndum præbuit, quia vt lingua, non eodem modo in omnibus loquitur, in infantibus enim voces significantes conceptus internos non edit, secus in adultis, ita Diuinus Spiritus dispari modo sese communicat iis, qui sunt velut infantes in via Domini, & aliis, qui ob incrementa virtutum, sunt adulti. Tu quorum sis è numero perpende & maturus esse stude.

Tertium Punctum. Considera tertiam causam, ob quam Spiritus S. linguæ comparari potest, quia vt lingua, ad bonos sermones diuinitus est data, scilicet ad laudandum D. Deum, ad pia colloquia, & confessionem peccatorum & his similia, ita Spiritus Dei ad hæc impellit. Omnia ergo, quæ ei sunt contraria, non à Dei Spiritu, sed à malo proficiscuntur. Tu quomodo in his te habeas vide, & si quid est emendandum emenda.

Quartum Punctum. Considera quartam causam, ob quam Spiritus S. linguæ speciem assumpsit, quia voluit Apostolos docere, vt essent in omnibus, tanquam linguæ loquentes, gloriæque Dei propagantes, linguæ in sermone, linguæ in actionibus, linguæ in silentio, linguæ in quiete, linguæ in motu, ideo hoc Spiritu imbuti multo melius quam cæli, enarrabant gloriam Dei, multo præstantius quam luna, sol, aqua, terra, montes, bestia, aues, &c. benedicebant D. Deum, quibus omnibus Sacra Scriptura, in-

guas & sermones spiritus qualiter attribuit. In talis talis lingua in omnibus perpende, & da operam, vt sit talis, refecatis à te omnibus imperfectionibus.

S. A. B. B. A. T. O.

Post Pentecosten.

Bona cuncta posce.

Primum Punctum. Considera quàm apta sit Beatissima Virgo ad bona cuncta impetranda, tum quia valde fuit cara Domino Deo, tum quia preces eius sunt ardentissima, & finis earum præstantissimus. Gratulare ei hanc perfectionem, & hæc tria an habeas, vide & assequi stude, vt & tu tuo modo habeas gratiam impetrandi necessaria, & pro te & pro aliis.

Secundum Punctum. Considera bona quæ primæ classis, quibus egres, & ad quæ impetranda opus habes precibus Deiparæ, scilicet gloriam cælestem, ad quam allequendam potissimum precibus ardentibus opus est. Hic considera præstantiam, utilitatem, necessitatem gloriæ cælestis, omnium bonorum cumulata copia affluentem & quàm faciliè à multis perditur, & ardenti eius desiderio excitato, ardenti quoque affectu à Beatissima Virgine pete, vt hoc tibi bonum poscat & impètet.

Tertium Punctum. Considera bona secundæ classis, quæ vt assequaris, & acquisita non perdas sed augeas, opus est precibus B. Virginis, bona nimirum ad tuam iustificationem, & in ea perseverantiam spectantia, sine quibus nemo videbit D. Deum, ad hoc autem genus bonorum, spectant duplicia beneficia D. Dei, primus ea per quæ præseruetis vel liberetis à malis, dona gratiæ in anima vel interimentibus possessa, vel non committentibus nondum possessa, secundo ipsa gratiæ dona, quibus anima iustificatur, & crescit in gratia Dei, quæ est semen gloriæ, & ius ad gloriam. Considerata ergo necessitate & multiplici utilitate ac præstantia horum beneficiorum, & facilitate ea vel perdendi, vel culpa tua non assequendi, ardentem pete à B. Virgine, vt bona cuncta poscat.

Quartum Punctum. Considera bona tertie classis scilicet bona ad aliorum spirituale auxilium pertinentia, vt sunt conuersiones peccatorum & infidelium, & conuersorum ad vitam perfectiorem incitatio: præterea bona ad corporis iustam sustentationem, honestumque vitæ utendi modum spectantia, quæ etiam necessaria sunt ad quæ reducuntur ea quoque, quæ ad animi disciplinas liberales spectant, & pacificum vitæ modum, quorum necessitate præderata, illa quoque pete tibi impetrari à B. Virgine, in quantum conducunt ad maiorem Dei Opt. Max. gloriam sine vilo incommodo vel periculo.

periculo bonorum altioris Ordinis supra commemoratorum.

FERIA SECUNDA.

Dominica prima post Pentecosten.

DOMINICA SS. TRINITATIS.

Primum Punctum. Considera D. Dei miram unitatem in natura, cum Trinitate Personarum coniunctam. Illa, omnem diuisionem sui non patitur, hæc diuersitatem perfectissimarum trium Personarum fouet. Hoc quia naturæ captum superat, sancto silentio venerare, cognoscendum in cælis refertur, pro tuo tamen modulo imitare, ita conseruando carnem obedientem Spiritui, Diuinis doctrinâ informato, ac si esset vna res simplicissima, sine vlla discordia, ita viuendo cum alijs etsi multis, ac si esses vnus cordis & iudicij & voluntatis, circa res bonas, cum omnibus etiam quam plurimis. Talis an sis inquire, & rescatanda refeca.

Secundum Punctum. Considera mysterium numeri ternarij in Diuinitate, cur scilicet Diuina natura, nec vna Persona contenta sit, nec duabus tantum, nec pluribus quàm tribus, vt præter alias causas piè excogitatas discas, & solitudinem à communi conuictu abhorrentem fugere, & familiaritatem cum vna aliqua persona vitare, & multos habere conscios tuorum secretorum. Hæc pondera, tibi applica, & decerpe fructum spirituales.

Tertium Punctum. Considera D. Dei incorruptibilitatem, tum in natura sua, tum in actibus internis, eius intellectus & voluntatis. Nam nec ex natura sua, nec ab extrinseca causa, deficere potest quidquam, quod in D. Deo est. Huic perfectioni tuas imperfectiones oppone, quantopere deficias in omnibus, quantopere miteris in horas, immò in momenta, pondera, ideoque te humilia, D. Deum tamen quantum licet imitari stude, in acquirenda constantia in bene cæptis, ne vllis malis monitis, vel exemplis, vel occasiõibus, vel tentationibus, vel propria voluntate, deficias ab iis, quæ vel bene cæpti, vel te facturum promissisti, quod an facias vide, & facere stude.

Quartum Punctum. Considera D. Dei purissimam naturam, nullius rei admixtione variatam secretam ab omni terrenarum rerum coniunctione, nil in se nisi purè Diuinum fouentem. Ex altera parte confer tuam naturam, tot permixtam terrenis rebus, tam paucis spiritualibus imbutam, vt discas reuocare te ad spirituales puritatem, atque ad Diuinam quam proximè accedete, præsertim cum sis creatus ad imaginem & similitudinem eius, & debeas alteram imaginem secundi Adami cælestis, in tuis moribus & vita tota repræsentare.

Primum Punctum. Considera D. Dei immensitatem ob quàm omnibus rebus creatis præsens est intimè & immediatè, tota substantia, & natura sua Diuina, magis quàm vna creatura tangens alteram. Hinc duo decerpe Primò vt saltem ita te geras, quomodo te gereres in cogitationibus, verbis, factis, si præsentem cereres Sanctum aliquem, quem timeres, & certissima experimentalis scientia scites nosse eum omnia cordis arcana, & videro intima. Secundò vt ita circa res creatas omnes tuos actus internos & externos occupes, vt iis nihil obsit, sicut D. Deus etiam sædissimis rebus est præsens, ipse integer & immaculatus. Talis an sis vide, & talis esse conare, ob maiorem eius gloriam & consolationem.

Secundum Punctum. Considera D. Dei naturam diuitias, quæ nulla te creata vitur & eget pro commodo suo. Admirare hanc excellentiam, extolle, ad eam adorandam inuita SS. Angelos, & Beatas animas, & omnes creaturas. Hoc imitaberis, si ex rebus creatis & licitis, quàm paucissimis, quàm minimè, quàm rarissimè vtaris, vnaque in summa paupertate, & rerum omnium, vt Sancti veteres loquuntur, quàm maxima fieri potest, nuditate, propter gustum & consolationem Dominum. Quod an facias vide, & Domino Deo te confortare stude.

Tertium Punctum. Considera D. Dei æternitatem principio & fine carentem: cogita quàm felix est ille seruus, qui tam stabilem habet Dominum suum, bono omni plenum, præmiâ quoque ita stabilia, pro fidelibus seruis habentem parata. Exardesce eius dilectione, eamque ita firmam ac stabilem cum aliis virtutibus & bonis propositis habere stude, ne vlla occasione vel tentatione deficiant. Talis an sis cogita, & da operam vt sis talis.

Quartum Punctum. Considera D. Dei independentiam, à nulla creatura dependētis, quia nulla eget aut egere potest, sed se solo contentus est. Hoc quia tu non habes, qui & D. Deo eges, & creaturis, humiliate, & ex ea parte gaude, quod velis nolis, cogaris pendere à D. Deo multas ob causas, & hanc dependendi ab eo necessitatem; reputa magnam felicitatem tuam, & velis semper ab eo dependere, & gaude quod omnes creaturæ ab eo dependant. Ex altera parte assuesce pendere à solo D. Deo, non eo spiritu quo corda elata & seditiosa contemnunt, vel non curant alios, à quibus aliquam fouent animi abertionem, sed eo, qui est proprius D. Dei seruorum, qui delato aliis debito, amore & obseruantia, nulla quærunt propria commoda, nullos honores, sed potius contraria

contraria D. Deo solo contenti. Talis an sis examina te, & si quid sit emendandum emenda.

fimo & excellentissimo, quam simillima ipsi D. Deo.

FERIA TERTIA.

Dominica prima post Pentecosten.

Primum Punctum. Considera Diuinæ naturæ potentiam infinitam, qua potest omnia creare ex nihilo, destruere fortissima quæque, producere perfectiora ac perfectiora in infinitum, idque sine vllis instrumentis, sine mora temporis, sine vlla difficultate, & sine vlla fatigatione. Eadem potentia in eo est erga supernaturales effectus gratiæ & gloriæ. Admirare præstantiâ naturæ tam potentis. Latere quòd tam potentem habeas Dominum, & roga, vt in te ostendat hanc potentiam, tum conseruando, tum perficiendo, tum noua in dies addendo, dona naturalia & supernaturalia ad gloriam nominis sui.

Secundum Punctum. Considera Diuinæ naturæ sapientiam infinitam, quæ perfectissimè cognoscit rerum omnium naturam, proprietates, effectus, potentiam, & quicquid ad illas spectare potest, & quicquid est in te, fuit, & erit, intraetur clarissimè, æquè futura ac præterita. Da ergo operam ne in te quidquam videat oculis tam perspicax, quod te confundere possit. Et quia multa antea cta sunt talia, roga eum vt tegat suæ gratiæ donis, vel potius aboleat, vt eorum non recordetur amplius quod ipse D. Deus promisit verè penitentibus. Hoc autem vt assequare, talis esse stude, qualibus id promisit hæc Sapientia Diuina.

Tertium Punctum. Considera Diuinæ naturæ bonitatem infinitam, ob quam amat, & amorè hunc factis declarat, erga omnes creaturas, tui causâ creatas, & quod maius est, amat te, etsi amore hoc indignum; ideoque non te statim damnat, non te priuat omnibus donis suis, vti mereris, quin potius nouis ditat beneficiis. Da ergo operam, eum vt redames, vt nihil facias quod huic amori displiceat, vt alios quoque ames, etsi videantur tibi indigni tuo amore, quandoquidem nunquam possunt te ita offendere etsi essent pessimi, vti tu offendisti hanc infinitam Bonitatem. An autem eam in amore aliorum tali imiteris, inquire, & seruo eam imitari stude.

Quartum Punctum. Considera plenitudinem perfectionum in D. Deo, quæ facit, vt nil ei desit perfectionis veræ, & vt quælibet in eo perfectio sit infinite excellens. Cor ergo cogitationes tuæ, & affectus & actus alij externi, non ita se occupant circa D. Deum, vti solent circa vilissimas creaturas: Erubescere, desse hanc stultitiam, & te emenda. Ex altera verò parte propter gloriâ Domini tui, æmulate eius perfectiones, vt in te sint omnia eius dona in gradu perfectis-

FERIA QUARTA.

Dominica prima post Pentecosten.

Primum Punctum. Considera internas D. Dei cogitationes, circa quid versentur ab æterno, & in tempore: scilicet circa Diuinitatem eiusque perfectiones, quas contemplantur: circa creaturas bonas, & circa mala creaturarum, ea desestando & amouendo. Considera item modum, quo de his rebus cogitat, sine vlla sua imperfectione, sine vlla distractione & euagatione, cum perfectissima sui contemplatione. Confer deinde cogitationes tuas quoad objecta earum, quoad modum, & quoad finem, & desestis earum defectibus, D. Dei cogitationibus eas conformare stude.

Secundum Punctum. Considera internos D. Dei affectus, amoris, odij, gaudij, desiderij, itæ, & similes humano modo consideratos, sine vlla tamen imperfectione in D. Deo, ponderando quàm sint ordinati, quàm recto fine, quàm puri, circa quid versentur. Confer et aduerso similes affectus tuos, quàm sint dissimiles, agnosce, desse, & propone emendationem.

Tertium Punctum. Considera actus externos Diuinæ misericordiæ & bonitatis, quomodo mala auertit & aufert, bona confert indignis, dignisque quibus non conferuntur, non petentibus, sæpe inuitis, post accepta ingratis, post accepta D. Deum lapsus offendentibus, idque sine vllò commodo D. Dei, cum solo commodo hominum, An talis sis, examina te, & desse tuos defectos, ac D. Deum imitare.

Quartum Punctum. Considera actus externos Diuinæ iustitiæ punitiue, quæ tandem puniunt leuius meritis nostris, quæ multis parcit, & tibi ipsi per tot annos: cum multis ob minuta peccata non pepercerit; & facta ad te refectione, si quid in tua seueritate sit corrigendum, corrige, & pro hac D. Dei (suauitate, intemas age gratias, eamque tenerimè amare stude, & imitare.

DIE CORPORIS CHRISTI.

Primum Punctum. Considera magnitudinem doni, quod nobis D. Deus dat in SS. Eucharistiæ Sacramento, in quo dat animam tuam, plenam tot meritis, Corpus suum Sanctissimum, immo & Diuinitatem: quo dono collato cum donis & D. Dei alijs & humanis, agnosce amoris Diuini erga nos magnitudinem stupendam, & delibera quantam tenearis adhibere gratitudinem erga tantum Benefactorem, & quidem multò maiorem, quàm vnquam

vlla creatura exhibuerit, vel D. Deo, vel aliis creaturis, propter alia minora dona in se collata.

Secundum Punctum. Considera facilitatem in percipiendo tam sapè dono adè excellenti. Non est enim opus longinquas adire regiones, non est opus magnis sumptibus, non magnis laboribus, sed tantum accedere ad altare, pura conscientia, Tu introspecte an mundus æquè facilè, offerat sua dona sacra suis sectatoribus, quin potius an non difficillimè & quidem dona quæ ita vocari non merentur. Cur ergo maiori affectu desideramus mundi oblectamenta quàm SS. Eucharistiam? cur maiore gustu illis fruimur, quàm Eucharistia? Confundere, & te emenda.

Tertium Punctum. Cõsidera indignos modos quibus excipitur ab Hereticis, ob blasphemias & contemptum, & à Catholicis malis multis, ob conscientiam peccati mortalis conscientiam, cum qua communicant, & à Religiosis tepidis cum irreuerentia & socordia accedentibus ad hoc Sacramentum: & comparere Domino tuo, tam multis modis indignè tractati solito, & desse si aliquando & tu eum ita tractasti, & si quid emendandum est emenda: & hoc Christi Domini in Eucharistia tot iniurias tolerantis exemplo discè, cum gaudio ferre omnes iniurias tuas multo minores.

Quartum Punctum. Considera reuerentiam, deuotionem, affectus pios erga hoc SS. Sacramentum, tum in Angelis Sãctis, tum in hominibus sanctè viuentibus, & excogitatis variis huius rei causis, excita in te similè reuerentiam, deuotionem, & affectus. Tãdem gratis actus pro tanto dono, offer & tu aliquid D. Iesu grati animi ergo, & hoc diuinissimum Sacramentum, offer ad quam maximã SS. Trinitatis gloriam pro omnibus beneficiis eius, pro omnibus peccatis nostris, & pro impetrando efficaci auxilio in omnibus necessitatibus nostris.

FERIA SEXTA.

*Post festum Corporis Christi.**De persona Christi D. in Eucharistia.*

Primum Punctum. Considera Christi Domini Personam Diuinam quæ se tibi dat in Eucharistia, hoc est Filium & Verbum æternum Patris genitum ab æterno à Patre, habens ab æterno procedentem à se & à Patre Spiritum S. & in tempore vnies sibi hypostaticè illud Corpus & Animam, quæ pro nostra Redemptione in Beatissimæ Virginis Sanctissimo utero assumpsit. Vnde ponderatã huius Personæ antiquitate seu æternitate, latitudine seu immentitate, quã cælum & terrã omnes angulos ac inferni replet, immortalitate, impassibilitate, dominio super omnes res creatas, po-

Lanicij Opus. Tom. 2.

tentia, bonitate, sapienãia, sanctitate infinita, alijsque omnibus perfectionibus. Concipias magnam opinionem de Eucharistia, quæ tibi secum affert tam excellentem Personam, cum qua collata tuæ personæ vilitate & indignitate, humiliat te, confundere, extolle dignationem Christi Domini ita te honorantis & iuuantis, & redama tantum Benefactorem, non tantum verbis & affectu mentis, sed opere & effectu reali.

Secundum Punctum. Considera actus internos huius Personæ, tibi se in Eucharistia dantis, relatos ad duas alias Personas Sanctissimæ Trinitatis, quomodo scilicet se intelligant, alloquatur, amet, & se fruatur cum infinito gaudio & gloriæ beatitudine incomprehensibili absorpti in se præ magnitudine obiecti, & præ magnitudine gaudij, amoris, comprehensionis, fruitionisque Diuinæ, qua plena sunt Diuinæ Personæ infinito modo, & tamen ita diuinè secum in se occupatæ, non dedignantur tibi se tradere, maximè Persona Verbi æterni, vt etiam amet te, te alloquatur, te aliquomodo cum gustu fruatur. Considera ergo an sis obiectum aptum quod Christus Domini adèdè tibi præfens gustet, amet, cogitet, & quo fruatur, & te talem ei exhibere cura, sublati ijs, quæ hunc eius gustum minuere vel impedire possunt.

Tertium Punctum. Considera actus huius Personæ relatos ad creaturas: Christus D. enim qui se tibi dat in Eucharistia, inde etiam vnã cum Patre & Spiritu Sancto producit res nouas omnes, conseruat, gubernat, inde etiam omnia dona confert ijs, quibus confert in terra & in cælo, inde præmijs afficit, inde punnit, & ex singulis cape necessaria documenta.

Quartum Punctum. Considera qualis esse deberet Persona tua, quales actus tui interni & externi ad D. Deum & creaturas relati, quando quidem suscipis in te toties talem Christi D. Personam, cum talibus eius actibus, & resolue te ad heroicam morum tuorum mutationem & conformationem ad Christi D. mores.

SABBATO.

*Post festum Corporis Christi.**De Anima & potentijs Christi in Eucharistia.*

Primum Punctum. Considera substantiam Animæ Christi Domini, quæ se tibi dat in Eucharistia, & in hac anima intueri, quàm sit dulce spectaculum Sanctissimæ Trinitatis & cur, deinde tuæ animæ substantiam cum ea confer, & inde collige dissimilitudinem & quod hinc nasci debet, scilicet confusionem, & desiderium Seraphicum, perfectissime confor-

F t t mitatis

mitatis & similitudinis cum Christi D. Anima assequenda.

Secundum Punctum. Considera intellectum Animæ Christi Domini tibi se dantis in Eucharistia, circa quid se occupet, quantum se occupet, quomodo, per quos actus: & confer illum cum tuo intellectu ac eius actibus, modisque tuorum actuum, aliisque circumstantiis: & ex singulis elicias necessaria documenta, pro intellectus tui, eiusque actuum reformatione & conformitate cum Christi D. intellectu.

Tertium Punctum. Considera voluntatem Christi Domini & eius actus, quid nimirum dum in te est eum Eucharistia desideret, quid oderit, quid amet, quo deleatur, quantum, quomodo, quo fine: & applicando ad tuam utilitatem singula, introspecte, & confer tuam voluntatem, cum tuis actibus, & te ei conformare stude.

Quartum Punctum. Considera perfectionem Christi Domini Animæ & eius potentiarum sitam in quinque rebus. Primò. In plenitudine gratiæ sanctificantis. Secundò. In copia supernaturalium habituum, Christi D. statui convenientium. Tertio. In donorum Spiritus S. (quæ sunt distincta ab habitibus virtutum) infusarum etiam in nobis) abundantia. Quarto. In excellentia admirabili omnium actuum eius. Quintò. In infinitis meritis, quæ pro sua gloria nostroq; bono habuit, ut, ex eius plenitudine nos omnes hauriremus abundè. Et ex altera parte confer hæc quinque cum anima tua & potentiis tuis, ut agnoscas quàm longè distes, ac confundaris, & simul intelligas, quàm deberes esse Christo D. proportione quadam simillimus, toties illi ita Sanctum, ita plenum virtutibus, donis, perfectionibus, meritis, comedens & bibens. Cum ergo talis non sis, causas inquire, dole, & emenda.

DOMINICA SECUNDA.

Post Pentecosten.

De Christi magna Cæna.

Primum Punctum. Considera fercula, quibus te Dominus Deus pascit in hac cæna, per Eucharistiam tibi à D. Deo porrigi solita. Sunt autè primo tres Divinæ Personæ: secundo Christi D. Anima: tertio Christi D. Corpus: quartò ipsæ species Sacramentales Sacrosanctæ. Unde infer quantopere, hæc cæna superet omnia conuiuia, quæ unquam fuerunt vel esse possent, collatis in unum cumulum, omnibus Regum omnium thesauris. Ideò extolle Domini Dei liberalitatem, agnosce tuam felicitatem, & desce rusticitatem, qui nescias æstimare tale conuiuium, eoq; ita uti par est, frui.

Secundum Punctum. Considera mensam, in

qua hæc prote fercula parantur & apponuntur, scilicet: Altare Sacrosanctum, consecratione Ecclesiastica. Sanctarum Reliquiarum præsentia, cultu D. Dei & Sanctorum vario sanctificatum, sanctius multo altaribus veteris Testamenti, & maiore respectu dignius, quàm esset mensa illa, cui Imperatores omnes & Reges mundi assiderent. Cum quo ergo honore, compositione, attentione, ne quid indecorum faceres, assisteres mensæ tali Regum mundi? An verò saltem cum æquali assitas mensæ Divinæ, recogita, & prout inuenitis in te tales actus, & proposita ede.

Tertium Punctum. Considera modum, quo ante esum huius cibi Divini, ille paratur, scilicet à persona miro modo consecrata, & miram habente potestatem transmutandi virtute Divinâ substantiam totam panis ac vini in Corpus & Sanguinem Christi Domini verè transmutante ista. Et cum Dominus Deus nulli unquam (ante Christi D. tempora) Sanctorum dederit talem potestatem, etiam dum dedit vim mortuos suscitandi & alia mira parandi, obstupescè ob tantam, tui causa, liberalitatem, considerata præsertim vi ista Sacerdotis, semper à sola eius voluntate dependente, quomodo nulla alia vis Sanctis concessa erat, & posita in eorum libera voluntate, ut ea quando vellent, uti possent. Ideò effunde viscera animæ tuæ, & quicquid habes & pors D. Deo tuo tam liberali largire, & quodammodo te transsubstantia in id quod ipse à te exigit, non tam propter bonum suum, quo non indigeres, sed propter bonum tuum.

Quartum Punctum. Considera condimenta huius Cæna, quæ sunt Amor æternus & infinitus, qui D. Deum ad egit ad parandum tibi tale conuiuium, & gloria obiectina infinita, cuius visionem beatificam assequendam data sunt tibi hæc fercula: merita infinita, quæ tibi cum Christo D. manducato in Eucharistia, eodem modo finito applicantur, si ritè accedas ad hanc cænam. Ex quibus collige, quo modo, & qua morum emendatione deberes frui hoc conuiuium.

FERIA SECUNDA.

Post Dominicam secundam post Pentecosten.

De membris Corporis Christi in Eucharistia.

Primum Punctum. Considera manus Christi Domini, quas in Eucharistia sumis, quæ quanta, quàm mira, quàm utilia fecerunt, per triginta tres annos vitæ & amplius: quibus in rebus se occuparint, quid tui causa passæ sint, & hinc elice documenta, pro legitimo usu manuum tuarum necessaria.

Secundum Punctum. Considera linguam Christi

sti Domini quomodo ea vltus fit in edendo, bibendo, loquendo cum hominibus, orando vocaliter, cantando, spuendo: & confer tuæ linguæ actus, vt corrigas corrigenda, & Christo Domino te conformes.

Tertium Punctum. Considera nunc Christi Domini membra in Eucharistia etsi verè sint inter se ita connexa & disposita, vt esse debent, tamen quia sunt sine extensione in ordine ad locum, sed ita vt in ea parte loci, in qua est caput, vel oculus eius, sint etiam omnia reliqua membra, idque in qualibet minima particula hostiæ consecrata, vt ita non tantum se totum tibi traderet edendum in Eucharistia, sed quodam modo infinities totum se daret, quia innumeræ particulae hostiæ assignari possunt, in quarum singulis, totus est ille. Quid ergo retribuas Domino, qui se totum tot modis tribuit tibi? Adora & ama hanc D. Dei in te se effundentis profusam & prodigam sui liberalitatem, & gratitudinis affectu correspondenti, & se per opera digna tali dono demonstranti, redama tam admirabilem Benefactorem tuum.

Quartum Punctum. Considera alias aliorum Christi D. membrorum actiones: pedum incessum, motum, compositionem, & hac idæ reformata similes tuas actiones.

FERIA TERTIA.

Post Dominicam secundâ post Pentecosten.

De presentia cibi Eucharistici.

Primum Punctum. Considera causas ob quas nobilior est Eucharistiæ cibus omnibus esculentis & poculentis que D. Deus & Creator rerum omnium creauit, & suppeditat hominibus in vniuerso mundo. Vnde discas, si homines tantum laborant & patiuntur, ne fame & siti pereant, cibumque ac potum ad eodè auidè expetunt & querunt, quid tibi faciendum & patiendum sit pro Eucharistia data, & quam ardentè desideranda.

Secundum Punctum. Confer Eucharistiam cum manna & aquâ Iudæis è petrà exculsâ in deserto. Et agnitâ illius maiore excellentiâ præ his, vide quam Iudæi moderni sint exacti in obseruatione suarum ceremoniarum omnium, quam sint vniti & se tuisantur, etsi premantur tot laboribus, molestiisque Christianorum, etsi viuant sine Rege, sine Sacerdote, sine Sacrificijs, sine arca, sine templo, & tu tot auxilijs fretus internis & externis, quam facillè violas leges D. Dei & Religionis. Ideo confundere, deserte tuam nequitiam, & firmiter te resoluè ad vitam mutandam.

Tertium Punctum. Confer Eucharistiam cum subcinericio pane & aquâ per Angelum Eliæ allatâ, vt ambularet in fortitudine cibi illius

Lancicij Opusc. Tom. 2.

quadraginta diebus & noctibus. Et agnitâ maiori præstantiâ Eucharistiæ, causas inquire, cur tam debilis sis in via spirituali, cur nil progrediaris, cur facillè vincaris à leui sensuum oblectamento, & dæmoni des manus. Et causas agnitas in posterum deuota.

Quartum Punctum. Confer Eucharistiam cum cibo, Danieli per Angelum, cum Abacue in foueam Leonibus plenam demisso. Et perpende te esse in periculosiore statu huius mundi, quam fuerit Daniel, & maiori te beneficio per Eucharistiam affici, quam sit affectus Daniel. Si ergo Daniel incredibili affectu, & tunc & postea, ob hoc etiam beneficium coluit D. Deum suum, ô quanto maiori affectu teneris colere Dominum Iesum tuum, ita se tibi per se communicantem. Vnde exclama sicut exclamauit Daniel in lacu: *Recordatus es mei Deus. & nō dereliquisti diligentes te.* Et quod pius suggeret affectus, Domino tuo offer, pro tanto beneficio eius.

FERIA QVARTA.

Post Dominicam secundâ post Pentecosten.

De effectibus Eucharistiæ.

Primum Punctum. Considera Christum D. in Eucharistia tibi dari vt Regem ac Dominum tuum, cuius voluntatem ita debeas exequi, vt exequantur vilissima mancipia iustum Regis: deinde nō debere te viuere splendidius, quam Rex tuus vixerit. Tu an in his duobus imiteris morem seruorum & mancipiorum, respectu Dominorum & Regum suorum vide, & deserte mōres tuos, ac emenda. Hoc enim in te debet præstare Eucharistia, vt te non nomine sed re & factis efficiat verum seruū Christi D. conformem moribus, & vitæ huius diuissimi cibi.

Secundum Punctum. Considera Christum dari tibi vt Benefactorem. Considera ergò quorum donorum incrementum in te sensus, ex tam frequenti huius Benefactoris aduentu. Quod si nulla vel pauca in te eius dona vides, causas inquire, & impedimenta, eaque submouere stude ex animo.

Tertium Punctum. Considera Christum Dominum in Eucharistia dari tibi vt Medicum. Considera ergo, an morbi tui, id est peccata minuantur in te, tam frequenti huius medicij sumptione. Item, an dispositiones ad spirituales morbos, id est motus inordinati passionum tuarum, in te sedentur magis ac magis. Item, an reliquiæ morborum tuorum, scilicet habitus prauis, malis actibus acquisiti, in te minuantur. Et ex omnibus his ponderatis, resoluè te ad ea, quæ Spiritus sanctus suggesserit.

Quartum Punctum. Considera te Christum

T t t 2 Do-

Dominum in Eucharistia suscipere tanquam cibum animæ tuæ. Perpende igitur an in te sentias illos effectus, quos in corpore efficit cibus. Item, an te ita geras, ante & post, erga Eucharistiam, sicut te geris erga cibum ante eius sumptionem, & in eius sumptione, & ex singulis cape necessaria documenta, pro motum tuorum reformatione.

IN OCTAVA CORPORIS
CHRISTI.

De affectibus erga Sanctissimam Eucharistiam necessariis.

Primum Punctum. Considera quo affectu reverentiæ digna sit Eucharistia obiecta, quæ in se continet, & quibus modis iste erga eam affectus demonstrari debeat, & demonstratus sit ab Apostolis, tum Christo Domino in carne vivente, tum postea ab Angelis, à Sanctis, immo quandoque à bestiis. Tu vide quomodo te geras quoad hoc, & emenda defectus prius bene defletos.

Secundum Punctum. Considera quo affectu gratitudinis debeas proficere hoc beneficium, ponderatâ beneficii magnitudine, ex te ipsâ, ex animo donatis, ex fine, ex effectibus quos potest conferre: & ex alterâ parte, ponderatâ gratitudine hominum etiam Ethnicorum, in rependendis beneficiis, benefactoribus suis. Et horum saltem exemplo motus, propone serias resolutiones, quibus tuam erga Christum D, gratitudinem demonstras.

Tertium Punctum. Considera quo amoris affectu ardere debeas erga hoc SS. Sacramentum, consideratis omnibus motibus amoris, scilicet bono honesto, utili, & iucundo, eoque; vero non fucato. Item considerato amore quo Eucharistia est ab æterno destinata, pro te, & in ultimâ cenâ instituta. Item considerato amore D. Dei quo in Eucharistia ardens, optat te sibi reddere quàm simillimum, & quoad gratiam & quoad gloriam æternam. Et reflectendo ad te, ea statue, quæ postulat æquitas & Christi Domini Iesu erga te tantus amor.

Quartum Punctum. Considera quo imitationis affectu, Christum D. in Eucharistia exhilarare debeas. Potes autem in eo imitari hæc. **Primum**, quàm multas & graves iniurias toleret à se blasphemantibus, ab indignè communicantibus, nullum tamen vindictæ effectum ostendit, immo ne quidem signum. **Secundum**, quomodo nunquam deseruerit (ob hominum peccata, & sui oblivionem) species Eucharistiæ, quibus se præsentem constituit post consecrationem, quamdiu species illæ manent. **Tertium**, quomodo etiam voluntati Sacrilegi Sacerdotis consecrantis hostiam obedit, statim se

sistens speciebus, post prolata consecrationis verba. **Quartum**, quomodo non dedignatur viliissimum hominum os sepe fetens, sepe morbidum, sic etiam sordidum stomachum ingerit hominum causâ. **Quintum**, quomodo quicquid Dominus Deus in sua natura Divina & humana habuit, totum tibi dat in Eucharistia. Et ex singulis decerpe varia similia, quæ imitando, & in moribus tuis exprimendo, Christo Domino refundas, eisque te conformes.

FERIA SEXTA

Post Dominicam secundâ post Pentecosten.

Primum Punctum. Considera excellentiam Sacrificij Missæ, ex parte rei, quæ in ea offertur, scilicet Corporis, Animæ & Sanguinis Christi D. & pondera trium harum rerum præstantiam, tum naturalem tum supernaturalem, sigillatim uniuscuiusque. Vnde sequitur, nunquam antea rem vllam D. Deo fuisse oblatam, ita excellentem, & ita caram. Gratas age D. Deo, qui homines fecit rei tam excellentis oblatores, & cogita, quomodo te deccat assistere tali Sacrificio, & gratum esse pro tanto beneficio Divino, quod tam sepe offertur Divine Maiestati, per te vel per Sacerdotem: & magnâ spe tuæ salutis reple animam tuam, pro quâ sanctificandâ & salvandâ te D. Deus fecit participem rei tam eximie, & sibi adeo acceptæ.

Secundum Punctum. Considera excellentiam Sacrificij Missæ, ex parte modi quo petagitur, scilicet cum transubstantiatione panis & vini, in Corpus & Sanguinem Christi D. cui transmutationi nulla vnquam fuit antea similis in mundo, & quæ magis mira & difficilior est, quàm mortui reuocatio ad vitam, quàm cæci illuminatio, quàm alia omnia miracula præterita. Admirare Divinam clementiam quæ pro bono tuo, vel tibi, vel tui similibus, tam mirabilem concedidit functionem. Gratas ei age, & factis ostende te gratum.

Tertium Punctum. Considera excellentiam huius Sacrificij, ex parte rei quam significat, scilicet Passionis Christi, quam repræsentat, & cuius est viua commemoratio. Cum enim Passio Christi D. sit summum beneficium, & res omnium maximè stupenda, quippe pro tam vilibus creaturis suscepta, ex eximio amore nostris, & desiderio nostræ saluationis, est excellentissima repræsentatio in hoc Sacrificio: ideo decet tenerissimo mentis affectu, recolere tanti beneficii memoriam, dum Sacrificio interesse contingit. Quod an, & quomodo facias vide, & facere diligenter stude.

Quartum Punctum. Considera excellentiam huius Sacrificij, ex parte eius cui offertur. Aded enim est eximium, vt non liceat illud citra summum scelus, alteri offerre quàm soli

Domi

D. Deo, ne quidem Beatissimæ Virginis quidem Christi D. Humanitati, ne quidem Sanctis omnibus & Christi D. Humanitati simul sumptis. Pondera hoc, & penetrare stude quantum licebit, vt concipias maximam opinionem, de huius Sacrificij præstantiâ. Et vide, cum quanto affectu deuotionis & amoris Diuini, debeas illi interesse, vel illud offerre, & si quid hac in parte delinquis, emenda.

SABBATO.

Post Dominicam secundam post Pentecosten.

Primum Punctum. Considera valorem huius Sacrificij: valor enim eius est tantus, quantum est valor omnium Christi D. meritorum & Passionis eius, cuius effectus & fructus applicantur per hoc Sacrificium, viuis & mortuis: Viuis quidem, scilicet, conuersio peccatorum, iustificatio impiorum, progressus in Sanctitate iustorum, Dona omnia Spiritus Sancti quibus iusti ornantur, confirmatio in gratia, perseverantia finalis, auxilia gratiæ, cælestis gloria, & varia beneficia naturalia. Mortuis, diminutio pœnæ, & liberatio ab illâ, & glorificatio, & quoniam pro quantitate deuotionis offerentium, hoc Sacrificium hos effectus confert, da operam vt illi interis, vel illud offeras, cum summâ quâ potes deuotione, quam an adhibeas, vide, & tuam tepiditatem, si quæ est, exerce.

Secundum Punctum. Considera reuerentiam & affectum cum quo Sancti Viri, huic Sacrificio adstabant, vel illud offerebant, maximè S. P. Ignatius qui totus inflammabatur, & disfluebat in lachrymas, & præ feruore intensissimæ deuotionis & amoris erga D. Deum, Spiritu intercluso, loqui non poterat. Sic etiam S. Franciscus Sacrum audiebat ita deuotè, vt alij eo viso tunc, compungerentur. Confer modum tuum quo Sacrum audis vel dicis, desiste tuos defectus, & motiuis aliquot te excita, ad summam reuerentiam & deuotionem.

Tertium Punctum. Considera varias necessitates viuorum & mortuorum quæ exposcunt auxilia huius Sacrificij. Cum autem sis membrum eiusdem Ecclesiæ, & confrater eorum, vide quàm ardentè, quàm diligenter sit tibi hoc Sacrificium, vel per te, vel per Sacerdotem offerendum, vt tuis fratribus, viuis & mortuis, efficaciter prosis.

Quartum Punctum. Considera gustum, quem Sanctissima Trinitas percipit ex oblatione huius Sacrificij. Est enim omnium oblationum maxima & perfectissima, perfectior ex naturâ suâ, quàm actus amoris Beatorum erga D. Deum in cælo. Gusta animo suauitatem huius oblationis, odora odorem suauitatis, quem

Lancij Opus. Tom. 2.

hæc Sacra immolatio Agni immaculati, in cælis diffundit coram throno Diuinæ Maiestatis: idè æquum est, ne hanc suauitatem & odorem iucundissimum, tuis defectibus in audiendâ Missâ ac dicendâ, quodammodo minuas, & permisceas, quin potius da operam, vt quod habet hoc Sacrificium ex se, & in se, etiam ex parte tuâ habeat proportionatam tuorum actuum, in eo dicendo vel offerendo perfectionem.

DOMINICA TERTIA.

Post Pentecosten.

Primum Punctum. Considera modum quo appropinquabant ad Dominum Iesum publicani & peccatores, vt audirent illum, quo scilicet mentis affectu, quo desiderio, quo amore, quid cogitando, quâ externâ compositione: & decerpe aliqua ad imitandum, & in te exprime, dum appropinquas ad eundem in SS. Eucharistia te docentem & pascentem.

Secundum Punctum. Considera affectum internum, quo Christus Dominus excipit peccatores, & publicanos ad se venientes, et si summo odio prosequeretur eorum peccata. Ex altera parte examina, quo affectu excipis alios, qui te non ita offenderunt, vt Christum Dominum publicani suis peccatis, & pondera, an non deceat te maiori beneuolentiæ affectu omnes tales excipere, præsertim cum toties Christum D. in Eucharistia recipias, quæ est symbolum charitatis & vnionis, cui tui rancores, auersiones, vindictæ, detractiones & similia valdè repugnant. Simul etiam agnosce Domini Dei beneficium maximum, & gratias age, quod te tanquam publicanum quendam, ad se vocauit & adduxit.

Tertium Punctum. Considera murmurationem iniquam Pharisaorum & Scribarum dicentium, *quia hic peccatores recipit, & manducat cum illis*: quasi dicerent; Indignis exhibet hanc beneuolentiam; vel certè non benè facit, quia cum istis conuersatur, quia illos ad se admittit. Examina te, ne forte in alio genere alios ita condemnes ac murmurares cum D. Dei offensâ, sine vilo fructu, sed cum damno tuæ conscientiæ, & si quid est emendandum in te, emenda.

Quartum Punctum. Considera felicitatem tuam, cui Christus D. ipse vltro se offert & appropinquat in Eucharistia, idque tam sæpè, non mortalis (qualem se exhibebat mortalibus istis) non sine complemento meritorum, suorum (quæ antè eius mortem actu susceptam non erant completa) sed plenis meritis, sed gloriosus, sed dona sua cælitus tibi largiens, & locum tibi in cælo parans, & non tantum loquens tibi per internas inspirationes, sed te pascens & potans proprio Corpore &

T et 3 San-

Sanguine, quod illis publicanis non fecit. Admiratè eius clementiam, gratias age, extolle, & factis gratitudinem ostende.

FERIA SECUNDA.

Post Dominicam tertiam post Pentecosten.

Primum Punctum. Considera D. Dei amorem erga genus humanum, quia relictis nonaginta nouem ouibus in deserto, tot scilicet Spiritibus Angelicis sine auxilio, pro te oue ceterimã descendit, & quidem cum tanto damno suo, per triginta quatuor annos in carne passibili tam multa tolerans, etiam si & naturã & gratiã quam habuerunt aliquando, & omnibus alijs rebus, Angeli te essent nobiliores. Admirare D. Dei benignitatem & gratias age, & quia per te non potes, vi deberes, inuita Angelos bonos, vt tecum ardentes agant gratias.

Secundum Punctum. Considera finem, quem Christus D. habuit descendendi tui causã, cum tanto incommodo suo, & vide, quomodo coopereris Christi D. intentioni, quomodo id procures, cuius causã ille descendit, & tam multa tui ac fecit, & proficere stude, ac tuam sortem desse, qui D. Deo tuum bonum querenti, non correspondeas.

Tertium Punctum. Considera causas, ob quas D. Deus reliquit sine auxilio malos Angelos, qui tantum semel eum offenderunt, te autem, quem præuidit cum alijs hominibus sapius & grauius peccaturum, adiuuare voluit, & ad magnum D. Dei amorem ita te excita, & ad ingentem gratiarum actionem, verbis & factis exhibendam.

Quartum Punctum. Considera mira illa Christi Domini verba: *Gaudium erit in celo, super vno peccatore penitentiam agente, quam supra nonaginta nouem iustis, qui non indigent penitentia: & ex eorum ponderatione, in D. Dei amore cresce, & proficere stude.*

FERIA TERTIA.

Post Dominicam tertiam post Pentecosten.

Primum Punctum. Considera fructum vitæ bonæ: *Amen amen dico vobis, quia qui verbum meum audit, habet vitam æternam, & in iudicium non venit, sed transit à morte ad vitam.* Verbum autem Christi Domini duplex est: Præcepta & Consilia: quibus accedunt internæ D. Dei inspirationes, & externa aliorum etiam æqualium monita bona: quàm magnum autem sit, habere vitam æternam, non venite in iudicium, transisse à morte in vitam, pondera, & quomodo verba Christi D. audias, inquire, & quid sit tibi faciendum cognosce.

Secundum Punctum. Considera causas ob quas Pater æternus potestatem dedis Christo iudic-

tium facere, quia filius hominis est. Cur hæc filio, iudicium ei potestatem conciliant? Forte, quia in præmium eius laborum, dolorum, operum Sanctorum, id affectus est. Hinc agnosce D. Dei liberalitatem, in remuneratione benefactorum: excita te ad illa, & vide an merearis talia præmia.

Tertium Punctum. Considera fructum Religiosi status, siquidem similem iudicariam potestatem Religiosis promissam, etsi non aequè excellentem, scimus ex Sancto Euangelio. Quanta sit ea dignitas pondera, conferendo eam cum iudiciariã hominum potestate. Cum ergo homines ad eam euecti, soleant, & bene de eis mereri, quid te decet facere erga D. Deum, à quo altum in locum euectus es?

Quartum Punctum. Considera diuersos fines iudiciorum D. Dei: *Procedent qui bona egerunt, in resurrectionem vitæ: qui verò mala egerunt, in resurrectionem iudicij.* Tu introspece statum conscientie tuæ, tum præteritum, tum presentem, ex quo coniecturam facere possis de futuro, & agnoscere, quid tibi sit sperandum, & quid præstandum, vt rebus tuis bene consulas, eorumque sis è numero, qui procedent in resurrectionem vitæ.

FERIA QVARTA.

Dominica tertia post Pentecosten.

Primum Punctum. Considera in illis Christi D. verbis: *Non possum ego à me facere quicquam, expressas duas doctrinas ad te spectantes, humilitatis & obedientie. Humilitatis quidem, quæ in te hinc oriri debet, quod viribus tuis sine D. Dei auxilio assiduo, nihil proficere possis. Obedientie vero, quia D. Deo per vota mancipatus, ita viuere debes, vt à te ipso nihil facias, immo quodammodo ne facere quidem possis. Vide itaque quomodo serues has doctrinas, seruare eue debes.*

Secundum Punctum. Considera iudicium de te Domini Dei à te pendere. Dicit enim Dominus: *Sicut audio iudico, & iudicium meum iustum est.* Audit autem non tantum verba tua, sed etiam desideria, & opera, quæ habent voces suas, D. Deo notas. Inquire igitur in has voces triplices tuas, & agnosces, quale de te iudicium formet D. Deus, & quid tibi faciendum sit, vt bonum de te ferat iudicium.

Tertium Punctum. Considera officium boni Religiosi, Christi D. verbis significatum: *Non quero voluntatem meam, sed voluntatem eius qui misit me.* Quod quomodo adimpleas, inquire, discurrendo per singula, & si quid est corrigendum, corrige.

Quartum Punctum. Considera causas, ob quas decet te vitare omnem, quantum fieri potest excusationem, & famam tuam apud do-

meticos defensionem (nisi ubi rei æquitas vel Superiores id exigant) & tibi in hoc sensu applica illa Christi D. verba: *Si testimonium perhibeo de me ipso, testimonium meum non est verum.* An autem ita te geras vide, & Christo D. te conforma, qui accusatus, se non defendebat.

FERIA QUINTA.

Dominica tertia post Pentecosten.

Primum Punctum. Considera causas, ob quas querenda sit tibi bona opinio de te D. Dei, ut cum Christo D. dicere possis: *Alius est, qui testimonium perhibet de me, & scio quia verum est, testimonium quod perhibet de me.* Inter causas autem vna sit hæc, quod hominum testimonium, siue de ingenio, siue de profectu in literis, & probitate, siue de talentis naturalibus aliisue ad eò expetas. Nonne testimonium D. Dei, de virtute tuâ, & certius, & vtilius est: Hoc pondera, & quid te deceat, Vide.

Secundum Punctum. Considera optimum modum placendi D. Deo, esse bona opera. *Opera quæ facio, testimonium perhibent de me.* Expende opera tua præcipua, finem, modum aliaque eorum circumstantias, & an sperandum sit ab iis, bonum de te testimonium, coram D. Deo, examina, & quæ sunt corrigenda, corrige.

Tertium Punctum. Considera utilitates varias, tum Meditationis, tum lectionis Sacrarum Scripturarum, & tibi quoque sano modo intelligendo, dictum puta. *Scrutamini Scripturas:* tum ob tuam & aliorum instructionem, & eruditionem necessariam intellectus, tum ad variam excitationem affectus ad pietatem. Quomodo autem te geras hac in parte inquire, & otio excusso, da operam, ut literas Domini tui ad te diuinitus missas, pio animi sensu sapè & diligenter euoluas.

Quartum Punctum. Considera an & quo affectu quæras Christum D. ne forte tibi quadret illud dictum à Christo D. *Non vultis venire ad me, ut vitam habeatis.* Qui enim non vult Christi D. humilitationem, contemptum sui, fugam otij, labores, persecutiones, incommoda imitari, non vult ad eum venire. Tu an sis talis examina te, & ad Christum D. factis accedere stude.

FERIA SEXTA.

Dominica tertia post Pentecosten.

Primum Punctum. Considera quàm vtile & necessarium sit, perfecto Christi D. imitatori, hominum fauores non quærete, ut verè cū Christo D. possit dicere: *Claritatem ab hominibus non accipio:* Quod an tibi conueniat, vide, & Christo D. te conformare stude.

Secundum Punctum. Considera ne tibi conueniat Christi D. exprobratio contra Iudæos prolata: *Cognoui vos, quia dilectionem Dei non habetis in vobis.* Quod agnosces ex duobus. **Primo,** ex obseruatione eius præceptorum. **Secundo,** ex affectu erga illum, si talis est, qualem habes erga alias creaturas. Quod perpendendo, excita te ad ardentem D. Dei dilectionem, & si hæctenus hac in parte aliquid tibi defuit, acquirere stude.

Tertium Punctum. Considera quàm stultum sit, & sæpe noxium, esse illorum è numero de quibus dici possunt Christi D. illa verba: *Gloriam ab inimicis accipitis & gloriam quæ à solo Deo est, non queritis.* Quorum an sis è numero, vide, & ne sis, procura.

Quartum Punctum. Considera peiorem conditionem malorum Religiosorum quàm fuerit Iudæorum. Nam si Christus D. illis minatus est accusationem Moyse, quia Christi D. doctrinæ non crediderunt, plures accusatores habebunt mali Religiosi, omnes scilicet eos, quorum scriptis, monitis, exemplisque debent excitari ad fidem in Christum D. viuam, factis demonstrandam, & ad perfectam eius imitationem. Quare consideratis rebus his, da operam, ut omnes Religiosæ vitæ Doctores, tui habeas laudatores, & adiutores in cælo, non accusatores.

SABBATO.

Post Dominicam tertiam à Pentecostie.

Monstra te esse Matrem.

Primum Punctum. Considera primum modum quo Deipara potest se ostendere Matrem, esse, ut se nobis ostendat Matrem Dei, quod re ipsa illa fecit, cum Christum D. peperit, & repræsentatiuè facit, cum celebramus annuam memoriam Natiuitatis Christi D. qui quoniam futurus est ob carnem assumptam frater noster & Redemptor, ac Sacerdos pro nobis D. Deo satisfaciens, & Iudex noster, & idæa ac exemplar vitæ nostræ, meritò optandum est nobis, ut eum Virgo Sanctissima pariat, per quem tot bona in nos deriuabuntur, tanquam à fratre nostro, tanquam à Redemptore nostro, tanquam à Sacerdote & Iudice nostro, ac exemplari omnis sanctitatis, quos Christi D. titulos & officia ponderans, excita in te ardens eius spiritualis aduentus desiderium.

Secundum Punctum. Considera secundum modum quo Beatissima Virgo est Mater, scilicet quia est Mater nostra, dum nos tanquam filios Dei adoptiuos amat, & tanquam filios adoptiuos fouet: dum ergo hoc modo petimus, ut sit Mater nostra, petimus ut nos suis precibus

& meritis faciat Dei filios adoptiuos, & in hac adoptione conferuet, quæ adoptio sita est in participatione gratiæ iustificantis, cuius præstantiâ, necessitate ad salutem, & utilitate ponderatâ, agnosce quantum beneficium sit, esse filium talis Matris ideoque ardentem desiderare, ut semper sis adoptiuus D. Dei & huius Matris filius, idque pro tua parte procura.

Tertium Punctum. Considera matris esse munus, genitum filium educare & bene instituire, utrumque Deipara præstare solet his, qui sunt digni, & eius educationi ac institutioni cooperantur: quod an facias vide, & si quid corrigendum est, corrige.

Quartum Punctum. Considera Matres, bonis filiis bene educatis & institutis relinquere hæreditatem certam. Nostra quam speramus hæreditas, cælum est. Huius beneficij magnitudine ponderatâ, excita in te ardens eius studiû, ac mediocorum ad illud assequendum, & impedimentorum ad illud submouendorum: ad quæ omnia ut inuenit Deipara, ardentem pete, ut se tibi Matrem ostendat, & faciat te viuere, sicuti decet filium tanti Patris, & tantæ Matris.

DOMINICA QVARTA.

Post Pentecost. Lucæ. I.

Primum Punctum. Considera pium affectum turbæ simplicis, quæ irruerat in Christum D. ut audiret Verbum Dei. Tu examina te, an tali affectu cupias audire Verbum Dei, & in templis & domi, & in librorum Spiritualium lectione: & annotatis defectibus, eos fugere stude.

Secundum Punctum. Considera an illo affectu cupias manducare in Eucharistia Verbum Incarnatum Dei, quo turbæ illæ, verbum eius creatum, & ex sono efformatum, audire cupiebant, cum tamen plura & maiora habeas motiua, ad eius ardentius desiderium. Confundere, dole, & te emenda.

Tertium Punctum. Considera Christum D. stantem secus stagnum Genezaeth: deinde modum quo ascendit in nauim Simonis, & tum internos eius actus, quibus beata eius anima occupabatur, tum situm externum corporis aspice, & factâ ad te reflexione, proficere stude.

Quartum Punctum. Considera Christum D. de nauicula pusillum à litore reducâ, turbas docentem: & imaginare Christum D. ex sacra pixide & Eucharistia te docentem, & quid te doceat, & quomodo, attende, & gratias ei actis, excita te ad executionem omnis eius doctrinæ.

FERIA SECUNDA.

Post Dominicam quartam Pentec. Luc. 5.

Primum Punctum. Considera in illis Christi D. verbis ad Simonem: *Duc in altum*: mysticum Christi Domini monitum, te ad altitudinem perfectionis excitans, simul etiam causas quæ te ad hoc adigunt. Quomodo autem perfectioni assequenda des operam, vide, & si quid deest, adhibere stude.

Secundum Punctum. Considera desiderium, quod D. Deus habet, viuendi nos in altissima perfectione positos. Quod agnosces ex medijs, quæ ad eam tibi dedit, tum communibus tum proprijs Ordinis tui, præsertim Christi Domini Incarnatione, morte, Eucharistia, aliisque Sacramentis, & facilitate crescendi in Dei gratia & virtutibus, & ex singulis decerpe necessariorum tuorum renouationem.

Tertium Punctum. Considera perfectionis Apostolicæ plenitudinem exigere, ut alios quoque Christo D. iuereris, tibi que ab eo dictum puta: *Laxate retia vestra in capturam*: Quod quomodo & cum domesticis (quos etiam verbo & exemplo Christo D. capere potes) & cum externis præstes, vide, & si quid sit emendandum, emenda.

Quartum Punctum. Considera omnes omnium statuum homines, quomodo sui status perfectionem assequi conentur, & verè si id possint, assequantur, tum etiam rem maioris momenti negligis. Confundere itaque vehementer, & te emenda.

FERIA TERTIA.

Post Dominicam quartam Pentec. Luc. 5.

Primum Punctum. Considera exiguum profectum tuum, in gratiæ & virtutum acquisitione, ob quem verè dicere potes cum Simone: *Præceptor*: non tantum per totam noctem, sed per tot annos, laborantes, nihil cepimus. Legitur deploram tuam socordiam, & te excita ad profectum.

Secundum Punctum. Considera internas & externas causas, ob quas per tot annos, parum vel nihil profecisti, immò fortè imperfecisti, quàm fueris in tuo tyrocinio, & defleis in te emenda.

Tertium Punctum. Considera sine D. Dei auxilio te non posse proficere, sed opus esse, ut in eius verbo laxes rete tuum. Ideo delibera, quid tibi sit faciendum, quid vitandum, ut efficaciter auxilia sua, D. Deus tibi suppeditet, & ea impetrare conare.

Quartum Punctum. Considera charitatem Discipulorum Christi D. qui vocati à locis ad trahenda

prehendā retia piscibus plena, subito accurrunt & iungunt, & duas nauculas piscibus impleuerunt. Hoc non faciunt, qui labores fugiunt: qui confessionum occasiones alii offerunt. ipsi se subducunt: qui fratres auxilio egentibus non subleuant. Talis an sis vide, & da operam, ne sis talis.

FERIA QVARTA.

Post Dominicam quartam à Pentecoste.
Luc. 5.

Primum Punctum. Considera reuerentiam Christo D. exhibitam à Petro, qui visā copiosā piscium captorum multitudinē, Christi D. verbo adiuuante, procidit ad genua D. Iesu. Hic vide, an eo affectu reuerentiaque & exteriori sic quo Petrus, Christum D. adores, etsi maiora percipias quotidie, immo semper, ab eo beneficia, quam fuerint pisces illi capti, & si quid sit emendandum, emenda.

Secundum Punctum. Considera humilitatem Petri dicentis: *Exi à me Domine, quia homo peccator sum.* Gratias age pro hac humilitione, eam tibi ut impetret, ora. Et, quoniam conscius es tuorum peccatorum maiorum & plurium, non quidem roga, ut à te Christus D. exeat, sed ut ea exeat, Christo D. ingresso, & ob ea admittā, te infra pedes Luciferi reponē, qui nec tam grauitē, nec tam sæpe, nec post tanta beneficia, Dominum suum offendit, uti tu offendisti.

Tertium Punctum. Considera Christi D. responsum Petro datum: *Noli timere.* O quam suauia sunt verba ista. O vtinam dignus sis, ea quæ te tibi conueniant. Ideo quid te oporteat facere, iis ut sis dignus, vide, & id procura.

Quartum Punctum. Considera aliud Christi Domini dictum: *Ex hoc iam homines eris capiens.* O quam gloriosum est, Christo D. capere homines, pro quibus animam suam posuit, cælum & omnia alia creauit. Quo autem studio te aliis capiendis impendas, vide, & proficere stude hac in parte.

FERIA QVINTA.

Post Dominicam quartam à Pentecoste.
Matth. 12.

Primum Punctum. Considera paupertatem Discipulorum Christi D. qui cum esurirent, ceperunt vellere spicas & manducare. Nullā querimoniam audita, contra hanc egestatem, aut contra Christum D. altum. Tu examina te, quomodo te geras, dum in cibi potusque substantia aut quantitate, aut qualitate, aliquid tibi deesse putas, & an ad hanc Discipulorum Christi D. egestatem perueneris, & ea prome

erga D. Deum, quæ pius suggesserit affectus, in detestationē tuarum querimoniarum, & in emendationem sensualitatum.

Secundum Punctum. Considera bonā quæ adfert victus tenuis & pauperibus accommodatus, & ita te excita ad eum, quantum tibi licet, pro vitæ tuæ ratione.

Tertium Punctum. Considera cur Christus Dominus, qui ut turbas pasceret, non semel miraculosè panes & pisces multiplicauit, hoc attentē in solorum Discipulorum gratiam non fecit, etsi nil prorsus panis haberent, & hinc proficere stude.

Quartum Punctum. Considera scandalizatos Phariseos ob hanc spicatum in Sabbato confractionem quasi contrariam legi D. Dei de seruando Sabbato: Vnde detestare facilitatem scandalorum, & examina te, ne forte etiam tu offendaris rebus, quibus nō deberes, & si quid sit corrigendum in te, corrige.

FERIA SEXTA.

Post Dominicam quartam à Pentecoste.

Primum Punctum. Considera in homine habente manuum ariditatem, in eo sitam, diu quis opeta sua habet fœdata peccatis venialibus, & raro edit opera digna præmio æterno. Tales an in te sint, vide, & tales si in te sunt manus, deplora eas, Christum D. quære medicum & sanitatem.

Secundum Punctum. Considera quā magnā & quā deploranda sit cæcitas & stultitia eius animæ, quæ cum possit D. Deo adiuuante semper opera digna præmio æterno elicere, non elicit, sed raro & segniter: sicut stultus haberetur secularis mendicus, qui cum posset esse diues, esse nollet. & sanctā auaritiā accende cor tuum, ut deinceps totum te dedas, acquirendis sine intermissione, quoad eius fieri potest, amplissimis meritorum & præmiorum cumulibus.

Tertium Punctum. Considera causas quæ te impediunt, ne ita crescas in perpetuo augmento operum vitæ æternæ dignorum, easque amouere stude.

Quartum Punctum. Considera media quæ habes, ad hoc augmentum & perpetuum incrementum gratiæ & futuræ gloriæ, & quomodo ea adhibeas inquire, & defectus si qui sunt, amputa.

SABBATO.

*Post Dominicam quartam à Pentecoste.**Sumat per te preces.*

Primum Punctum. Considera quàm magna excellentia sit Deiparæ, quod sit aptissima ad offerendas Sanctissimæ Trinitati nostras preces, quod agnosces ex Regum Curis, in quibus maximo sunt in honore ij, qui creduntur multum gratiâ valere apud Reges ad impetranda ea quæ petunt: & quoniam Beatissima Virgo plus valet apud D. Deum, quàm omnes Sancti, ideo per eam preces offerri nostras, maximè expetendum est. Gratulare hinc Virgini, quæ tam multâ apud D. Deum pollet gratiâ, pete vt ea vtatur in beneficium tuum, & eam imitari stude, quo possis & tu aptus esse, ad offerendum cum fructu tuas & aliorum preces.

Secundum Punctum. Considera causas, ob quas sperandum tibi sit, preces ad D. Deum tuas esse offerendas per Sanctissimam eius Matrè. Primò ipsius B. Virginis amor erga nos, tanquam erga filios Dei. Secundò Amor erga Ordinem nostrum. Tertiò Amor erga multos fratres nostros, valde sanctos, quibuscum vniti sumus, eiusdem Religionis vinculo. Quartò Amor Christi D. gloria, quæ propagatur, dum nostræ preces exaudiuntur. Quintò conformitas eius cum D. Dei voluntate, qui vellet nos esse perfectissimos, & plenos donis quæ ab eo petimus: ideo spe magna ex auditionis conceptâ, duorum habeas rationem. Primò, vt sæpè & feruenter eam inuoces, petens vt preces tuas offerat Domino Deo: Secundò, ne peccatis preces tuas fâdes.

Tertium Punctum. Considera precum tuarum quas offerri D. Deo cupis per Beatissimam Virginem conditiones, scilicet quo animi ardore fiunt, quo fine, quâ diligentia, quâ morâ temporis, quo situ exteriori & decentiâ, quâ sensuum custodiâ, vt annotes defectus relecandos.

Quartum Punctum. Considera causas, ob quas B. Virgo citius & facilius vnus preces offerri D. Deo quàm alterius, reuocatis in memoriam tum Ecclesiasticis exemplis tum rationibus variis: & ea adhibere ad preces tuas stude, quæ possunt illas reddere valdè B. Virgini & Sanctissimæ Trinitati acceptas.

DOMINICA QUINTA.

Post Pentecosten. Matth. 5.

Primum Punctum. Considera necessitatem magnam acquirendæ magnæ iustitiæ coram

D. Deo, à Christo D. indicatam: Amen dico vobis, nisi abundauerit iustitia vestra plus quàm scribarum & Phariseorum non introibitis in regnum caelorum. Pharisei erant qui cæteris sanctiores habebantur, teiunis & Orationibus dediti, & legis exacti obseruatores, eorum erant plurimi. Tu autem & quomodo eorum superes iustitiam, vel potius secularium bonorum, perpende, & sperare stude.

Secundum Punctum. Considera iræ damnatum. *Omni qui irascitur fratri suo, reus erit iudicio, an irascaris, quàm leues ob causas, quàm sæpè ob nullas, quàm grauer, examina te, & pondera grauitate Diuini iudicij, quod iræ referatur, desiste eam, & emenda, si hac in re peccas.*

Tertium Punctum. Considera conuictorum damnatum: *Qui dixerit fratri suo Racha, id est leuis, & inconstans homo, reus erit concilio, id est, penæ grauioris iudicij, quàm debeat iræ in verba non erumpenti. Si ergo hæc contumelia meretur diuinam penam, quomodo magis grauior & acerbior & magis iniuriosa? Examina ergo te, quomodo te geras hac in parte, & si quid delinquere solitus es, desiste & corripge.*

Quartum Punctum. Considera contumeliæ maioris penam adhuc grauiorem: *Qui dixerit, fatue, seu stulte, reus erit gehemæ igni.* Perpende penæ huius grauitatem, & qualem ob causam incurrat, & vide etiam an ei sis quoque tu obnoxius. Quod agnosces, tuis in genere salutem ponderatis peccatis. Ideo recurre ad fontem misericordiæ, qui tibi sacerdotali manu in Eucharistiâ aperitur. Extingue eo iracundiæ vitia omnia, & extincta consume, ne appareant vlla vestigia, & viscera Christo D. similia in deo, plena sinceræ charitatis.

FERIA SECUNDA.

Post Dominicam quintam à Pentecoste.

Primum Punctum. Considera conditiones Diuini iudicij, in quo non tantum iræ nostræ & contumeliæ, sed etiam alia omnia peccata iudicabuntur à Christo D. Ex quibus conditionibus intelliges, magis tremendum fore illud iudicium, quàm omnia seuerissima etiam humana iudicia. Cum ergo multa habeas, & ferè innumera, in tam exacto & incorrupto iudicio trutinanda, vide quid te oporteat facere dum viuis, vt in eo post mortem res tuæ bene transigantur.

Secundum Punctum. Considera Diuinum iudicium non fore solitarium, sed magno comitatu Assessorum ac testium frequens. Aderunt Sancti, aderunt Angeli, & in primis conscientia tua, certissima testis omnium peccatorum tuorum. Delibera ergo quomodo hos Assessores ac testes tibi possis reddere fauentes, & modos adhibe, quibus id assequaris.

Tertium Punctum. Considera finem iudicij de peccatis subsequenter, scilicet gehennam ignis, ignis aeterni, maioris omnibus vitæ huius supplicis, omni consolatione destituti, nunquam ardorem suum intermittens, assuetudine non minuens suam efficaciam, & alias circumstantias, & vide quid te oporteat facere intuitu huius ignis, tum ob præterita & presentia peccata, tum ob futura.

Quartum Punctum. Considera felicitatem tuam, quod sis receptus in eius Ordinem ei carissimum, qui est futurus tuus iudex, qui etiam te nominatim vocat ad congregationem suorum dilectorum. Gratias ei age pro hoc beneficio, bene spera, sed nihilominus da operam ex parte tua, ut ita illi hinc placeas, ut ibi lætam ab eo sententiam audire possis.

FERIA TERTIA.

Post Dominicam quintam à Pentecoste.

Primum Punctum. Considera causas, ob quas Saluator noster nolit sibi offerri munus altatum, sed super Altare relinqui, donec reuersi reconciliemur fratri nostro nobis offenso, & ex eorum consideratione melior esse stude.

Secundum Punctum. Considera Christum Deum iubere, ut reconciliemur etiam illi qui habet aliquid aduersum nos (quod potest fieri, sine vlla nostra culpa erga illum) quanto ergo magis si illum verè offendimus. Hic examina te ipsum, an aliquo modo offenderis, an sine causa tua, aliquis sua culpa sit tibi offensus, & quod Christus D. monet, perface.

Tertium Punctum. Considera quid te oporteat cauere, loquendo practicè, ne, & alter suo vitio offendatur tibi, ne & tu culpâ tuâ alteri offendas. Et rebus benè ponderatis & desectis, eas fuge.

Quartum Punctum. Considera quid facere possint debeas, ne vllæ tam culpabiles ex parte tuâ, quàm inculpabiles offensa sequantur. Quod agnosces, si reflexionem feceris, custodiendo imaginationem & intellectum (ne vanis distractionibus à cursu Meditationis abripiantur) si inquam feceris reflexionem ad causas præteritarum offensarum tuâ erga te, tum erga alios. Et inuocato D. Dei auxilio, ita viuere stude, ne etiam iniquissimi homines inueniant quidquam, vnde iniquas contra te offensiones struant, & D. Deum ius offendant.

FERIA QUARTA.

Post Dominicam quintam à Pentecoste.

Primum Punctum. Considera causas ob quas Christus D. sanarâ manu aridâ, sequentibus se præcepit, ne cum manifestarent. Res mira

est, Christum D. noluisse patescere sua miracula, quæ tamen eo sine edebat, ut pro filio Dei agnosceretur, & quod Pater æternus expectabat, & quod erat necessarium ad hominum salutem, & fidei, quam prædicabat plenitudinè. Confer cum hac Christi D. humilitate mores tuos, quàm sæpe vis patescere hominibus, ab iisque extolli, tuam vel virtutem, vel doctrinam, vel experientiam, vel innocentiam, & quod dolendum est magis, non rarò id, quod prorsus in te non habes. Confundere & Christum D. imitare se & sua miracula occultantem.

Secundum Punctum. Considera finem quem Christus D. habuit in hac sui occultatione: *Ut adimpleretur quod dictum est per Isaiam Prophetam: Ecce puer meus quem elegi &c.* In quibus verbis pondera cur Christum D. Pater æternus vocet *puerum electum*, & tibi in quantum licet, applica, ratione beneficii, vocationis ad statum religiosum, & ratione obligationis, quam habes, viuendi more innocenti pueri. Et ex singulis decerp: necessaria documenta.

Tertium Punctum. Considera alia verba eiusdem Prophetiæ de Christo D. *Dilectus meus, ponderando, quomodo & quas ob causas Christus D. fuerit Patri suo dilectus, & quibus viis, suo modo, & tu possis esse eiusdem dilectus, & stude proficere.*

Quartum Punctum. Considera alia verba eiusdem Prophetiæ de Christo D. *In qua benè complacuit anima mea.* Hic aspice mente complacentiam Patris æterni erga Christi D. Animam & Corpus, eiusque omnes actiones, gustumque inde spiritualem & suauitatem percipere, & sanctâ emulatione accendere, ut possis esse talis in D. Dei oculis, ut & circa te habeat suam complacentiam. Ad quod quid tibi sit necessarium, vide & adhibere stude.

FERIA QUINTA.

Post Dominicam quintam à Pentecoste.

Primum Punctum. Considera quàm plenus fuerit Spiritu S. Christus Dominus tuus, cui Pater æternus promiserat: *Ponam Spiritum meum super eum*: quàm aptus erat & capax donorum Spiritus S. ex altera parte confer te ipsum, quàm sis aptus & capax, & locum ei præparare stude.

Secundum Punctum. Considera officij Christi D. Messia à Patre iniunctum inter alia: *Et iudicium Gentibus nuntiabit.* Vide quæ & quanta necessitas fuerit iudicij prædicandi, tum Gentibus, tum tibi, & quam ob causam. Et da operam, ut huius rei prædicatio tibi sit salutaris, & in te proficua.

Tertium Punctum. Considera inter laudes Christi D. poni à Propheta: *Non contendet.* Hoc quomodo imiteris, nec ne vide, & statue quid te oporteat facere.

Quar-

Quartum Punctum. Considera & hanc ob rem Christum D. laudari: *Non clamabit, neque audiet aliquis in plateis vocem eius: arundinem quassatam non confringet, & limum fumigans non extinguet.* En quomodo res paruas D. Deus æternus collaudat, & in Scripturis suis hoc extare voluit. Quod quomodo imiteris vide, & corrigenda corrige.

FERIA SEXTA.

Post Dominicam quintam à Pentecoste.

Primum Punctum. Considera causas ob quas Christus D. commendatit custodiam oculorum; aded, vt dixerit spiritualiter intelligendo: *Si oculus tuus dexter scandalizat te, erue eum.* Agnosces necessitatem huius custodiæ ex David lapsu, & aliorum, quibus non es comparandus. Vide quomodo te getas hac in parte, & quid te fugere oporteat.

Secundum Punctum. Considera causam huius rei à Christo D. allatam: *Expedi enim tibi vt pereat vnum membrum tuorum, quam totum corpus tuum mittatur in gehennam.* Quod tum oculo tum aliis membris & peccatis applica, & statue quid tibi sit cauendum, & deesse si qua defenda inuenieris.

Tertium Punctum. Considera quantopere peccata, que manu possunt patrari, sint tibi cauenda. *Si dextra manus tua scandalizat te, abscinde eam, & proiice abs te.* Vbi examina manus vitia, & contra vota, & contra charitatem scribendo, & contra Regulas alias committi solita, eaque deplora & emenda.

Quartum Punctum. Considera modum quo vti debemus in asseuerationibus nostris: *Non periurabis: Non iurare omnino. Sit autem sermo vester, est, est, non, non.* Quod autem his abundantius est, à malo est. Hoc quomodo practices, vide, & si quid sit refecandum, refeca.

SABBATO.

Post Dominicam quintam à Pentecoste.

Qui pro nobis natus.

Primum Punctum. Considera Messiam pro nobis esse natum. Primò, vt esset nobis exemplar omnis sanctitatis. Hic considera, quibus modis fuit Messias causa exemplaris nostra, & quomodo tu vtaris hoc beneficio, & exemplis eius proficias, & in aliquibus rebus præcipuis propone emendationem.

Secundum Punctum. Considera secundo Messiam esse pro nobis natum, vt esset Redemptor noster per proprium sanguinem suum. Hic pondera beneficii huius magnitudinem, spectatâ magnitudinis mali à quo nos redemit: imposita

sibilitate nostrâ, euadendi propriis vitibus hoc malum: excellentiâ vitæ suæ, per mortem atrocissimam datæ; in pretium Redemptionis nostræ, & quidem datæ ita, vt dari, eam necesse non fuisset, si non per modum satisfactionis, sed per liberam condonationem iniuriarum nostrarum, nos à statu malo liberare voluisset. Gratias igitur age Redemptori tuo, & cogita quid ei proportionatum offerre debeas pro tanto beneficio, & illud offer. Nil autem gratius ei offerre potes, quam si coneris habere id, quod ille præterdit, suo sanguine te redimendo: scilicet fugam peccati, & periculantiam in vita bona, & media ad virtutum conducentia.

Tertium Punctum. Considera Christum Dominum esse pro nobis natum tertio, vt esset cibus verus noster, pasceretque nos suo Corpore & sanguine. Admitte inauditam inuentionem Diuinæ charitatis: Gratias age pro egestatem te ei exhibere stude, ne cibum hunc suscipiens indignè eum tractes, & ita eum suscipe, vt appareat, te vesci tali cibo, qui Deus sit & homo. Hoc an appareat, & cur non appareat inquire, & remedia adhibe.

Quartum Punctum. Considera Christum D. esse pro nobis natum quarto, vt in celo esset noster, idque duobus modis. Primò, inde iuuando nos hic certantes, per collationem variorum donorum, vt inuit S. Stephanum, S. Paulum, & alios. Secundò, vt ibi esset obiectum beatitudinis nostræ, nos ibi expectans, & pro hac dignatione tenerrimas age gratias, peteque vt perpetuo sua dona in te effundat, & te illuc transferat statuto tempore. Ad quæ omnia quid te oporteat facere, delibera, & manû operi admoue.

DOMINICA SEXTA

Post Pentecosten. Mar 6.

Primum Punctum. Considera infelicitatem eorum Religiosorum, quibus mysticè id conuenit, quod ad literam olim conueniebat turbæ multæ cum Iesu manenti, quæ non habebat quod manducaret. Tales sunt, qui in Religione suas cogitationes, desideria, gaudia, sermones, actiones occupant circa res seculares, ad incrementum gratiæ & gloriæ non spectantes, immo sæpe illud impediens, acti non habent res meliores spirituales & Diurnas, quibus se pascere possent. Examina te, ne sis eorum numero: si non es, age Domino gratias, si es, serio te emenda.

Secundum Punctum. Considera Christi Domini clementiam, qui nec rogatus quidem, visâ turbæ necessitate, conuocatis Discipulis suis ait illis: *Misereor super turbam, quia ecce iam triduo sustinent me, nec habent quod manducem.* Gratias

age Domino tuo pro hac commiseratione: Adora cor eius Sanctissimum, tali charitate plenum. Et perpende, quàm bonum & vtile sit, Christo D. adherere, etiam ad pauculos dies. Confirma igitur te inuocatione tuâ, in quâ tot annis Christo D. adhaeres, & spera nunquam tibi defuturam misericordiâ eius, nisi ipse peccatis eam impediât.

Tertium Punctum. Considera Christi D. in Eucharistia manentis pium erga nos affectû. Nam qui SS. Eucharistiæ afficiuntur, & instar pie turbæ aliquâ horulâ certis diebus Christo D. assistunt, procul dubio experiuntur misericordiam eius. *Quia non derelinquit quærentes se: vt ait Psalmista. Tu an sis ex eorum numero vide, & si forte assistis ei, sed cum offensâ eius, sed tepidè, sed oscitanter, emenda te.*

Quartum Punctum. Considera necessitatem Sanctissimæ Eucharistiæ verbis illis Christi D. spiritualiter intellectis significatam: *Si dimisero eos ieiunios in domum suam, deficient in viâ.* Ideo enim multi deficient, quia ita sumunt Eucharistiâ, ac si non sumerent, quia effectus eius vix in se experiuntur. Examina te quomodo sumas, quo fructu, an te meliorem quolibet anno sentias, & si quid sit corrigendum, corrige.

FERIA SECVNDÆ.

Post Dominicam sextam à Pentecoste.

Primum Punctum. Considera multis nostrum conuenire illa Christi Domini verba: *Quidam ex eis (scilicet qui Christo Domino per triduum adhaerebant) de longè venerunt.* Hi sunt in duplici differentia. Quidam tantum ratione status secularis erant elongati à Christo D. status religiosi auctore & ideâ. Alij præter statum, erant elongati per peccata mortalia in seculari statu commissa. Pondera hanc longam tu olim à Christo D. distantiam, deplora eam, gratias age, quod qui *eras longè*, vt loquitur Apostolus, *factus es propè*, & ora, vt etiam per eminentiâ sanctitatis & gloriæ, in cælo sis propè Christum Dominum.

Secundum Punctum. Considera sæcularibus conuenire illa Discipulorum verba: *Vnde istos poterit quis hic saturare panibus in solitudine?* Nihil enim est in seculari statu, eius status proprium, quod animam nostram satiare possit. Ideo nullus sæcularium contentus est suis honoribus, suis voluptatibus, suis diuitiis. Detestare igitur hanc splendidam sæculi miseriam. Age Domino gratias, quod te in suorum numerum cooperari. Pete perseverantiam, & gratiæ Domini Dei cooperare, & obligationi Religiosæ satisfacere semper stude, quæ non est alia, quàm sanctè viuere.

Tertium Punctum. Considera tanquam nobis *Lancicij Opusc. Tom. 2.*

dicta à Christo D. illa verba: *Quot panes habetis* & responde cum Discipulis: *Septem: scilicet Sacramenta.* Pondera quantam gratiam, quàm multiplicem in iis D. Deus dederit suæ sponsæ Ecclesiæ: gratias age. Vide quomodo eam haurias ex iis Sacramentis, quæ sunt tuo statui accommodata. Confundere quod parum haurias, & te emenda.

Quartum Punctum. Considera benignitatem D. Iesu, qui turbam cibo miraculosè parato refocillaturus, vult commodè illum percipere: ideo enim non dedit ambulanti, non stantibus, sed præcepit turbæ *discumbere super terram:* Contemplare hic filiali affectu, cor tam benignum Domini tui. Gratias age pro hac charitate. Adora tam paterna viscera. Et vide quid tibi sit sperandum ab illo, quando ita etiam de honestis suoribus commoditatis est sollicitus, tantum redde te dignum eius benignitate, per vitam bonam, & similem charitatis affectum indue erga proximos.

FERIA TERTIA.

Post Dominicam sextam à pentecoste.

Primum Punctum. Considera modum quo Christus Dominus tractabat manibus panes & pisciculos, dum eos turbæ distribuere, & ex eo discere, quomodo te inter edendum gerere debeas, à quibus defectibus cauere, quos hic in memoriam reuoca, & ob eos confundere, ac eos fuge.

Secundum Punctum. Considera modum quo Christus Dominus gratias egit, cibum distributurus: quo scilicet affectu interno, quo externo situ membrorum; & hinc proficere stude.

Tertium Punctum. Considera frugalitatem turbæ, cuius numerus erat quasi 4000. quæ non deuorauit omnia sibi data, sed reliquit septem sportas fragmentorum, è septem panibus & pauculis pisciculis. Hæc trutina, & ad tuam instructionem conuerte.

Quartum Punctum. Considera causam, cur nulla fiat mentio manducationis ipsius Christi D. & Apostolorum, sed tantum distributionis panum & piscium. Item cur nulla sit mentio exhibitæ potus etiam simplicis aquæ, & quia res non caret mysterio, tu illud indaga, & ditige ad tuorum morum reformationem, & stabiliendum mortificationis studium magis quàm rudes credant, D. Deo grati in siti mortificanda, & gulâ frenandâ, circa quantitatem & qualitatem potus.

FERIA QUARTA.

Post Dominicam sextam à Pentecoste.

Primū Punctum. Considera causas, ob quas Christus Dominus miraculosè satiaturus turbam tantum panem & pisces adhibuit, non carnes, non alia obsonia, aut condimenta: & hinc discite sapientiam magnam Sanctorum omnium eximiorum, quam ostenderunt in fugā oblectationum gustus: circa quas quomodo te geras vide, & statue, quid tibi sit faciendum, ne sis degener Sanctorum.

Secundum Punctum. Considera causas, ob quas & Christus Dominus & eius serui ac ferij imitatores, adeo vitarunt & quidem ingeniosè ac studiosè gustus delicias, tum in quantitate, tum in qualitate, tum in mora temporis, circa vsum ciborum ac potus, & refectatis si qui sunt in hoc tuis defectibus, imaginare te Christum Dominum sitientem aspicere, & vide quid ei sitienti offerre debeas, ut eius exemplo te conformes.

Tertium Punctum. Considera causas, ob quas Christus Dominus non per se ipsum, sed per Discipulos suos, panes & pisces distribuebat turbæ. Ita nimirum vult pendere homines ab hominibus: ita Superiorum auctoritatem stabilis, ut per eos, non per se immediatè suos velit instruere. Discite hinc, quo loco ij sint habendi, quibus vices suas Dominus Deus committit.

Quartum Punctum. Considera formulam paupertatis Evangelicæ, in illâ turbâ expressam, postquam satiata fuit. Non reliquit quæ superfluerant fragmenta, sed septem sportas illis impleuit & sustulit. Agnosce hinc, quid te deceat facere in Christi Domini domo, non abiicere res modicas, quæ videntur quædam fragmenta, sed tanquam res Domino tuo caras, eiusque suppellectilem Sacram, pio affectu tractare, non destruere, sed custodire illasam stude. An id facias vide, & si quid corrigendum sit, corrige.

FERIA QUINTA.

Post Dominicam sextam à Pentecoste.

Primum Punctum. Considera patientiam, quâ à suis exigit Christus Dominus: *Si quis te percusserit in dexteram maxillam tuam, prabe illi & alteram.* Si hoc à secularibus quoque Christus Dominus exigit, quanto magis à te. Reuoca nunc in memoriam omnes tuas iniurias, minores hac inuenies. Cur ergo non eo fers illas animo, quo Christianum, non dico Religiosum deceat Confundere mundi titulos tenus contempnor, & discere a quo animo aduersa pati.

Secundum Punctum. Considera Christum Dominum non restringere patientiam hanc ad causas culpabiles, sed absolutè velle, ut ferat iniurias, etiam sine tuâ culpâ vel causâ illatas. Quod an facias examina te. Et causas iniquas, quæ tibi persuadebunt, debere te omnes, etiam eas tolerare, quas meritis non videris, quia nunquam sine causâ Domino Deo saltem notâ, tibi accident, & quidem cum causâ culpabili ex parte tua, quam iusto iudicio D. Deus vult punire.

Tertium Punctum. Considera quomodo velit Christus Dominus corda nostra esse auulsa, ab vfu & possessione rerum: *Qui vult tecum iudicio contendere, & tunicam tuam tollere, dimitte ei & pallium.* Examina hic affectum tuum ad res quibus vteris, si non contra Regulas acquisitas, saltem superfluas, & prætextu hâc necessitatis acquisitas. Et vide quomodo te viuere deceat in domo paupertatis, voto obstrictum paupertatis, Christi Domini pauperis imitatorum.

Quartum Punctum. Considera quàm charitatem commendet Dominus Deus suis, in iuando proximo nostrâ operâ indigente: *Quicumque te angariauerit mille passuum cum eo & alicui duo.* Discite hinc quomodo iurare tuis laboribus debeas fratrem. Vide quomodo te geras erga commembrum tuum. Veniam caput (scilicet Ordinem vel Superiorem tuum) iures, dum operam tuam exposcit, pro quâ tot excusationes obtendis frivolas, iusto D. Dei iudicio damnandas.

FERIA SEXTA.

Post Dominicam sextam à Pentecoste. Matth. 5.

Primum Punctum. Considera causas, ob quas debeamus vti Christus D. prescriptis, diligere inimicos nostros: scilicet Dei & Christi Domini & Sanctorum exemplum, Dei voluntatem, commoda &c. & accendere ad amorem hunc heroicum.

Secundum Punctum. Considera ea in quibus sita est interna dilectio inimicorum. Quod agnosces ex iis, in quibus sita est dilectio amicorum, & nobis carorum. Et examina te, an in te sit talis erga inimicos dilectio. Quod si non est, erubescere, dole, & propone emendationem.

Tertium Punctum. Considera effectus externos dilectionis internæ: *Benefacite his qui oderunt vos.* Quid sit benefacere, quibus modis id fiat, & fieri debeat, perpende, & ita viuere stude, præsertim erga domesticos.

Quartum Punctum. Considera eis te debere signa dilectionis internæ qui maxime tibi sunt contrarij. Tales sunt ij, de quibus Dominus ait: *Orate pro persequentibus & calumniantibus.*

tibus vos. Calumnia enim maximè omnium conturbat viros spirituales non mortificatos. Hoc quam sit magnum beneficium Domini Dei, perpende, & eius desiderio accendere, & propone quàm magno charitatis affectu tales prosequi debeas.

SABBATO.

Post Dominicam sextam à Pentecoste.

Tulit esse tuus.

Primum Punctum. Considera primum modum quo Christus Dominus erat Beatissimæ Virginis. Erat enim eius tanquam verus & naturalis filius, ex eius purissimo sanguine, ope Spiritus Sancti, quoad suum corpusculum conceptus, sine viri operâ, ac proinde totaliter eius Patri tertio nil debens, & sine temporis incremento conceptus, & statim animatus: quomodo non concipiuntur vlli homines. Ideo nullius matris erat ita vllus filius, sicuti fuit Christus Dominus Filius Mariæ. Gratulare ergo ei talem filium, & cogita, quàm magna sit hæc eius felicitas, & pete ab ea, vt suo modo illum faciat esse tuum.

Secundum Punctum. Considera secundum modum quo Christus Dominus erat Beatissimæ Virginis, scilicet per gratiam iustificantem, quâ semper fuit illius. Nullum enim fuit instans temporis, quo Christus Dominus non fuerit Beatissimæ Virginis: siquidem nullo instanti fuit in peccato mortali, per quod Christus Dominus desinit esse noster, & hic gratulare Sanctissimæ Virgini; gratias age Sanctissimæ Trinitati pro beneficio ei collato, & cum dolore ac pudore recogita, quàm sæpè Christus Dominus non fuit tuus, forè etiam in Religione, toties nimirum, quoties eû peccato aliquo mortali, ex animâ tuâ expellebas. Deste hoc, & pete, vt deinceps semper sit hoc modo tuus per gratiam.

Tertium Punctum. Considera tertium, modum quo Christus Dominus erat Beatissimæ Virginis, scilicet per similitudinem morum, quia inter nullas creaturas puras fuit tanta similitudo Sanctimonie, quanta inter Christum Dominum & eius Matrem, siue spectes carèntiam peccatorum, siue habitus virtutum infusus & acquisitos, siue actus virtutum, siue fomitis refrenationem, omni motu inordinato carentem. Hæc quatuor vbi ponderaueris, confert tuos mores cum moribus Sanctissimæ Matris, erubescè, dèste eos, & te excita, vt ei quàm simillimus vitæ sanctimoniam per D. Dei gratiam euadas.

Quartum Punctum. Considera quartum modum quo Christus Dominus erat Beatissimæ Virginis, scilicet per viciniam cultus. Nam

Lancij Opus. Tom. 2.

in Ecclesia Catholica, nulla rationalis creatura pura, tantopere colitur à fidelibus, & tali hyperdoliæ cultu, quali colitur Dei Mater, ob intrinsecas quas in se habet perfectiones & dona, beneficio huius filij. Tu ergo excita in te gaudium, ob talem eius in vniuerso orbe terrarum cultum, & omnibus hominibus eam colentibus per totum mundum, te in spiritu adiunge, & tuum cultum vni cum eorum cultu, & pete à Beatissima Matre, vt te efficiat carum filio suo per gratiam, perque omnia eius dona, vt tandem in celo velit esse tuus.

DOMINICA SEPTIMA.

Post Pentecosten. Matth 7.

Primum Punctum. Considera qui sint falsi Prophetæ, venientes in vestimentis ouium interius autem habentes rapacitatem luporum: qui scilicet exterius videntur boni, æstimantur boni, non sunt tamen intus tales quales videntur. Tu an sis eorum è numero, & quas ob causas sis, vide, & causas amouere stude.

Secundum Punctum. Considera certum indicium homines agnoscendi: *Fructus eorum: Ex fructibus eorum agnosceis eos.* Fructus sunt verba, & opera. Per hæc alij nos agnoscunt. Tu examina fructus tuos, & vide, an ex iis possis pro bono Religioso agnosci. Si mali sint fructus, vitio tuo mali sunt. Nam nil tibi dèest ad hoc, vt sint boni, ideo confunde te, & te emenda.

Tertium Punctum. Considera quantum Domino tuo gaudium præberes, si cum sis spinis & tribulis similis, dulces bonorum operum fructus proferres, tanquam vvas & ficus. Cõpatere Domino tuo, qui vt ait Propheta, non inuenit botrum ad manducandum, & cum magna sit penuria perfectorum virorum, accendere ingenti desiderio magnæ perfectionis, vt perfecte viuendo famem & sitim Domini tui explere possis.

Quartum Punctum. Considera vim multiplicem quam SS. Eucharistia ritè sumpta præbet ad ferendos bonos fructus etiam in iis, qui antea instar spinarum & tribulorum vnebant, & crescebant in horto Domini Dei. Cur ergo toties eam sumens, proportionatos huic sicco & pluuiæ caelesti Eucharistiæ, non profers fructus? Causas inquire, & te emendare stude.

FERIA SECUNDA.

Post Dominicam septimam à Pentecoste.

Primum Punctum. Considera an merearis bona vel mala dici arbor in Christi D. hortu *Omni enim arbor bona bonos fructus facit, mala malos: & hoc est signum primum bonæ vel malæ arboris, fructus eius.* Intra specie tuas potentias internas, tuos sensus; membra corporis, & fructus eorum, & hinc agnosces, qualis arboris nomen merearis.

Secundum Punctum. Considera ad bonitatem plenam arboris; bonos fructus satis non esse, sed præterea requiri quandam moralem impotentiam, malos fructus producendi. *Non potest arbor bona (inquit Dominus) malos fructus facere.* Talis fuit impotentia in Ioseph castissimo, qui ab impiâ Dominâ ad peccatum sollicitatus respondit: *Quomodo possum (id est non possum) hoc malum facere & peccare in Deum meum.* Tam firmus in bono an sis, vide, & quomodo esse possis cogita.

Tertium Punctum. Considera periculum eorum, qui etiam mali non sunt, steriles tamen sunt in bono: *Omni arbor quæ non facit fructum bonum, excidetur & in ignem mittetur.* Hoc quam malum tibi cogita; & ne tibi conveniat, stude.

Quartum Punctum. Considera verba illa Christi D. & ex illis fructum spirituales decerpe quem à te exigunt: *Non omni qui dicit mihi Domine, Domine, intrabit in regnum cælorum, sed qui facit voluntatem Patris mei qui in cælis est, intrabit in regnum cælorum.*

FERIA TERTIA.

Post Dominicam septimam à Pentecoste.

Primum Punctum. Considera magnam commendationem eorum, qui diligunt inimicos iisque benefaciunt: sic enim fiunt filij Dei. *Ut sitis filij Patris vestri qui in cælis est: quæ quantitas sit dignitas perpende, ex similitudine filiorum Regis, vel alterius Principis, & ex privilegio quæ habent filij Magnatum, eod quod eorum sint filij, & ita accendere desiderio dilectionis inimicorum, ut filius Dei esse possis.*

Secundum Punctum. Considera primum modum quo debemus factis ostendere amorem erga inimicos nostros, expressum similitudine solis quem Pater cælestis facit oriri super bonos & malos &c. Quod ergo sol oriens præstat hoc tu præstare debes, tum amicis tum inimicis. Quid illud sit cogita, tibi applica: si talis non es dole, & talis esse efficaciter stude.

Tertium Punctum. Considera secundum modum exhibendæ dilectionis inimicis, alia similitudine declaratum à Christo D. *Et pluit super iustos & iniustos.* Debes ergo id præstare amicis & inimicis; quod præstat pluvia rebus quas humectat & rigat. Quid illud sit vide, quomodo id præstes cogita, & præstare stude.

Quartum Punctum. Considera causam cur non debeamus esse contenti solâ dilectione amicorum, quia (inquit Dominus) *& publicani & Ethnici hoc faciunt,* qui diligunt & salutant amicos. Vnde discere quæ sæculares faciunt, debere te facere, immo multa plura & perfectiora. Talis an sis examina te, & eos in omni opere bono & functione virtutis superare stude.

FERIA QUARTA.

Post Dominicam septimam à Pentecoste.

Primum Punctum. Considera amorem magnum Christi Domini erga nos, qui cupit nos esse perfectos, sicut Pater cælestis perfectus est. Hoc agnosces ex magnitudine amoris in Rege, si tuos subditos vellet esse ita civites, potentes, felices, sicut est ipse. Id pondere gratias ei age, admirare eius benignitatem & alpir ad hanc gratiam quæ tibi offertur.

Secundum Punctum. Considera primam perfectionem Domini Dei in quâ ipsum imitari potes, esse impeccabilitatem: hæc omni ex parte in te esse non potest, potest tamen esse talis: *Primo,* ut raro idque levissime pecces. *Secundo,* ut ita sis aversus à peccatis graubus, ut quodammodo moraliter loquendo, peccare non possis, illo sensu quo S. Iohannes ait: *Qui natus est ex Deo peccare non potest.* Hanc perfectionem an habeas inquire, si non habes humilia te, & excita te aliquibus motibus, ad eam desiderandam & querendam.

Tertium Punctum. Considera secundam Domini Dei perfectionem imitandam tibi, esse eius rectitudinem in omnibus operibus. Omnia enim rectè & sanctè facit. Tu an talis sis vide, & corrigenda corrige.

Quartum Punctum. Considera tertiam Domini Dei perfectionem imitandam, esse perpetuam suæ Divinitatis contemplationem & amorem. Hæc quomodo in te vigeant, quomodo vigere possunt in statu vitæ præsentis considera, & quantum licet, habere stude.

FERIA QVINTA.

Post Dominicam septimam à Pentecoste.

Primum Punctum. Considera quartam D. Dei perfectionem, fecunditatem & efficaciam omnium eius operum interiorum & exteriorum. Non enim sunt otiosa nec inania, sed cum fructu: cognitione sua producit Deus Pater verbum æternum: amore Spiritum Sanctum vnà cum filio, tanquam vnum principium spirans: omnia alia extra se producit voluntate sua, quæcunq; producit. Hoc imitaberis, si proposita tua bona, non erunt inania, sed cum executione iuncta: item, si sermones tui proderunt audientibus; si operationes tuæ erunt viles Communitati, & frustra tempus non consumunt. Talis an sis, vide, & emenda emendanda.

Secundum Punctum. Considera quintam D. Dei perfectionem imitatione tuâ dignam, perpetuam pacem internam, quæ nec aliorum peccatis, nec propriis passionibus quibus caret, minuitur. Confer te cum illo, humilia te, & ad talem animi tranquillitatem aspira.

Tertium Punctum. Considera sextam D. Dei perfectionem, stabilitatem in suis Decretis absolutis, & ab aliorum cooperatione non pendentibus. Tu quoties res bene & merito constitutas, accedente aliqua tentatione vel perturbatione, immutas, & à bonis propositis resis? Hoc quàm sit turpe, quàm noxium, quàm D. Deo iniuriosum, perpende, & vitate stude.

Quartum Punctum. Considera septimam Domini Dei perfectionem imitandam, finem perfectissimum, quem spectat in omnibus & singulis operibus suis, scilicet seipsum & gloriam suam. Talis an sit finis operum tuorum, examina, & quàm multorum operum iacturam facias ob prauum finem, vide, & te emenda.

FERIA SEXTA.

Post Dominicam septimam à Pentecoste.

Primum Punctum. Considera octauam D. Dei perfectionem imitandam esse attentionem ad omnia quæ facit talem, vt vni attendendo, attendat omnibus aliis ac singulis non minus ac si vni soli attenderet. Admitare hanc capacitatem Diuini intellectus, & cautè procede in omnibus, sciens D. Deum perfectissimè videre omnia opera tua, eumq; imitare, ita opera vitæ actiue exercendo, ne contemplatiue prejudicent, & è contra. Quod an facias, vide, & facere stude.

Lancij Opusc. Tom. 2.

Secundum Punctum. Considera nonam Domini Dei perfectionem imitandam, in rebus contrariis summam rectitudinem. Nam etsi infinite est iustus, infinite tamen etiam est misericors & benignus, nec opera misericordiæ impediunt opera iustitiæ & è contra, quia æquissimè facit omnia, & diuersos & eosdem pro meritis tractat. Hoc imitaberis, si affectus tui non deprauabunt rectum iudicium, si amor erga aliquem, non impedit iustam seueritatem, & causa non erit ob humanos respectus D. Deum offendendi. Examina ergo te, & si quid est emendandum, emenda.

Tertium Punctum. Considera decimam D. Dei perfectionem imitandam, omnium rerum malarum, rectum vsum, nam & peccata permittit ob finem bonum, & ea facit prodesse conuersis, quia dat occasionem doloris, humilitatis, cauteq; & D. Deo ipsi occasionem ostendendæ misericordiæ tuæ, dum ea remittit, & iustitiæ dum ea punit. Ita tu omnibus culpæ & pœnæ malis vttere ad D. Dei gloriam. Quod quomodò practicè facere possis, considera, & exequi stude.

Quartum Punctum. Considera vndecimam perfectionem D. Dei imitandam, amorem naturalem & supernaturalem inimicorum suorum, quem multis beneficiis, vario modo ostendit. Hunc quomodo debeas imitari considera, & desistet tuis defectibus, Domino tuo te conforma.

SABBATO.

*Post Dominicam septimam à Pentecoste.**Virgo singularis.*

Primum Punctum. Considera Mariam fuisse Virginem singularem, quia prima omnium vouit Virginitatem suam D. Deo. Hoc quàm sit excellens, tum ratione voti, tum quia prima omnium vouit, tum quia votum perfectissimè omnium seruauit, perpende, & agnosce felicitatem tuam, quod ad statum talem vocatus sis, in quo castitatem sectari debeas. Gratias age D. Deo, pete gratiam ad votum hoc adimplendum, & vide ne quid sit quod refectandum sit.

Secundum Punctum. Considera Mariam fuisse Virginem singularem, propter privilegium Maternitatis saluâ integritate Virginali. Gratulare Virgini hanc prerogatiuam, maiorem multis aliis miraculis gratiæ, superadditis naturæ: simulque pondera id quod notat Sanctus Augustinus, felicius esse exequi Domini Dei mandata quàm esse Matrem Dei. Agnosce ergo & tuam felicitatem, qui id Domini Dei ope præstare possis, sed vtrumque Mariæ concessum, gratulare.

V v v 3

lare, & ut sit Mater tuâ per adoptionem pete, & quid ad hoc sit necessarium inquire, & habere stude.

Tertium Punctum. Considera Mariam fuisse Virginem singularem, quia singulari perfectione coluit Virginitatem, caruit enim cogitationibus, tentationibusque sædis, multo magis omni defectu contratio castitati, & ad eius amorem suo aspectu excitabat. Hæc pondera, & ex omnibus ad te applicatis, piam aliquem affectum decerpe.

Quartum Punctum. Considera Mariam fuisse Virginem singularem, quia cum singulari Virginitate & maternitate, habuit singularem Filium, id est omnibus filiis in mundo unquam genitis, meliorem, digniorem, potentiorem, &c. Hinc concipies magnam spem multiplicium D. Dei auxiliorum per hunc Filium, Matrem tuam id procurante percipiendorum. Quid enim negabit filius Matri carissimæ poscenti tantum da operam, ut sis carus valde huic Matri, quæ procul dubio multa impetrabit tibi à filio suo. Cogita ergo quâ ratione possis tibi demereri valde hanc Matrem, ut per eam bonis filij innumeris replearis.

DOMINICA OCTAVA.

Post Pentecosten.

Primum Punctum. Considera te esse villicum D. Dei, cui sit commissæ dispensatio bonorum naturalium, ad corpus & animam tuam pertinentium intrinsicè quoad membra, sensus, potentias. Examina ergo quomodo ea hæcenus dispensaveris, an iuxta Domini voluntatem vel secus, & quia invenies te in multis infidelem, dolo, veniam pete, & te emenda.

Secundum Punctum. Considera quomodo dispensaveris bona supernaturalia, quæ animæ tuæ & per baptismum & per alia Sacramenta ac operum bonorum merita intrinsicè infunduntur, scilicet habitus Theologicarum virtutum, & morales, & ut in primo puncto ob errata dolo, & te emenda.

Tertium Punctum. Considera quomodo dispensaveris bona extra te posita, tum naturalia, scilicet creaturas, quorum tibi usus est permissus vel vetitus: tum supernaturalia, ut sunt bona exempla, pœnæ, beneficia varia, Sacramenta, indulgentiæ, monita, Conciones lectiones &c. & similiter ob errata dolo, veniam pete, & te emenda.

Quartum Punctum. Considera quomodo beneficio SS. Eucharistiæ usus sis, & illud vel tibi, vel etiam aliis, si Sacerdos es, dispensaveris, quâ devotione, quo ser-

tu, & prout in primo puncto, ita & hic pendende omnia, & ad fructum spirituales convertite.

FERIA SECUNDA.

Post Dominicam octavam à Pentec.

Cur Deus dicatur homo dives?

Primum Punctum. Considera primam causam, ob quam D. Deus tuus merito vocatur homo dives, quia habet in se omnes huius mundi divitias, idque infinito modo maiores, & sine ulla imperfectione. Unde sequitur, debere à te ardentius queri D. Deum, quam soleant huius mundi divites. Hoc an facias vide, confunderi, & te emenda.

Secundum Punctum. Considera secundam causam, ob quam Dominus tuus verè dici debet homo dives, quia ipse est fons, ex quo promanant in alios omnia bona huius vitæ. Unde sequitur, debere te magis ambire illius gratiam, quàm soleas eorum, a quibus bonum aliquod speras. Quod an facias, perpende, & proficere stude.

Tertium Punctum. Considera tertiam causam ob quam Dominus tuus est verè Homo dives, quia solus ille esse pauper non potest, solus ditando alios, nihil perdit, quod nulli alteri convenit, etiam divissimo mortali. Unde sequitur, felicem te esse, qui talem habes Dominum qualem nullus secularium habet à Regibus seculi. Vide igitur an tam fideliter, tamque assidue servias Domino tuo, sicut seculares serviunt Dominis suis spe diuitiarum & præmiorum affecti, & constitue quid te facere deceat in hoc divino famulatu.

Quartum Punctum. Considera quartam causam ob quam Dominus tuus iure optimo vocandus est dives, quia omnes eius creaturæ, etiam peccata ipsa, quorum author non est, possunt ditare hominem, si ipse velit bene vitæ bus creatis, & peccatorum occasiones & tentationes fugere, & ex illis fumere occasionem nulli doloris, pœnitentiæ, satisfactionis, emendationis &c. Examina ergo te, quomodo his vitæ, & practicè delibera, quid te oporteat facere, ut pro honore Domini tui ditescas in curia eius.

FERIA TERTIA.

Post Dominicam octavam à Pentec. Luc. 16.

Primum Punctum. Considera quanto potius solliciti esse debeamus, ne diffamemur apud D. Deum, sicut villicus ille Evangelicus fuit diffamatus apud Dominum suum, quasi

quasi dissipasset bona ipsius. Quicquid enim timeri potest ex diffamatione apud homines quosuis, id multo magis timeri potest, ex diffamatione coram Domino Deo. Hic perpende quantum opere vites, & sentias malam apud homines existimationem, apud D. Deum vero non ita. Confundere, agnosce tuam stultitiam, & te emenda.

Secundum Punctum. Considera quale sit iudicium de te Domini tui, ne forte sis vnus ex illis, quibus conuenire possunt illa verba: *Quid hoc audio de te?* Hoc D. Dei de te iudicium agnosces, ex modo viuendi tuo, cui aeterna veritas, quae solet esse conformis obiecto, se se accommodat. Ideo si speras iudicium de te Domini Dei, fauens tibi, gratias age, sin minus, pete veniam, & mores corrige.

Tertium Punctum. Considera quam cautela debeas omnia opera tua peragere, quia ante omnia imaginari debes promulgatam illam sententiam: *Redde rationem villicationis tuae.* Ita enim viuere debes, ac si in fine operis, moriendum tibi esset, & reddenda ratio villicationis tuae. Talis an sis considera, & proficere stude.

Quartum Punctum. Considera incertitudinem diuturnitatis vitae, semper enim etiam dum sani sumus, timere possumus, ne nobis contingat illud adite: *Tam non poteris villicare.* Cur ego differs necessariam poenitentiam & emendationem, &c. Hec perpende, & ad talem vitam te instrue, vt quouis momento, paratus sis ad moriendum, sine externis auxiliis. Hoc quam sit vtile considera, & ad hoc te accinge.

FERIA QUARTA.

Post Dominicam octauam à Pentecoste.

Primum Punctum. Considera modos, quibus possis consulere rebus tuis, ne in D. Dei iudicio damneris: *Quid faciam, quia Dominus meus auferit à me villicationem?* & hos modos tempestiue adhibere stude, vt iudicium D. Dei praeuenias.

Secundum Punctum. Considera duo impedimenta, quae faciunt ne ita fauentem nobis experiamur Iudicem D. Deum, sicut experiri possemus, scilicet fugam laborum in obsequio D. Dei, praesertim difficultium, seu iacturam temporis per otiosas occupationes, & propriae existimationis & honoris appetitum, per hanc sententiam expressum: *sedere non valeo, mendicare erubescio.* An autem in te sint haec duo, inquire, & si sint, deploras, & te emenda.

Tertium Punctum. Considera varios debitores, quibus satisfacere debes, ne in D. Dei iudicio quidquam patiaris. Hi sunt D. Deus ipse, homines quibus malo consilio vel exemplo nocuisti, conscientia tua, Ordo tuus, si tui causa male audiit aliquando, corpus quod peccatis sedasti, similiter & anima, Angeli, Sancti

turales, quos contristasti. Vide ergo quomodo iis satisfacere debeas, & statim incipe,

Quartum Punctum. Considera quibus in rebus saeculi homines filios lucis vincant, tum in auertendis malis suis, tum in bonis acquirendis: & confundere eorum exemplo, ac te excita ad similem diligentiam adhibendam, in rebus ad gratiae & gloriae augmentum spectantibus.

FERIA QUINTA.

Post Dominicam octauam à Pentecoste.

Primum Punctum. Considera ob quas causas mali, vocentur filij huius saeculi, iusti vero, filij lucis, & ex hac consideratione proficere stude.

Secundum Punctum. Considera causas, ob quas deberes esse prudentior filius saeculi in generatione sua, & ita accendere vehementi desiderio, ad acquirendam & opere exhibendam, hanc prudentiam Sanctorum.

Tertium Punctum. Considera primum in quo maxime prudentia filiorum huius saeculi elucet, quia omnes internas potentias externis, quae actus suos occupant in quaerendis, conseruandis, augendis, & rebus huius saeculi, scilicet diuitiis, honoribus, commodis, voluptatibus, &c. Examina te, an talis sis, in inquirendis, conseruandis, augendis donis gratiae & gloriae, & confundere ac te emenda.

Quartum Punctum. Considera secundum in quo prudentia filiorum huius saeculi elucet, quia bonis saeculi inhiant summo affectu, conatu & labore indefesso, tolerando aduersa grauissima & periculosissima, vt patet in fabris, nautis, mercatoribus, militibus, aulicis. Tu, vide an tali conatu, labore, tolerantia aduersariorum, &c. incumbas rebus quibus aeterna praemia sunt promissa, & confundere vehementer, atque te excita ad ingentem feruorem.

FERIA SEXTA.

Post Dominicam octauam à Pentecoste.

Primum Punctum. Considera causas, ob quas diuitiae saeculi vocentur *Mammona iniquitatis* scilicet, quia vt plurimum inique acquiruntur, vel quia ad iniquitatem viam sternunt, vel quia ab iniquis non à iustis vt videmus, tanti fiunt, & rebus aeternis anteponuntur, vel quia ipsae iniquitas quaedam sunt, dum id quod D. Deus fecit commune omnibus, vnus habet, alter non habet, vnus abundat, alter eget: quae omnia ponderando excita in te odium diuitiarum, & gratias age D. Deo pro vita paupere, & in ea te ad mortem conseruari opta.

Secundum Punctum. Considera primum modum quo potes facere tibi vtile mammonam iniquitatis, scilicet per Eleemosynam. Hanc saeculari-

cularibus cæteris dedisti maiorem, dum Christo Domino omnia donasti, pro quo omnia quæ habebas & habere poteris, reliquisti. Gratias age pro hoc beneficio, & vide ne adhuc in paupere domo, sit affectus in te erga res relictas. Examina te, & si quid sit huiusmodi, quamprimum refecare stude.

Tertium Punctum. Considera secundum modum quo potes tibi vitalem reddere mammonam iniquitatis per fugam commodorum huius sæculi, quæ hac mammona parari solent, in victu, vestitu, habitatione, otio, delectationibus externis sensuum, &c. Hic recogita Sanctorum exempla in rebus huiusmodi, & deploratâ dissimilitudine vitæ tuæ, eorum paupertati & Christi D. ipsius inopiæ te conforma.

Quartum Punctum. Considera tertium modum, quo mammona iniquitatis potest tibi utilis esse, si & exemplo, & verbo, & precibus, & meritis tuis coopereris ad conversionem diuitum sæculi, vel ad vitam Religiosam, vel ad rectum usum diuitiarum in sæculo. Et ad hoc vocatus es in Societatem. Ideo vide quid tibi & nunc & suo tempore sit faciendum: & vt hac in re Societati sis utilis, maturè necessaria ad hunc finem para.

S A B B A T O.

*Post Dominicam octauam à Pentecoste.
Inter omnes mitis.*

Primum Punctum. Considera Beatissimam Virginem fuisse inter omnes mitem animo, quia in animo suo nullas habuit cogitationes, nullos item affectus voluntatis mansuetudini contrarios, siquidem ob singulare D. Dei priuilegium, habebat frænatum perfectè concupiscentiæ fomitem, ideoque nullos inordinatos motus rationi contrarios patiebatur. Hanc tranquillitatem mitissimæ animæ Virgineæ animo spectans, admirare eam, extolle laudibus, gratias age Domino, qui tam rarum priuilegium ei concessit. Gratulare Virgini hanc tranquillitatem, & ab ea parte, vt tibi quoque impetret hanc mentis mitissimæ quietem.

Secundum Punctum. Considera motus anime internos mansuetudini contrarios, quos & in cogitationibus tuis, & in actibus voluntatis, rationi repugnantibus sæpè experiris, quibus tanquam mare turbidum fluctibus exagitaris. Agnosce peccati originalis effectus & prauorum actuum deinde habituumque tuorum reliquias, erubescere quod sæpè exurgant sine vlla vera causâ, vel leuem ob causam, & annotatis præcipuis occasionibus talium motuum, præpara te ad eas, vt refrænes exurgentes, & præuenias, ne quantum fieri potest, exurgant.

Tertium Punctum. Considera quomodo Beatissima Virgo fuerit inter omnes mitis sermone; quia nullum vnquam verbum protulit contrarium mansuetudini, immo nec ipsa vocis inflexione, & sono vehementiori quidquam immitte præferulit. Confer tu impetus tuorum sermonum & acrimoniam cum mansuetudine Virginis, confundere, agnosce quàm sit hoc indecorum homini sanctitatis studioso, & te emenda.

Quartum Punctum. Considera quomodo Beatissima Virgo fuerit inter omnes mitis opere, quia nihil vnquam fecit quod mansuetudinem non saperet. Tu confer contrarios mores tuos & ad similitudinem, mansuetissimæ & clementissimæ Matris ac Domine tuæ, eos componere stude.

DOMINICA NONA.

Post Pentecosten.

Primum Punctum. Considera D. Iesum appropinquantem Hierosolymam, & eâ visâ flentem, compatere flenti, & admirare viscera pietatis eius, quæ malorum futurorum apprehensione, has in se lachrymas excitat. Ex altera parte vide quàm magnæ sint etiam in te causæ, ob quas Christus Dominus si nunc posset, lacrymaretur, scilicet peccata vitæ sæcularis, peccata præsentis status, maximè relapsus in ea, & contemptus paruorum lapsuum & ingratiitudinè erga D. Deum post tot beneficia.

Secundum Punctum. Considera præcipuam causam Christi D. flentis, quia scilicet ea vrbis non agnouit felicitatem, quam offerebat ei Dominus suâ doctrinâ, à quâ refugiebat, & à bonis quæ fides in illum poterat adferre. Vbi deplora magno sensu pietatis tot verbum hæreticarum cæcitatem, quæ doctrinam Catholicam reiecerunt, & cum ea, tot alia bona Ecclesiæ veræ sinu inclusa. Ideo ora ex animo celestem Patrem, vt agnoscant tempus visitationis suæ.

Tertium Punctum. Considera ne forte & tu sis vnus ex iis, qui non agnoscent tempus visitationis Dominicæ, dum scilicet & per interna lumina, & per motiones voluntatis, & per externa monita, exempla, flagella, beneficia, visitantur à Domino eo fine, vt se purgent à defectibus, & bonis impleant, & deploratis tuis defectibus, proponere emendationem.

Quartum Punctum. Considera Christum Dominum in Eucharistia, quàm sæpè (spiritualiter rem intelligendo) flet ob peccata varia, quæ committuntur in vsu malo Eucharistiæ. Dole & tu eandem ob causam, examina ne forte & tu tuâ distractione, irreuerentiâ, somnolentiâ, socordiâ, ariditate, eum sæpè offendas, & causam præbeas lacrymarum. Ideo veniam pete & te emenda.

FERIA SECUNDA.

Post Dominicam nonam à Pentecoste.

Primum Punctum. Considera Christi Domini zelum, qui et si mansuetissimus esset, & *linam fumigans non exstingueret, & arundinem quassatam non confringeret*, tamen ut vidit in templo vendentes & ementes, eiecit eos: Discce hinc, quomodo salutã charitate debeas te opponere eis, quos vides non rectè viuentes, nec dissimulare eorum peccata, quos corrigere potes. Quod an facias vide, & si quid sit emendandum, emenda.

Secundum Punctum. Considera modum quos hos negotiatores exclusit. Nam *mensas nummulariorum, & Cathedras vendentium columbas euerit, eiecit vero vendentes & ementes*: quod stultis censoribus videri posset iracundia, & impatientia grauis. Hinc discce non scandalizari, sed omnia in bonum sensum trahere, & vide quomodo te hac in parte geras.

Tertium Punctum. Considera reuerentiam quam Dominus haberi vult in templo suo, qui non sinebat, ut quisquam transferret vas per templum. Hoc pondera, & agnosce, quanto peius sint vitanda alia grauiora, quæ in templo quandoque à te fiunt; & si quid tale reperies, deplora: & caue.

Quartum Punctum. Considera Christi D. verba: *Domus mea, domus orationis vocabitur omnibus gentibus*. Si omnibus gentibus, quanto magis omnibus Religiosis, qui sunt ad D. Deum colendum vocati. An autem tibi, templum Domini, melius illo Salomonicò, sit domus orationis, vide, & corrige corrigenda.

FERIA TERTIA.

Post Dominicam nonam à Pentecoste.

Primum Punctum. Considera primum motium, ob quod vita tua in Religione, debuerat esse talis, ut possit vocari ex parte tua *Domus orationis*, scilicet orationis gemebundæ ob admissa in sæculo peccata, quæ in Religione cognoscis melius, & ad quæ purganda satisfactione, vocatus es ad Religionem. Vide itaque quomodo te geras hac in parte, & fac domum istam domum orationis.

Secundum Punctum. Considera secundum motium eiusdem rei beneficia naturalia quæ etiam melius cognoscis in Religione, & plura percipis, quam percipiunt etiam Reges in mundo, saltem quietem vitæ, vacuam à sollicitudine, curis, angoribus, timoribus nimis, &c. meliores noctes, dies iucundiores, sanitatem minus perturbatam escis ac potibus superfluis, & alia huiusmodi: hæc ponderans, agnosce beneficium multiplex, & orationem gratiarum

actionis perpetuò funde, & fac domum tuam domum orationis.

Tertium Punctum. Considera tertium motium eiusdem rei, beneficia supernaturalia, quæ sæpius, copiosius, & præstantiora hic percipiuntur, quam in seculo. Discurre per præcipua, & ob illa, ita vive, ut Dominum Deum pro his laudans, verè reddas domum hanc domum orationis.

Quartum Punctum. Considera quartum Motium, eiusdem rei paucitatem hominum, bonam vitam in seculo (quæ est quedam practica oratio) D. Deum laudantium. Compatere Domino tuo, quod paucos habeat sequaces, dole quod dæmon plures in mundo habeat, & ita excita in te feruorem ad viuendum sanctè, ut quodam modo compenses aliorum malitiam, & ipse viuendo sanctè, facias tuã vitam perfectã, domum hanc domum orationis,

FERIA QVARTA.

Post Dominicam nonam à Pentecoste.

Primum Punctum. Considera illos templa facere speluncas latronum, qui ad templa se recipiunt, post factas aliquas rapinas, ut latrones ad speluncas solent, vide ne id tibi quoque conueniat. Conuenit, si vnquam famam proximi tui linguã tuã læsisti: quia *melius esse nomen bonum, quam diuitias multas*, ait Sapiens: ideo talis prædatio maior est quam pecuniã. Deste ergo talia linguæ tuæ & aliorum vitia, & ab ijs deinceps caue.

Secundum Punctum. Considera secundò illis quoque templa esse speluncas latronum, qui post perpetrata homicidia, ad templa confluunt, ut solent latrones ad suas specus. Hoc conuenit ijs qui post admissum aliquod peccatum mortale templa adveniunt (etsi ad eundo illa non peccant, & adire debent, sicut nec primi peccant) grauius est enim Christum Dominum crucifigere, quam hominem trucidare, illud fit per quoduis peccatum mortale, cuius si conscius es aliquando patrati, confundere, destitue illud, veniam pete, & adhibe condignam satisfactionem.

Tertium Punctum. Considera tertio illos quoque esse in templis tanquam in spelunca latronum, qui angoribus conscientie cruciantur ob commissa scelera non emendata, vel pro quibus verè non satisfecerunt. Talis enim animæ status, est latronum in speluncis. Hoc tibi conuenit, si te tua mordet conscientia, vel ob confessiones malè ceterò peractas, vel non adhibitam talem emendationem, que solet afferre gaudium & quietem animi, omni serui, meru carentem. Vide ergo, quid facere debeas, nec cum talibus angoribus in templo ores.

Quartum Punctum. Considera quantum peccatum sit irreuerentia in templo etiam in rebus

bus necessarijs ad templi vsum & Sacrificij, qualis erat illa venditio & emptio columbarum pro Sacrificijs, siquidem Christus D. latrocinius hoc comparauit. Vide autem ne grauior sit irreuerentia, dum circa res non necessarias, sensibus vel mente occuparis: dum D. Deum alloqueris, ita distractè, quomodo non alloqueris tuum aduersarium disputando: dum eum intra te recipis, quomodo non reciperes nobilem simplicem, te causâ officij inuisentem. Hæc si in te sunt, erubescere, desistere, & proponere seriam emendationem.

FERIA QVINTA.

Post Dominicam nonam à Pentecoste.

Primum Punctum. Considera damnum inanis gloriæ: *Attendite, ne iustitiam vestram faciatis coram hominibus, ut videamini à ab eis, alioquin mercedem non habebitis apud Patrem vestrum qui in Cælis est.* Hoc damnum maius est, omni lucro temporalis, & bono temporalis sperato sed non acquisito, quia est iactura boni summi & æterni. Cum ergo homines vehementer doleant amissâ lucri magni occasione, vide quantum magis tibi sit dolendum, amissâ occasione lucri æterni. Quod an cures, examina te, & vide quanto peius fugere debeas vanitatem.

Secundum Punctum. Considera finem rectum qui esse debet in occupationibus tuis indifferentibus, uti sunt studia, disputationes, lectiones, &c. Si enim opera iusta & supernaturalia non profunt vano fine facta, multò minus ea quæ non sunt talia ex naturâ suâ. Examina ergo te quomodo ea facias, & corrigenda corrige. Agnosces enim vel ex hoc finem eorum, si ita diligenter in eis versaris, quando non debes comparere in publico atque versare in publico eorum specimen editurus.

Tertium Punctum. Considera causam, ob quam præmium cæleste vocetur merces, & hinc discas quam perfecta esse debeant opera tua, ut mereantur talem compensationem, quæ merces vocari possit.

Quartum Punctum. Considera cur vana iactantia, tubæ à Christo Domino comparetur, vna ex causis esse potest, quia sicut in tuba à paruo foramine sonus initium sumit, & per magnum exit ac dilatatur: ita vanus rumor latè diffundi solet, ex modico etiam signo vano: Ut hinc discas, etiam minima vitare indicia, vanitatem redolentia, quod an facias vide, & si quid & emendandum, est emenda.

FERIA SEXTA.

Post Dominicam nonam à Pentecoste.

Primum Punctum. Considera primum motuum faciendorum rectè omnium operum

& recto fine: quia *Pater tuus qui in Cælis est, non det in abscondito.* Oculus enim D. Dei benigne aspicientis rectè operantem, sine alio præmio esse potest causa sufficiens ad extendendum. Studium ardens rectè operandi. Hoc pio affectu perpende, quam sit efficax motuum, maxime in corde Filij, quale esse debet cor tuum. Et an hoc te permoueat, vide & proficere stude.

Secundum Punctum. Considera secundum motuum eiusdem rei præmium cæleste: *Pater tuus reddet tibi:* ille qui dat indignis, & quidem vera bona: ille, qui dando, nihil perdit: qui semper dando, ita plenus est bonis, quæ dare potest, ac si nihil dedisset vnquam, quia infinitos habet thesauros. Ex altera parte vide, quomodo ob minora præmia, ob applausum, ob sensualitatem, gultum aliquem noxium & facis non facienda, & fugis non fugienda, & omittis non omittenda. Hoc quam dedecore, agnosce, dole, & caue ne humana præmia noxia præferas Diuinis vtilibus.

Tertium Punctum. Considera modum quo Pater tuus compensat beneficia: *Reddet tibi:* quali dicat, mutuo dantur D. Deo quæ eius causa rectè fiunt: non perduntur, restituntur etiam in hac vita, vel eadem vel meliora, vel alia longè præstantiora. Nam pro gultu cibi, quo nos D. Dei causâ sincere priuamus v.g. in mortificatione gulæ (& sic de alijs) D. Deus maiore voluptate nos reficit, & in oratione & alibi. Cur ergo erga D. Deum parci sumus, immo nobis ipsi maiora bona inuidentes? Expectate, & vire commo ditare bonâ seminandi in D. Dei manu fecunda, innumeros fructus.

Quartum Punctum. Considera cui reddat Pater tuus. *Tibi.* hoc est qui nihil mereris, immò qui mereris omnia mala, ob peccata tua: Tibi qui tot capitibus D. Deo teneris obsequi, sine spe præmij: & tamen misericors Pater, vult tibi reddere quoduis suspirium. Gratus ago remuneratori tuo, & pete, ut semper in te deper te operetur, quæ digna sint præmio, idque opta non tam propter bonum tuum, quam propter gloriam eius.

SABBATO.

Post Dominicam nonam à Pentecoste.

Nos culpis solutos.

Primum Punctum. Considera culpas nostras esse velut vincula quædam respectu demonis, quia mortales culpæ ita nos ligant, ut simus mancipia eius, quæ Dominus Deus excludit à gratia & gloria sua. Hoc quam ingens sit malum pondera, factâ collatione ad mala temporalia, multò minora hoc malo, & generosissimo animo statue potius mori, quam vilo peccato mortali Dominum Deum offendere, & si quan-

quando ijs te contaminasti, dolo, veniam pete à D. Deo, & à Beatissima Virgine, ut hæc tua vincula in te soluat.

Secundum Punctum. Considera culpas tuas veniales, esse etiam vincula quædam, respectu D. Dei donorum, ad quæ haurienda non sinunt te procedere, tanquam ligatum, eò quod impediunt ne tantum ex illis haurias, quantum posses, ad eò ut vim Sanctissimæ Eucharistiæ, in qua Christus Dominus ipse substantialiter est præfens, impediunt, ne omnes eius effectus & fructus recipias. Hoc pondera, quàm sit magnum malum, & quàm sæpè id non curas, & te ab his vineulis citò expedi; ac Beatissimam Virginem ora, ut te ab ijs liberet.

Tertium Punctum. Considera culpas easdem veniales, esse vincula quædam tua respectu cæli, quod nemo etiam Sanctissimus potest ingredi, si vel vno peccato veniali habeat animam maculatam, etiam si haberet omnia alia dona, quæ habuerunt simul omnes Sancti, quia ut dicitur in Sacris literis, *eo nil coinquatum intrabit.* Hoc etiam quàm magnum sit malum, saltem in te, conspice; quod si nunc Regi carissimus, ob rem aliquam excluderetur à conspectu Régis, & ad eum admitti vetaretur, omnes colligerent, in causâ esse gravissimam aliquam culpam & offensam. Ita in casu nostro hoc pondera, & omnia venialia peccata in posterum vehementissimè detestare & vitare.

Quartum Punctum. Considera modos quibus solui possimus à culpis nostris, ope Beatissimæ Virginis, *Primo*, Dum impetrat remissionem culparum præteritarum, per dona D. Dei quæ ad hunc finem D. Deus nobis largitur ob eius preces. *Secundò*, Dum simili modo liberat nos à penis quas meremur ob culpas remissas. *Tertiò*, Dum facit, ne in eas relabamur voluntariè & deliberatè. Hoc quàm magnum sit beneficium expende, ad illudque consequendum te dispone, & id à Beatissima Virgine ardentè pete.

DOMINICA DECIMA.

Post Pentecosten.

Primum Punctum. Considera qui sint illi qui in se confidunt tanquam iusti, contra quos Christus Dominus instruxit parabolam. Hoc agnosces ex modo, quo se gerunt respectu iudicij, ij qui non sunt conscij vllius sceleris supplicio digni. E contra, qui ita timent, ita recurrunt ad iudicem, eumque placare conantur modis omnibus, tanquam certò scientes se promeritos sententiam mortis, non confidunt in se tanquam iusti. Tu quorum sis è numero, vide & statue quid tibi sit faciendum.

Secundum Punctum. Considera quàm malum sit aspernari cæteros, siquidem & contra hos

Christus Dominus egit. Quibus autem modis soleant alij alios aspernari, discurre, & factâ ad te reflexione, resecta quæ videbuntur resectanda.

Tertium Punctum. Considera bonum publicanum penitentem, qui suorum peccatorum conscius, corde contrito dicebat, idque à longè stans, nec volens oculos ad cælum levare, sed percutiens pectus suam: *Deus propitius esto mihi peccatori.* Hæc pondera, ad te applica, & imitare.

Quartum Punctum. Considera fructum cordis humilis & verè penitentis: *Omnia qui se exaltat humiliabitur: & qui se humiliat, exaltabitur.* Vide quid tibi conveniat horum dictorum, & Christo Domino humilitatis Magistro te conforma, maxime existenti in Eucharistia, in qua, ita existit, ac si iudicio humano non existeret, ita nil exterius manifestat.

FERIA SECUNDA.

Post Dominicam decimam à Pentecoste.

Primum Punctum. Considera primam conditionem Orationis seu circumstantiam, quâ Dominus oranti præscribit: *Cum oraveris intra in cubiculum tuum:* loquitur de oratione privata, quam vult intra cubiculum fieri, tum ut sit magis collecta & attentata, quàm si fieret in platea, tum ut sit ferventior, & non impediente respectu personarum aspicientium, liberior cum D. Deo, & in devotionis lacrymas, alioque etiam exteriores actus, ex ardore animi in corpus redundantes effusa. Tu cum in cubiculo oras, vide an habeas has duas conditiones, & deploratis si qui sunt defectibus, eos vitare stude.

Secundum Punctum. Considera secundam orationis conditionem. Non satis est orate in cubiculo, sed ora *in tuo*, non alieno; quia qui in alieno orat, sollicitus est, ne inveniatur orans ab eo, in cuius orat cubiculo. Ita vult omnem sollicitudinem rerum aliarum etiam bonarum abesse Dominus ab orantis animo, ut cum omni libertate, candidè explicet Creatori ac Redemptori suo, inflammatos puræ mentis, & nihil in hac vita præter D. Dei gloriam querentis, affectus. Talis an sis orans vide, & talis esse stude.

Tertium Punctum. Considera tertiam conditionem orationis, quàm Christus Dominus vult fieri, etiam *ostio clauso*, ne orans videatur ab alijs, ut ita præcidatur omnis occasio etiam remota distractionum. Quantò ergo magis internas, & personales externas distractionum causas, vult esse longè à nobis Dominus noster, qui etiam eas, quæ retro nos sunt vult ablegatas. Tu quomodo te geras hac in parte inquire, & statue quid tibi sit faciendum.

Quar-

Quartum Punctum. Considera quartam conditionem orationis: *Ora Patrem tuum*: id est, ora cum affectu tali, quali solent orare filij Patrem suum. An eum habeas, vide, si non habes, cur non habeas, discute, & ad acquirendum talem affectum, modis omnibus nitere.

FERIA TERTIA.

Post Dominicam decimam à Pentecoste.

Primum Punctum. Considera quintam conditionem Orationis, quàm Dominus vult fieri in *abscondito*, hoc est, tanquam thesaurum pretiosum vult esse, dignum qui abscondatur à dæmone, ne eripiat; ab hominibus, ne vano applausu vim eius tollant: à te ipso, ne distractiones eum dissipent, sed vt Dominus Deus solus sit eius possessor securus. An autem Oratio tua sit talis, quæ mereatur nomen *absconditi thesauri*, vide, & talem semper Domino Deo offerre stude.

Secundum Punctum. Considera sextam conditionem Orationis, quàm inducit certa fides, de Domini Dei videntis orantem præsentia: *Pater tuus qui videt in abscondito, reddet tibi.* Hic Domini Dei intuitus, exigit externam reuerentiam, nam & intuitus viri grauis id efficit. Vide ergo quâ reuerentiâ ores, in situ corporis, in sensuum & membrorum actibus, deplora defectus & absconde, si qui sunt in te.

Tertium Punctum. Considera septimam conditionem Orationis, quàm præsentia Domini Dei eadem persuadet, scilicet mentis attentionem. Nam si dum fratrem præsentem alloqueris, non distraheris ab alloquio, quantum magis dum D. Deum (qui te videt) alloqueris, quem & timere, & amare magis debes, quàm fratres. Quomodo autem te hac in parte geras, inquire, & si quid sit corrigendum corrige.

Quartum Punctum. Considera octauam conditionem Orationis, considerationem & materiæ grauitatem: *Orantes nolite multum loqui.* Non est mala longa oratio, sed præceps sermo & inconsideratus, qualis esse solet in multiloquio. Hoc examina, quomodo in te sit, & assuesce ad compositam sine affectatione orationem, & exquisita verba, vbi sermo est cum Diuinis Personis, & hoc ipso die, has conditiones executioni mandare stude.

FERIA QUARTA.

Post Dominicam decimam à Pentecoste.

Pater noster.

Primum Punctum. Considera causas ob quas Christus D. non alio titulo è tot titulis, Dominum Deum appellari in Oratione voluerit, quàm titulo Patris, & ex hac consideratione proficere stude.

Secundum Punctum. Considera Patri debentem obedientiam à filiis, idque iure naturæ magis quàm vlli homini puro. Tu quomodo eum & in sæculo & in Religione detuleris, discute, & agnitos desse defectus, desse, ac propone emendationem.

Tertium Punctum. Considera Patri debentem à filiis amorem, si Pater sit beneuolus, si diues, si nullam habens causam amoris perfectioni obstantem. Tu vide quomodo eum hæcenus amaueris. Id agnosces ex signis amoris erga homines; & si quid sit erratum, desse, & te emenda.

Quartum Punctum. Considera Patri debentem studium eius existimationem & gloriam & omne bonum acriter promouendi. Hoc quomodo prætes verbis, exemplis, disquire, & veniam pete negligentia, & viscera boni filij induc. Quod vt assequaris, eorum exemplo in memoriam reuocato, qui hac in parte florent à Christo Domino æterni Patris Filio gratiam pro hac re pete.

FERIA QUINTA.

Post Dominicam decimam à Pentecoste.

Primum Punctum. Considera primam causam ob quàm Dominus Deus verè est Pater noster, quia nos produxit perfectus, quàm pater carnalis, qui animam non produxit, & in substantiâ corporeâ, saltè materiam primam non produxit. Vnde sequitur talem saltè te debere habere affectum erga Diuinam Maiestatem, qualem filij habent erga Parentes ob sui generationem. Talem an habeas, vide, confundere si non habes, & acquirere stude.

Secundum Punctum. Considera lætitiâ quàm debes habere ob hanc causam, quia es opus manuum D. Dei, magis quàm sint opera artificia, opus manuum artificum. Hoc quàm sit excellens, pondera, & vide quàm perfectè viuere debeas, qui è manu infinitæ sapientiæ & potentia produisti ne (loquendo humano more) moribus tuis, pudorem, quantum est in te incurias Authori tuo.

Tertium Punctum. Considera singulas tuas actiones, quas etiam in te Pater tuus quoad esse materiale earum producit, peccatum tamen non causando in ijs, & vide an sint dignæ productione D. Dei, quantum est ex parte tua. Detestare maculas quibus eas tua culpa fecidas, & ablue, & mundas eas in posterum habere stude.

Quartum Punctum. Considera, quâ oblatione & amore debeas prosequi proximos tuos omnes, sciens eos esse filios Patris celestis: quomodo honorares & amares præsentem filium Regis? quomodo caueres, ne inimicè re eum offenderes & contristarès? Hoc an

an Domini Dei filii facias vide, & desle defectus tuos, & emenda.

FERIA SEXTA.

Post Dominicam decimam à Pentecoste.

Primum Punctum. Considera te debere maiori affectu amoris obseruantiae, gratitudinis, &c. ferri erga Diuinam Maiestatem, quam ferretis erga aliquem Sanctum, si te suscitasset à morte ad vitam: siquidem maius beneficium contulit in te D. Deus, producendo ex nihilo animam tuam in tui generatione, quam contulisset Sanctus te suscitando à mortuis, quia non produxisset ipsam tuam animam substantiam, sed tantum vnionis eius cum corpore causa fuisse. Vide ergo quo affectu animi prosequeris illum Sanctum, à quo te crederes esse à morte suscitatum, & an simili affectu prosequaris Dominum tuum: & statue quid tibi sit faciendum, & quibus in rebus debeas ostendere affectum, erga Dominum & Creatorem tuum.

Secundum Punctum. Considera quem affectum debeas habere erga Patrem tuum celestem, quia te creauit sine defectibus naturalibus, non caecum, non surdum, non claudum, &c. Vnde sequitur, debere te horum sensuum potentis & actibus, tam internis quam externis uti, ad magnam D. Dei gloriam. Quod an facias, vide, si non facis, dole, confundere, & te emenda.

Tertium Punctum. Considera quibus modis externis prodat se affectus noster erga nostros parentes & benefactores, tum quoad amorem & obseruantiam erga eos; tum quoad laetitiam de illorum prospero successu & nominis eorum propagatione: tum quoad tristitiam de rebus contrarijs: tum quoad gustum in eorum memoria: tum quoad alios affectus internos: Et facta ad te reflexione, proficere stude in similibus erga D. Deum & res Diuinas affectibus.

SABBATO.

Post Dominicam decimam à Pentecoste.

Mites fac & castos.

Primum Punctum. Considera necessitatem mitis animi nobis omnibus, propter tam assiduam conuersationem cum variis ingenijs & complexionibus, domi & foris: propter varias occasiones. Ex altera parte considera, an mitis sis in affectibus & resolutionibus internis, an in verbis, an in gestibus, an in factis, & agnità seu necessitate tua seu defectibus: peste à Beatissima Virgine, ut te faciat mitem.

Secundum Punctum. Considera modum quo Beatissima Virgo facit homines mites. *Primo,*

suo exemplo: *Secundò,* Christi Domini filij sui tot exemplis & doctrinis: *tertiò,* precibus pro te, *quartò,* inspirationibus tibi impetratis: *quintò,* tot filiorum & seruorum suorum exemplis: & vide quomodo iis vtaris ad imitationem, ideò reprehende te, veniam pete, propone emendationem, & pete, ut te faciat mitem.

Tertium Punctum. Considera necessitatem Angelicæ castitatis in Societatis ministerijs & occasionibus necessariz, præsertim consideratis tuis vel malis præteritis actibus, vel tentationibus, vel saltem propensionibus naturæ, vel saltem externis occasionibus & periculis. Inquire autem, quomodo te armes hac virtute, quomodo item vtaris medijs ad illam consequendam, quomodo obstacula eius remoueas, & proficere stude.

Quartum Punctum. Considera & repete tertium punctum, præsertim, quomodo te armes castimoniam, quomodo media ad illam adhibeas, quomodo obstacula remoueas, & te emenda, si qua in te delinquis: & quia nemo potest esse continens, nisi id Dominus dederit, ut det, adhibe mediaticam castissimam Virginem, ut nos omnes faciat mites & castos.

DOMINICA VNDECIMA.

Post Pentecosten. Matth. 7.

Primum Punctum. Considera charitatem eorum, qui ad Dominum tuum adduxerunt surdum & mutum ut sanaretur, quo facto expressum habes typum boni Religiosi, cuius officium est ad Christum D. adducere, medica eius manu indigentes. Hoc, an affectu saltem accenso, nunc facias, examina te, & quas ob causas hoc zelo feruere debeas, perpende, & talem zelum comparare stude.

Secundum Punctum. Considera fidem eorum qui adduxerunt surdum & mutum: sperantes enim solo Christi D. contactu sanandum, non dicuntur petisse eius sanationem, sed deprecabantur eum, ut imponeret illi manus. Tu vide an tantam fidem habeas de Sanctissimæ Eucharistiæ præsentia, non solum Christi D. manuum contactum, sed ipsum Christum D. idque per modum cibi adferentis. Cuius valore ponderato, accendere ad desiderium eius ardens, & dignam susceptionem.

Quartum Punctum. Considera modum quo Christus D. sanauit hunc surdum & mutum: *Exprensit retigit linguam eius, & in auriculam eius digitos immisit, suspiciensq; in caelos ingemuit, ac ait illi: Epheta, quod est adaperire: quæ spiritualiter explicans, & tibi applicans, proficere stude,*

FERIA SECUNDA.

Post Dominicam undecimam à Pentecoste.

Primum Punctum. Considera secundam causam ob quam D. Deus omnipotens meritò vocandus in oratione præcipitur. *Pater noster*: quia scilicet nos educavit & educat hucusque. Hæc educatio duo complectitur. *Primo*, victum corporis. *Secundo*, morum institutionem. Quoad victum corporis, perfectius eum præbet quam Pater carnalis præbeat filiis. *Primo*, quia ipse vel creat vel producit omnem victum tuum, & omnia ea quæ ad eum parandum spectant & remotè & proximè: ipse conseruat omnes causas, ex quibus victus tuus oritur, Pater autem carnalis tantum emit victum, vel de loco transfert, substantiam verò eius non producit, & ita continuò D. Deus te educando, famem à te arcet, idque præstantius, quam si quis pauperem fame morientem, semel pascendo à morte liberaret. Vnde sequitur, debere te magis amare & obseruare cælestem Patrem tuum, quam faciant filij, erga Patres suos, vel quispiam à fame vel morte liberatus erga benefactorem suum. Hoc an facias vide, si nō facis confundere, & te emenda.

Secundum Punctum. Considera Patrem tuum cælestem, magis immediatè, & magis perfectè victum à se pro te productum parere, quam illum parat cocus vel ignis, vel etiam terra, quia magis ad eum, quam ista concurrunt. Admitare hanc dignationem summæ Maiestatis. Exarcesce in talem Ministrum tuum, & vide quomodo debeas seruire ei, qui tibi in rebus tuis vtilibus seruit magis quam creaturæ.

Tertium Punctum. Considera Patrem tuum cælestem, victu à se producto & præparato pro te, magis te nutrire, quam nutriant Parentes filios suos, quia illi tantum proponunt cibum, illo verò intus non nutriunt, relinquendo hoc officium calori naturali, cum quo Dominus Deus ipse & quidem ex parte sua perfectius concurrat ad tui nutritionem. Vnde sequitur, debere te valde & Domino Deo gratum esse, etiam ob hanc causam, & valde sobrium ne Domini Dei offendas oculos ingerendo inconuenienter cibum, vel quoad substantiam, vel quoad qualitatem, vel quoad auiditatem &c. siquidem illum ipsum cibum ipse debet magis concoquere in corpore tuo obtui nutritionem, quam calor naturalis. Examina etgo te, quomodo te hac in parte geras, & corrige corrigenda.

Quartum Punctum. Considera Patrem tuum cælestem, non ad certum tempus, uti faciunt Patres terreni, sed totà vitâ te alere, & vitam tuam sustentare etiam extra correctionem.

Quod cum faciat propter suam gloriam sequitur debere te ita perfectè viuere, ut quodammodo, in omnibus instantibus meritorie opereris eum glorificando. Quod an facias vide, & proficere stude.

FERIA TERTIA.

Post Dominicam undecimam à Pentecoste.

Primum Punctum. Considera alteram partem paternæ educationis, sitam in morum institutione, quod Pater tuus cælestis præstat. *Primo*, exemplis, bonis propositis, quæ imitatis; ideo tot Sanctos tibi imitandos dedit, denique filium proprium in carne. Aspice hæc exemplaria. Vide quomodo ea moribus tuis exprimas, erubescere quòd longè distes ab his, & præcipuos defectus nota, & caue eos qui te illis dissimilem faciunt.

Secundum Punctum. Considera secundum modum: quo Dominus Deus nostros mores instituit, per bona monita tam interna quam externa, per Scripturam, Regulas, Superiores, æquales &c. Tu factâ reflexione ad hæc omnia, vide quàm parum proficias, veniam pete, & promitte in aliquibus rebus præcipuis emendationem.

Tertium Punctum. Considera tertium modum quo te Pater cælestis instituit in bonis moribus, alliciendo te tot muneribus beneficiorum ingentium naturalium & supernaturalium, & cum iis dando tibi tot auxilia interna & externa. Vide quomodo iis utaris, incusa duritiem cordis tui, & prabe cor tuum docile Patri tuo.

Quartum Punctum. Considera quartum modum quo educaris in bonis moribus à Patre tuo, immissione penarum, vel metu earum proposito, & spe præmiorum æternorum. Hæc quantam vim habeant ad te bonis moribus imbuendum, & sanctum efficiendum, pondera, & simul quàm parum proficias. Ideoque dole, confundere, & excita te ad seriam emendationem, ut ita mutatione motu factâ in melius, exhibiles benignissimum cor Patris tui cælestis.

FERIA QUARTA.

Post Dominicam undecimam à Pentecoste.

Primum Punctum. Considera tertiam causam ob quam Dominus Deus verè est Pater tuus, quia uti faciunt Patres terreni, collocant te in certo vitæ statu, primo quidem in statu filij dei, quia te Christianum & Catholicum fecit, nō reliquit inter infideles vel hæreticos. Quam magnè est hoc beneficiū, gratias age Patri tuo, roga ut pluribus errantibus idè beneficiū conferat.

conferat, sed quia in hoc statu debes perfectius viuere, quam heretici & Ethnici: Vide an id facias. Ideo reuoca in memoriam exempla multorum Ethnicorum heroica, in omni genere virtutum moralium, nam inuenies amplam materiam confusionis, & excitandi te ad vitam Christiano nomine dignam.

Secundum Punctum. Considera secundum statum, in quo te constituit Pater caelestis: *Statum gratia:* quia noluit te esse e numero Catholicorum talium, qui bene credunt sed impie viuunt. Huius beneficii magnitudinem pondera, gratias age, & ita viuere, ne ex hoc statu excidas, quod fit ordinariè per negligentem custodiam oculorum & linguae. Vide ergo quomodo te geras, & consule statui animam tuam.

Tertium Punctum. Considera tertium statum in quo te collocauit Pater tuus, *Statum perfectionis,* & quidem non vulgaris sed Apostolicae, immo statum ipsius D. Iesu in carne uiuentis. Institutum enim tui Ordinis Christi D. statum repraesentat: gratias age pro hoc beneficio. Vide quomodo ei correspondeas, an uiuas ita uti perfectio huius status exigit, & corrige corrigenda.

Quartum Punctum. Considera causas, ob quas in hoc ultimo statu perfectionis, ad quem uocatus es, nec ita perfecte uiuis ut uiuebas cum esses in primitiis feruoris tui, uel si ita uiuis, saltem non es ita perfectus, ut esse potuisses, per tot annos Religionis, & post tot percepta auxilia. Has causas desce, veniam à D. Deo pete, & promitte emendationem.

FERIA QUINTA.

Post Dominicam undecimam à Pentecoste.

Primum Punctum. Considera quartam causam ob quam Dominus noster, meritò est dicendus, *Pater noster,* quia more Patrum terrenorum reliquit tibi amplam hereditatem, eamque quadruplicem. *Primo,* creaturas omnes, tam varias, tam multas ubique, idque propter tuum bonum usum creatas, non tantum ad necessitatem, sed etiam ad honestam oblationem & recreationem tuam: obstupece viscerum horum paternorum benignitatem, & uide quomodo iis uti debeas, ne Patrem tuum contristes, si male usus es uel uteris, dolo, ueniā pete, & bene deinceps uti incipe.

Secundum Punctum. Considera secundam hereditatem tibi à Patre relictam, *Dona & uirtutes,* quibus, si uelis, plenus esse potes, & ualde ditus. Quomodo autem iis per Sacramenta infusus utaris, quomodoque de augendis labores, uide, & sanctā auaritiā accendere, ad eas in magna copia congregandas.

Tertium Punctum. Considera tertiam hereditatem tuam *Sacramenta,* praesertim duo ordi-

Lancicij Opusc. Tom. 2.

naria, Pœnitentiæ & Eucharistiæ, & efficaciam eorum, praesertantiam ac utilitatem. His quomodo utaris perpende, & proficere stude.

Quartum Punctum. Considera quartam hereditatem in caelis paratam, *Gloriam eternam.* Huius praesertantiam pondera, & quantopere deceat te omnia mala vitare, omnia aduersa tolerare & expetere, omnia bona sectari, spe huius gloriæ, cum spe minoris praemij, seculi amatores, plura quam tu patiantur & faciant. Confundere & te emenda.

FERIA SEXTA.

Post Dominicam undecimam à Pentecoste.

Primum Punctum. Considera primam filij proprietatem, naturæ saltem similitudinem, si non identitatem, cum paterna. Tu etiam ob animam & corpus tuum, quoad esse naturale, uerè es filius Dei: Es enim ab eo productus, quam ob causam Scriptura uocat Deum *Patrem plurius.* Praeterea ob libertatem arbitrij & rationis usum, uerè es imago & similitudo D. Dei. Unde sequitur, debere te ita corpus tuum & animam tuam tractare in omnibus actibus eius, ut ij mereantur dicti *actus filij Dei,* digni hac filiatione naturali, nil indecens admittentes. Hoc num praestes examina te, & corrigenda corrige.

Secundum Punctum. Considera secundam proprietatem filiorum Dei, sitam in supernaturali filiatione, id est participatione gratiae sanctificantis, ob quam à S. Petro uocamur *Consortes diuinae naturae.* Haec gratia num in te prodar se illis argumentis, quæ probabilem opinionem faciant, uide. Item quomodo coneris augere in te hanc gratiam per opera meritoria, & desistis defectibus tuis, tuos emendare stude.

Tertium Punctum. Considera tertiam proprietatem filiorum Dei, sitam in amore inimicorum: *Diligite inimicos uestros, ut sitis filij Patris uestri.* &c. Hoc an in te sit, diligenter discute, & D. Deum Patrem tuum hac in te imitare.

Quartum Punctum. Considera quartam proprietatem filiorum Dei, quæ maximè elucet eo tempore quo homo primùm spiritualiter nascitur per baptismum, qui eum facit purum ab omni culpa, & obligatione pœnæ. Hoc quam sit excellens, quam D. Deo gratum, quam tibi necessarium, pondera, & ad talem puritatem aspira, ut quantum fieri potest, sis semper sine macula uel peccati non remissi, & sine ruga pœnæ, operibus satisfactorijs non deleræ. Hoc an procures uide, & te excita ad procurandum.

SABBATO.

*Post Dominicam undecimā à Pentecoste.
Vitam presta puram.*

Primum Punctum. Considera tibi primò esse necessariam puritatem essentialem, quæ sita est, in carentia omnis peccati mortalis, cuius rei consideratâ necessitate multiplici, excita affectum ad desiderium ardentissimum huius puritatis, deploratâ si quæ vnquam talis impuritas fuit in animâ tuâ, & practicè cogita, quomodo eam semper vitare, possis: quod vt assequaris, pete ardentè à purissima Virgine, vitam præster puram & tibi & alijs.

Secundum Punctum. Considera multiplicem necessitatem alterius puritatis sitæ in munditia animi à peccatis venialibus plenâ deliberatione admissis, aliisque quantum cum D. Dei gratia fieri potest. Simul perpende, quàm pulchra, quàm D. Deo Sanctisque Spiritibus sit cara anima ita pura. Vnde ardens desiderium huius puritatis concipe, media ad illam consequendam inquire, & adhibere stude, & à purissima D. Dei Matre instantèr pete, vitam vt tibi impetret tali puritate nitidam.

Tertium Punctum. Considera tertiam puritatem, ad perfectionem vitæ Apostolicæ ad quâ aspiramus omnino necessariam, vt scilicet mundissimus ab inordinatorum vehementer motuum graui commotione & perturbatione, etiam inuoluntariâ, quæ quàm dedecet hominem mortificationi studentem, & quibus vijs acquiratur contraria impuritas, perpende, & proficere stude.

Quartum Punctum. Considera quartam puritatem, familiarem magis D. Dei seruis, quæ, vt notat S. Thomas Aquinas, sita est in hoc, ne homo ad res etiam non malas in se, nimio affectu feratur, sed quantum fieri potest, priuet se etiam D. Dei causâ vsu illarum: qualis est, mortificatio in remouendis à se etiam licitis oblectationibus sensuum, & animi ipsius. Quæ res quàm sit nobile, & D. Deo carum nostri Sacrificium, pondera, adiciisque desiderium te excita, & à Beatissima Virgine Matre. pete feruenter, vt & hanc tibi impetret puritatem.

DOMINICA DVODECIMA.

Post Pentecosten.

Beati oculi qui vident, quæ vos videris.

Primum Punctum. Considera primam Beatitudinem oculorum nostrorum, qui vident in hoc regno tam latè dilatatum splendorem Ecclesiæ Catholicæ, cum D. Dei eximio cultu

etiam per hunc Ordinem tuum, Exulta præ gaudio, gratulare Diuinæ Maiestati, eius gratiæ hoc attribue, nomine Ordinis tui, te humilia, referendo hunc successum in D. Deum, & vido quomodo te deceat, & modò suis modis, & postea, eundem D. Dei cultum propagare.

Secundum Punctum. Considera secundâ Beatitudinem oculorum nostrorum, qui vident tot creaturas, ex amore D. Dei erga nos creatas, eo fine, vt nobis seruiendo, nosque etiam oblectandò honestè, excitarent ad perpetuam D. Dei dilectionem & cultum. Hoc an præsent in te creaturæ istę, vide, & defectus circa hos tuos deplora & emenda.

Tertium Punctum. Considera tertiam Beatitudinem oculorum nostrorum, qui vident tot variatarum virtutum exempla, & in secularibus bonis, & in domesticis, vt iis exciteris ad crescendo in Diuinâ gratiâ, & magnos gloriæ futuræ thesauri accumulandos. An autem iis exemplis hoc assequaris, vide, & proficere stude.

Quartum Punctum. Considera quartam Beatitudinem oculorum nostrorum, qui vident Christum Dominum, speciebus SS. Eucharistiæ velatum, verè in ea præsentem: hoc quantum sit & beneficium & solatium animæ Dominum Deum amantis, pondera, gratias age Domino, & statue quibus modis possis declarare factis gratitudinem tuam, pro tam excellenti beneficio, & quadam beatitudine tua in hac vita.

FERIA SECUNDA.

Post Dominicā duodecimam à Pentecoste.

Primum Punctum. Considera primam causam, ob quam cœlestis Pater meritò in oratione vocandus est *nosfer*, quia est Dominus nosfer, & nos omnes serui eius sumus, titulo Creationis & Redemptionis. Quoniam verò hi tituli sunt in eo multò maiores quàm sint iura vllius Domini in seruum, immò mancipium suum vilissimum; ideo necessariò tenemur D. Deo seruire, & esse subiecti perfectius, quàm sint vlla mancipia Dominis suis. Examina ergo an id ostendas factis erga hunc Dominum tuum, & vide quid tenearis facere.

Secundum Punctum. Considera secundâ causam, ob quam D. Deus est *Nosfer*, ratione amicitia, & fauoris erga nos: quo sensu petit Iosue ab Angelo: *Nosfer es, an aduersarius me?* Pondera, quòt modis Dominus Deus, veræ amicitia satisfaciât magis, quàm vllus amicus tuus. Gratias ei age, quod tanta Maiestas dignetur tecum amicitiam colere, quod cum D. Deo fieri posse, olim negabat Aristoteles. Cur ergo tu non ita libenter, nec tam diu cum tali amico conuersari cum gustu soles, vt soles cum miserò homuncione, cum quo vnus horæ, immò & plurium colloquia sunt tibi instar quadran-

tis? Cur sæpè mauiſ offendere hunc amicum cœleſtem, ne offendas ſocium, à quo pertrahe- ris ad Regulam aliquam violandam? Erubeſce, veniam pete, & ſeriò te emenda.

Tertium Punctum. Conſidera tertiam cauſam, ob quam Dominus Deus eſt Noſter, ſcilicet ratione affinitatis, quam contraxit ob deſponſatam ſibi hypoſtaticè naturam noſtram, cum perſona verbi. Quid Domino pro hoc tãto honore retribues? exulta miſericordiam tantam, & vide quàm decenter, quàm ſanctè oporteat te in tua humanitate viuere, ne affinem tuum, moribus inurbanis inhonores. Diſcute ergo eos, & reforma.

Quartum Punctum. Conſidera quartam cauſam, ob quam Dominus Deus eſt Noſter, ratione donationis, *Omnia enim nobis*, vt loquitur Apoſtolus, *cum Chriſto donauit*: creauit omnia ſecundariò propter nos; conſeruat omnia & auget propter nos, opera Redemptionis edidit propter nos in cœlo, ſedet glorioſus propter nos, vt nos in æternum recreet ſuo vultu & aſpectu, factus eſt nobis omnia. Cur ergo & tu titulo gratitudinis D. Deo te non facis omnia? Cur plures partes & tui temporis, & tuarum cogitationum, & tuorum deſideriorum, & tuorum ſermonum, aliis donas non D. Deo, acſi Dei non eſſes? Erubeſce, & ſeriò muta te in vi- rum alterum.

FERIA QVINTA.

Post Dominicam vndecimam à Pen- tecoste.

Qui es in cœlis.

Primum Punctum. Conſidera Dominũ Deum eſſe in cœlis, tanquam in patria noſtra ad quam peregrinamur, extra quam, vt in via con- tingere ſolet, multa nos pati neceſſe eſt, quoad victum, habitationem aliãſque iniurias & labo- res. Vide ergo, an tu tali modo & deſiderio fe- ſtines ad hanc patriam, quali ſolent exules & peregrini ad ſuam, & ſtatue quid te oporteat facere, vt factis oſtendas, te cœlum habere pro patria, & hinc verè eſſe peregrinum.

Secundum Punctum. Conſidera Dominum Deum eſſe in cœlis, tanquam in loco theſau- rorum ſuorum. Ibi enim habet & oſtendit di- uitiãſ ſuas, quæ nunc ſunt abſconditæ ab oculis noſtris, multò vtiliores & præſtãtiores omnibus terrenis diuitiis. Vide ergo an tu ſaltem tali co- natu, labore, & indefeſſo ſtudio, quæras has di- uitiãſ incorruptibiles, quali viles quærunt mũ- di ſectatores, & erubeſce, & inculã cæcitatem tuam, & ſanctæ auaritiæ ardorem in te accen- de propter gloriam Domini tui.

Tertium Punctum. Conſidera D. Deum tuũ, eſſe in cœlis, tanquam ſpectatorem pugnæ tuæ,

Lanciij Opus. Tom. 2.

cum internis & externis hoſtibus tuis coronam tenentem & præparantem, ſi ſtrenuè certes. Tu quomodò pugnes inquire, & confundere ve- hementer, quod ſæpè leui verbulo alterius, mi- nimo nutu non boni ſocij, te Dæmon tanquam ſtramineo gladio vincat, dũ pertrahit ad varios defectus; quid faceret, ſi gladiis vteretur vali- dioribus; hinc agnoſces, quid facere debeas.

Quartum Punctum. Conſidera D. Deum tuũ, eſſe in cœlis tanquam finem ſeu ſcopum ſeu terminum, ad quem debent tendere omnes tuæ actiones, internæ & externæ, quia te pro- pter ſe creauit: diſcurre per ſingulas actiones tuas, quot earum D. Deus ſibi vindicat, quot earũ dignæ ſunt D. Deo: & tunc aduerſes, poſſe fortãſis D. Deum de te dicere, quod olim di- cebat per Prophetam Michãam: *Non eſt botrus ad comedendum.* Hoc ne dicat de te, da operam.

FERIA QVARTA.

Post Dominicam vndecimam à Pētecoste.

Sanctificetur nomen tuum.

Primum Punctum. Conſidera primum modũ ſanctificandi nomen D. Dei eſſe, per modũ viuendi Sanctum; id eſt talem, qualem legimus de Sanctis. Tuus an ſit talis, & cur non ſit, cum tot habeas auxilia, vide, & accèdere efficaci de- ſiderio ſanctitatis, ſine quo Sanctus non eris.

Secundum Punctum. Conſidera motiua quæ habes ad ſanctè viuendum, & opponendum te tot malè & imperfèctè viuẽtibus, & quomodo erit poſſibile, vt quis D. Deum noſcens, ferat, plures eſſe qui ita viuunt vt vult dæmõ, quàm eos, qui ita ſanctè viuant, vt vult D. Deus.

Tertium Punctum. Conſidera ſecundum modũ ſanctificandi nomen D. Dei, eſſe per fer- uentem hominum prouocationem ad D. Deũ glorificandum, ob vitam noſtram ſanctã. Talis ſanctificatio D. Dei nominis, pendet à prima, & ſupponit primam in gradu excellenti, quæ non poteſt ſe non proderè, homine etiam inui- to & renitente. Tales an ſint tui mores, an po- tius contrarij introſpice, & reſeca ea, quæ & externos & domeſticos oſtendunt.

Quartum Punctum. Conſidera tertium modũ ſanctificandi nomen D. Dei, per ſanctificationẽ aliorum, ſcilicet ardenti ſtudio & conatu alios iuuando, vt Sancti efficiantur. Ad hoc vocati ſumus, quia non tantum noſtra perfectio, ſed etiam aliorum, vniuſcujuſque ſtatui accommo- data, ſinis eſt Ordinis tui. Hoc quomodo pro- cures, cogita, & accenſus magno deſiderio Di- uini honoris, exuiſcera te, vt per te & per alios quàm plurimos, ſanctifices his modis nomen Domini tui, quod adeo inhonoratur à tot per- uerſis & ſecularibus, & Regularibus.

FERIA QUINTA.

*Post Dominicam duodecimā à Pentecoste.**Adueniat Regnum tuum.*

Primum Punctum. Considera Regni cœlestis durationem æternam, & cum ea bona omnia, bonorum omnium, terrenorum generibus maiora & meliora, sine ullius mali admissione & periculo, tam intensa & perfecta, ut corde humano non possint in hac vitâ comprehendere. Cur ergo non tam exactè peragis illa opera, quæ scis diciturē prodesse ad consequendum hoc Regnum, uti peragis alia, quæ id vel non merentur, vel non ita proximè & immediatè. Erubescere, & tuis rebus consule.

Secundum Punctum. Considera nullum unquam Regem terrenum, tanto desiderio; & tantâ mensurâ liberalitatis, dare aulicis suis, Regni sui partem, quemadmodum facit D. Deus, planè quodammodo, obtrudens nobis Regnum suum, & beneficij, & pœnis, & minis, ut omni modo nos eleuet ad illud. Agnosce felicitatem tuam, & D. Deo noli amplius obistere, sequere trahentem, & tibi dictum puta: *Amice, ascende superius*: & loco infimo contentus esse noli, ut ita D. Deo gustum afferas maiorem, qui de maiore bono tuo gaudet magis.

Tertium Punctum. Considera modos, quibus possumus D. Dei ope consequi locum altissimum, in hoc Regno cœlesti, nimirum si conscientiam mundam ab omni peccato mortali, omnia opera nostra ordinaria faciamus ob finem supernaturalem, nulloque peccato veniali eorum bonitatem destruamus, deinde si eadem faciamus cum ardenti & intensissimo affectu, vel erga D. Deum, vel erga virtutem aliquam, aut rem ordinatè amatam propter D. Deum. Quod si accedent adhuc alia opera supererogationis, quæ nec ex præcepto D. Dei & Ecclesiæ, nec ex præscripto Regula possumus facere, maximè si pœnalia sint, & valdè sensibus carnis molesta, tantò meliùs. Examine te, quomodo procedas hac in parte, & vide quid tibi desit.

Quartum Punctum. Considera alterum Regnum quod D. Deus habet in hac vita dum regnat in anima nostra per gratiam suam & iustitiam. Hoc regno, quia in multis impiis caret, opta ut illud multiplicetur, & ex parte tua iuna precibus, exemplis, monitis, pro conditione status tui, & si in te est tale Regnum, age gratias, & da operam, ut illud perpetuò retineas.

FERIA SEXTA.

*Post Dominicam duodecimā à Pentecoste.**Fiat voluntas tua, sicut in celo & in terra.*

Primum Punctum. Considera primum modum, quo D. Dei voluntas fit in celo, quia nullum peccatum ibi contra eam admittitur. Tu quomodo hac in parte te geras, vide, humiliter, veniam pete, & resolue te, ad tam cautè viuendum, ut quantum fieri potest, quam rarissimè, & quam leuissimè pecces.

Secundum Punctum. Considera secundum modum, quo in celo fit D. Dei voluntas, quia à cœlitibus nil omittitur, quod sciant D. Deum ab ijs velle. Hic quoque te gere ut in primo puncto, & proponè emendationem, resoluendo te ad ea exequenda, quæ scis D. Deum à te exigere frequentius per internas inspirationes.

Tertium Punctum. Considera tertium modum, quo fit D. Dei voluntas in celo, quia sine ulla interruptione perpetuò calities occupantur, in rebus D. Deo gratis, & immediatè D. Dei gloriam & gustum spectantibus. Tu vide, quomodo id exequaris, & quid te oporteat facere, pro statu huius vite.

Quartum Punctum. Considera quartum modum quo calities faciunt Domini Dei voluntatem in celo, quia nil, nec pro se, nec pro alijs volunt, nisi quod vult D. Deus, nil nec ipsi nec pro alijs detrectant, quod sciunt D. Deum velle, & contenti sunt, etiam si videant amicos suos pati aliqua, vel puniri, &c. Tu prædicè hoc imitare, in enim enades multa peccata, quæ committis, non conformando te in omnibus dispositioni & modo agendi Superiorum, per quos & tibi & aliis amicis tuis, D. Dei voluntas indicatur.

S A B B A T O.

*Post Dominicam duodecimā à Pentecoste.**Iter paratum.*

Primum Punctum. Considera iter nostrum ad cœlum, non esse tutum propter inimicos inuisibiles dæmones, variis modis temptationum impediens nostrum progressum. Te quibus modis impediatur, vide, & in illis cautus esto, & quia vis eorum est magna, Inuoca Reginam Angelorum, ut hoc iter reddat tutum. Tutum autem erit, si primum ingressum & egressum horum hostium excluderis, sensuum custodi, & cogitationum malarum repulsione, qua in re quomodo te geras, vide, & tibi consule.

Secundum Punctum. Considera secundos hostes, qui nostrum iter multi impediunt, scilicet

culares; nimirum suis vel lenocinlis, vel iniuriis, quæ nobis dant occasionem multorum defectuum, & contra hos inuoca Dominam tuam, & vide quam debeas esse oculatus in conuersione cum externis, ne noceant.

Tertium Punctum. Considera tertios hostes iter cæli infestantes, scilicet eos domesticos, qui suis vel exemplis vel sermonibus, occasio tibi sunt, & per humanos respectus, & aliis modis, variatur imperfectio. Contra horum tela specie amicitia tecta, præcipue opem Virginis implora, quæ aderit, si tu quoque ex parte tua, pluris feceris consolationem Deiparæ, quæ percipit ex vita tuâ bonâ, quam consolationem sociorum, quorum causa D. Deum offendis. Quod an facias, vide, & agnosce quàm stultum sit, maiores offendere amicos, propter minores.

Quartum Punctum. Considera quartum hostem in cæli itinere te inuadentem scilicet te ipsum, cuius caro concupiscit aduersus Spiritum, Spiritus verò recalcitrat D. Deo, & vitur naturalibus affectibus, in tuam perniciem, & abutitur creaturis, in tuum damnum, & non vitur tam multis mediis ad peragendum hoc iter vtilius & melius. Inuoca ergo eandem Matrem tuam, contra hunc hostem, qui quia à tua voluntate pendet totus, si volueris, D. Dei auxilio fretus, nihil damni patieris, sed te portabis cum tentatione prouentum,

DOMINICA DECIMATERTIA.

Post Pentecosten. Luca 17.

Primum Punctum. Considera humilitatem & discretionem 10. leproforum, qui agnoscentes feccitatem membrorum suorum leprâ infectorum, occurrentes Domino Iesu, à longe steterunt. Gratiis eis in spiritu age, pro hac reuerentiâ Domino tuo exhibitâ, & hanc humilem discretionem in eis ama, & factâ ad tua peccata, etiam sola venialia, reflexione, vide quàm fædatus sis, & quàm longè te oporteat stare à Domino tuo, præsertim, si aliquando eum vel vno peccato mortali offendisti, ob quod etiam infra Luciferum te demittas, qui non ita grauitè offendit D. Deum, sano modo rem intelligendo, quia nec tam sæpe, nec post tot beneficia, præsertim Christi Domini mortis ad abolenda peccata suscepta peccauit.

Secundum Punctum. Considera affectum, quo clamabant & verba eorum: Iesu Præceptor miserere nostri. Cur non Dominum, sed Præceptorem vocant, pondera, & ex omnibus proficere stude.

Tertium Punctum. Considera Christi D. ad eos responsum: *ite, ostēdite vos Sacerdotibus:* quàm eis fuerit salutare: Nam dum irent, mundati sunt. Qua in re tum Christi D. humilitatem

agnosce, qui etsi non teneretur, remisit eos ad Sacerdotum iudicium, quorum erat de leprâ iudicare, tum fructum recursus ad Superiorum tribunal, ex quo optatam mundationem fuit assecuti. Idem euenire in recursu ad moderatores nostros cogita, & quomodo in hoc procedas, vide.

Quartum Punctum. Considera leprosi & quidem Samaritani gratitudinem, qui solus vt se vidit mundatum, regressus est cum magna voce magnificans Deum & cecidit in faciem ante pedes eius gratias agens: amplectere in spiritu tam piam gratitudinem, quæ ita Christo Domino placuit, vt dixerit: *Nonne decem mundati sunt, & nonem vbi sunt: non est inuentus qui rediret, nisi hic alienigena &c.* Vide quomodo singula ponderat Dominus, sui causâ facta, & accendere ad eum liberaliter colendum.

FERIA SECUNDA.

Post Dominicam decimamtertiam à Pentecoste.

Panem nostrum quotidianum da nobis hodie.

Primum Punctum. Considera causas ob quas Christus Dominus res temporales quibus egemus, non tantum pro victu, sed etiam pro aliis necessitatibus abigendis, panem appellat, siue vt iis non plus vtatur, quàm opus est, vt pane vtatur, siue vt communibus contenti simus, vt i solentis communi pane esse contenti, siue ne illis ipsis modicis & facile parabilibus vtatur, cum nimio ad illas affectu, sed vt pane vtatur. Inquire tu quomodo te habeas circa rerum vsum, & iuxta paupertatis statum viue.

Secundum Punctum. Considera pronomen *Nostrum*, quo docemur contentos nos esse debere rebus nobis attributis, aliis debitas vel conuenientes, non expetendo, multò minùs nobis vsurpando, præsertim modis indebitis, & si quid hac in parte delinquis, corrige.

Tertium Punctum. Cur *quotidianum* Dominus vocet panem? scilicet vt abigat à se solitudinem de crastino, & doceat sano modo, in dies viuere, non discurrendo quid de te fiet, non ambiendo vlla speciosa officia, nec propter hoc quidquam faciendo. Quod an præstes, vide, & vti decet, procede.

Quartum Punctum. Considera cur pro hodierna die nos iubeat petere, scilicet vt amputet spem vitæ longioris, & malam securitatem, quæ inde nascitur, sed moneat, ita esse viuendum & vtendum rebus huius vitæ, aeli cras essemus morituri: quod si fieret, Deus bono quàm à multis malis abstinere mus; quàm bonis multis vacare mus: & quia non es certus de

vitâ crastinâ, ita viue, vti cras moriturus viue-
res, si id scires; non timore pœnæ, sed D. Dea-
more excitatus.

FERIA TERTIA.

*Post Dominicam decimamtertiam à Pen-
tecoste.*

Et dimitte nobis debita nostra.

Primum Punctum. Considera debita quæ in
seculo contraxisti, propter peccata admissa
tam grauiâ, & numerum capillorum superan-
tia. Quibus, in memoriâ, saltem in genere re-
uocatis, desle ea, ac confundere, & sæpe arden-
ti dolore reiterato, ea deplora, veniam pete, &
statue quid te facere oporteat pro Domino
tuo, qui te ab his debitis, iam liberauit per bonâ
confessionem.

Secundum Punctum. Considera noua debita, quæ
in Religione contraxisti & contrahis, idque
(quod seculares nulli faciunt) sine graui saltem
apprehensâ necessitate, sed merè casu & teme-
rè tantum quia libet incautè viuere.

Tertium Punctum. Considera quæ mala, &
in hac vita & in altera scaturiunt ex his debitis
non perfolutis, vt ita magis caueas, ne ea tam
magna & tam sæpe contrahas.

Quartum Punctum. Considera modos, qui-
bus potes hæc quotidiana tua debita tollere,
tum ab Ecclesiâ, tum à Religione tibi offerri
& pœnæ obrudi solitos. Vide ergo quomodo
iis vtaris, & quantopere vti debeas, ne cum ma-
iori incommodo tuo, & minore lucro, aliis vti
cogaris in vita sequenti post mortem.

FERIA QVARTA.

*Post Dominicam decimamtertiam à Pen-
tecoste.*

*Sicut & nos dimittimus debitoribus
nostris.*

Primum Punctum. Considera indignos esse
eos, quibus D. Deus suas iniurias condonet,
qui non condonant aliis suas, & contra se ta-
lem ferre sententiam his Orationis Dominicæ
verbis. Examina ergo te, num quid offensæ nõ
condonata proximo resideat in animo tuo, &
eam quantocius excute.

Secundum Punctum. Considera primam con-
ditionem quæ debet esse in condonanda pro-
ximo offensâ tuâ, ne vindictam propterea que-
ras, sicut nec D. Deum vis propter grauiora
peccata tua, à te vindictam exigere. Hoc quàm
æquum sit, & quàm à te practicetur cogita, &
omnino habere stude.

Tertium Punctum. Considera secundam con-

ditionem condonandæ proximo offensæ, vt
nec in animo geras affectum, ab eo vel leuiter
abhorrentem. Id enim à D. Deo tecum se ruari
cupis: hæc quoque excute omnes angulos confi-
cientiæ tuæ, circa omnes personas & statue
quid faciendum sit.

Quartum Punctum. Considera tertiam con-
ditionem condonandæ iniuriæ proximo, vt etiam
beneficiis afficias eum, qui tibi dedit occasio-
nem meriti & humiliationis, & docuit te, ne id
alteri faceres vel diceres, quod ab altero factum
vel dictum, te pupugisset. Ita etiam & à Do-
mino, quem toties offendisti, & expetis &
percipis assidua beneficia. Hunc imitare, & ora
pro persequentibus te, & benefac illis, vt sis
similis Patri tuo caelesti, qui pluit super bonos &
malos.

FERIA QVINTA.

*Post Dominicam decimamtertiam à Pen-
tecoste.*

Et ne nos inducas in tentationem.

Primum Punctum. Considera quantopere sine
tibi metuendæ omnes tentationes etiam ex-
iguæ, tum quia sæpe expertus es, à paruis ad
maiores, in te progressus, & in iis lapsus: tum
quia audisti & legisti graues lapsus, etiam ma-
gnorum Sanctorum, ex paruis & non malis ap-
pertè initiis inchoatos: tum quia tecum gens
seminarium & nutrimentum & augmentum
tentationum ferè omnium, carnem tuam ad
mala procliuem, & tot affectuum inordinato-
rum motus, & tot occasiones extrinsecas ma-
lorum. Ideo puta te constitutum in medio ho-
stium & laqueorum, & caute ambula, nec
parui facias res quæ videntur paruæ, ne vin-
caris.

Secundum Punctum. Considera te viribus na-
turæ non posse graues tentationes superare,
immo ne leues quidem, sine speciali beneficio
D. Dei, sine quo ne cogitare quidem potes
quidquam boni. Hoc agnoscens intimè, humili-
lia te, & time ne cadas, & Dominum Deum
tibi propitium redde, ne vnquam tibi desit
auxilio suo efficaci te confortans & adiu-
uans.

Tertium Punctum. Considera eas tentationes
esse periculosiores, quibus ipsi damus vel oc-
casionem vel moram in nobis, tum malâ sen-
suum custodiâ, aspiciendo, legendo, audiendo,
loquendo, tangendo res periculosas, & si non
ex se malas; tum non repellendo statim inie-
ctas. Hac in parte quomodo te geras vide, &
vti opus est, tui curam gere.

Quartum Punctum. Considera modum, quo
se præparate solent mundani, dum sciunt ho-
stem aliquem potentissimum inhiare ad ipso-
rum

rum perniciem : cum ergo potestas cuiusvis daemone maior sit omni humana, & experientia in pugnando maxima, & frequens eius victoria, & pugna saepe insensibilis, & specie virtutum recta, vide quid tibi imbecilli & rudi sit faciendum, ne hoc certamen in eas, & inieris vincaris.

FERIA SEXTA.

Post Dominicam decimamtertiam à Pentecoste.

Sed libera nos à malo.

Primum Punctum. Considera primum malum, à quo liberari nos necesse est, esse malum culpae multiplicis. Cuius mali gravitatem pondera, conferendo illud, cum malis huius vitae praecipuis, vt agnoscendo maiorem eius gravitatem, summo illud odio prosequaris, & tanquam à facie colubis, immo magis, quam ab aspectu daemone noctu faceres, fugias omne genus peccati.

Secundum Punctum. Considera secundum malum, à quo liberatio optanda est, malum poenae purgatorij, cui quotidianis peccatis nos reddimus obnoxios. Huius mali acerbiter confert, cum omnibus huius vitae morbis & suppliciis, tum Martyrum, tum sceleratorum. Est enim omnibus maior, vt Sancti docent. Resolue ergo te ad euadenda haec mala, quae iam promeritus es per asperum viuendi genus, & per opera pietatis, praesertim intentae erga D. Deum charitatis, & doloris ardentissimi de peccatis.

Tertium Punctum. Considera quomodo in posterum cauenda sint tibi haec duplicia mala, culpae & poenae, tum per fugam illarum occasionum, personarum & actionum, per quas ea incurris: tum per seriam animi applicationem ad res Diuinas, & earum perfectum usum, qui confert vires, ad illa euadenda cum Domini Dei auxilio.

Quartum Punctum. Considera modos, quibus nos Dominus Deus in Ecclesia & in Religione, tum per seipsum, tum per Superiores, tum per Sacramenta, tum per bona exempla, tum aliis viis liberare solet à malis. Et ideo resolute te ad seriam cooperationem, ponderato exemplo infirmorum, qui vt morbum depellant, tam sollicitè curant, & multa ferunt amara & aspera, vt quanto citius sanentur, cum tamen mala spiritualia sint morbis omnibus grauiora.

SABBATO.

Post Dominicam decimamtertiam à Pentecoste.

Vt videntes Iesum semper collatetur.

Primum Punctum. Considera finem omnium operum nostrorum esse debere, vt post mortem videamus D. Iesum, tum in Diuinitate eius, tum in humanitate post resurrectionem, ad quod necessarium est, tum vt opera nostra nullo sint peccato sedata (hoc enim dum est, etiam minimum, reddit opus immetitiorum pro eo tempore dum est) tum vt homo tunc operans, sit D. Deo gratus, scilicet existens in gratia. Haec pondera, & quid sit necessarium agnosce, ad hoc vt videas D. Iesum.

Secundum Punctum. Considera an ita appetas visionem D. Iesu; quemadmodum rerum curiosarum aspectum appetis, & in eas oculis ferris. Quod si forte non ita appeteres, pondera quam sit turpe & execrandum hoc in vno Christiano, & multo magis in Religioso, qui fide diuina, & D. Dei illustratione agnoscit, quantum bonum sit Dominus Iesus, eiusque clara visio. Ideo prout in te inueneris, tales affectus excita, ad desiderandam ardentissimè hanc claram D. Dei visionem.

Tertium Punctum. Considera fines humanos breues, transitorios, saepe etiam tibi noxios, quos spectas in operibus tuis, & tamen quam multa propter illos & pateris & facis, eos vt assequaris: nonne Dominus Iesus est dignior, eius causa saltem vt tantum patiaris & agas, quantum poteris, & facis pro rebus aliis vilissimis. Haec pondera, & proficere stude.

Quartum Punctum. Considera desiderium SS. Trinitatis, & Christi Domini hominis, & Sanctorum omnium, quod habent, vt post mortem videas D. Iesum, & aggregeris beata eorum societati, hanc enim ob causam D. Deus tam multa dedit media & auxilia ad salutem. Hanc ob causam Filium suum nasci & mori voluit, & tam multos gratiae suae fontes in Sacramentis, & bonorum exercitio reliquit. Aequum ergo est, vt & tu coopereris tam intenso Domini Dei desiderio, & his ad salutem mediis vtaris. Quod an facias, vide, & emendanda emenda.

DOMINICA DECIMAQUARTA.

Post Pentecosten.

Primum Punctum. Considera Christi D. verborum veritatem, & causas cur nemo possit duobus Dominis seruire, praesertim sibi contrariis, quales Domini sunt, Christus D. & mundus, quorum

quorum & doctrinæ sunt discrepantes, & omnia: & quæ mundus amat & amplectitur, comoda, sumum, honores, Christus D. contempfit. Tu vide cui adhaereas Domino: non Christo D. si Regulam Christi D. non seruas.

Secundum Punctum. Considera motiua, ob quæ debes potius Christo D. seruire quam mundo. Sunt enim & nobiliora & maiora in obsequio Christi D. quam in mundano: quæ ubi ponderaueris, inculca cæcitate tuam, qui mundum reliquisti, & tamen in Christi D. domo mundum magis quæris quam Christi D. imitationem, ac proinde ita viue, vt factis ostendas te Christi D. seruum esse.

Tertium Punctum. Considera varios gradus seruatorum Christi D. alios aliis sanctiores, & exemplo secularium qui aspirant quantum possunt ad altiora obsequia Regis, excita te ad maiorem in dies profectum, vt par est querendum. Cur ergo contentus es loco & gradu infimo? Vnde hæc in appetentia: causas inquire & reseca.

Quartum Punctum. Considera paucitatem eorum qui Christo D. seruiunt tam perfecte vt solent multi mundani Dominis suis, ob spem lucri terreni. Ideo sancta compassione motus da operam, vt quodammodo compenses hanc paucitatem D. Dei seruatorum perfectorum, viuendo perfecte, ac pro te aliusque necessariam ad hoc D. Dei gratiam implora.

FERIA SECUNDA.

Post Dominicam decimam quartam à Penitente.

Primum Punctum. Considera curam quam Dominus habet necessitatum seruatorum suorum, quos non tantum vult non esse sollicitos quid menducant & quo induantur, sed etiam id probat, tum exemplo auium *qua essi non serant neque metant neque congregant in horrea, tamē Pater celestis pascit illas: tum quia pluis, inquit; essi vos illas: tum exemplo liliorum agri, quomodo crescunt, neque laborant, neque nent, & tamen nec Salomon in omni gloria sua, coopertus est sicut vnum ex illis. Si autem sanum agri quod hodie est, & cras in clibanum mittitur, Deus sic vestit, quando magis vos modica fidei: quæ omnia pio affectu ponderans, exardescit filiali charitate erga dulcissimum cor Patris tui cælestis, & illum totā vitā retinere & augere stude.*

Secundum Punctum. Considera aliam probationem dicti Saluatoris, hoc nobis persuadere volentis: *Scit enim Pater vester celestis, quia his omnibus indigeris: & piè inuestiga, quomodo hæc copia nostrarum necessitatum, moueat Patrem nostrum cælestem ad succurrendum nobis: scilicet, vt seruis, vt filiis, vt clientibus, vt amicis, vt sponsis, vt membris, vt fratribus, simul in-*

quirendo, an te talem Domino exhibeas seruum, clientem, filium &c. qualis esse debes: & quod deest ad horum officia, supplete stude.

Tertium Punctum. Considera quid causa est, cum Pater tuus cælestis sciat spirituales necessitates tuas, scilicet frequentes tuos defectus, & quam multa desint ad perfectionem, & tamen nec illas auertit, nec ista confert ita, vt facit aliis perfectioribus: & quoniam ex te causa petenda est, & forte non vna, eam agnitam deside, & quanto citius amouere stude.

Quartum Punctum. Considera rectum ordinem quem tenere debemus in occupationibus nostris, non tantum quoad prioritatem temporis, sed etiam quoad mensuram diligentie, & animi applicationem feriam: *Quare primum Regnum Dei & iustitiam eius, & hæc omnia, (scilicet profectus in literis, auxilium in necessitatibus omnibus quantum satis erit, & quantum ad tuum bonum oportebit) adiucium vobis, & ex hoc proficere stude, ad inducendum constantem morem, magis attendendi rebus Spiritualibus, quam non Spiritualibus, etsi bonis.*

FERIA TERTIA.

Post Dominicam decimam quartam à Penitente. Matt. 7.

Primum Punctum. Considera primum motiui non iudicandi temerè fratrem, nec condemnandi eum, quia qui hoc facit, incurrit & hominum & D. Dei iudicium & condemnationem, sæpe si non finalem, saltem temporalem, & quam sit hoc charitati contrarium, & vnioni membrorum eiusdem corporis cognosce: quando enim manus alteram manum vel pedem condemnat eius irascitur etiam si contingat cadere vel inclinari ad lapsum non prauisum, & reseca si quid hac in parte temerariū in te aduerteris.

Secundum Punctum. Considera eos quos iudicas, esse charos Domino tuo, eiusque amicos, filios, sponsas, & forte magis te placentes illi, saltem non scis de illis tot mala, vt de te scis: atque ita ipsum Dominum eorum, iudicis petis, qui dixit: *Quod vni ex minimis meis fecistis, mihi fecistis.* Ad hæc iudicia spectat, eis detrahete, modum eorum procedendi improbare, irridere, indirectè carperè. Hoc si facis, deplora, & corripere.

Tertium Punctum. Considera temerè iudicantibus dicta illa verba: *Hypocrita, ecce primo et abum de oculo tuo, & tunc perspicies, vt educas seculum de oculo fratris tui.* Reuera enim qui tuis nostrum, prius sibi prodesse tenetur quam aliis, non tantum aliis modis, sed etiam cognitione, improbatione, censurâ, & emendatione defectuum. Quando ergo tuos omnes eiicies, tunc licebit

ad vicinum pergere, cum mente & lingua censoria, idque nõ nisi in rebus manifesta censurã dignis, vt cum iuues.

Quartum Punctum. Considera lucrum quod in cælo acquiritur, tum fugiendo propter D. Deum ea quæ illi displicent, tum quæ placent faciendo, verbis his expressis: *Date (scilicet D. Deo) & dabitur vobis: quali mensura & mensuram bonam & conferam. & coagitatam & superfluentem, dabunt in sinum vestrum.* Quæ ponderans, astuesce vivere, vt quantum fieri potest, omni temporis momento, per meritoria opera, tales congreges mensuras: quod quomodo coneris vide, & desse tam multas te perdere meritorũ occasionẽs.

FERIA QVARTA.

Post Dominicam decimamquartam à Pentecoste.

Primum Punctum. Considera multorum etiam Religiosorum cæcitatem & stultitiam, qui quod Christus Dominus vetabat, dicens: *Nolite dare sanctum canibus, neque mitlati margaritas vestras ante porcos, non serant.* Qui enim opera sua D. Deo non semel consecrata, & membra sua, & potentias suas, cum actibus, occupant in ludicris rebus & obiectis quàm ipsis dæmonibus, D. Dei inimicis. Horum an sis è numero vide, & statue quid tibi sit faciendum.

Secundum Punctum. Considera fructum ardẽtis & perfectæ orationis: *Omnis qui petit accipit, & qui querit inuenit, & pulsanti aperietur.* Agnosces autem perfectiones orationis, si trutinaveris sensum verborum trium, *petendi, querendi, pulsandi:* & factã ad te reflexione, vide qualis sit, & esse debeat oratio tua.

Tertium Punctum. Considera quo argumento Christus D. vratur, vt persuadear nobis exauditionem subsecuturam bonas orationes nostras. *Quid est ex vobis homo, quem si petierit filius suus panem, nunquid lapidem porriget ei? aut si piscem petierit, nunquid serpentem porriget ei. Si ergo vos cum sitis mali, nõs bona data dare filio vestro quantum magis Pater vester qui in cælis est, dabit bona petentibus se.* Hæc omnia gratõ & pio affectu masticans, inflamma cor tuum ardentissimã charitate erga tam benigna viscera Divinæ dilectionis, & si adhibueris ex parte tuã, quod potes & debes, spera in eo, quia *non derelinquit quærentes se.*

Quartum Punctum. Considera causas quæ impediunt ne exaudiamur à D. Deo, etsi diu petamus ab illo hæc & illa: & quia tandem tibi tui cura incumbit, amove illas, vt replearis bonis Domini, siquidem is, vt ait S. Chrysostomus, ita vult te suis replete bonis, sicut patiens suum vult partum eniti summo conatu.

FERIA QVINTA.

Post Dominicam decimamquartam à Pentecoste.

Primum Punctum. Considera quàm amplum erga alios dilectionis affectum à nobis exigat Dominus: *Omnia, inquit, quæcumque vultis vt faciant vobis homines, & vos facite illis: Hæc est enim lex & Propheta.* Discurre nunc per ea, quæ tibi vis ab aliis fieri, & quæ ni fiant, doles, & factã reflexione ad tuum cum aliis procedendi modum, agnosce ea quæ desiderantur in te.

Secundum Punctum. Considera modum perveniendi certò ad cælum. *Intrate per angustam portam. Angusta porta, & arcta via est, quæ ducit ad vitam, & pauci sunt qui inveniunt eam:* & agnosce quid refecandum est, & quid acquirendum, & vnus sis è paucis illis, qui arctã ad cælum viã gradiuntur.

Tertium Punctum. Considera an vita tua sit vita paucorum, de quibus Dominus dicit: *Pauci sunt qui inveniunt eam.* Et vide, an tuus vivendi modus, in cibo, potu, somno, laboribus, precibus, sermonibus, desiderijs, gaudijs, doloribus animi, & omni Regulari obseruantia, redoleat angustiam huius viæ, & rebus tuis consule.

Quartum Punctum. Considera viam abducẽtem à cælo: *Lata porta, & spatiosa via est, quæ ducit ad perditionem, & multi sunt, qui intrant per eã.* Compatere miseris, dole de illorum peccatis, excita zelum abducendi eos ab hac via. Gratias age Domino, quod & te ab hac via abstraxerit, & caue ne in Religione per viam laxam, cælum quæras.

FERIA SEXTA.

Post Dominicam decimamquartam à Pentecoste.

Primum Punctum. Considera quàm firmus esse debeas in obsequio Christi D. & Regularum obseruantia, illi similis, de quo Dominus ait: *Omnis qui audit verba mea & facit ea, assimilabitur viro Sapienti, qui edificavit domum suam supra petram.* Vbi pondera, cur vita spiritalis perfecta, domni sit similis, & ad eius amorem vehementer accendere.

Secundum Punctum. Considera inimicos tres, huius Spirituales domus, *descendentem pluviam, ventientia flumina, & stantes ventos.* Quid ista denotent, perpende, vt eis obstitas valde, & locum non præbeas.

Tertium Punctum. Considera causam stabilitatis huius domus: *Irruerunt in domum illam, scilicet pluvia flumina & venti, & non cecidit, fundata enim erat supra petram.* Quid significat hæc petra,

Petra nisi Christum D. qui est petra primaria: inter alia significare potest, resolutam voluntatem potius moriendi, quam D. Deum plenam deliberatione offendendi. Hanc in te procura, intimam cognitionem & penetrationem peccati, ex cuius cognitionis defectu, ut plurimum nascitur, quod temptationibus etiam leuibus cedatur.

Quartum Punctum. Considera illa Christi Domini verba: *Omnia qui audis verba mea, & non facis ea, similis eris viro stulto, qui edificauit domum suam super arenam, & descendit pluuia, & uenerunt flumina & flauerunt venti, & irruerunt in domum illam, & cecidit, & fuit ruina illius magna.* Et uide ne forte tibi conueniant haec verba. Ideo ne frustra aedifices, uide quid tibi sit faciendum.

S A B B A T O.

Post Dominicam decimam quartam à Pentecoste.

Sit laus Deo patri.

Primum Punctum. Considera motiua, quae omnes habemus communia, & tu propria ad laudandum Dominum Deum, corde, ore, & opere: & examinate, an laus D. Dei prout à te procedit, in propriis actionibus ad eius laudem institutis, sit proportionata istis motiuis, & si quid sit emendandum, emenda.

Secundum Punctum. Considera modum, quo practice est laudandus à te D. Deus, propter illa motiua, eum discas & ex exemplis Sanctorum Spirituum in caelis, quomodo ibi D. Deum laudant, & ex uitis Sanctorum: & facta ad te reflexione, uide quid tibi sit agendum, ut his quam proximè accedas.

Tertium Punctum. Considera laudes & honores, quos homines alii siue benefactoribus, siue ob alium respectum deferre solent, & quidem ex animo & valde accuratè, & in omni occasione, & an saltem talem te Domino tuo praebas uide, confundere, & quod emendandum est, emenda.

Quartum Punctum. Considera varios modos, quibus Dominum Deum laudare tenemur, scilicet uerbis oris & mentis, & praecipue factis: quod practice quomodo fieri debeat pondera, adhibito in consilium propriae conscientiae lumine, & legibus uitae spiritualis, & ita omnes tuas etiam minimas actiones, etiam secretas, & soli Domino Deo & Angelo tuo notas institue, ut mereantur agnosci à D. Deo, pro sui laude, & tota uita tua interna & externa, sit laus Deo Patri.

DOMINICA QUINTA.

Post Pentecosten.

De uiduae filio suscitato.

Primum Punctum. Considera dolorem uiduae ob mortem unici filij sui, & causas varias huius doloris: ex altera parte considera dolorem quem mater Ecclesia & Religio percipit, si quem ex filiis suis contingat spiritualiter agrotare cum uitae periculo, uel quod ablit, mori per mortale peccatum, causasque huius doloris multo maiores confer, cum causis doloris uiduae & firmissimo proposito munit cor tuum, ne unquam periculosè in spiritu agrotas, uel quod ablit, spiritualiter D. Dei gratia moraris, quin potius praeteritas agrotationes & mortes amarè desse.

Secundum Punctum. Considera pia uiscera copiosa illius turbæ, quae comitatur uiduam, filium ad sepulturam efferentem, & inuoluptate illius turbæ commiserationem amplectere, & illi in Spiritu gratias age, & ad hanc uirtutem in proximorum tuorum afflictionibus exhibendam accendere, cogitans causas, quibus ad hunc pietatis affectum permoueri debes, eumque in occasionibus ostendere, propter honorem & amorem capitis omnium nostrum Christi Domini Iesu.

Tertium Punctum. Considera benignissimum cor Domini Iesu, qui ne rogatus quidem, uel uidit cadaver efferri, misericordiam motus super matrem afflictam, dixit illi: *Noli flere*: & filium eius imperio suo suscitauit, ac dedit Matri suae, Gratias age Domino tuo pro hac commiseratione & gratia, osculare tam tenerum cor Domini tui, alienam miseriam statim commoti: peto similem affectum erga alios, & de tua salute magnam concipe spem. Si enim non rogatus bene fecit uiduae, quanto magis benefaciet tibi si eum oraueris, & orare non desieris.

Quartum Punctum. Considera modum quo suscitauit filium uiduae a caecitate, *tugit loculum, & ait: Adulescens, tibi dico surge*: quae omnia confer cum Domini Iesu aduentu ad te in communionem, cum maiore tui contactu quam fuerit ille locus cum uocibus internis, quibus te alloquitur, & causas inquirat, cur non relinças de tuis spiritualibus moribus, quibus deploratis, propone emendationem.

FERIA SECUNDA.

Post Dominicam decimam quartam à Pentecoste.

De eadem re.

Primum Punctum. Considera motiua, quae Christus Dominus habuit, ad suscitandum filium

filium viduæ, & (magnis ei actis gratis pro hoc beneficio) ex singulorum ad te & statum animæ tuæ applicatione fructum aliquem elicere stude.

Secundum Punctum. Considera statum animæ filij defuncti post mortem, scilicet affectus animæ illius in eo statu, eosque possimum triplices, quid nimirum tunc doluerit à se factum, vel omissum dum esset in corpore: quid desiderauerit facere & non omittere, si ei daretur reditus ad vitam: quid timuerit, sciens se ad severum Iudicem trahi. Et ex singulis facta ad te reflexione, exemplo illius, corrige in te quæ correctione egent, & acquirere stude quæ acquirenda sunt, ne & tua anima ad eundem statum deuoluatur.

Tertium Punctum. Considera affectum illius suscitati erga Christum Dominum, quis, quantum fuit, & in quibus rebus se proderet deinceps. Ex altera parte, perpende maiore beneficio te à bono Iesu non semel affectum fuisse, dum vel à morte animæ liberatus es, in Sacramentis per iustificationem; vel dum es præseruatus ne in eam deuoluereris. Quo ergo affectu debet ardere cor tuum erga Dominum Iesum, & in quibus rebus debet se prodere is erga tantum Benefactorem tuum affectus.

Quartum Punctum. Considera motum animorum qui fuit in turbâ aspiciente hoc miraculum Christi Domini. Nam, ut ait Euangelista: *Accepit omnes timor, & magnificabant Deum; quia Propheta magnus surrexit in nobis, & quia Deus visitauit plebem suam.* Tu hoc audiens, excita in corde tuo filialem lætitiã, eò quòd turba illa magnificauit Dominum tuum ob hoc beneficium præstitum, & gratias age Angelis Custodibus, qui turbam illam ad hoc excitauerunt, & quodammodo compaterere Domino tuo, cui à multis non redduntur debita pro beneficiis gratiæ, pro quibus tu eas age, ut satisfacias pro hac ingratiudine, & ne & tu factis ostendas te parum gratum, admittere.

FERIA TERTIA.

Post Dominicam decimam quintam post Pentecostem.

De missis à Ioanne Discipulis.

Primum Punctum. Considera fidelitatem Discipulorum Ioannis, qui audito Christi Domini miraculo in suscitatione filij viduæ patrato, & turbæ sermonibus illud extollentibus statim nunciauerunt Ioanni de omnibus his. Hoc est enim officium boni subditi ac discipuli, significare suo Superiori &

Lancicij Opusc. Tom. 2.

Magistro, res quæ ei vsui esse possunt. Cuius rei necessitate multiplice consideratâ, inquire an tu sis ita tuo Ordini & Superiori fidelis, in indicandis rebus siue scandalum, siue ædificationem, siue aliquam vel fratris vel proximi tui necessitatem concernentibus, & si quid in te est corrigendum corrige.

Secundum Punctum. Considera bonum Ioannis animum erga Christum Dominum qui hac occasione vsus, statim duos è discipulis suis ad Christum Dominum misit interrogans, an ipse esset promissus Messias, ut ita (quod præuidebat fore) visis Christi Domini miraculis, se relicto, Christo Domino adhereret. Hinc discce, quàm alienus esse debeat Christi Domini seruus, ab inuidiâ & proptij commodi vel existimationis affectu, nec se vel sua querere, sed aliorum commoda, etiam si id futurum sit cum suo aliquo incommodo, & in posterum caue, ne te quæras in villa te siue in personarum ad te spectantium delectu, siue aliis in rebus, sed assuesce sequi æquitatem in omnibus, & quod recta dicat ratio, ab omni priuato affectu libera. Examina autem te in hac parte, & corrigenda corrige.

Tertium Punctum. Considera humilitatem Ioannis, qui uti Propheta, etsi sciret, quis esset Christus Dominus, tamen mittit ad eum, quærens id ab ipso Christo Domino indicandum: ut tu discas, non tantum non adscribere tibi verè ea quæ non habes, siue naturalia, siue supernaturalia talenta, sed & ea quæ habes, occultare studio honorandi eum, qui quæ videt in abscondito, & hic & in cælo, remunerari solet.

Quartum Punctum. Considera obedientiam Discipulorum Ioannis exactam, qui & ad Christum Dominum statim se contulerunt, uti iussi erant, & nil aliud ab eo interrogauerunt, nisi quod interrogare eos voluit Ioannes, & quidem prorsus iisdem verbis eodemque ordine prolatis vsi sunt: *Tu es qui venturus es, an alium expectamus:* nullos addiderunt colores, nullas ceremonias. Hinc discce quàm exactus esse debeas in simplici & cæcâ obedientiâ, consideratâ huius rei utilitate & necessitate.

FERIA QVARTA.

Post Dominicam decimam quintam à Pentecoste.

De eadem materia.

Primum Punctum. Considera modum, quo Christus Dominus factis ipsis respondit ad interrogationem Ioannis Baptistæ, Discipulis eius, ostendens se esse promissum Messiam. *Curauit enim in eâ ipsâ horâ multos à languoribus & plagis, & spiritibus malis, & cæcis multis donauit*

Yyy

naue

naui visum. Facta enim, sunt omnium optima testimonia, de statu & conditione cuiusque. Tu hinc discis, & coram Domino Deo & coram hominibus, factis ostendere te esse Religiosum, Christum Dominum Iesum imitari studentis. Inquire an id ostendas in tuo sermone, victu, vestitu, gestibus, incessu, oratione, studiis, affectibus animi, & ad Christi D. exemplar propositum corrige, quæ à Christo D. discrepantia inueneris.

Secundum Punctum. Considera in his Christi Domini miraculis quatuor mala spiritualia, quæ curationem exposcunt, Christi Domini nostri Spiritualis medici. Alij enim in seruitio Domini Dei laborant languoribus, scilicet tepiditate quadam, & remissione animi in operibus suis: Alij habent plagas, id est defectus aliis notos, & alios offendentes. Alij vexantur à spiritibus malis, scilicet à vitiis puritati nocentibus: Alij cæci sunt, quia ita viuunt, ac si non viderent per fidei oculos, magis querenda esse cælestia bona quàm terrena, magis curandam esse gratiam Domini Dei, quàm hominum, magis timendum esse Dominum Deum quàm proximum. Tu vide an aliquo horum morborum sis obnoxius: Christum Dominum inuoca, vt te sanet. Sed quia nisi coopereris libero arbitrio tuo Diuinæ gratiæ, non sanaberis, resolue te ad seriam emendationem.

Tertium Punctum. Considera Christi Domini verba ad Discipulos Ioannis, aliena à fastu, ab exaggerationibus, & copiâ non necessariâ. *Euntes renunciate Ioanni que vidistis, quia cæci vident, claudi ambulat, leprosi mundantur, surdi audiunt, mortui resurgunt.* Tu an abstineas à fastu, exaggerationibusque verborum, siue dum narras, siue dum laudas aliquid, siue dum accusas alium, siue dum excusas, siue dum confiteris, & quæ inueneris vitia in sermonibus tuis, ea refecare stude.

Quartum Punctum. Considera signa vera aduentus Messie in mundum & in animam iusti, ea quæ paulò ante allata sunt. Ex quibus duo decerpe. *Primum* affectuosam gratiarum actionem, quod te Christus Dominus nasci voluerit post suum aduentum in carne, vt facilius esset tua salus & perfectio. *Secundò.* Inquire coniecturas de præsentia Christi Domini in anima tua per gratiam. Eæ autem sunt, si vides cæcitatem tuam cum progressu ætatis minui, si te sentis validiùs incedere in via eius, si magis ac magis animam mundari, si obedientiam crescere &c. & prout inueneris, ita affectus proportionatos erga Dominum Deum exerce.

FERIA QUINTA.

Post Dominicam decimam quintam à Pentecoste.

De eadem historia continuata.

Primum Punctum. Considera illa Christi D. verba: *Pauperes euangelizantur: quæ Christus D. addere voluit, ad signa excellentis officij sui, scilicet Messie à Patre missi.* Ex quibus verba duo discis. *Primum.* Quæ optere sperandum sit de huius Messie benignitate, qui non dedignatur sua dona communicare etiam vilibus personis, quales sunt pauperes, ideoque magnas pro laudâ Domini tui facilitate age gratias. *Secundò.* Discas non eligere speciosa officia, sed vilia Christi D. exemplo, qui personis tam vilibus primum se patefecit, ideoque & in conuersatione, & in Scholis, & in concionibus & alibi libentius te talibus impende, eorum animas iuando, cum iis agendo domi & foris, vt Christo D. capiti tuo te conformes. Hoc an facias inquire, & superbiâ tuam frena ad res & personas & officia speciosa propendentem.

Secundum Punctum. Considera alia Christi D. verba: *Beatus est quicumq; non fuerit scandalizatus in me.* Hinc quoque duo discis. *Primum.* Non credere aliorum iudiciis sinistris & scandalis, spe enim homines stulti vel inconsiderati de bonis scandalizantur. *Secundò.* Cave ne tu facile scandalizeris de alijs, quin potius omnia in bonam partem interprete. Et eni hoc facere debes, causas inquire, & si hac in parte eras præceptis, contine te, nolisque alijs facere, quod tibi fieri nolles.

Tertium Punctum. Considera duo quæ Christus D. in moribus Ioannis Baptiste laudauit. *Primum.* Quod non esset inconstans, & facile cedens affectuum impulsibus instar *arundinis vento agitata.* *Secundò.* Quod moribus non resisteretur, nec pretiosis vestibus, vt solent qui in delicijs & domibus Regum sunt. Tu reflecte te ad tuos mores, an iis quadrant hæc laudes Ioannis, & corrigenda corrige.

Quartum Punctum. Considera laudes officij Ioannis, quod habuit tanquàm Præcursor Christi D. Appellauit enim eum *plurquam Prophetam,* & dixit de eo scriptum esse: *Eccc ego mitto Angelum meum ante faciem tuam, qui præparabit viam tuam ante te.* Ex quibus verbis sume occasionem desiderandi pro Christi D. tui gloria, vt in hoc statu Apostolico, ad quem vocatus es, ita semper & ubique viuat per D. Dei gratiam, vt iudicio D. Dei viuas tanquam Angelus, præparans in anima & tua & aliorum, viâ ad ingressum D. Deo sponso animæ tuæ. Quare cogita quæ sint ad hoc necessaria, & ea pete à Domino Deo, & acquirere stude.

FERIA

FERIA SEXTA.

Post Dominicam decimam quintam à Pentecoste.

Eadem historia continuata.

Primum Punctum. Considera fructum laudum Ioannis, è Christi D. ore profectum. Sciam enim omnis populus audiens, & publicani iustificauerunt Deum, baptismumque susceperunt Ioannis. Bonum signum, dum anima Christi D. verbis auditis proficit, præsertim dū bona facit, quæ expressè Christi D. verba non commendant, sed tantum indirectè, vti contingit hoc loco, vbi Christus D. nil de baptismo Ioannis suscipiendo dixit. Tu examina te, quàm sæpe legis, audis, loqueris Christi D. verba, nec iis proficis, etiam si verba sint quæ directè & clarè requirant à te aliqua, sæpe etiam non sine minis. Ideo causas huius tuæ duritiæ inquire & te emenda.

Secundum Punctum. Considera duritiem Pharisæorum & legisperitorum, qui spreuerunt consilium D. Dei in semetipsis, nec baptizari voluerunt à Ioanne. Mirum est, rudem plebeculam, & ipsos publicanos tam faciles fuisse in suscipiendo Ioannis baptismo, & legis Doctores illum detractasse. Inquire causas, cur isti Sapientes ita desipuerint, & vide, ne & te politica prudentia faciat altum sapere, & non curare ea pietatis opera, quæ simplex & rudis Christi D. plebs frequentat.

Tertium Punctum. Considera Christi D. modestiam, qui volens improbare hanc Pharisæorum & Legisperitorum duritiem, etsi posset, non est vltus acerbitate verborum, nec vllis aculeis, sed tantum similes esse dixit pueris sedentibus in foro & loquentibus ad inuicem &c. Si ergo Dominus eorum, ita modè eorum vitium descripsit, quantò magis decet te æqualium tuorum minores defectus relinquere intactos, nec acerbè perstringere aut commemorare. Examina te an ita facias, & sermonis acrimoniam tempera, religiosà moderatione.

Quartum Punctum. Considera malignitatem iudicij, maleuolo affectu deprauati in Pharisæis, qui Christo D. teste, Ioannem, neque manducantem panem, neque bibentem vinum, dicebant habere demonium. & filium hominis, manducantem & bibentem, dicebant esse deuatorum. & vini potatorem, amicum publicanorum & peccatorum. Ex altera parte te introspecte, ne fortè sis facilis in taxandis alienis moribus, & causas cur id facere non debeas conquire, & si antea hac in re fuisti præceps, frena deinceps & iudicij tui, & linguæ audaciam, & errorum à D. Deo veniam pete.

Lancij Opusc. Tom. 2.

SABBATO.

Post Dominicam decimam quintam à Pentecoste.

Sit laus Deo patri, Summo Christo decus, Spiritui Sancto, tribus honor vnus.

Primum Punctum. Considera causas, ob quas Patri æterno à nobis laus debetur, tum ob omnia opera eius quæ sunt communia eum aliis Diuinis Personis: tum præcipuè ob creationis beneficia extrinseca, scilicet mundum hunc, cum tot rebus tui causâ conditum; & intrinseca, quæ sunt corpus & anima tua, eum omnibus naturalibus bonis quæ habent, quibus multi homines carent. Hæc bona pondera, accendere ad gratiam affectum & eo motus, gratias age Creatori & Conservatori honorum omnium tuorum.

Secundum Punctum. Considera causas, ob quas debetur laus & decus Christo D. Iesu, tum ob omnia alia, tum ob beneficia Redemptionis, quæ in se includunt eius Incarnationem, Natiuitatem, vitam tam longam, tot bonis exemplis, doctrinis, meritique plenam, denique mortem pro tua salute susceptam. Horum donorum ponderata magnitudine, illa estima magis, gratias age, & Christum D. ama tanquam fontem eorum, maiore amore & intenso magis, quàm ames vllam creaturam.

Tertium Punctum. Considera causas, ob quas debetur honor Spiritui Sancto, tum ob alia omnia, tum ob dona quæ per Sacramenta & alios modos fidelibus largitur, quibus & animam sanctificat, & potentias animæ perficit supernaturaliter & ornât, & corporis membra ac sensus purificat. Perpende huius beneficij magnitudinem, amplitudinem, vilitatem, & accendere desiderio horum donorum maiore quàm sit in mercatoribus erga lucrum, in militibus erga victoriam, in ambitiosis erga honores, in mendicis erga sustentationem sui.

Quartum Punctum. Considera modos, quibus declaranda est laus & honor erga Diuinas Personas; laus quidem, mente & mentis applicatione, per orationem vocalem qua Dominus Deus laudatur verbis; honor factis, scilicet vitâ piâ, exemplari, reuerentiâ in omni loco, in quo Dominus Deus est præsens, præsertim in templo, quod quomodo præstes, examina te, & si quid delinquis, desce, & emenda.

Yyy 2 DOMI-

DOMINICA DECIMASEXTA.

Post Pentecosten.

De sanato Hydropico.

Primum Punctum. Considera malitiam Pharisæorum, qui Dominum Iesum ingressum ad manducandum Sabbato panem, obseruabant, in quo facto dño. detestare. *Primò.* In sinceritatem peruersæ mundanæ politicæ, dum ei spectentus beneuolentiam exhibent, excipiendo eum conuiuio, & tamen malignum erga eum animum fouent, malitiosè obseruando eius facta, ut eum calumniarentur. *Secundò.* Detestare autem temerarium iudicandi Ducem, Authorem & Magistrum omnis Sanctitatis. Ac proinde hæc duo vitia valde caue, ne duplex & insincerus sis, etiam in minimis rebus, & ne alios obserues ad carpendum; cogita autem quàm hoc dedecet hominem Religiosum, & si quid antea hæc in te à te peccatum est, corrige.

Secundum Punctum. Considera Christi D. benignitatem, qui non rogatus, viso ante se Hydropico, statim de eo sanando agere cepit cū legisperitis. Gratias igitur age benignissimo Domino tuo pro tantæ eius charitate & commiseratione, & statue te ante Diuinos oculos eius, cum spiritualibus morbis tuis, ostendens eos illi tenero affectu, & petens curationem; adductis eius Diuinæ Maiestati causis quæ possint Diuinum cor eius se detere, ad te sanandum facilis, quàm sanare illum Hydropicum Iudæum, non baptizatum, in Christum D. fortè non credentem.

Tertium Punctum. Considera Christi D. prudentem in agendo suauitatem, qui etsi posset tepente sanare Hydropicum, noluit tamen; sed quia præuidebat malignitatem Pharisæorum, cepit quærere ab eis: *Licet ne Sabbato curare,* & id licere ostendit allatâ similitudine de animalibus quæ solentur Iudæi etiam die Sabbati è puteo extrahere, si in illâ essent delapsa. Hinc disces in quocunque tandem statu fueris, non agere se imper summo iure, sed ita procedere in omnibus, ut nihil fiat eum offensione (quâ tum fieri potest) vilius, sed quàm suauissimè; & ut appareat, res non temerè, sed cum ratione fieri. An ergo ita hæcenus processeris in rebus tuis, cogita, & si quid emendatione opus habet, emenda.

Quartum Punctum. Considera modestiã Pharisæorum, etsi alioqui elatorum, & Christo D. non addictorum. Auditâ enim Christi D. similitudine, quâ ostendebat licet curare Sabbato, tacuerunt: quippe ratione Christi D. conuicti. Hinc disces à malis istis, fugere contentiones, & pertinaciam in agendo, quâ plerique imbuti, audent agnitæ veritati sese opponere, & alterari, siue in publicis siue in priuatis congressi-

bus. Quod ut diligentius caueas, inquire causas, quæ ostendant, quàm perniciosum sit hoc vitium in omni Communitate, non tantum Religiosæ, sed etiam mundanæ.

FERIA SECUNDA.

Post Dominicam decimam sextam à Pentecoste.

De vitando primo accubitu. Luc. 14.

Primum Punctum. Considera Christi D. modestiam, qui volēs corrigere Pharisæos, primos accubitus eligentes, non vñs est acerba obiturgatione, etsi id posset, sed suauis admonitione, eâ non perstringens superbiam eorū præteritam, sed præmonens in posterum fugiendâ. *Cum inuitatus, inquit, fueris ad nuptias, non discubas in primo loco, ne fortè honorator te sit inuitatus &c.* Hinc disces, abstinere quantum fas est, ab acerbitate sermonis, præsertim si agendum sit cum personis in aliqua dignitate vel officio illustri constitutis, vii erant Pharisæi, neque id esse respectum personarum culpabilem, sed potius Christianam prudentiam. Hoc an tu obseruatis inspicere, & quid in posterum te facere oporteat, propone.

Secundum Punctum. Considera Christi D. prudentiam, qui ad retrahendos Pharisæos à primo accubitu cupiditate, vñs est motu humano, & eorum affectibus ad superbiam proclibus, accommodato. *Ne fortè, inquit, honorator te sit inuitatus ab illo. & veniens is qui te & illum veniunt, dicat tibi: Da huic locum, & tunc inuias cum rubore nouissimum locum tenere.* Hinc duplicè disces prudentiam. *Primò.* Non spiritualibus tantum motibus te vel alium excitare posse ad bonum aliquid, sed humanis etiam. *Secundò.* Non cæco quodam modo & temerario procedendum esse cum omnibus æqualiter, sed accommodatè ad captum & ingenium cuiusque: ita enim res succedūt feliciter. Tu quomodo te geras hæc in parte, inquire.

Tertium Punctum. Considera temperantiam huius vitii, quod Christus D. in Pharisæis notauerat, & quânto magis dedecet Religiosum, pòderatis causis, ob quas turpe sit, hoc locorum ambitu laborare. Et introspectis tuis hæc in re moribus, statue quid tibi sit, in posterum faciendū.

Quartum Punctum. Considera verba illa Christi D. *Omni qui se exaltat, humiliabitur, & qui se humiliat exaltabitur,* & in his verbis tom exempla, tum causas, quæ veritatem horum Christi D. verborum confirmant, ut in te excites magnum superbiz odium, magnum humilitatis amorem, annotatis vtriusque actibus, quos vel fugere vel frequentare debes.

FERIA TERTIA.

Post Dominicam decimasextam à Pentecoste.

De Fratibus Christi D. Mat. 12.

Primum Punctum. Considera modum quo Spiritus S. appellat Christi D. cognatos vocans eos, *Fratres eius*, qui tamen, fratres propriè dicti non erant, cum ipse vnicus esset filius Virginis Matris. Hinc discè, nūquam aliorū sermones damnare tanquam mendaces, vel inconsideratos, vel æquiuocè obscureque dictos, aut minus prudenter, quandoquidem vides, si malignus censor esse velis & blasphemus, nec D. Dei ipsius verba, eo distante scripta, posse euadere malitiosam censuram, tanquam locuti aliter, quàm esset in te, & non iuxta communem verborum significationem & intellectū hominum. Quocirca si hac in parte delinquis, te emenda, & fræna linguam tuam.

Secundum Punctum. Considera humilitatem Christi Domini Matris, quæ et si Christo Domino esset Superior, in quantum erat eius filius, seque ei voluntariè subdebat tamen stabat foris, volens eum alloqui, nec se intrudebat presumptuosè ad alloquium filij. Quod si tibi id contingeret cum æquali, immò forte cum Superiore, vt eius alloquium foris, id est, extra domum, in platea expectare cogere, maxime sciente id Superiore, vel æquali, vel inferiore (vt Christus Dominus sciebat se à Matre expectari) quantopere excandesceres, imò forte abscederes cum indignatione! Hinc ergo discè, quomodo te debeas præmunire contra superbix impulsus, ne in occasione eis cedas.

Tertium Punctum. Considera charitatem vnus ex altantibus, qui visâ necessitate, quam habebat Mater Christi Domini alloquendi eum, Christo Domino id vltro, nec rogatus indicauit. *Ecce stant quærentes te.* Gratias age in spiritu illius hominis animæ, vbicumque sit, quod succurrerit Deiparæ Matri, in hac necessitate eius, & osculare ac gusta spiritali osculo & gustu, hunc piæ benevolentix affectum, & vide an illum ostendas, dum vides alicuius spiritualem necessitatem, vel corporalem, eam iis, qui iuuare possunt, indicando, non expectando vt rogeris, vel interrogeris, & corrigenda corrige.

Quartum Punctum. Considera puritatem affectus Christi Domini qui et si amaret Matrem suam ob eius virtutes tenerimè, tamen vt Matrem suam non amabat, carnali affectu, more immortificatorum hominum, qui plus æquo diligunt cognatos. Ideo dixit ad tui exemplum: *Qua est Mater mea, qui sunt fratres mei?*

Lancij Opusc. Tom. 2.

quasi diceret: Cognatos carnales non habeo, affectum carnis non sentio. Tu examina affectus tuos erga sanguine iunctos, aliosquè, an tales sint, an non particulares, an ob virtutem, vel potiùs ob formam corporis, & teneros annos, aut complexionis similitudinem excitari soliti. Et quod noxium est, citò amputa.

FERIA QVARTA.

Post Dominicam decimasextam à Pentecoste.

De Consanguineis Christi D. Spiritualibus.

Primum Punctum. Considera quo gestu corporis, quâ membrorum compositione ac sensuum custodiâ, quo animi affectu, Mater Domini Iesu, foris expectabat Christi D. alloquium: quæ omnia, in ea tenero affectu considerans, & cum gustu mentis tuæ, saporem eius exemplorum percipiens, confer tuos gestus, motus, affectus, dum ante Orationem, vel in ea expectas alloquium Domini: & visâ multiplici tuâ diuersitate, ab exemplis sanctissimis Deiparæ, propone quæ in posterum cauere debeas.

Secundum Punctum. Considera sanctam Christi Domini inurbanitatem, qui et si audisset se à Matre expectari, tamen non protipnit se ad eam aduocandam vel adducendam, sed alio sermonem dinertit, vt discas hinc non condemnare alios, tanquam inurbanos vel elatos, vel contemptores aliorum, si non aduocent, si non occurrant, si non statim admittant ad se eos, à quibus quærentur. Multæ enim occurrere possunt & graues causæ, huius in admittendis ad se aliis moræ. Atque discè & prudentiam necessariam, & assuesce nil improbare quod manifestè malum non sit, & te corrige, si hac in parte delinquis.

Tertium Punctum. Considera piissimi Domini tui charitatem diuinam, qui extendens manum in Discipulos suos dixit: *Ecce Mater mea, & fratres mei.* In quibus verbis, mentis oculis introspecte, benignissimum cor Domini Iesu, & ex eo profilientem affectum teneræ dilectionis erga Discipulos suos, quos Matrem suam & fratres suos, appellare dignatus est. Vnde sanctâ quadam inuidiâ accensus, desiderat, vt & tu eius gratia dignus reddare, qui ab eo pro fratre eius haberi queas, & gratulare Discipulis hanc felicitatem consecutus, eosquè pete, vt id tibi à Christo D. Iesu impetrent.

Quartum Punctum. Considera dulcissima illa verba Christi Domini: *Quicumq; fecerit voluntatem Patris mei, qui in cælis est, ipse meus frater, & soror & Mater est,* duo in eis ponderans. *Primo.* Quid sit facere voluntatem Patris cælestis. *Secundò.* Quanta sit felicitas, esse matrem, fratrem, & sororem Christi D. Et examina te an & quomodo Domini Dei voluntatem facias, an

Y y 3 hos

hos titulos merearis, ut desleas tua errata, & coneris adscribi in numerum fratrum spirituum Domini tui.

FERIA QUINTA.

Post Dominicam decimasextam à Pentecoste.

De thesauro abscondito. Matt. 13.

Primum Punctum. Considera causas, propter quas vel Christus Dominus, vel vetus & nouum Testamentum, iuxta variam SS. Patrum expositionem (electa pro tuo gustu vnâ istarum) vocetur Regnum caelorum simile thesauro. Et ex singulis decerpe profutura tibi documenta.

Secundum Punctum. Considera cur iste thesaurus, quicumque ille sit, dicatur absconditus in agro: non in horto, non in arce, non in palatio, non in ciuitate: & fructum ex singulis collige, pro morum tuorum emendatione.

Tertium Punctum. Considera quàm meritò quiuis inuento hoc thesauro illum abscondere debeat, ne perdat, & quid sit abscondere hunc thesaurum, quomodo, quibusue in rebus abscondatur, & applicando ad te, vide an hunc thesaurum habeas in corde oreque tuo absconditum, vel certè patentem & omnibus peruium, & corrigenda corrige.

Quartum Punctum. Considera quàm æquum sit, pro hoc thesauro abscondito, inuento in agro, cum gaudio vendere vniuersa, & emere agrum illum, in quo hic thesaurus inuentus est. Vnde increpa te, qui hunc thesaurum contemnis, non quæris, se ingentem non accipis, & mauis retinere tua, tibi noxia, quàm illis priuare te, pro inueniendo hoc thesauro, quo inuento, Dominum Deum ipsum inuenis fontem omnium bonorum.

FERIA SEXTA.

Post Dominicam decimasextam à Pentecoste.

De Margarita inuenta.

Primum Punctum. Considera causas, ob quas Euangelij doctrina per Regnum caelorum à Christo Domino intellecta, similis est homini negotiatori, conferendo occupationes negotiatorum cum effectis, quos Euangelica doctrina quærit in animabus nostris. Et inuehere in duritiem tuam, qui Domino Deo per hanc margaritam te sibi lucrari cupienti, & te ad multiplicem perfectionem conducere volenti, renitatis & obstitas, ideoque te in potestatem emenda.

Secundum Punctum. Considera quàm merito animæ Christi D. sanguine redemptæ esse debeant, margaritæ, ponderatis margaritarum perfectionibus, & factâ collatione cum animâ tuâ, an illa in conspectu Domini Dei tui sit eiusmodi, ut mereator titulum & nomen margaritæ, & quidem ut Euangelica loquatur *Margarita bona*: & si quid deprehenderit, quod impediatur, ne tua anima hoc digna titulo videatur, illud quàm citissimè & quàm efficacissimè remove.

Tertium Punctum. Considera quibus modis Euangelica doctrina per negotiatorem hoc loco adumbrata, emat hanc animæ tuæ margaritam, & quidem à te. Varij enim modi sunt huius emptionis. Emit eam in lectione, in oratione, in concione, in tribulationibus, in beneficiis optatis, in bonis exemplis, & in aliis rebus, ut Christo D. tradat. Tu ergo vide, an te facilem præbeas emptorem, & quod emendandum est, emenda.

Quartum Punctum. Considera quibus modis Christus D. ipse, qui à nonnullis hic per Regnum caelorum intelligitur, vendidit omnia quæ habuit, ut emeret hanc margaritam animæ tuæ: & ex alterâ parte, collatâ tuâ paritate, cum Christi D. liberalitate, tuâ malitiâ cum Christi D. te emere propter bonum tuum volentis benignitate, inculâ tuam duritiem & te emenda.

SABBATO.

Post Dominicam decimasextam à Pentecoste.

Magnificat anima mea Dominum.

Primum Punctum. Considera modum quò Beatissima Virgo Dominum Deum magnificabat, perpendendo in hac magnificatione intensiorem seu ardorem affectus vehementissimi, finem purissimum, seu intentionem, verba interna & externa, quæ ex hoc vehementi affectu promanabant, & factâ ad te reflexione, desle contrarios defectus tuos, & eam imitare.

Secundum Punctum. Considera titulos seu causas, ob quas teneris ardentissimè Dominum Deum magnificare seu extollere, tum verbis, tum cogitationibus tum beneficiis, tum omissionibus malefactorum: ex alterâ parte vide quomodo id præstes, & si quid est corrigendum corrige.

Tertium Punctum. Considera D. Deo deberi non qualemcunque magnificationem, sed talè, quâ ipsa anima nostra tota, cum omnibus suis potentis & actibus, eum extollat. Hoc an tua anima faciat, vide, & ut faciat, da operam.

Quartum Punctum. Considera causam, ob quam Beatissima Virgo D. Deum nominare volens

volens & magnificare, non vocet Patrem aut Creatorem, aut Deum, aut alio titulo, sed *Domini*, & ex hac consideratione proficere stude.

DOMINICA DECIMASEPTIMA.

Post Pentecosten.

De dilectione Dei & proximi. Matt. 22.

Primum Punctum. Considera audaciam Pharisæi, qui etsi sciret Christum D. esse prædium dono Prophetiæ, & dono miraculorum, quæ vulgus tanti faciebat, tamen ausus est ad Christum D. accedere tentandi causâ, & dicere: *Magister, quod est mandatum magnum in lege.* Sciebat vel scire poterat, Christum Dominum id non ignorare & notâ esse Christo Domino eius insinceritatem, quod non discendi studio, sed calumniandi, vel tentandi Christi D. sapientiam, & legis intelligentiam, id faceret; & tamen maleuolo contra Christum D. affectu imbutus, id non aduertit, sed ausus est tentare, etsi alioquin non esset è vulgo & rudis, sed Doctor legis, excitator habens sensus internos, & intellectum ac rerum experientiam. Hinc discere, quàm sint cauendi diligenter affectus contrarij charitati, auersionem rancoremque fouentes, qui quandoque sapientissimos & religiosissimos quosque deprauant, & ad res indignas impellunt. Excute ergo conscientiam tuam, an tali aliquo affectu, vel erga maiores, vel erga æquales, vel erga minores te, vulnerata sit, & serid eum excludere conare, ne te ad gratiora mala protrudat.

Secundum Punctum. Considera Christi D. mansuetudinem, qui malitiam temerarij legis Doctoris probè cognitam habens, nec facto, nec dicto vllam offensionis speciem prætulit, sed ita placidè & facilè ac liberaliter ei respondit, ac si optimo animo, & discendi audio id, quasi uellet. Confer hic tuos in responsionibus tuis aculeos, acrimoniam affectus, & gestam & dictorum, quando aliquo alterius dicto offenderis, & quàm bellè, Christi Domini membrum existens, imiteris benignitatem Capitis tui, & Ducis tui, & annoratis occasionibus ac temporibus, in quibus ita delinquis, propone emendationem, & interiti veniam delictorum à mansuetissimo D. Iesu pete.

Tertium Punctum. Considera primâ verba illius mādati, quod Christus D. appellauit *maximam & primum mandatum*: *Diliges Dominum Deum tuum*: perpendens iuxta secundum orandi modum, in Exercitijs à S. Patre Nostro traditum significationem sensumque dictorum verborum, eliciendo ex illis varios affectus erga D. Deum, & documenta pro vitæ tuæ instructione.

Quartum Punctum. Considera reliqua verba

eiusdem mandati: *Ex toto corde tuo, & in tota animâ tuâ, & in tota mente tuâ*, perpendendo, quid sit D. Deum totâ animâ diligere, & quomodo id in te præstet, vt si quid notaueris in te huic D. Dei mandato contrarium, vel nunc, vel in vitâ antea acta, detesteris intimè, desleas, satisfacere proponas, & te in posterum emendes, immo Seraphicâ; & si fieri potest, ipsius Beatissimæ Virginis vel Christi D. Humanitatis quàm simillimâ D. Dei dilectione, præteritos lapsus compensare contendas.

FERIA SECUNDA.

Post Dominicam decimaseptimam à Pentecoste.

De dilectione Proximi.

Primum Punctum. Considera quis sit ille Proximus, & ad quos se extendat hoc nomen, vt cognoscas quem diligere debeas. Hoc autem cognosces ex his. **Primo.** Quem D. Deus habeat pro tuo Proximo. **Secundo.** Quis eorundem beneficiorum D. Dei sit particeps, quorum & tu. **Tertio.** Quis ad eundem finem creatus sit ad quem & tu creatus es. **Quarto.** An & te tu velis haberi pro proximo ab alijs omnibus iis præsertim, qui tibi aliquâ ratione prodesse possunt. Hinc enim agnosces quemuis hominem, nullo excepto, esse proximum tuum.

Secundum Punctum. Considera quid sit diligere Proximum. Hoc autem cognosces, ex dilectione quæ cernitur in amore sincero nobis charorum; siue Consanguineorum siue Amicorum, siue aliorum. Nam prodit se vera dilectio, in amouendis à dilecto malis; in conferendis in eum beneficijs; in eo promouendo, in lætitiâ de bono successu rerû ipsius, in motore de successu malo, idque eò nec rogante, nec cogitante sentiant in se & faciunt, qui verè eum amant. Vnde sequitur, debere te habere talem erga omnes protus, quæ tui Proximi censetur affectum.

Tertium Punctum. Considera modum dilectionis, quem Christus Dominus præscripsit erga Proximum quemuis fouendâ: *Diliges sicut te ipsum.* Examina ergo te, quomodo te diligas, scilicet non omittendo vllam occasionem declarandi erga te: totam amorem, idque magis factis quàm verbis. **Secundo.** Quærendo etiam occasiones te amandi. **Tertio.** Declinando omnia molesta & noxia. **Quarto.** Magis tua quàm aliena commoda & bona curando. Vnde sequitur, si simili dilectione, quâ te amas amandi sint etiam alij, quid faciendum tibi sit erga Proximos, quid vitandum, vt huic præcepto satisfacias.

Quartum Punctum. Examina te nunc diligenter, tanquam coram Iudice D. Deo, an aliquem vel aliquos habeas, quibus dilectionem

debitam non ostendas: *Secundò*. An ita sicut te eos diligas: & deploratis multis hac in parte tuis defectibus præsertim ex Christi D. exemplo, qui te indignū magis adhuc amavit quàm se, cum tamen iuxta huius præcepti præscriptum, si obligatus fuisset te amare saltem vt se ipsum, non amplius amare debuisset. Confundere ergo, emendationem promitte, & assuesce practicè procedere in omnibus, iuxta illa naturæ dictamina: *Quod tibi vis fieri, alteri feceris; quod tibi nos vis fieri, alteri non feceris.*

FERIA TERTIA.

Post Dominicam decimamseptimam à Pentecoste.

De Sagena. Matth. 13.

Primum Punctum. Considera causas, ob quas Regnum cælorum scilicet Ecclesia, vel doctrina Euangelica, comparetur Sagenæ, seu reti misso in mare, non hamo alijsve instrumento, quo pisces capiuntur, & pios aliquos affectus inde elicias, tum ad gratitudinem erga D. Deum spectantes, pro beneficio tuæ ad Ecclesiam vocationis, tum ad morum tuorum emendationem.

Secundum Punctum. Considera intra hanc Sagenam omnis generis pisces congregari, bonos & malos, idèdè time, quia non est satis ad salutem, esse intra Ecclesiam, sed opus est, esse è numero bonorum piscium, præsertim sub tempore mortis. Tu ergo diligenter considera mores tuos, an sint eiusmodi, vt sperare possis te in horâ tuæ mortis, bonum piscem Christi D. fore in cælestia vasa transferendum.

Tertium Punctum. Considera causas, ob quas non semel Spiritus S. per os Christi Domini, homines ad fidem & salutem vocatos prædicatione Euangelij, pisces appellet, vti Prædicatores Euangelij, piscatores: & ex singulis fructum aliquem spirituales decerpe.

Quartum Punctum. Considera Angelorum ministerio fore in hora mortis, & die iudicij, separationem bonorum piscium à malis; horum in interitum, illorum in vitam æternam: idèdè tempestiuè danda est opera, vt Angelos Sanctos habeas tibi addictos, tibi vt faueant, Deumque reddant beneuolum. Cogita ergò quibus rebus possis tibi eorum conciliate fauorem, & eas comparare stude.

FERIA QUARTA.

Post Dominicam decimamseptimam à Pentecoste.

Primum Punctum. Considera primam causam ob quam vita præfens meritò appellatur mare, scilicet ob varios ventos, tempesta-

tesque quibus perturbatur, & homines concutit, ac in pericula submersiois adducit: vnde discite, quibus medijs obfistere debeas huius maris fluctibus, ne mergaris.

Secundum Punctum. Considera secundam causam eiusdem appellationis, quia sicut mare à nemine potest transiri sine extrinseco auxilio vel nauis, vel pontis, ita nec vitæ præfens status securè potest transigi solius naturæ viribus, sine auxilio D. Dei subleuatis. Vnde cogita, quomodò quæras hæc D. Dei auxilia, & oblati à D. Deo vtaris, & si quid culpæ hac in parte aduerteris in te, fuge eam in posterum.

Tertium Punctum. Considera tertiam causam, quia sicut mare amaras habet aquas, ita vita præfens plena est afflictionibus. Vnde sequitur, non esse adhaerendum nimio affectu, vitæ præfenti, sed vt in cælo nostra fixa sint corda, vbi vera sunt gaudia. Quod an in te sit, vide, & habere stude.

Quartum Punctum. Considera quartam causam, quia sicut ij qui vesantur supra maris superficie securi sunt quàmvis ita versantur, secus si intra mergantur, ita qui se immergunt in negotia sæcularia, exponunt se periculis salutis. Tu an horum sis è numero, vide, & cautè procede.

FERIA QUINTA.

Post Dominicam decimamseptimam à Pentecoste.

De Margaritis.

Primum Punctum. Considera causas, ob quas Christus Dominus vel eius doctrina, comparetur homini negociatori, quærenti nõ alias res, quàm Margaritas, & fructum aliquem tum amoris tenerrimi erga Christum Dominum, qui te ad eum auidè quærit, vti mercator Margaritas, tum aliquem alium decerpe.

Secundum Punctum. Considera quamlibet animam rationalem, meritò vocari posse Margaritam, causis huius rei adiuuentis, ex colore, pretio, virtute, vtu, æstimatione Margaritarum petitis. Et conceptâ magnâ de anima tuâ estimatione ita eam tractandam esse agnosce, quemadmodum meretur multiplex eius excellentia. An verò hæctenus ita illâ tractaueris vide, & quid in posterū te facere oporteat, statue.

Tertium Punctum. Considera Christi D. benignitatem, qui vt emeret hanc Margaritam, vendidit omnia quæ habuit, & emit illam. Hic enumera, quid & quot res Christus Dominus tui causâ vendiderit, seu pro te emendo dedit, & hinc magnum erga eum amorem concipies, & magnum desiderium correspondendi tanto amori & verbis & factis.

Quartum Punctum. Considera si Margarita aliqua pretiosa esset ratione prædita, & sciret

se queri à Creatore suo, eo sine vt in regiâ & diademate collocaretur diuino, quid non moliretur, eo vt pertingere possit, que non impedimenta auferret? Hoc tibi applica, te enim manet maior felicitas, quàm esse in diademate D. Dei. Cur ergo nihil arduum moliris? idque nil videris curare, confundere, & emenda te.

FERIA SEXTA.

Post Dominicam decimasseptimam à Pentecoste.

De Scriba docto.

Primum Punctum. Considera quemlibet nostrum pro suo modulo debere esse similem Scribæ docto in hoc Regno cælorum, scilicet Ecclesiâ, cuius prima conditio est, quod sit Scriba, cuius proprietatibus, obligationibusque consideratis, & ad te applicatis, agnosces quid tibi desit, vt ea in posterum habere studeas.

Secundum Punctum. Considera alteram conditionem Scribæ, quæ est, vt sit doctus, vt verè mereatur hunc titulum. Hic etiam considera, quantopere Religio tua egeat in omni ministerio, hominibus solide doctis, ne & alios & se in præcipitium detrudant. Ex altera parte examina te, an eo conatu, labore, assiduitate profectui in doctrinâ attendas, quod si non attendis, quantopere es iniurius D. Deo & Religioni tuæ, quæ te tanto sumptu & labore, eo sine alit, vt doctus euadas Diuinæ gloriæ propagator.

Tertium Punctum. Considera tertiam conditionem Scribæ, quæ est, vt habeat talem doctrinam, quæ mereatur vocari thesaurus, ex quo depromat noua & vetera. Tu introspecte tuam, an hac digna sit appellatione, & delibera, quænam tibi desint ad hoc, & quibus viis id possis consequi, & iis insistere stude, pro D. Dei honore & Religionis tuæ vsu.

Quartum Punctum. Considera neminem esse in Religione tam exigui ingenij, tam attritæ valetudinis, qui non possit in suo gradu consequi, si non omnimodam, saltem suo statui convenientem eruditionem & doctrinam, eamque solidam, quæ satis est vnicuique dum modo otium fugiat, & rectum in certâ aliquâ disciplinâ addiscendâ ordinem, maioremque directionem sequatur, idè animus assumendus est, ardens desiderium concipiendum solidæ doctrinæ consequendæ, imploranda à Spiritu Sancto & Angelo Custode benedictio, hoc vt assequare.

SABBATO.

Post Dominicam decimasseptimam à Pentecoste.

Et exultauit Spiritus meus in Deo salutari meo.

Primum Punctum. Considera quali & quanto gaudio fuerit plena anima Beatissimæ Virginis, tum antea, tum maximè post conceptum in carne Filium D. Dei, gratulare ei; D. Deo gratias age, quod hac eam lætitiâ repleuerit; & ora, vt te saltem in alterâ vitâ repleat vero gaudio, quandoquidem in hac vitâ, tua illud non merentur peccata, & saltem merendi occasio exigit, vt viuas in perpetuâ cruce & desolatione, propter amorem, & gloriam Domini tui.

Secundum Punctum. Considera causas, ob quas danda sit nobis opera, vt non carnis & mundana gaudia queramus, sed spiritualia, quibus nosse Spiritus recreatur. Tu an ea quæras vide, & deinceps querere stude.

Tertium Punctum. Considera damna, quæ secum affert lætitiâ de rebus transitoriis, non spiritualibus ac Diuinis percepta, præsertim immoderata & nimia: Quam an in te experiaris vide, eamque in posterum vitâ.

Quartum Punctum. Considera fontem veræ & plenæ exultationis, esse solum D. Deum, in quantum est salutare nostrum, seu causa nostræ salutis. Talem an erga te habeas D. Deum, & quid necessarium sit, ad hoc habendum inquire & acquirere stude, vt semper verbis & factis exultet Spiritus tuus, in Deo salutari tuo.

DOMINICA DECIMAOCTAUA.

Post Pentecosten.

De sanato Paralytico. Matt. 9.

Primum Punctum. Considera modum quo purissimus Dominus Iesus & modestissimus ascendit in nauiculam, in eâ sedit, & transfreta uisit, ascenditque in Ciuitatem suam. Et collatis modis, quibus vteris in ascendendo, ambulandoque; & notatâ non vnâ immodestia, consideratisque nominibus, quæ suadeant tibi fugiendam omnem indecentiam & immodestiam, annota quæ ob reuerentiam Christi D. Iesu, te è cælo spectantis cum Sanctis Angelis suis, cauere in posterum debeas.

Secundum Punctum. Considera fidem Iudæorum, qui Domino tuo sanandum offerebant Paralyticum, in lecto iacentem, quâ ex te excita in animo tuo, affectum gaudij, ob tam bonam opinionem, de potentia Christi D. in mentibus Iudæorum excitatam. Ex alterâ parte, argue defectum fidei in te, cum quo ad Communionem, ad orationemque accedis, ideo.

ideoque cum exigua utilitate discedis, causaque huius defectus inquire, & tolle.

Tertium Punctum. Considera modum, quo Christus D. sanare voluit paralyticum, præmittendo prius remissionem peccatorum: *Confide fili, remittuntur tibi peccata tua.* Vnde agnosces, sæpe ob peccata morbos diuinitus immitti, sæpe nos in morbos delabi, ob aliquem excessum nostrum, in vltu creaturarum, maxime cibi & potus. Examina ergo te, & si quid est emendandum emenda.

Quartum Punctum. Considera te magis esse infirmum in animo, quam fuerit paralyticus ille: siquidem ille, si non membra saltem oculos mouere potuit, eiusque res spectare, gustatu percipere, auribus exaudire, tu verò quoad animæ functiones supernaturales spectat, nec dicere quidem mente potes D. Iesus, sine Spiritus Sancti ope, nec esse sufficiens ad aliquid boni cogitandum, præterea tot morbis peccatorum es plenus. Statue ergo te cum magna humilitate ac reuerenter fulcipe, plagas tuas & morbos ostende, & remedium pete.

FERIA SECUNDA.

Post Dominicam decimam octauam à Pentecoste.

Primum Punctum. Considera modum quo Christus D. reuersus est in Nazareth patriam suam, locum inglorium & ignobilem: de quo olim dicebatur per contemptum: *A Nazareth potest aliquid boni esse?* Ita humillimus D. Iesus, nihil omittit, quo se tui causâ humiliare queat. Tu vero quam sæpe declinas tui humiliandi occasiones, siue patria, genushue, siue alia commemoranda sunt, cum tui aliquâ humiliatione coniuncta, & tamen vis haberi membrum & seruus Regis tui, adeo sese demittentis. Inculca ergo vanissimam superbiam tuam, & vide quomodo deinceps te gerere debeas.

Secundum Punctum. Considera quid Christus D. in suam reuersus patriam fecerit. *Docebat eos in Synagogis eorum:* Inuestiga quid eos Christus D. docuerit, quæ præcepta tradiderit, præcul dubio non alia, quam quæ in Catechismo explicantur. His enim indigebant Iudæi, ad altiora capiendâ non idonei. Te verò an non pudeat in pagis præsertim & hospitibus, talia rudibus explicare Mystera, quæ adeo vtilia & necessaria sunt. Agnosce ergo hac in re siue zelum tuum & D. Deo age gratias pro eo, siue superbiam & teporem, & te emenda.

Tertium Punctum. Considera modum, quo Christus D. docuit in Synagogis, plenum scilicet

modestiam, zelo, animi moderatione, compositione membrorum, circumspeditione sermonis, ab omni ostentatione & ira alieni, idem enim mirabantur audientes, & dicebant: *Vnde huic sapientia hæc & virtutes.* Tu an ita te geras in publicis congressibus, examina te, & ea quæ à Christi Domini exemplo sūt aliena, remoue.

Quartum Punctum. Considera illa Iudæorum verba de Christo D. *Nonne hic est fabri filius, & fratres eius & sorores, nonne omnes apud nos sunt.* Vnde ergo huic omnia ista? Vnde apparet quantopere Christus D. occultarit etiam in patria sua quis esset, & quem haberet Patrem, & tamen venerat, ut id manifestaret, ad fidem veram ingenerandam. Deplora ergo tu superbiam tuam, qui etiam falsa de te iactas, vanissimè, & nullum seis occultare bonum, & disce te humiliare.

FERIA TERTIA.

Post Dominicam decimam octauam à Pentecoste.

Luc. 4. Matth. 13. Mar. 6.

Primum Punctum. Considera verba Iudæorum, quæ Christus D. docendo Iudæos ex Sacro Codice iis legit: *Spiritus Domini super me, propter quod unxit me euangelizare pauperibus, miseri me sanare contritos corde, predicare annum Domini acceptum, & diem retributionis.* Ex quorum singulorum consideratione, & affectus spei decerpe, & quid te oporteat facere statue, ut sis particeps eorum bonorum propter quæ Christus Dominus venit in mundum.

Secundum Punctum. Considera causam, ob quam Iudæis petentibus, Christus D. in patria sua multis miraculis noluerit veritatem doctrine quam prædicabat confirmare, sed vitæ Marcus, non poterat ibi virtutem vllam facere, nisi paucos infirmos impositis manibus curauit. Causam autem huius rei tres Evangelistæ dicunt fuisse: *incredulitatem eorum.* Hic duo perpendere potes. *Primo.* Fortè non deesse causam, cur Dominus, qui in alias Prouincias adeo est liberalis, ut per multos seruos suos fidei Catholice veritatem, signis editis confirmare sit solitus, in hoc tamen loco id non faciat. *Secundo.* Quam exosa sit Christo Domino ingrata hominum incredulitas, ob quam dicitur (humano modo loquendi) Christus D. ne quidem potuisse in Nazareth miracula patrare, & an in te hæc impedimenta reperiantur vide, & si sunt, tolle.

Tertium Punctum. Considera illa Christi D. verba: *Nemo propheta acceptus est in patria sua.* Quod utinam verum non sit in hoc Regno: vbi in multis tanta viget linguæ licentia, ut audiant & maiorum & æqualium facta & dicta, etiã bona & vtilia & necessaria carpere, indicare temerè, eleuare, irridere, quod nusquam alibi cernitur, vbi & maior viget charitas, multa

commendatio defensionque vnionem valde fouens. Tu an ex eorum his numero vide, & fortè & esse deprehendes, si te penitens inspexeris. Cogita itaque quam perniciosum sit hac vipereâ lingua nulli parcere, etiam occultis aliorum intentionibus, & te seridè emenda.

Quartum Punctum. Considera iniuriam Christo D. illatam, dum eum eiecerunt extra Ciuitatem, & ex monte præcipitare voluerunt, à Christo D. tamen modèllissimè toleratam & mente & lingua, tu verò quam sæpè exardescis, etiam contra maiores tuos, dum iustè molestaris, vel propter ea quæ in te improbantur delicta, vel propter alia, quæ impunè transferunt, & tamen vis haberi Christi D. imitator & discipulus, & eo sine venisse ad Religionem, vt pro Christo D. patiaris, & arctam cæli viam secteris.

FERIA QVARTA.

Post Dominicam decimanoctauam à Pentecoste.

De Christo D. super mare ambulante.

Primum Punctum. Considera Discipulorum Christi D. obedientiam, qui Christo D. iubente, cum serò factum est, ascenderunt in nauiculam, & nocturno tempore periculoso licet nauigabant, vt inde discas, etiam res difficiles, & cum aliquo periculo coniunctas, si impèrentur, atripere. Quod quam gloriosum sit, si D. Dei causâ fiat, quam vile perpende, & te ad res arduas anima: & ex alterâ parte, quanto perere vmbra etiam metuas, vide, & erubescere.

Secundum Punctum. Considera Christi Domini charitatem, qui videns nauiculam ventis iactari, accurrit benignus, & vt citius portum attingeret effecit, quâ occasione causas inquire, cur non sentias in te tam velox auxilium diuinum quo necessitatibus quibusdam tuis subueniatur, ideoque submouere obstacula quæ inueneris, stude.

Tertium Punctum. Considera Petri dubitationem quæ in causa fuit, vt ambulans super mare, tandem mergi cæperit, fidei feruore celsante, vnde discas nunquam fidere viribus tuis, & timere, ne te tentatio demergat, & adducat ad ea peccata, quibus alias obnoxius fuisti, sicuti vel te aliàs, vel alios incautos demersit. Cogita ergo quid te facere expediat, ne ad ea reuoluaris.

Quartum Punctum. Considera auxilium à Christo D. allatum Petro, non antea sed postquam audiuit ardentè prolatum: *Domine saluum me fac:* Quibus verbis memoriæ infixis, ad frequentem deinceps eorum vsum, pondera diligenter omnium optimum & facillimum medium ad obtinenda diuina auxilia, & perficiendum salutis negotium, esse ardentès ad D. Deû preces, seu orandi ardens studium. Quod;

an in te vigeat vide, & abacto torpore tuo, excita te ad illud, & à D. Deo veniam pete, quod ad eò refugio conuersationem illius, ac si amara esset, & tibi non summè necessaria.

FERIA QVINTA.

Post Dominicam decimanoctauam à Pentecoste.

De Comitatu Christi D. Luc. 8. 9.

Primum Punctum. Considera pietatem quarundam mulierum à Christo D. sanatarum, quæ eum prædicantem cum Discipulis Euangelium, comitabantur, eique ministrabant de facultatibus suis, inter quas erat etiam Magdalena, ideoque tum Christo D. tui causâ ad hanc pauperiem redacto compatere, tum iis gratias age intimo affectu, quod Christi D. necessitati subuenirent, atque ita Christi D. exemplo exopta, vt eius causâ sæpè contingat te incommoda pati in hoc statu paupertatis. Quæ an libenter tolères vide, & quid te pati debeat expendere.

Secundum Punctum. Considera quam honestum & vile fuerit, piis illis sceminis, immò quodammodo necessarium, saltem titulo gratitudinis, ob beneficia maiora à Christo D. accepta, illius necessitates suis facultatibus propulsare, ideoque exardescere magno desiderio Christo D. dandi quicquid è rebus ab eo concessis dare potes, consideratis & humanis & Diuinis rationibus, quæ id persuadeant faciendum quam optimo modo.

Tertium Punctum. Considera quantâ cum honestate & decore Christus Dominus eiusque Apostoli agerent, tum cum his piis mulieribus, tum cum cætero virorum comitatu, vt tibi non deessent exempla varia, quibus instructus scires, quomodo sit procedendum, quando cum secularibus inter sæculares manens versaris, siue in Missionibus, siue in breuioribus colloquiis & congressibus. Examina autem te, an ita, vt oporteret, te geras, & quæ fugienda sunt in posterum fuge.

Quartum Punctum. Considera modum quo Christus Dominus cum hoc suo comitatu iter faciebat per ciuitates, quo incedendi modo, quam festino vel lento gressu, quâ sensuum custodia, quo mandum motu, totiusque corporis compositione, quâ intensione vocis & similibus. Et ex singulis decerpe documenta, pro reformandis similibus tuis actionibus.

FERIA SEXTA.

Post Dominicam decimanoctauam à Pentecoste.

De Missione Apostolorum. Matt. 9. 10. Luc. 8. 9.

Primum Punctum. Considera necessitatem multiplicem, quæ erat in mundo, exigentem

à Domino magna auxilia Prædicatorum Euangelicorum, ob quàm etiam Christus Dominus dixit: *Messiem esse multam, opararios verò paucos.* Ex altera parte considera etiam multiplicem necessitatem quæ nunc est in mundo, ad eò in omni ferè statu corrupto, magnis auxilijs Operariorum Euangelicorum indigètem. Vnde excita in te ardens desiderium, iuuandi ministerijs tui Ordinis homines mundanos, iuxta finem & modum illius.

Secundum Punctum. Considera quàm paucos Christus Dominus elegerit ad tam vastam mundi machinam, tot erroribus vallatam & peccatis, debellandam: quàm pauci olim Sancti Viri integra Regna, & Prouincias Christo Domino subegerunt sermone. Inquire ergo causas, ob quas hodie tam multi sint Christi Domini adiutores in prædicando Euangelio, & tam pauca conuersiones & fructus. Et vide, ne & tu sis eorum è numero, qui locum occupant, & vix tantùm laboris impendunt pro auxilio mundi pereuntis, quantum ipse victus & sustentatio eorum exigit.

Tertium Punctum. Considera prouisionem cum qua Christus D. expedit suos ad prædicandum Euangelium: *Nihil, inquit, tuleris in via, neque virgam, neque peram, neque panem, neque pecuniam, neque duas tunicas habeatis.* Ex altera parte examina prouisiones tuas, quibus te vel instruis vel instrui cupis, in occasionibus facilioribus, in itineribus hospitijque commodioribus, in laboribus & necessitatibus minoribus, & an Apostolorum vestigijs insistas vide, erubescè; præsertim quia agnosces te maioribus multò in itineribus frui commoditatibus, quàm soleant sæculares, iique nobiliores & ditiores, & tamen vouisti Paupertatem, & ad Christum D. imitandum, mundum reliquisti.

Quartum Punctum. Considera thema primæ prædicationis Apostolicæ: *Prædicate dicentes: Quia appropinquauit Regnum cælorum.* Id eò exulta, quòd sub hoc tempus sis natus, quo cælum est propinquum. Cogita quàm facilis sit eius acquisitio, etiam modicâ aquâ pauperi propinâtâ: Et vide an & quàm auarè inhies acquisitioni huius Regni, & in eo loci altioris, num ardentius id expectas & cures, quàm commoda corporis, quàm profectum in literis, quàm otium, quàm recreationes & alia, vt confundaris coram D. Deo, deplotes tuam cæcitatem, & te emendes.

S A B B A T O.

Post Dominicam decimam octauam à Pentecoste.

Quia respexit humilitatem ancillæ suæ.

Primum Punctum. Considera quantopere Domino Deo placeat humilitas seu demissio

voluntaria, quæ in Beatissima Virgine, ex D. Dei dono, occasio vel causa fuit motus ex parte eius, vt Mater Dei fieret, & vera & naturalis. Cuius beneficij magnitudine benè apprehensâ agnosces humilitatis præstantiam, vt illius magno amore accendaris.

Secundum Punctum. Considera quibus in rebus Beatissima Virgo ostenderit intus & extra hanc humilitatem, & quibus in rebus tu quoque eam ostendere debeas ad eius imitationem, & opere id exequi stude, defectis contrarijs defectibus.

Tertium Punctum. Considera proprietatem animarum D. Deum amantium, quæ obire talentorum naturalium & supernaturalium quæ à D. Deo acceperunt, ita defertunt, ac si ea non haberent, sic Beatissima Virgo, cum esset Dei Mater, ancillam se, non Matrem eius appellauit. Confer tuos mores cum istis, delectis contrarijs, & emenda.

Quartum Punctum. Considera quàm felix esset anima tua, si verè mereretur vocari ancilla Dei fidelis. Ad quod quid sit necessarium cogita, & adhibere stude, & vt id tibi succedat, hanc ancillarum Domini Regnam inuoca.

DOMINICA DECIMANONA.

Post Pentecosten.

De inuitatis ad nuptias. Matt. 22.

Primum Punctum. Considera mirum celestis Regis erga humanum genus amorem, qui vehementissimè optans, spirituali matrimonio animas nostras coniungi Vnigenito Filio suo, per fidem veram, & vinam charitatem, & dona alia, sapius mittit seruos suos inuitantes, non tantùm ad has nuptias, sed ad contrahendum hoc spirituale matrimonium. Ex altera parte examina te, an tali affectu erga hunc Sponsum cælestem feraris, quo homines ferri solent siue ad inendum matrimonium, siue ad nuptias amicorum audeas, & erubescè vehementer coram Diuina Maiestate, ac tuam accusa ingratitude & cæcitate, qui cum esse possis particeps tantæ felicitatis, quanta est esse Sponsam Filij D. Dei, eius desiderio non moueris.

Secundum Punctum. Considera impedimenta, ob quæ inuitati ad nuptias venire noluerunt: *Vnus abiit in villam suam, alius ad negotiationem,* quæ quidem impedimenta, fuerunt alicuius momenti: Tu verò nulla habens impedimentis, libero ab omnibus impedimentis, cur recusas obedire D. Deo, te ad spirituale coniugium vocanti, magnam dotem offerenti, & possessiones amplissimas deliciaque omnibus mundi voluptatibus maiores promittenti?

Tertium Punctum. Considera quorundam inuitatorum impiam ingratitude, qui seruos

uos Regis inuitantes, contumelias affecerunt, & occiderunt, Hoc faciunt ij, qui Superiores Ecclesiasticos, excitantes alios, ad Domino Deo perfectè exercendum, & modis solitis compellentes ad perfectionem, carpunt, condemnant, non audiunt, detrahunt, irascuntur, cæco impetu, non agnoscentes benefactores se ad magnâ felicitatis acquisitionem conducentes. Detestare ergo hanc ingratitude, & si quid est etiam in te emendandum emenda.

Quartum Punctum. Considera verba illa, occasione inuitatorum nolentium venire ad nuptias dicta: *Multi sunt vocati, pauci verò electi*: & diligenter inquire, an in te sint ea signa, quæ rectâ ratione per fidem & spiritualium virorum institutionem illustratâ, agnoscere potes, esse signa vocationis: electionem ad gloriam æternam secum coniunctam non habentis, & cum magno timore salutis tuæ negotium tractans, da operam, vt non tantum sis vocatus, sed etiam vnus ex electis.

FERIA SECUNDA.

Post Dominicam decimamnonam à Pentecoste.

Primum Punctum. Considera primam conditionem Discipulorum Christi Domini his verbis comprehendam: *Ecce ego mitto vos, sicut oues in medio Luporum.* Existima ergo te esse veluti ouem lupis vndequaque vallatam, & cogita quod sit officium tuum, vt te, tanquam ouem Christi Domini geras, & quid faciendum sit, vt securus à luporum iniuriis viuas.

Secundum Punctum. Considera secundam conditionem Christi Domini Discipulorum: *Estote prudentes sicut serpentes*: cogitando in quosita sit prudentia serpentis, & ad morum tuorum instructionem singula applicando.

Tertium Punctum. Considera tertiam conditionem: *Estote simplices sicut columbae*; & quibus in rebus hæc columbina simplicitas se prodat, vt eam imitere, & contrarios defectus fugias.

Quartum Punctum. Considera Christi Domini monitum valdè necessarium omnibus viuentibus in communi conuictu: *Cauete, inquit, ab hominibus*: Discurre autem à quibus, & quando, & quas ob causas cauere debeas, ne experiri in te veritatem illius prouerbij cum damno tuo: *Homo homini lupus.*

FERIA TERTIA.

Post Dominicam decimamnonam à Pentecoste.

Primum Punctum. Considera prædictionem multarum futurarum aduersitatum: *Tradente Lanciij Opusc. Tom. 2.*

vos in concilijs, & in Synagoga suis flagellabunt vos, & ad Praesides & ad Reges ducimini propter me. Atque ita præpara te ad falsas accusationes pernasque, & varias molestias ex linguæ iniquitate ortas, adductis incitamentis ad eas optandas, & æquo ac hilari animo tolerandas.

Secundum Punctum. Considera consolationem Christi Domini promissam pro tempore aduersitatum: *Cum autem tradent vas, nolite cogitare, quomodo aut quid loquamini, dabitur enim vobis in illâ hora, quid loquamini*: Non enim vos estis qui loquamini sed Spiritus Patris vestri, qui loquitur in vobis. Ex quibus verbis magnâ fiducia conceptâ, de adfuturo diuino auxilio, quâdo innocenter patieris, fide Domino Deo, & causam tuam semper in Domini Dei prouidentiam reice, quia non deerit tibi, serius vel citius adiuuabit te, vt patet exemplis Ioseph, Danielis, & aliorum D. Dei seruorum, quæ tenero affectu expende, & cõtra futura te arma.

Tertium Punctum. Considera domestica mala quæ timenda sunt & cauenda: *Tradet frater fratrem in mortem, & pater filium, & insurgent filij in parentes, & morte eos afficient.* Ideo diligenter da operam, ne tu quoque deuenias ad talem statum, vt conlurgas contra domesticos, murmurando, falsò accusando, exaggerando iniurias, seminando discordias, & quia nemo repente fit malus, vide ne à minimis incipias.

Quartum Punctum. Considera magnum beneficium diuinum in veros Christi Domini seruos collatum: *Eritis odio omnibus, propter nomen meum.* Quæ verba dabunt tibi occasionem, Christo Domino gratias agendi, quod te ad Religionem vocarit, quæ est in odio multorum: & simul te excitare debent ad viuendum sine respectu hominum, vbi agitur de offensa Domini Dei, & disciplinæ Religiosæ violatione. Has enim ob causas: *Qui pie volunt viuere in Christo, persecutionem patientur*, quia nolunt omittere quæ omittere non debent, & facere volunt quæ sunt facienda, quod malos pungit & concitat, vt insurgant in bonos rectè suo officio satisfaciens. An vero tu sis eorum è numero, vide, & quod faciendum tibi est, in posterum facere stude.

FERIA QUARTA.

Post Dominicam decimamnonam à Pentecoste.

Primum Punctum. Considera Christi Domini verba: *Qui perseverauerit vsque in finem, hic saluus erit*, inquirendo in mores tuos an sint eiusmodi, qui spem perseverantiæ facere possint, quod agnoscere poteris, si seruas media illa, quæ ad perseverantiã conducunt, vj sũt, fuga peccati & occasiõ eius, sensuum custodia, carnis maceratio, sincera sui manifestatio,

Zzz rectus

rectus Sacramentorum usus; diligens Meditatio, & magna cum Diuina Maiestate coniunctio.

Secundum Punctum. Considera illa verba: *Non est Discipulus super Magistrum, nec seruus super Dominum suum, sufficit Discipulo, ut sit sicut Magister eius, & seruo ut sit sicut Dominus eius.* Quibus verbis tantillum ponderatis & impressis menti, sciens te esse seruum Domini Iesu Christi, eiusdemque Discipulum, examina te, an ita velis tractari in victu, vestitu, habitatione, laboribus, vigiliis, aduersitatibus, aliisque rebus, prout ipse per triginta tres vitæ annos, ad exemplum tuum est tractatus, & quod inde sequitur, discce.

Tertium Punctum. Considera verba illa: *Nihil est opertum, quod non reuelabitur, & occultum quod non sciatur:* etiam hunc posse habere sensum, manifesta ferè omnia nostra iis, quibus occultatus immeritò, velimus, nolimus, tandem Diuina prouidentia detegit successu temporis omnia, quando minus cogitabimus, modo quo non putabamus, vti docet quotidiana experientia: ideo detestandus est omnis mos occultandi res nostras, sed infirmorum more, detegenda omnia Medicis nostris, ne sanie obducta plaga, putrescat, & exitium adferat. Quod si quid peccatum est hac in parte, sincerà manifestatione curetur.

Quartum Punctum. Considera verbis illis: *Nolite timere eos qui occidunt corpus, animam autem non possunt occidere, sed potius timere eum, qui potest & animam & corpus perdere in gehennam,* doceri nos magis timendam esse offensam D. Dei quàm hominum, eiusque rei causis indagatis, corrige tuam stultitiam, qui pluris facis humana quàm diuina iudicia, pluris oculos humanos, quàm diuinos, occultissima etiam mentium arcana penetrantes, & in posterum te emenda.

FERIA QUINTA.

Post Dominicam decimamnonam à Pentecoste.

Matth. 10. Mar. 4. Luc. 9.

Primum Punctum. Considera curam D. Dei circa nos miram: *Vnus, inquit, de passeribus, non caderet super terram, sine Patre vestro: vestri enim capilli capitis omnes numerati sunt: Nolite ergo timere, multi passeribus meliores estis vos.* Quibus verbis cum tenero cordis sensu ac gustu ponderatis, gratias age Diuinæ Maieitati, pro tantà tui curâ. Exardesce amore tantæ benevolentiae diuinæ, amplectere & deosculari animo, cor tam benignum Domini tui, & offer illi vicissim animum tuum, resolutum ad curandâ eius diuini cultus in te & in aliis propagatione.

Secundum Punctum. Considera efficacia in-

citamenta ad euellendos ex te omnes humilimos respectus, quorum causâ erubescis quædam facere, quæ faciendæ essent, & non omittere omittenda. *Omni, inquit, qui confitetur me coram hominibus, confitebor & ego eum coram Patre meo qui in cælis est. Qui autem negauerit me coram hominibus, negabo & ego eum coram Patre meo.* Vide, resolu te efficaciter, ad attendendum magis gustum D. Dei quàm hominum, & tanquam ad Martyrium & fidei confessionem manifestam excita te, ad heroicam respectuum talium mortificationem, propositis sibi certis actibus, certo aliquo tempore faciendis.

Tertium Punctum. Considera necessitatem mortificandi hos respectus amicorum quorum causâ non erubescimus Dominum Deum ipsum offendere: *Non veni, inquit, pacem mittere, sed gladium: veni enim separare hominem aduersus patrem suum, & filium aduersus matrem suam, & nurum aduersus socrum suam, & inimici hominis domestici eius.* In quibus vitimis verbis, grauis est causa præferendi Domini Dei respectum, omni humano respectu, tanquam inimico & valde nocuo, præsertim cum vera sint verba Christi Domini sequentia: *Qui amat patrem aut matrem, aut filium, plus quam me, non est me dignus.*

Quartum Punctum. Considera utilitatem adueritatum, & damnorum quod adfert fuga Crucis Christi Domini: *Qui non accipit Crucem suam & sequitur me, non est me dignus: Qui inuenit animam suam perdet illam, & qui perdit animam suam propter me, inueniet eam.* Ideo resolu te his motibus excitato affectu, ad amorem molestiarum huius vitæ, & iacturam pro Christo D. omnis existimationis & commodi.

FERIA SEXTA.

Post Dominicam decimamnonam à Pentecoste.

Luc. 9. Matth. 10. Mar. 4.

Primum Punctum. Considera utilitatem beneficentiae erga proximos nostros ostendit: *Qui recipit vos, me recipit.* Hinc magnum desiderium in te excita, & quandam spiritualem auaritiam, fratribus tuis beneficiendi & gratificandi profus in omnibus quantum conscientia & disciplina Regularis permittit, illique faciendi Christi Domini expresse intum, eum in singulis spectando. Quod quomodo feceris hæc tenus introspecte, & deinceps feridexequi stode.

Secundum Punctum. Considera facilitatem admirabilem, omni humanâ facilitate maiorem, assequendi infinitos quodammodo in celo thesauros & gloriæ aeternæ gradus, semper ac semper altiores: *Quicumque potum dederit uni ex minimis istis, calicem aquae frigidae tantum in nomine*

mine Discipuli, amen dico vobis non perdet mercedem suam. Cum ergo assiduas habeas occasiones pro Domino Deo faciendi tam multa, & magis ei grata, quam sit calix aquæ frigida, agnosce cæcitatem tuam, qui tot occasiones accumulandi præmij non vides nec arripis. Statue ergo in posterum, maximam hæc in te diligentiam adhibere, & more mercatorum, perpetuos conquirere in cælis thesauros.

Tertium Punctum. Considera Christi Domini indifferentiam quoad loca, finito enim sermone ad Discipulos, nulli certo loco se alligare volens, nulli certo domicilio, varias Ciuitates adibat, ibique nouis & nouis Auditoribus prædicabat: similiter eius Discipuli circuibant per Castella euangelizantes vbique: vt tu hinc discas, nulli certo loco, vel domicilio adhærescere, sed paratum esse ad omnem mundi partem.

Quartum Punctum. Considera quid prædicarint Discipuli à Christo Domino digressi, scilicet: *Vt penitentiam agerent*: vbi inquire causas cur à prædicatione penitentia cæperint, & vide ne forte & tibi etsi iam conuerso ad Dominum Deum sit necessaria similis prædicatio. Ideoque ne sit necessaria, ita viuere stude, vt potius gratias agendi quam penitendi sit ex te occasio.

SABBATO.

Post Dominicam decimamnonam à Pentecoste.

Ecce enim ex hoc beatam me dicent omnes generationes.

Primum Punctum. Considera primam causam, ob quam Beatissima Virgo meretur dici *Beata*, quia eam Dominus Deus ab æterno respexit prædestinando illam ad gloriam altissimam in cælo. Gratias age Domino pro hoc beneficio ei exhibito: Adora tam liberale cor Domini Dei erga tuam Matrem & Dominam: Perpende quantum sit hoc beneficium, & illud desidera modo debito, & roga hanc Dominam, vt sis vnus ex prædestinatis.

Secundum Punctum. Considera secundam causam, ob quam Beatissima Virgo meretur dici *Beata*, quia sola ex filiabus Adæ modo communi genita, fuit sine originali peccato. Huius beneficii magnitudinem expende, reuocato in memoriam Sanctæ Mechuldis exemplo, quæ D. Deo reuelante didicit, idcirco se in sua Natiuitate periculosissime ægrotasse, vt eodentis ob mortis periculum ferretur ad baptismum, & ita gratiam D. Dei citius alij consequeretur. Tu quia tardè gratiam Domini Dei assécutus es, & fortè eam sepe perdidisti, dolo confundere, & à D. Deo per merita B. Virginis

Lancicy Opusc. Tom. 2.

pete, vt semper in D. Dei gratiâ viuas & crescas.

Tertium Punctum. Considera tertiam causam, ob quam Beatissima Virgo meretur dici *Beata*, quia sola ex puris hominibus, nullo actuali peccato D. Deum offendit. Confer cum eâ vitam tuam, humilia te, desse tot peccata, & vide quantum opere eam debeas imitari, vt conserues animam tuam mundissimam à peccatis.

Quartum Punctum. Considera quartam causam, ob quam B. Virgo meretur dici *Beata*, ob plenitudinem omnium donorum gratia, eius statui conuenientium, quæ enumera & pondera, vt magnam opinionem concipias de eâ, & exardescas desiderio ingenti, habendi multa eximia D. Dei dona, ob purum D. Dei gustum & consolationem, ad quod consequendum quid te oporteat facere & vitare, cogita, & te dispone, inuocato huius Sanctissimæ Virginis auxilio.

DOMINICA VIGESIMA.

Post Pentecosten.

Primum Punctum. Considera stultitiam tuam, qui more Reguli pro sanitate filij infirmi Christum D. quærentis, ardentior es in quærendis remediis pro curatione morbi corporalis, quam in quærendis modis sanandæ animæ, variis morbis laborantis, & inuestigatis causis, cur saltem æquè curanda est animæ salus, quomodo deinceps sit tibi procedendum vide.

Secundum Punctum. Considera aliam mundanorum stultitiam, qui magis mouentur miraculis, quam solidis virtutibus, vt illi, quibus Christus D. dixit: *Nisi signa & prodigia videritis, non creditis*: cum tamen virtutes maiora sint dona D. Dei, & magis necessaria, & tamen multi mallet v. g. Christum D. videre, vel Sanctum aliquem quam pati aliquid, maioriq; affectus propensione feruntur in res miraculosas quam in virtutes solidas, quod an in te sit vide, idque corrige, & animum ad virtutum solidarum studium inflamma, causis inuentis, ob quas id faciendum tibi sit.

Tertium Punctum. Considera duritiam tuam, qui tot signis Christi D. & Sanctorum auditis, tamen veritates ad quarum confirmationem facta sunt, tam frigidè apprehendis, tam parum curas, ac si certè non essent, nec diuinitus confirmata. Quod in particularibus casibus de certitudine penarum grauissimarum purgatorij, pro quouis peccato, de præsentia Christi Domini in Eucharistia, aliisque rebus Religionis Christianæ perpende, & in posterum ita viuere stude, quasi te ipsa & practicè credens iis omnibus, quæ sunt signis diuinis per Christum D. & eius seruos confirmata.

Quartum Punctum. Considera incredulitatem stultæ Reguli, qui etsi putabat filium à Christo

Lzz 2 Domi-

Domino sanari posse, non credidit tamen statim Christo Domino dicenti: *Vade filius tuus vivit, donec audiret à seruis, filium esse sanatum. Quoties tu simile quid facis, qui magis credis sociis discipulis, quam alteri fide digniori, si illi dicant aliquid quod tibi arrideat, quoties maius aliorum mala consilia vel exempla, practicè in hoc ostendens, quod credas magis illis quam D. Deo intus suadenti contrarium. Erubescere igitur maximè nunc coram Sanctissimo Sacramento quoddam suscepturus es, & veniam pete, ei que emendationem promitte.*

FERIA SECUNDA.

Post Dominicam vigesimam à Pentecoste.

Primum punctum. Considera felicitatem S. Ioannis Baptistæ, qui ob correctionem datam Herodi, ab uterina vxore fratris sui, alligatus fuit ab Herode & in carcerem coniectus. Quam in re duo pondera, *Primum*, Quam magnum bonum sit, pro bono opere pati res graues & huius rei desiderium concipias. *Secundum*, Quam delicatus es, qui res minores quam sint vincula & carcer, cum vitæ certo discrimine coniunctus, pati nolis pro culpis tuis quam plurimis, & quod hinc agnosces tibi faciendum esse, propone te facturum.

Secundum punctum. Considera causam, ob quam Ioannes coniectus fuit in carcerem, quæ non alia fuit, quam Herodias vxor fratris eius sædè amata. Vnde discere magnam partem peccatorum nostrorum oriri, vel ex amore rei male, vel ex nimio affectu ad rem non malam ex naturâ suâ. Tu an hoc in te reperiri examina te, & agnitis magnis periculis quæ inde nascuntur, statue refecare omnem nimium affectum ad res omnes.

Tertium punctum. Considera respectum quo Herodes retinebatur, ne Ioannem occideret, scilicet timorem populi, à quo vt Propheta habebatur. Quâ occasione reflecte te ad mores tuos, quam sæpè à malo ablineas, propter solum timorem hominum, qui si deesset, non dubitates D. Deum offendere. Vnde considera quam indigna & impia res sit, magis timere oculos, iudicia, molestias humanas, quam oculos, iudicia, & pœnas D. Dei, idèd confundere vehementer, deprecare Dominum, promitte emendationem.

Quartum punctum. Considera ipsam decolationem S. Ioannis, quam patienter, quam libenter, quantâ cum lætitiâ ad eam se obtulit vir innocentissimus. Tu verò tot peccatis in sæculo & Religione oneratus & sædatus, & ob ea maioribus dignus suppliciis, etiam ob quotidianos venialesque defectus, quam sæpè refugis omne genus mortificationum & mo-

lestiarum, valdè imprudenter, quia te ad maiores vite alterius pœnas seruas, & magnorum meritorum materiam tibi adimis, non cognoscens peccatorum demerita. Idèd te emenda.

FERIA TERTIA.

Post Dominicam vigesimam à Pentecoste.

Primum punctum. Considera fidem plebi Iudæorum quæ Christi Domini signis mota, eum tanquam Prophetam magnum sequebatur & colebat; etsi repugnarent Principes Synagoga. Et comprobata hac p̄a fide populi, te ipsum obiurgare, qui meliore fide imbutus, sciens plura Christi Domini miracula, & diuina opera, ac eius excellentiam, & spem præmium maiorum habens, ab eo oblatam, non eo affectu & constanti fertis erga Dominum tuum in templo Sacramentaliter existentem, & sæt breuius tempus, tempore illo quod Iudæi Christum Dominum sequentes traduxerunt, non potes sine graui tardio, & affectu ad repetenda profana negotia transigere. Quod quam turpe sit & fugiendum, vbi consideraueris, propone emendationem.

Secundum punctum. Considera Christi Domini sollicitudinē de pascendâ turbâ illa: *Vade ememus panes, vt manducetis hi:* In quâ solitudine eius per internam animi complacentiam acquiesce, gustans eam spiritali gustatu, & olfaciens odorem eius spiritaliter. Gratus præterea age Christo Domino pro hac solitudine, & magnam spem concipe de adfuturo tibi auxilio cœlesti, præueniente etiam necessitates tuas. Tuum tantum erit non impedire peccatis tuis, Christi D. beneficentiæ paratum omnibus influxum, quin potius cooperando eius gratiæ, eius accelerationem promereri & continuum augmentum, quod an facias vide, & fac facienda.

Tertium punctum. Considera Christi Domini humilitatem, qui pascere volens 5000. hominum, nec habens panem, nõ creauit illos panes miraculosè, etsi potuit, sed contentus est miraculo minore, scilicet multiplicatione solâ panis naturaliter acquisiti. Discere hinc occultare D. Dei dona, quando te obedientia, vel necessaria charitas non cogit ad ea per ordinarios actus demonstranda, multò magis discere non efferte te vanè, nec tibi plus adscribere ingenij aliarumque rerum. Quam in re quomodo te geras vide, & refecanda refeca.

Quartum punctum. Considera Christi Domini prudentiam, qui etsi sciret vnde nancisci posset panes, tamen ac si nesciret, petiit, idque non ab aliquo è primis Discipulis, sed Philippo. Quare instruit nos, vt petamus consilia, etiam ab iis qui videntur inferiores esse nobis, nec vnquam nobis fidamus. Cu-

ius rei causas conquire, & obiurgatâ superbiam tuâ, & malis quæ inde sequi solent deploratis, propone emendationem.

FERIA QVARTA.

Post Dominicam vigesimam à Pentecoste.

Primum Punctum. Considera Christi Domini finem ob quem dixit Philippo: *Vnde enim panes*: qui erat, vt explicaretur eius sensum. O quam sæpè Dominus Deus & pater se & per homines tentat nos, vt experiatum quam promptissimus ad amorem boni & fugam mali, sicut fecit & cum Abrahamo filij immolationem imperans. Quod si turpe est Domino Deo etiam tentari morem non gerere, multò magis efficaciter rem aliquam postulant, siue per se, siue per Varios suos. E contra gloriosum est ei parere ad nutum omnem, in omni re. Quod an facias recognita, & in posterum de operam vt facias.

Secundum Punctum. Considera frugalitatem Christi Domini & Discipulorum eius, & ludæorum. Christi Domini quidem, quia nonquam alios cibos legitur suppeditasse ad expleendam famem præter facinorâ panes, panem, pisces, mel. Et in turba illa non inuentus cibus est exquisitior pane & piscibus duobus. Hinc sumptu occasione, inculca & desite fedos gulae tuae excessus, dum & appetis res non necessarias, nimium delicatas, vel necessarias plus æquo vteris, quod si explete vitium gule appetitum non possis, tristaris, murmuras. Quod quam indecens sit ei, qui specie maioris crucis, mundi renuntiauit deliciis considera, & statue qua in te te emendare debeas.

Tertium Punctum. Considera humanitatem Christi Domini qui pasturas plebem piam, commodè illam refocere voluit, non stantem, sed discumbentem: *Facite*, inquit, *homines discumbere*. In qua te paternâ Christi Domini viscera tenero affectu considera, & an in te sit eadem viscerum benignitas, erga proximi tui necessitates vide, & excita in te similem cordis benigni erga alios iocunditatem, & praxeritas morositates, & crudi pectoris inhumanitatem fugere stude.

Quartum Punctum. Considera Christi Domini verecundiam, qui volens discumbere turbam illam, ad capiendum cibum commodè, noluit per se id eis imperare, sed per Discipulos, vt & suo & illorum pio pudori consulere. Verecundantur enim honesti homines, alio graui viro præsentem considerare vel discumbere, & Christus Dominus vti plenus virginâ verecundiâ, ne aspicere quidem voluit mēbra ad accubitum ciuilem sese inflectentia. Tu inuerecundiam tuam in quàm plurimis occasionibus examina, desite, & seridè emendare stude, quippe tam sis membrum Christi D. & templum Spi-

Lancij Opusc. Tom. 2.

ritus S. à quo omnis abesse debet perfrictâ frons, oculi impudentes, animus parum pudicus. Et si quid corrigendum est hac in parte, corrige.

FERIA QVINTA.

Post Dominicam vigesimam à Pentecoste.

Primum Punctum. Considera Christi Domini deuotionem, qui panes multiplicatorus, ac distributorus famelicis, id non fecit sine præuâ benedictione, quam gratiarum actionem appellat Sacer textus. Quâ ergo reuerentiâ, quo affectu debeas aggredi actiones tuas, quando ipse Filius Dei, tuas ita sanctè inchoat. Tu iam examina opera tua, vix aliquod inuenies præuâ oratione munitum, ided mirum non est, te plenum esse defectibus. Assuesce ergo præcipuas actiones tuas, conditas breui salutem sed ardenti prece, offerre Domino in odorem suauitatis.

Secundum Punctum. Considera Christi D. affectum tempore gratiarum actionis, quam fuerit ardens, quam purus in se, & ob finem suum. Et factâ reflexione ad tuas actiones, examina confessiones, communiones, desite earum tepiditatem, ariditates, distractiones, irreuerentiam, somnolentiam, tardium, omissiones, & corrige corrigenda.

Tertium Punctum. Considera modum, quo Christus Iesus virginâ illâ manu distribuebat turbae discumbenti panis & piscis fragmenta, quo oculorum intuitu, quo manuum motu, quâ verborum formâ, quâ vultus constitutione, quâ pedum progressionem, quâ totius inflexione corporis, & similes membrorum tuorum functiones examina, siue dum mensæ accumbentibus ministras, siue dum in culinâ versaris, siue dum ambulacra vertis, siue dum cum exteris agis, & singula ad Christi D. exemplar tibi propositum conforma.

Quartum Punctum. Considera amorè paupertatis in Christo D. qui iussit colligi omnia fragmenta superflua ne perirent. Hic diligenter te examina, quàm multa tuâ culpa pereunt vel destruantur, vel distribuuntur iis ad quos non spectat, tum ad victum, tum ad cultum corporis, tum ad alias res & suppellectilem domus spectantia, quibus non raro nec leniter laeditur, aut essentia aut perfectio & splendor Religioz paupertatis. Annotatis ergo defectibus, qui vel per confessionem sinceram, vel per licentiam à Superiore impetendam, vel per vtrumque corrigendi sunt, in posterum cautius vide.

FERIA SEXTA.

Post Dominicam vigesimam à Pentecoste.

Primum Punctum. Considera obedientiam Discipulorum Christi D. qui iussu colligere fragmenta panu & piscium, collegerunt omnia, impletis

pletis duodecim cophinis, idque fecerunt accuratè non oscitanter, non relictis vllis fragmentis. quæ non collegerint. Ex alterâ parte confundere, ob supinam tuam negligentiam, in rebus multis imperatis, vel à Regulis vel à Superioribus, & factò præcipuarum actionum tuarum examine, quas oscitanter expedis, ferriò te emenda.

Secundum Punctum. Considera sobrietatem plebeculæ Iudaicæ, quæ etsi famelica, non omnem absumpsit cibum à Christo Domino oblatum, sed ad eò sobriè comedit, vt superfuerint duodecim cophini fragmentorum. Tu inquire quàm auidè, quantâ copiâ, & in tua & in aliena inuoles edulia, sine respectu D. Dei, sine pudore, sine conscientia curâ & tamen Religiosus es! Iudaicam illam plebeculam superare perfectione obligatus, & tamen Curium simulans, Bacchanalia viuus, vt dicebat ille. Erubescere gule mancipium, & te emenda.

Tertium Punctum. Considera qualitatem panis, turbæ illi à Christo Domino porrecti: hordeaceum fuisse Euangelista testatur. Talem panem Christus Dominus ad suum conuiuium adhibet & quidem miraculosè eum multiplicat, non tamen adhibet miraculum in mutandâ qualitate, & dando triticeo, loco hordeacei. Exquire hoc à te quàm esses contentus tali conuiuiò, etsi velis te haberi pro Christi Domini seruo, pro milite eiusdem, pro Christi imitatore, pro contemptore mundi, pro amatore, & sectatore vitæ arctæ ad cælos ducentis, pro satisfaciendo pro peccatis admissis. Erubescit igitur, & detestare tuam ingluuiem in quærendâ quàm optimâ ciborum qualitate, & mores corrige.

Quartum Punctum. Considera Christi Domini humilitatem, qui præuidens se ab ijs promouendum ad dignitatem Regiam, id maxime declinavit. *Primò.* Quia fugit. *Secundò.* Quia fugit in montem, ad quem erat accessus difficilior, & facilior modus se occultandi. *Tertiò.* Quia solus fugit nolens etiam vllû è Discipulis adesse, à quo ex pio affectu possit indicari, & Regni fieri candidatus. Tu vide, an hoc modo declines honores, speciosos titulos, & deploratâ tuâ superbâ, elige aliqua, in quibus solidam demonstres etiam in oculis hominum tui humiliationem.

SABBATO.

Post Dominicam vigesimam à Pentecoste.

Quia fecit mihi magna.

Primum Punctum. Considera magna beneficia, quæ Dominus Deus fecit Beatissimæ Virgini in eius corpore, tum naturalia, vt sunt

sanitas, integritas membrorum, perfectio sensuum: tum supernaturalia, vt sunt perfecta obedientia corporis erga animam, somnicis singularis ligatio & extinctio, omnium perturbationum inordinatarum frenatio, qualis in nullo alio puro homine fuit. Admirare hanc corporis Beatissimæ Virginis harmoniam & singulare temperamentum: Gratias age Domino pro eo: confundere ob contrarias corporis tui condiciones, & inuocato D. Dei auxilio, da operam, vt corpus tuum quàm simillimum reddas corpori Beatissimæ Virginis.

Secundum Punctum. Considera magna Domini Dei beneficia collata Animæ Beatissimæ Virginis, tum naturalia, vt sunt ingenij acumen, maturitas iudicij, celeritas operationum internarum animæ, capacitas ad plura dispersa simul apprehendenda & concipienda: tum supernaturalia, nimirum immunitas ab omni prorsus peccato, gratiæ copia & incrementum assiduum habituum, virtutum plenitudo. Hæc admirare, extolle, gratias age pro ijs, & tuam conferendo vilitatem confundere, & aspira ad similia, quântum fieri potest per Domini Dei gratiam.

Tertium Punctum. Considera magna D. Dei beneficia collata Beatissimæ Virgini adhuc in carne passibili existenti respectu Ecclesiæ Sanctæ Domini Dei, quod fuerit fons, ex quo salutis Author in carne manauit, ad opus nostræ redemptionis perficiendum. Pondera beneficij huius præstantiam, gratias age pro eo, & vide quomodo fruaris bonis huius fontis.

Quartum Punctum. Considera magna beneficia quæ Dominus Deus contulit Beatissimæ Virgini in cælo, respectu Ecclesiæ militantis & triumphantis. Nam gloriâ suâ superat omnes choros cælestes, Ecclesiam verò militantem plus cæteris inuauit. Gratulate ei tantum felicitatem, & delibera quid te vitare vel facere oporteat, vt eius auxilium expertaris.

DOMINICA VIGESIMAPRIMA.

Post Pentecosten. Matth. 18.

Primum Punctum. Considera quàm multis debitis obstrictus sis cælesti Regi, qui à te eorum rationem exigit suo tempore. Debita autem tua sunt duplicia. *Primò:* peccata, quæ exoluere debes iustâ satisfactione, dolore, odio, confessione. *Secundò.* Dona Domini Dei, quæ Domino Deo reddere debes, bono eorum vtu, & gratitudine. Hinc præctice agnosce, quid facere debeas, ne ob non soluta debita, condignas subeas penas.

Secundum Punctum. Considera conditionem Regis cælestis, quæ in eo sunt dum exigit debita. *Primò.* Scit omnia, nihil potest ei occultari. *Secundò.* Post mortem nullum debitum condonat.

nat. sed rigida iustitia punit, & satisfactionem exigit. *Tertio*. Summe odit peccatum. Hinc inquire, quibus modis possis nunc tibi redde- re beneuolam hunc Iudicem, ne eius iudicio succumbas.

Tertium Punctum. Considera benignitatem caelestis Regis, & facilitatem in condonandis debitis, sola enim debitorum confessio, debito modo facta, est ad hoc sufficiens. Admirare D. Dei clementiam. Gratias age ex intimo affectu, quod tam facile remedium & peruium, pro tantis malis necessarium reliquerit. Vide tuos defectus in eo suscipiendo, tuas insinceritates, palliationes, equiuocationes, ariditatem in confessione, & eos emenda.

Quartum Punctum. Considera vnum e modis, quibus D. Deus ad tua tibi remittenda facilius peccata fleat, esse, si offensas proximi ei condones facile. Hoc Christus D. in hodierna parabola praetendit dicens: *Serue nequam, omne debetum dimisi tibi, quoniam rogasti me, nonne ergo oportuit & te misereri conserui tui, sicut & ego tui miserus sum.* Vide itaque quomodo te geras in condonandis tuis iniuriis, & quam æquum sit, eas vt condones, qui & D. Deum & alios in multis offendis. Offer denique SS. Sacramento hanc resolutam voluntatem, condonandi omnibus omnia, sicut & ille condonat tibi defectus tuos tam multos.

FERIA SECVNDA.

Post Dominicam vigesimam primam à Pentecoste.

Primum Punctum. Considera ineptum Pharisæorum iudicium, qui scandalizabantur, quod viderent Discipulos Christi D. non lotis manibus manducare. O quoties tu imitatis Pharisæica iudicia, condemnando aliena facta, quæ id non merentur. Examina te itaque quomodo te hac in parte geras, & propone emendationem.

Secundum Punctum. Considera stultitiam Pharisæorum, qui vt seruarent traditiones suorum maiorum D. Dei præcepta omittebant. Et agnitâ hac enormi stultitiâ secundum se considerata, fac reflexionem ad actiones tuas, & vide, an non sæpe & tu omittas res à D. Deo præscriptas, vel in Regulis, vel alio modo, partim propter occupationes minus necessarias, partim propter humanos respectus. Quod, quam turpe sit & indignum, pondera, desle tuam stultitiam, & quendâ qua si contemptum Diuinæ Maestatis, veniam pete à Domino Deo, & annotatis iis rebus, ob quas à Diuinâ voluntatis præscripto discedis, serid te emendare stude.

Tertium Punctum. Considera verba illa Isaia, Iudæis à Christo D. applicata: *Populus hic labiis*

me honorat, cor autem eorum est longe à me. In quibus duo pondera. *Primo*. Ne forte & tibi possint applicari, qui in oratione labiis honoras D. Deum, corde aliud cogitas, affectu cordis ad alia se conuertente. *Secundo*. Vide ne forte sis vnus ex iis qui ne labiis quidem honorant D. Deum. Hi autem sunt, qui voce orantes, ne c integras preces recitant, & verba mandunt & ita orando festinant, vt multa omittant quæ recitare deberent vel ex præscripto Ecclesiæ, vel ex consuetudine sui Ordinis. Confundere igitur, veniam à D. Deo pete, & te emenda.

Quartum Punctum. Considera alia Christi D. verba: *Omnis plantatio quam non plantauit Pater meus caelestis, eradicabitur,* hoc est deficiet, vel à fide Catholicâ, vel à vitâ bonâ, vel à statu Religioso. Pondera hic quam magnum sit malû eradicari de D. Dei horto, & inquire, an in te sint aliqua, ex quibus agnitis, timorem possis concipere, ne forte sis & tu eradicandus, quin potius cogita, quæ sint illa, quæ radices in fide, virtute ac Religioso statu consolident: eaque pete à Domino, vt & hic crescas in odorem suauitatis D. Deo, & transferaris ad cælum.

FERIA TERTIA.

Post Dominicam vigesimam primam à Pentecoste.

Mar. 7. Matth. 15.

Primum Punctum. Considera ardens desiderium curationis infirmæ filiæ, quo pia Chananæa tenebatur: quod effecit, vt etiam Christus D. domum ingressus sciri noluerit, latere non potuit Chananæam, à qua quæri statim cœpit. Tu in causa tepiditatem tuam, qui curationem morborum alienorum, immo ne quidem tuorum tam ardentem quæris. Consideratis autem causis, ob quas maiori studio quærenda sint remedia pro spiritualibus morbis, ea præsertim quæ efficacia sunt elige, & statue certi aliquid pro futurâ tui emendatione.

Secundum Punctum. Considera modum quo adorauit Chananæa Christum Dominum: Procidit enim ad pedes Christi adorans eum, cum prius à longè clamans exaudita non esset. Si ergo pro alieno malo quærens remedium, gentilis femina, tantâ reuerentiâ orat Christum D. quem non ita nouerat, vt tu nosti, quanta est tua impudentia, qui & in templo, & in cubiculo, non eâ, quâ illa, reuerentiâ Christum D. adoras. Erubescere igitur, te Religiosum à gentili vinci femina, & te emenda, veniamque tuarû irreuerentiarum humillimè pete.

Tertium Punctum. Considera Christi Domini pium artificium, qui vt occasionem præberet maioris meriti & notam faceret virtutem Chananææ, primum non respondit clamanti,

& accedenti propius, visus est se velle negare, quod petebat dicens: *Non est bonum sumere panem filiorum* (scilicet dona filii Dei parata) & *mutere canibus* (scilicet Ethnicis.) Quod Christi D. factum soletur te in miseris tuis, quas oratione licet ardenti non potes abigere. Dissimulat benignissimus Iesus, ut tu preces cumulans, tua accumularet merita, quæ sæpe maius tuum bonum sunt, quàm carere illis rebus, pro quibus eum deprecaris. Sustine ergo Dominum, & spera in eo quia non derelinquit querentes se.

Quartum Punctum. Considera humilitatem piam Chananzæ, quæ non est offensa aperiore titulo, dum se canem appellari audiuit, quin potius inde sumpsit occasionem precis efficacioris. *Etiã Domine, nam & catelli edunt de micis quæ cadunt de mensa Dominorum suorum.* Quæ humili & piâ responsione, ita inflexit cor Domini tui, ut ei dixerit: *O mulier, magna est fides tua sicut tibi sicut viâ, propter hunc sermonem vade, exiit demonium à filiâ tuâ.* Complaceas tibi intumescendo pio bonæ matris responso, & pium affectum in eo relucens gusta spirituali gustu, & tecum recogita, quantum per te moveatur benignissimū cor Domini tui heroicis affectibus & operibus. Vide ergo an tales in te sint, vide quales, & in quâ materiâ esse in posterum debeant, ut ea impetres, quibus eges.

FERIA QUARTA.

Post Dominicam vigesimam primam à Pentecoste.

Primum Punctum. Considera prima verba Chananzæ, quibus Christo Domino filiam à Spiritu immundo vexatam commendabat: *Miserere mei Domine fili David, filia mea male à demonio vexatur:* quæ verba iuxta secundum orandi modum in exercitiis præscriptum mastica, & varios affectus ex his decerpe, tibi que applica singula, induens affectum Chananzæ, tuorum morborum curationem Christo Domino poscendo.

Secundum Punctum. Considera Apostolorum intercessionem pro Chananzæ: *Dimitte eam, quia clamat post nos:* In quâ intercessione, inquire ea, quibus moti Apostoli pro eâ intercesserunt, & vide, an in te sint, ut sperare possis similem eorum intercessionem.

Tertium Punctum. Considera Christi D. responsum Apostolis datum: *Non sum missus nisi ad oves quæ perierunt, domus Israel.* In quibus verbis duo magni momenti pondera. **Primo.** Si Christus D. non nisi propter Israelitas saluandos missus, deseruit Israeliticum populum in erroribus suis, & ad saluandas gentes se contulit, tu ne triumphes ante victoriam: etiam si sis in hoc statu, cui certius quàm vili annexa est spes salutis, sed per bona opera fac certam vocationem

tuam. **Secundò.** Si Christus D. missus propter Israelitas saluandos, etiam gentiles adiciunt ad hanc felicitatem, quantum debes Domino tuo, qui te Ecclesiæ ex gentibus collectæ aggregavit. Gratias ergo ei age ardentissimas, & pete, ut quod feliciter cepit in te perficiat.

Quartum Punctum. Considera vltima Chananzæ verba: *Etiã Domine, nam & catelli edunt de micis quæ cadunt de mensa Dominorum suorum,* quæ piè ponderando, statue te tanquam vnum è catellis Domini Iesu ad mensam cælestem, cū tot Sanctorum millibus sedentis, & varia dona sua tanquam micæ cælestes in electorum animas proiciunt. Vnde excitato ardenti desiderio harum micarum, imitare famelicorum catellorum clamores, & anhelantia cibi desideria, & ardentibus precibus posce à Domino Deo ea, quibus & te, & Sanctam Ecclesiam, & alios, indigere noscit.

FERIA QUINTA.

Post Dominicam vigesimam primam à Pentecoste.

Mat. 6. Mar. 8.

Primum Punctum. Considera asperitatem Christi D. verborum, quibus redarguit Discipulorum ignaviam, dum moniti ut à Phariseorum doctrinâ cauerent, putabant à Christo D. aliud commendari: *Adhuc cacatum habetis cor vestrum, oculos habentes non vidistis, & aures habentes non audistis.* Ex quibus verbis, duplicem decerpe utilitatem. **Primo.** Non offendi asperitate verborum, si quando ab his qui id cum potestate facere possunt, talia audias. Ut enim ira nimia in vitio est, ita eius omisso cum res eam exigit, culpa non caret. **Secundò.** Examina te diligenter, ne forte tibi quoque eadem verba Christi D. conveniant: *Oculus habens non videt, aures habens non audit.* Quod agnosces, si feceris reflectionem ad D. Dei beneficia, præcepta, consilia, pœnas, Superiorum præscripta, Religionum obligationes & consuetudines quomodo his vitatis, & an in iis videas videnda & facias facienda. Et si forte inuenieris te multis obnoxium, erubescere, deprecare, veniam pete, corrige mores tuos.

Secundum Punctum. Considera causas, ob quas perniciofa Phariseorum doctrinâ à Christo D. appellata sit fermentum, & vide an forte & tu imbutus sis aliquibus doctrinis peruersis, vel seculari vel politico spiritu plenis à perfectione & simplicitate Religiosa corauerentibus, & si quid corrigendum sit corrige.

Tertium Punctum. Considera doctrinarum veritatem non tam autoritate docentium, quàm conformitate cum doctrinâ Christi D. & Apostolorum esse metiendam. Nam Phari-

ſci, etiam ſi eſſent legis Doctores apud Iudæos, & perfectiorem viuendi normam præſerret, peſtiferas doctrinas inſtillabant. Ideo ſummo animi decreto ſtatue, nulli quantumuis grauifſimo viro, vnquam adhibere fidem, ſi doceat vel ſuadeat contraria iis, quos D. Deus ipſe ſui loco tibi reliquit.

Quartum Punctum. Conſidera cauſas, ob quas ſecurâ conſcientiâ poſſis, immò debeas acquieſcere omni doctrinæ & conſilio eorum quos D. Dei loco habes, vbi agit de re quæ non ſit manifeſtum peccatum. Et agnitis hac in parte tuis erroribus, vel ab inobedienciâ, vel à duritie iudicij, vel à falſâ perſuaſione, aliâque cauſâ proſectis, deſte tuam ſuperbiam, directè repugnâtem Religioſæ abnegationi, qua florere debes, & te emenda.

FERIA SEXTA.

Post Dominicam vigesimamprimam à Pentecoste.

De Cruce ferenda Matt. 16. Mar. 8. Luc. 9.

Primum Punctum. Conſidera Chriſti D. verba ad turbam & Diſcipulos prolata: *Si quis vult venire poſt me, abneget ſemetipſum, & tollat crucem ſuam quotidie, & ſequatur me.* Vbi tres conditiones ponit neceſſarias, vt quis perueniat ad locum, in quo eſt Chriſtus D. *Prima* eſt, abnegare ſe ipſum, quod quid ſignificet pondera; applica ad te, & vide, an iam te abnegaris: quod cognofceſ meliùs quid ſignificet, ſi conſideraueris proprietates eius, qui abnegat vel hæreſim vel aliud ſcelus.

Secundum Punctum. Conſidera ſecundâ conditionem neceſſariam ad perueniendum ad Chriſtum D. *Tollat crucem ſuam quotidie*, id eſt ſemper eam portet. Quod quomodo practicandum eſt, & quomodo à te practicetur, recogita, & confundere membrum delicatum ſub capite ſpiñoſo Chriſto Domino.

Tertium Punctum. Conſidera tertiam conditionem *ſequatur me.* Quid ſit Chriſtum D. ſequi: quod cognofceſ ex duobus. *Primo.* Ex conditione Chriſti D. *Secundo.* Ex operibus Chriſti D. ſequi enim eum debemus, tanquam ſerui Domini, tanquam milites Ducem, tanquam filij Patrem. *Sequi autem ſic*, nihil eſt aliud quàm accommodare ſe modo viuendi illius, eiq̃ ſe conformare exactè. Quod an facias vide, & elicias proportionatos affectus, vel gratiarum actionis, vel doloris &c.

Quartum Punctum. Conſidera motiua, quibus poteris excitari ad practicanda hæc tria, ad Chriſtum D. aſſequendum neceſſaria, quæ motiua peti poſſunt, tum ex Dei & Chriſti D. præſtantiâ, tum ex eius voluntate, tum ex multiplici obligatione & vilitate tuâ, tum ex neceſſi-

tate & vilitate trium ipſarum conditionum: & humiliter implorata veniâ, ac deplorata tuâ ignauiâ, pete gratiam à Domino Ieſu cum in Religione perfectiſſimè moribus exprimendi, & promittit ei emendationem.

SABBATO.

Post Dominicam vigesimamprimam à Pentecoste.

Qui potens est.

Primum Punctum. Conſidera D. Dei potentiam in productione rerum naturalium, quas ſine vllâ morâ temporis, in ſtantanti poteſt producere & ſolet idque ſine vllò instrumento extrinſeco ſi velit, & ſine vllâ materiâ præexiſtente, & ſemper producendo perfectiores & perfectiores; poteſt producere in infinitum, & productas perficere magis ac magis, tum amouendo imperfectiones earum, tum perfectiones augendo. Hoc nulla creatura poteſt, et ſi poſſet, nonniſi D. Dei virtute poſſet. Cum ergo tam potentem habeas Dominum tuum, lætare, & ei hanc perfectionem gratulare, ſpem excita conſequendi ab eo omnia, quæ ad perfectionem naturæ tuę ſpectate poſſunt.

Secundum Punctum. Conſidera D. Dei potentiam in productione rerum ſupernaturalium, gratiæ præſertim & gloriæ, quas minori facilitate & copiâ producit, quàm priores: atque ita poteſt ſi velit tibi concedere omnia dona, quæ conceſſit cuius Sancto, immò quæ omnibus ſimul, immò multò iis plura. Cogita ergo quibus modis poſſis hæc tibi cor eius, vt tecum ſit liberalis, vt id velit tibi largiri quod poteſt.

Tertium Punctum. Conſidera potentiam D. Dei in deſtructione rerum, quas poteſt ſine vllò instrumento & morâ temporis in nihilum conuertere, per ſolam ſubtractionem ſui concurſus, quo eas conſeruat. Hic concipies magnum D. Dei timorem, à quo eum tuis rebus aded pendes; orabis ergo eum, vt dona ſua in te cuſtodiat & augeat, vt mala tua deſtruat, mala inquam culpæ & pœnæ. Vide tamen quid ad hoc ex parte tua ſit neceſſarium, & adhibe.

Quartum Punctum. Conſidera D. Dei potentiam in conuertendis peccatoribus, præſertim in malo diu occupatis, quam rem SS. Patres ipſâ mundi creatione dicunt diſſilitatem, ob humanæ libertatis reſiſtentiam, cui par alia non eſt in creatione rerum naturalium. Id experientia in te docet, qui tot medijs non inuatis ad purgandum cor à peccatis leuibus, ad quæ natura non ita propendet, vt ad grauiâ in ſecularibus. Confundere igitur, veniam pete, & opem Beatiſſimæ ac puriſſimæ Mariæ implora, vt ab eo qui potens eſt, & qui fecit illi magna, impetret tibi potentiſſima auxilia ad te à tuis peccatis

catas conuertendum, & ad omne bonum inducendum.

DOMINICA VIGESIMASECVNDA.

A Pentecoste.

Primum Punctum. Considera iniquum consilium Pharisaorum institutum ad capiendum Christum D. in sermone; & hinc sumptâ occasione delibera quàm perniciosum sit in vita communi omne peccatum publicum, sed magis id, ad quod perpetrandum, aliorum consilium auxiliumue queritur. Quod ne vnquam tuâ cooperatione in Religione contingat, caue, & quantum fugiendum sit ob diuina & humana motiua vide, & quomodo te gerere debeas, si malis aliorum consiliis à recto itinere abducaris, statue.

Secundum Punctum. Considera Christi Domini laudes, ab ore insincero Iudæorum profectas: *Scimus quia verax es, & viam Dei in veritate doces: & non est tibi cura de aliquo, non enim respicis personam hominum.* Vbi duo tibi optanda & consideranda sunt. *Primo.* Vt hac triplici laude sis dignus, scilicet, & in loquendo sis verax, vt veram doctrinam semper aliis tradas, & personarum affectu non labores, scilicet, nihil faciendū contra D. Dei voluntatē vel conscientiam distamen, in gratiam hominum, nihil omittendo ob metum offendendi homines. *Secundo.* Vt ita in his rebus excellas ob D. Dei gloriam, vt & inimici tui non possint non agnoscere has in te virtutes. Talis ne sis, vide, & quid faciendum sit tibi, constitue.

Tertium Punctum. Considera illa Christi D. verba: *Cuius est hac imago & superscriptio: & tibi dici puta, & à te queri, an in te relucent imago, boni Christiani, an relucent vita boni Religiosi, an relucent imago Patris æterni.* Quod agnosces ex conditionibus boni Christiani, boni Religiosi, boni filij Dei, & p̄t̄nt̄ inuenieris, tales affectus ex hac consideratione elicias.

Quartum Punctum. Considera alia Christi D. verba: *Reddite que sunt Cesaris Cesari, & que sunt Dei Deo:* & vide quid debeas hominibus, maioribus, & equalibus, inferioribus, quid item D. Deo, vt Creatori, vt Domino tuo, vt Benefactori tuo, vt Patri tuo, vt Redemptori tuo, denique vt cibo tuo, te propria sua substantia pascenti. Et ex singulis decerpe pios affectus, & statue varia bona p̄posita.

FERIA SECUNDA.

Post Dominicam vigesimam secundam à Pentecoste.

Primum Punctum. Considera præmium laborum & incommodorum in seruitio D. Dei,

etiam si iis ex obedientia & charitate susceptis vita ipsa minueretur, vel non datâ culpabili causâ prorsus perderetur: *Qui perdidit animam suam propter me, saluam faciet illam:* hoc est, recipiet meliorem, quippe æternam in cælo, omni bonorum genere affluentem. Cuius felicitatis penetratâ magnitudine, vide quàm feruenter, quàm diligenter, quàm assiduè, quàm omni conatu, tibi laborandum sit in omnibus officiis, in quibus occuparis à Superioribus, etsi nulum adesset solatium humanum, nulla hominum gratitudo, nullus applausus. Superat enim hæc omnia, summum illud æternæ salutis bonum. Examina te igitur, quomodo hac in parte procedas, & quid tibi faciendum sit statue.

Secundum Punctum. Considera qualitatem seu modum laborandum tuorum in Religione, an sint eiusmodi, qui digni sint cælo: item, an sint tales, ob quos vita hac tua, aliquid detrimenti pati possit. Quod si forte inuenieris non solum non esse proportionatos cælesti præmio, sed ne quidem sumptibus, quos Religio in te educando facit, confundere, dolo, veniam pete, & agnitâ multiplici eaque graui obligatione quâ teneris ab actō otio, & inutilibus occupationibus laborare in Religione, serib̄ te emenda.

Tertium Punctum. Considera Ordinem necessariō seruandum in laboribus tuis: ne scilicet plus labores pro aliis iuandis, quàm pro te ipso. Hoc enim esset magna cæcitas & stultitia, cum quilibet debeat magis amare se (Quid enim prodest homini, si vniuersum mundum lucratur, anima verò sua detrimentum patiat̄) quàm alios, cæteris paribus. Examina ergo omnes diei occupationes, an iis plus attendas, quæ magis ad alios spectant, quàm ad te, & tuæ animæ bonum. Et si quid corrigendum inuenieris, corrigere stude, inculsatâ prius stultitiâ tuâ, & coram Domino Deo tuo desista.

Quartum Punctum. Considera illa Christi Domini verba: *Quam dabit homo emutationem pro animâ suâ.* Et ex vna parte ponderatâ animæ tuæ præstantiâ, ex alterâ parte rerum aliarum vilitate, ob quas vel assequendas vel non perdendas, nocemus animæ: impediendo eius merita & alia bona, agnosce quanta cura tibi sit habenda animæ tuæ, non tantum vt illam non perdas, sed vt repleas ex D. Dei munere, quàm plurimis meritis gratiæ & D. Dei donis.

FERIA TERTIA.

Post Dominicam vigesimam secundam à Pentecoste.

Primum Punctum. Considera comites Christi D. tres Discipulos, nec pauciores, nec plures, & quidem illos ipsos, Petrum, Iacobum &

& Ioannem, quos alias quoque ad secretiore res Christus D. euocare solebat, relictis aliis. Causis huius rei indagatis, applica ad te singulas, & pios affectus exprime.

Secundum Punctum. Considera causas, ob quas Christus Dominus è veteri lege, nõ alios quàm Moysem & Eliam adesse suæ Transfigurationi voluerit, ponderando ea quæ maximè commendantur à Scriptura in Moyse & Elia. Et facta ad te reflexione moreſque tuos, proficere stude ex singulorum applicatione.

Tertium Punctum. Considera materiam sermonis Christi D. & Moyſis ac Eliæ tempore tam lætæ Transfigurationis, quæ fuit de Christi D. Passione seu de excessu quem completurus erat in Hierusalem, vt loquitur Euangelista. Hic etiam causas inquire, cur non de aliâ re institutus tempore tam læto fuerit sermo, & ex omnibus fructum aliquem spiritualem decerpe.

Quartum Punctum. Considera Christum D. Transfiguratum in vestitu albo, & vultu relucente. Gratulare dulcissimo Redemptori tuo hanc breuem gloriam: Latere ob eam, dolo quod tam citò mutanda sit, in magnam sanctæ illius carnis tot verberibus & plagis deformandæ ignominiam. Interim roga eum, vt te suo tempore perducatur ad videndam gloriam beatiam eius corporis in Regiâ cælesti, & faciat participem quàm plurimorum fructuum suæ amaræ Passionis.

FERIA QVARTA.

Post Dominicam vigesimamsecundam à Pentecoste.

Primum Punctum. Considera verba illa Petri ad Iesum: *Preceptor bonum est nos hic esse.* Quibus verbis vel ad gloriam cælestem, quam expectamus, vel ad statum Religiosum, in quo viuimus, applicatis, ob fructus præcipuos breuiter in memoriam reuocatos, accendere ardentiore studio, tum gloriam quærendi cælestem, tum viuendi melius in Religione, vt in ea ad finem vsque perseueres.

Secundum Punctum. Considera alia Petri verba: *Faciamus tria tabernacula, tibi vnum, Moyſi vnum, & Elia vnum.* In quibus pia Petri humanitas enituit, qui de se non sollicitus, de aliis erat sollicitus, eis vt tabernacula erigeret. Hoc est veræ charitatis argumentum, maiores commoditates in omnibus rebus optare potiùs aliis, & re ipsâ offerre. Tu an talis sis vide, & si quid corrigendum sit corrigere stude.

Tertium Punctum. Considera iucunda Dei Patris verba è nube lucida emissâ de Christo D. *Hic est filius meus dilectus in quo mihi benè complacui.* Quibus attende sigillatimque ponderatis, gaude ob has Christi D. laudes. Gratulare Christo D. & ardens desiderium excita ita vi-

uendi, vt in oculis Patris cælestis, semper sis tanquam adoptiuus eius filius, ei dilectus ac placens. Ad quod quid sit necessarium vide, & habere stude, & vt habeas, ardentè à Christo Domino Iesu pete.

Quartum Punctum. Considera vltima Patris æterni verba: *Ipsam audite: & examina te,* quomodo audias præcepta & consilia Christi D. tum quæ in Euangelio descripta reliquit, tum quæ quotidie in corde tuo scribit, & ad cor tuum transmittit, per pias lectiones, per bona aliorum exempla, per orationes tuas, per colloquia pia & alia superiorum monita: vt vel gratias agas, si Christum Dominum audis loquentem, vel desleas tuam inobedientiam, & emendationem proponas.

FERIA QVINTA.

Post Dominicam vigesimamsecundam à Pentecoste.

Primum Punctum. Considera statum pueri, à mæsto patente Christo D. oblato, quem *demon ab infantia arreptum, allidebat saepe in ignem & aquas detrucebat, vt perderet.* Et apprehenso misero ac deplorando eius statu, considera multo deteriorem esse statum animæ, non tantum mortali, sed etiam vno solo deliberatè commisso veniali peccato fædata. Quod facillè cognosces, tum quia arripit à dæmone & peiora pati per se non est malum, quinimo saepe à D. Deo directè volitum: tum quia pœnæ purgatorij sunt multò maiores, tali dæmonis afflictione. Agnosce ergo statum animæ tuæ, qualis sit ob tot peccata, & quid faciendum sit, delibera.

Secundum Punctum. Considera causas, cur Discipuli Christi D. non potuerunt puerum tunc à dæmonis vexatione liberare. Vnde discas, nec sanctos semper posse omnia, & non tantum à sanctis expectare omnia, sed etiam adhibendam nostram cooperationem, & tollenda impedimenta diuinorum beneficiorum, quæ an sint in te, vide, & quid te oporteat facere.

Tertium Punctum. Considera Christi D. verba: *O generatio infidelis & peruersa, quamdiu ero vobiscum, quam diu vos patiar.* Quæ verba dixit præsentem multâ turbâ. Discas hinc non scandalizari, si audias similes reprehensiones, discas israeli vitis & peccatis, nullâ habitâ ratione humanæ gratiæ, quia satius est placere D. Deo quàm hominibus, ne tamen modum excedas caue.

Quartum Punctum. Considera Christi D. benignitatem, qui tandem sanauit puerum solo imperio: *Surde & mute spiritus, ego præcipio tibi, exi ab eo, & amplius ne introeas in eum.* Hinc agnosces, te quodammodo peiorem esse, spiritu illo immundo, qui primis Christi D. verbis auditis

motem

morem gessit. Tu verò quoties audis Christi D. te corrigentis monita, & tamen non obedis? Confundere, veniam pete, dole, & te emenda.

FERIA SEXTA.

Post Dominicam vigesimam secundam à Pentecoste.

Primum Punctum. Considera dæmonis audaciam, qui ausus est Christo D. præsentem alidere puerum in terram, idque eo ipso tempore, quo à Christo D. sanari debebat. In quo dæmonis facto, agnosce ordinatum dæmonis procedendi modum, qui tunc maximè excitat in hominibus affectus, dictaminaque contraria, à quibus nos Dominus Deus vult curari & iuvari in Spiritualibus necessitatibus nostris. Reflecte te ad te, id certò comperies, quare cognitâ fraude dæmonis, emenda te, & eius instinctus excludere.

Secundum Punctum. Considera verba Christi D. qui afflicto Patri pro filio sollicito dixit: *si potes credere, omnia possibilia sunt credenti.* Quæ verba in simplicitate cordis tanquam tibi dicta accipe, & quandoquidem multis rebus indiges, pete ea à Domino tuo, magnâ spe & fiducia animatus, quandoquidem omnia possibilia sunt credenti.

Tertium Punctum. Considera pium affectum mœsti Patris, qui Christo Domino ita respondit: *Credo Domine, adiuua incredulitatem meam.* Quæ verba exclamans cum lacrymis protulit. Latere in corde tuo inuentam esse tantam fidem in vno Iudæo. Gratulare ei, quod ex Diuino beneficio tantam fidem habuerit, & simili affectu eadem verba vsurpa, petens à Christo D. varia quibus eges.

Quartum Punctum. Considera modum, quo Christus D. sanauit puerum illum. Non enim statim perfectè sanauit, etiam si id posset. *Primo* enim eum discerpens sathan exiit ab eo, idque multum discerpens. *Secundò.* Reliquit eum sicut mortuum. *Tertiò.* Persuasit multis, eum esse mortuum. Hinc discere non condemnare aliorum operâ, quamuis primâ fronte non videantur vsquequaque perfectâ, & quibus perfectiora fieri possent. Quod an facias vide, & corrigenda corrige.

SABBATO.

Post Dominicam vigesimam secundam à Pentecoste.

Et sanctum nomen eius.

Primum Punctum. Considera primum modum, quo D. Dei nomen est Sanctum, quia sanctitatem continet in se infinitam & sub-

stantialem sibi, ita sibi essentialem, vt est ipsa Diuina essentia, quæ verè & intimè est ipsa Sanctitas, in supremo gradu ac infinito. Admirare tantam perfectionem, gratulari ei illam, adora intimè. Quod si Sanctos quosdam eorum sanctitatem tenerè amas, vide quam maiore amore debeas amare Dominum Deum tuum, ob eius maiorem infinitis sanctitatem. Agnosce itaque quid tibi faciendum sit.

Secundum Punctum. Considera modum, quo debeas imitari essentialem hanc D. Dei sanctitatem, scilicet, vt D. Dei beneficio ita sis fundatus in vita sancta, vt quodammodo sit inseparabilis à te loquendo moraliter, sicut est inseparabile id quod tibi est essentialis. Talis an sis, agnosces ex tentationibus & perturbationibus, & aduersitatibus tuis, si te valde vel parum vel nihil commoueat dum ingruunt.

Tertium Punctum. Considera secundum modum quo D. Dei nomen est sanctum, quia est idea & exemplar omnis Sanctitatis. Discurre quomodo id sit, imitaberis autem D. Deum in hoc, si omnia verba & facta tua fuerint talia, vt verè esse possint exempla virtutum imitanda. Talis an sis vide, & quid tibi desit agnosce, & acquirere stude.

Quartum Punctum. Considera tertium modum quo D. Dei nomen est sanctum, quia est causa omnis sanctitatis creaturarum suarum rationalium, Angelorum & hominum. Inuenere hunc fontem, qui se per tot riuos & fluuenta effundit in tot millia Sanctorum. Adora eum: expe te vt se quoque tibi copiosè communit, & communicare non cesset, & imitare eum, alios excitando & iuando ad acquirendam & augendam sanctitatem, quod an facias vide, & facere stude.

DOMINICA VIGESIMATERTIA.
A Pentecoste.

Primum Punctum. Considera Christi Domini promptitudinem, qui rogatus à Patre filia tunc defunctæ, vt veniret manum ei impositorum, statim surrexit, & cum Discipulis secutus est eum. Gratias age Domino tuo pro tantâ facilitate, & vide an tu tam promptus sis ad exequenda ea quæ tibi præscripta sunt à Christo D. sicut fuit promptus Christus D. ad exequendum hoc, quod poposeit creatura eius: Pondera hoc, erubescere, & te emenda.

Secundum Punctum. Considera Christi D. humilitatem, qui suscitaturus puellam mortuam, *Primo* aperte dixit non esse mortuam, & non appellauit mortuam, sed dormientem: *Non est enim mortua puella, sed dormit.* *Secundò.* Non suscitauit eam prius quam eiecta esset turba. Tu verò itane tua facta occultas? itane fugis applausum hominum? itane laudes auditas eleuas, examina te, & corrige corrigenda.

Tertium Punctum. Considera petulantiam turbæ, quæ Christum Dominum deridebat: O quam sæpe imitatis in hoc turbam istam, dum benè dicta, benè facta, benè omiſſa improbas, & irrides, non tantùm in tuo corde, sed etiam coram aliis. Hoc an ita ſit, vide, hoc an deceat humilem, qui alios ſibi anteponeat debet; an deceat eum qui eſt vnus corporis membrum, cogita & ſerid te emenda.

Quartum Punctum. Considera modum quo Chriſtus Dominus ſuſcitauit puellam mortuam. *Primo* Tenuit manum eius. *Secundo* Inclamauit: *Puella surge.* *Tertio*. Suſcitatae iuſſit dari cibum. Pondera ſingula, applica hodie in cibo in SS. Euchariſtia, & ex ſingulis pios affectus decerpe.

FERIA SECUNDA.

Post Dominicam vigesimamtertiam à Pentecoste.

Mar. 9. Matt. 17. Luc. 9.

Primum Punctum. Considera Chriſti D. benignitatem, qui interrogantibus Diſcipulis, quare non eiecissent dæmonium, non dixit illis totum quod illis deſuit, defectum in eis orationis notando, sed tantùm in genere, ſine plenâ eorum notâ dixit. *Hoc genus in nullo potest exire, niſi in oratione & ieiunio.* Hinc diſce, quanto opere abſtinendum tibi ſit, & quas ob cauſas, à carpendis ſermone aliis, ſi Chriſtus Deus, Creator, Rex, Paſtor, Dominus, Pater, abſtinuit.

Secundum Punctum. Considera zelum Chriſti Domini, qui vnum defectum præcipuum diſſimulare noluit, sed diſſimulato defectu orationis & ieiunij, incredulitatem eorum exprobrauit, affirmans propter incredulitatem Diſcipulorum non potuiſſe eici dæmonium. Hic cauſas inquire, cur hunc defectum clarè in Diſcipulis notauit, alios non item. Et præter alias cauſas, hanc diſce radicem malorum ferè dæmonium eſſe, dum in via D. Dei non credimus monitis & conſiliis, ſiue Superiorum, ſiue eorum amicorum qui à vitæ probitate commendantur. Vide ergo an talis ſis, & ſi quid corrigendum eſt, corrige.

Tertium Punctum. Considera vim ad abigenda dæmonia in oratione & ieiunio ſitam, & cauſas, vnde hanc vim habeant. Et deploratâ in te auerſione ſeu contemptu quodam tacito harum virtutum, vide quid in his rebus tibi emendandum ſit.

Quartum Punctum. Considera illa Chriſti D. verba: *Amen dico vobis ſi habueritis fidem ſicut graſſum ſynapis, dicetis monti huic: tranſi hinc illuc, & tranſibit, & nihil impoſſibile erit vobis.* In quibus verbis tum cauſas inquire, cur & tu & multi alij careant tali fide. Deinde quàm copioſa ſit Chriſti Domini clemetia, qui ait. *Nihil*

Lancij Opus. Tom. 2.

ſore nobis credentibus impoſſibile, & ex ſingulis cõſiderationibus decerpe pios affectus, tum ad morum emendationem, tum ad gratitudinem & amorem erga D. Deum excitandũ ſpectantes.

FERIA TERTIA.

Post Dominicam vigesimamtertiam

à Pentecoste.

Primum Punctum. Considera verba illa Chriſti D. de futura Paſſione loquentis: *Filius hominis tradetur in manus hominum.* Et in iis verbis pondera, tum quàm grauis res fuerit, eius tui cauſâ in manus impiorum traditio; tum quàm cara tibi eſſe debeat omnis humana moleſtia, Chriſti D. cauſâ, ſiquidem æqualis Chriſti D. traditioni non erit. Quod da operam vt penetres, & hinc tibi ſtatue efficax antidotum contra omnes aduerſitates.

Secundum Punctum. Considera malum ſtatum animæ, D. Dei lumine & auxilio deſtituta, in Chriſti D. Diſcipulis adumbrata, qui auditis tam claris verbis: *Filius hominis tradetur in manus hominum, & occidetur eum, & tertîâ die reſurget, non intellexerunt hoc.* Hinc ſume occaſionem inculpandi te, qui res magis claras & magis neceſſarias, toties lectas, auditas, ponderatas, optimè intellectas, ſæpe Domino Deo promiſſas, ita proſus negligis ac ſi illas non intelligeres. Exempli gratia. Quod melius ſit placere D. Deo quàm hominibus: minus malum immò nullum malum offendere homines ne offendas D. Deum: Quod maior ſit habenda ratio æterni præmij in cœlis, quàm tranſitorij guſtus terreni, cuius cauſâ ſæpe vel omittitur, vel proſus perditur lucrum præmij æterni, & his ſimilia. Ex quibus decerpe propoſita pro morum tuorum emendatione.

Tertium Punctum. Considera ineptum metum Diſcipulorum, qui licet non intellexissent Chriſti D. verba, procul dubio ad ipſorum utilitatem dicta, timebant eum interrogare quid ſibi vellent. O quàm ſæpe & tu timore ruſtico impediris, ne peras quibus indiges, ne interrogas quæ neſcis, ne dicas, quæ debes, & tamen quàm ſæpe expertus es, te vincendo, vanum timorem tibi aliſque non nocuiſſe, ſed profuiſſe. Reſolue ergo te ad vincendos ſemper tales timores, cauſis huius victoriæ bene ponderatis, & hoc ipſo die huius glorioſæ victoriæ fac initium.

Quartum Punctum. Considera in Chriſto D. ſtudium ædificandi alios, & fugiendi ſcandala etiam paſſiua. Hanc enim ob cauſam pro ſe & pro Petro non ſine miraculo, inuento ſtare in piſce hamo capto, ſolut didrachma tributi nomine. Tu te examina an ita declines omnia facta & dicta, quæ & domeſticis & externis ſcandali occaſionem præbere poſſunt, item, an tam promptus ſis ad reddenda ea, quæ

A a a

reddere

reddere teneris Domino Deo & hominibus quam promptus fuit Christus Dominus ad reddendum tributum, quod reddere uti D. Deus & Rex hominum non tenebatur. Et facta ex his ad mores tuos reflexione, corrige, quæ corrigenda cognoueris.

FERIA QUARTA.

Post Dominicam vigesimamtertiam à Pentecoste.

Primum Punctum. Considera initium fraternæ correctionis in personalibus iniuriis esse hunc: *Si peccauerit in te frater tuus, vade & corrippe eum inter te & ipsum solum.* Hoc violant, qui offensas suas offendenti dicunt, non eo modo ut eum lucrentur & emendent, sed ut vicissim offendant. Vide quomodo te geras hac in parte, & quæ corrigenda sunt, corrigere stude.

Secundum Punctum. Considera progressum fraternæ correctionis, in propriis tuis iniuriis, ut scilicet tuâ correctione suavi & beneuolo modo factâ, non adiutum lucrari Domino coneris, adhibito vno vel duobus testibus, scilicet probatis & prudentibus viris, quorum autoritate saltem iuuetur is, qui te offendit, & apud quos non patiatur vllum ex hac manifestatione offensæ priuatæ damnum. Hoc violant, qui aliis ad quos id scire non spectat, vel qui prodesse non possunt, offensas vulgant, idque tali modo, ut magis noceant offendenti & animæ offensi. Examina te quomodo procedas, & ponderatâ huius rei malitiâ eam emendâ.

Tertium Punctum. Considera complementum fraternæ correctionis situm in denunciandis personalibus iniuriis Superioribus, ut tandem per eos iuuentur, quibus alij modi non profuerunt: *Si eos non audierit, dic Ecclesie.* Vbi Ecclesie nomine Superiores intelliguntur. Huc ad Superiores recursum an habeas inquire, & adductis causis, seu multiplici necessitate illius, statue quid tibi sit in posterum faciendum.

Quartum Punctum. Considera terribilia illa Christi D. verba Superiorum autoritatem extollentia: *Si Ecclesiam non audierit, sit tibi sicut Ethnicus & publicanus.* Pondera quid sit haberi pro Ethnico & publicano. Cum ergo D. Deus ipse tali in gradu collocet eos, qui non audiunt Superiores, collige hinc, quo loco sint apud Dominum tuum eiusmodi personæ, & quod plus hinc suggeret affectus, statue pro emendatione morum tuorum, & pro satisfactione præteritarum culpatum.

FERIA QUINTA.

Post Dominicam vigesimamtertiam à Pentecoste.

Primum Punctum. Considera magnam felicitatem nostram, qui cum tot malis sumus obnoxij, habemus amplum nostrorum malorum remedium in sacrâ confessione: *Amen dico vobis, quacumq; alligaueritis super terram, erunt ligata & in celo, & quacumq; solueritis super terram, erunt soluta & in celo.* Pondera hanc tam amplam potestatem, tenero affectu gratitudinis erga D. Deam, & vide quomodo utaris hoc medio, & magnis D. Deo gratias actis pro eo, vide num quid forte sit, corrigas.

Secundum Punctum. Considera alteram felicitatem quæ à nobis ipsis pendet: *Dico vobis, inquit Dominus, si duo ex vobis consenserint super terram de omni re quacumque petierint, fiet illis à Patre meo, qui in caelis est.* Cum ergo tam multis indigeas, cur non petis? Si petis, quare causas cur non exaudiaris, etsi tam amplam habeas exauditionis promissionem.

Tertium Punctum. Considera Christi D. desiderium manendi nobiscum: *Hi sunt duo vel tres congregati in nomine meo, ibi sum in medio eorum.* Tu vide quantopere tu potius deberes desiderare Christum Dominum quam ille te, & huius rei necessitates enûmera, & an hoc desiderio feruas, vide, & admirare cæcitate tuam ac deplora, qui summum bonum tuum, tibi se offerens non quæras, cum tamen totus pressus necessitatibus tuis.

Quartum Punctum. Considera quid sit hoc congregari in nomine Christi D. & ideo habere Christum D. in medio sui. Et factâ ad te reflexione, duo pondera. *Primum.* An congregaris in nomine Christi D. tunc dum es cum aliis. *Secundum.* An ita te ibi geras, quomodo te geres, si haberes Christum D. in medio tui, & si quid inuenieris, prout procul dubio inuenies, serid & citò emendare stude.

FERIA SEXTA.

Post Dominicam vigesimamtertiam à Pentecoste.

Primum Punctum. Considera causam veram, ob quam Iudæi Christum D. quærentes, quærebant eum in die festo non in alio. Sic ex inuentis causis decerpe documenta pro instructione morum tuorum.

Secundum Punctum. Considera iudicia vulgi de Christo D. dum quæreretur à maioribus: *Murmur multum erat in turba de eo. Quidam enim dicebant, quia bonus est, alij autem dicebant, non, sed seducit turbas.* Discce hinc humanis non iudiciis,

iudiciis, sed diuinis, quæ nunquam falluntur. At humana iudicia maximè à stultis profecta & temerariis vt plurimum aliena sunt à vero, sed & à prudentibus profecta fallacia sunt, nec semper certa; & tamen si verum velis fateri, pluris facis hominum de te iudicia quàm Domini Dei. Ideo enim times, ne in malâ sis aliorum opinione, ideo tristaris, si malè de te sentientes vides, ideo ne habearis pro scrupuloso pro delatore, accommodas te gustui aliorum cum Domini Dei offensâ. Quod quàm turpe sit, & tibi noxium perpende, & te emendare stude.

Tertium Punctum. Considera inanem metum Iudeorum, qui palam de Christo D. loqui non audebant propter metum aliorum. O quoties tu imitaris Iudeos hac in parte propter hominum metum erubescens vitam Christo D. placeantem. Considera ergo causas, quæ tibi persuadebunt magis timendum esse D. Deum quàm homines. Et quidem illas ipsas ob quas soles timere homines, eos ne offendas, vel ne quid ab eis patiare. Quo agnito exquire à te rationem, cur præfers homines D. Deo, & deploratâ tuâ impudentiâ pete à Domino veniam, & te emenda.

Quartum Punctum. Considera illa Christi D. verba: *Nonne Moyses dedit vobis legem, & nemo ex vobis facit legem.* Quæ verba tibi dicta puta, eaque intellige partim de violatâ à te sæpius in sæculo D. Dei lege, partim de legibus tui Ordinis, nunc sæpe non seruati solitis. Et ex utroque sensu pios elice affectus doloris, confusionis, deprecationis, emendationis.

SABBATO.

Post Dominicam vigesimamtertiam à Pentecoste.
Et misericordia eius.

Primum Punctum. Considera primum gradum D. Dei misericordie, quam ostendit non petentibus, reuoca in memoriam tot conuersos ab infidelitate & vitâ malâ, ad fidem & pietatem, quorum accessione dilatata est omnibus seculis Ecclesia D. Dei. Gratulare eis in spiritu: gratias age Diuinæ Bonitati, & vide quomodo operè demonstrare debeas viscera charitatis & misericordie, erga non petentes eam, vt Domino tuo te conformes.

Secundum Punctum. Considera secundum gradum Diuinæ misericordie, quam exhibet positiuè indignis, ob tot scelera, quæ magna sunt impedimenta. Vnum ex his te quoque agnosce gratulare tibi, dole quod sint tot homines quantum est in ipsis, Diuinæ misericordie aditum præcludentes, pete à Domino, vt vincat suâ misericordie hominum indignitatem, & vide quibus in rebus debeas ostendere misericordiam tuâ erga offedentes te, & eâ indignos.

Lancicij Opus. Tom. 2.

Tertium Punctum. Considera tertium gradum Diuinæ misericordie quam demonstrat etiam erga illos, qui eius misericordie abutuntur, & in spem misericordie peccant, & beneficia accepta ex eius misericordie, perdunt suâ culpâ. An tu fueris, vel sis eorum è numero, vide, & affectus similes prioribus in te excita.

Quartum Punctum. Considera quartum modum Diuinæ misericordie quam iis quoque communicat, quos præuidet non esse saluandos ipsorum culpâ, quæ misericordie maior est omnibus præteritis. Compatere talibus: gratias age Domino pro tantâ clementiâ, roga eum ne sis istorum è numero, & discce benefacere iis, qui nolunt vt tuis beneficiis. Discce inuare etiam tales, laborate etiam pro talibus, quibus tui labores non sunt, ipsorum vitio profuturi, & à Beatissima Virgine pete, vt similes misericordie gradus erga illos impetret tibi.

DOMINICA VIGESIMAQUARTA
A Pentecoste.

Primum Punctum. Considera peruersa humana iudicia, quæ & Christo D. non pepererunt etiam in amicis eius, qui exierunt tenere eum: dicebant enim quoniam in furorem versus est. Si ergo Christus amicorum grauem censuram non effugit, qui tamen fuit sanctissimus & circumspexitissimus in omnibus, quid mirum eius seruos iniquè damnari? Vide ne tu id facias aliis. Si facis, desce, & caue. Quod si quid pateris iniuste age ardentissimas gratias, quia est magnum signum electionis diuinæ, talia sine iustâ causâ datâ, pati ab aliis.

Secundum Punctum. Considera grauiorem adhuc censuram Scribarum, quoniam (inquiunt) Beelzebub habet, & in Principe demoniorum eiecit demonia. Compatere Christo D. innocenti, affectus contrarios elicias, adora vt verum D. Deum, qui hæc & plura possit, innatâ virtute, & omnes tuas iniurias confer cum istâ, & agnoscens longè minores esse, noli tristari, noli conqueri, noli irasci aliis, noli mutare bona proposita, noli querere vindictam, sed tace, & Diuino iudicio contentus esto; quin potius ardentè desiderata tales cruces pro Domino tuo, plures, & grauiores, & sine vllâ consolatione.

Tertium Punctum. Considera Christi D. modestiam, & patientiam in refutandis scribis; nil acerbum, nil pungens dixit initio, sed ratione modestâ eos à iudicio sinistro liberare conatur. *Quomodo, inquit potest Sathanas Sathanam eicere: & si regnum in se diuidatur, non potest regnum illud stare.* Discce hinc, quomodo debeas respondere, non tantum non lædentibus te, sed etiam lædentibus, & inculatâ tuâ frequenti impatienciâ, propone seriam emendationem.

Quartum Punctum. Considera illa Christi D. verba: *Qui non est mecum, contra me est: & qui non*

congregat mecum, spargit: quod tum aliis modis potest intelligi, tum hoc, quod in peccata Christo Domino contraria, idem labimur, quia non habemus unitum cor per mentis coniunctionem, & per affectum ad eum, & res eius, ideoque merita non congregamus sed dispergimus, sine vlllo lucro & fructu æternitatis. Hæc ponderans pete à Christo Domino, vt te uniturus sibi per Eucharistiæ summptionem, totaliter etiam transferat ad se, & res suas, affectum tuum, vt cum illo sis semper, nunquam contra illum, saltem deliberatè.

FERIA SECUNDA.

Post Dominicam vigesimamquartam à Pentecoste.

Primum Punctum. Considera Christi Domini verba ad Iudæos: *Quid me queritis interficere?* Et applica tibi tum in seculo existenti (vbi eum sæpè spiritualiter crucifigebas, non tantum volebas erucifigere) tum tibi nunc per peccata venialia, viam sternenti ad mortalia, quæ interficiant Christum D. in anima, & affectus doloris, compunctionis, humiliationis, emendationisque propostia elicias.

Secundum Punctum. Considera impium Iudæorum responsum: *Demonium habes, quis te querit interficere?* Ad quod Dominus tuus, ne verbum quidem protulit acerbius, nec gestu saltem aut mutatione vultus, aut taciturnitate ostendit animi commotionem. Disce hinc, quomodo te capti tuo, auditu conuictis, conformare debeas, & quas ob causas, & desse tum contumelias, conuitiaque quibus alios laceffis more Iudæico, tum frequentem animi tui impatientiam.

Tertium Punctum. Considera alia Christi Domini verba: *Mihi indignamini quia totum hominem sanum feci in Sabbatho?* Et vide quam sæpe & tu indigneris tum Superioribus, tum æqualibus, dum te debitis & vilitatis in Religione quavis, immo in omni bona Republica etiam Ethnicorum, modis, à vitis tuis abstrahunt, ea vel indicando maioribus, vel corrigendo. Cuius rei iniquitatem agnosces, si perpenderis peiores esse animi quam corporis morbos, tamen si hi tuis maioribus manifestantur, si curatio etiam difficilis adhibetur, non indignaris. Ergo ne anima tua, Christi Domini sanguine redempta, Domini Dei visioni in cælis destinata, sedes ipsius Domini Dei, peioris apud te conditionis erit, sacco vermium, cloaca corporis tui foedissimi? Confundere, deplora, & emenda stultitiam & cæcitatem tuam.

Quartum Punctum. Considera alia Christi Domini verba: *Nolite iudicare secundum faciem, sed iustum iudicium iudicate*: quasi iustum esse

nequeat, si fiat secundum faciem. Hic etiam sinistra tua de omni genere personarum iudicia, nullis nixa certis signis, & agnitis in illis multorum periculo malorum, ea ne in posterum admittas, diligenter caue, & de admittis veniam à D. Deo, & ab eorum Angelis cultodibus, quos condemnasti pete.

FERIA TERTIA.

Post Dominicam vigesimamquartam à Pentecoste.

Primum Punctum. Considera malitiam Iudæorum accusantium ad alteram non animo eam corrigendi, sed tentandi & accusandi Christum Dominum. Tu vide quo animo suscipias aliorum accusationes, quæ verborum multitudine vel paucitate, quæ item occasione. Et consideratis his rebus, si quidem emendatione dignum est, deplora & emenda, vel si quid emendatione opus non habet, D. Deo gratias age.

Secundum Punctum. Considera Christi Domini clementiam, qui noluit statim condemnare mulierem, quamvis certè sciret eam esse condemnatione dignam; quamvis instarent personæ publicæ & granitima, quamvis ipse esset Iudæorum & mortuorum, cui hoc incumbat ex officio. Cur ergo tu sæpe condemnas mente, vel ore aliorum facta, sæpe non mala, sæpe bona, non tantum æqualium, sed etiam te maiorum? Cur vsurpas Domini Dei officium? perpende quàm fæda sit res hæc, quàm noxia communitati, & desisteris multis hac in parte tuis excessibus, indue viscera Christi Domini & omnia quantum potes excusa & defende.

Tertium Punctum. Considera causas piæ, ob quas Christus D. ante datum accusatoribus responsum, digito scriberet in terra. Et inquire pio non curioso affectu, quid tunc scriberet, ac ex singulis decerpe aliquid pro morum tuorum institutione.

Quartum Punctum. Considera prudentem Christi Domini clementiam, qui malignos accusatores volens corrigere, abstinuit ab acrimoniâ verborum, sed modeste accusationem importunam represit simulque peccatricem procul dubio penitentem, iam descendit: *Qui sine peccato vestrum est, inquit, primus in illam lapidem mittat.* Hic ex initio corde ardentem age gratias Domino tuo, qui in personâ adulteræ, ostendit benignum Paternæ commiserationis affectum, erga peccatores penitentiam agentes, simulque dilice, tunc fore tibi liberum condemnare etiam manifestos delinquentes, quando sine peccato eris, quando trabes in oculis tuis non habebis. Nunc quia talis non es, stude bene

interpretari omnia. Quod si non potes, compatere saltem, & condemnare noli, si ad hoc officio publico non adigeris.

FERIA QVARTA.

Post Dominicam vigesimamquartam à Pentecoste.

Primum Punctum. Considera initium sermonis Domini Iesu ad mulierem peccatricem: *Mulier, ubi sunt qui te accusabant; Nemo te condemnauit: Quae dixit: Nemo Domine;* In quibus verbis, considera felicem statum animae tuae, ex misericordiâ Domini tui. Nam sæpe & tu ob peccata præterita, multos habebas te accusantes, coram iusto iudicio D. Dei, scilicet demones, complices peccatorum tuorum, eos quos induxisti ad malum, denique conscientiam propriam. Deletis autem per Sacramenta peccatis, nemo est qui te condemnet. Gratias igitur age Domino liberatori tuo, detestare scelera præterita, pete gratiam ne relabaris, sed potius vitâ sanctâ compenses præteritam improbitatem tuam.

Secundum Punctum. Considera finem sermonis Domini Iesu ad peccatricem: *Nec ego te condemnabo, vade, & iam amplius noli peccare.* Idem tibi dici nunc à D. Deo è caelis puta, si non vis enim condemnari post deleta per Sacramenta peccata. Noli amplius peccare. Quod an facias, & quomodo facias, quomodoque vitas ea, quæ ad peccata disponunt, considera, & te emendare stude.

Tertium Punctum. Considera illa Christi D. verba: *Ego sum lux mundi: Qui sequitur me, non ambulat in tenebris, sed habebit lumen vitæ.* In his autem verbis perpende quid sit Christum D. vt lucem mundi sequi, quid sit non ambulare in tenebris, scilicet fugere oculos hominum, occultare non occultanda, & his similia, quæ amant filij tenebrarum. Et ex singulis decerpe aliqua, pro vitæ tuæ emendatione.

Quartum Punctum. Considera alia Christi D. ad perfidos Iudæos dicta, nolentes sequi monita ipsius. *Ego vado, & queretis me. & in peccato vestro moriemini. Quo ego vado vos non potestis venire. Quæ perpendens, excita in te timorem occultorum D. Dei iudiciorum, ne & tu ob tam tardam conuersionem tuam, ob negligi sæpe solita Christi D. consilia, & internas inspirationes, repellaris à Christo D. & in peccatis tuis moriaris. Quod ne fiat, non tantum ipsa lethalia peccata detestare & fuge, sed etiam omnem occasionem & viam ad illa.*

Lancicij Opus. Tom. 2.

FERIA QVINTA.

Post Dominicam vigesimamquartam à Pentecoste.

Primum Punctum. Considera illa verba Christi Domini ad Iudæos dicta: *Vos de deorsum estis, ego de supernis sum.* Et inquire num de supernis sis, num de deorsum. Quod facildè agnosces, si tua interna desideria, timores læticia, tristitia, odium, sermones, facta, sunt Christo Domino similia, an verò similia hominibus terrenis. Et prout in te inuenieris, ita accommodatos in te excita affectus, vel gratiarum actionis & D. Dei laudis, vel confusionis, doloris, emendationis.

Secundum Punctum. Considera alia Christi Domini verba iisdem dicta: *Multa habeo de vobis loqui & iudicare.* Et tibi dicta puta, atque à conscientia tuâ exquire: quæ sunt illa, quæ in te potest nunc meritò Dominus tuus iudicare, id est, condemnare, & quæ in te sint, scrutare, & numera cum interno sensu confusionis & doloris. Ne ergo in Domini Dei vltimum iudicium veniant, ea nunc abolere stude lachrymis, confessione, satisfactione, emendatione.

Tertium Punctum. Considera alia Christi Domini verba: *Ego quæ audiuit ab eo.* scilicet Patre, *hec loquor in mundo.* Tu vero quid coram domesticis, quid coram externis loquaris? quo fine? quomodo? quo fructu? quo effectu? quo exemplo? & si quidem emendandum est, emenda.

Quartum Punctum. Considera & illa Christi Domini verba: *Qui me misit mecum est, quia ego quæ placita sunt ei, facio semper.* Ex quibus discite modum habendi semper sibi præsentem Dominum Deum, per peculiarem benevolentia affectum: scilicet faciendo semper quæ ei sunt placita. Quod quas ob causas facere debeas, perpende, & ad talem viuendi modum te excita efficaciter, vt verè possis dicere, te semper facere quæ ei sunt placita: idque vt assequaris, gratiam à Domino Deo pete.

FERIA SEXTA.

Post Dominicam vigesimamquartam à Pentecoste.

Primum Punctum. Considera illa Christi Domini verba ad Iudæos conuersos dicta: *Sed manseritis in sermone meo, verè discipuli mei eritis & cognoscetis veritatem, & veritas liberabit vos.* Quæ ad te dicta puta, tibi que applica, pòderato sensu singulorum, vt ita excites efficacè desiderium

A a a 3 rium

rium seruandi sermones Domini, & hac viâ asequaris liberationem ab iis rebus à quibus sunt liberati seruentis serui D. Dei.

Secundum Punctum. Considera effectum peccati illis verbis Christi D. expressum: *Qui facit peccatum, seruus est peccati, seruus autem non manet in domo in aeternum.* Tu inquirere an peccatum facias, & sis seruus eius. Quod si non facis, magnas age gratias Domino tuo, roga ne excidas à seruitio eius, & præterita desle peccata, vt fletu pœnas illis debitas aboleas. Quod si adhuc peccatis seculi obnoxius es, erubescere tanquam indignus domo filiorum D. Dei, sed odore replens Sanctuarium Domini Dei, & desine tandem esse seruus diaboli, vt sis Christi Domini, ne à caelesti domo, quæ filiorum est, excludaris.

Tertium Punctum. Considera & illa Christi Domini verba: *Si filij Abrahæ estis, facite opera Abrahæ;* eaque tibi accomoda, excitando te ad faciendâ opera Patrum tuorum, tum communium cum omnibus Christianis ac Religiosis, scilicet Prophetarum & Apostolorum, tum propriorum, scilicet fundatorum tui Ordinis. Examina ergo omnia opera tua interna & externa, an talia sint, qualia fuerunt præcipua opera Patrum tuorum, notatisque præteritis defectibus, eos corrigere stude.

Quartum Punctum. Considera illa Christi Domini verba: *Si Deus Pater vester esset, diligereis me.* Quibus verbis ostendit, eos non esse filios Patris caelestis, qui non diligunt Christum D. Examina igitur te, an Christum D. diligas. Quod inde agnosces, si in te reperiuntur illa dilectionis signa, quæ reperiuntur in dilectione alicuius tui chari socij.

S A B B A T O.

Post Dominicam vigesimamquartam à Pentecoste.

Et misericordia eius à progenie in progenies timentibus eum.

Primum Punctum. Considera primam misericordiam, quam ostendit erga timentes le Dominus, quia facilius & citius eorum peccata dimittit etiam grauiâ (si quod absit) in ea labatur aliquando, vt contigit Dauidi & Petro, sed maxime leuia, ad quæ delenda excitat in timētibuseum ardentissimos actus pœnitentiæ, amoris, religionis, indifferentiæ, amoris inimicorum, & alias satisfactiones, quibus anima à vitiiis purgatur. Tu an hoc in te sentias, an coopereris D. Deo, examina te, & vide quid tibi sit necessarium, vt hanc in te misericordiam experiaris.

Secundum Punctum. Considera secundam D. Dei misericordiam erga timentes eum, sitam in profectu veloci & sensibili, eorum in

virtutibus, & tali, vt eum etiam agnoscant in se, per interualla temporum, idque cum profundâ humilitate. Hanc misericordiam an in te agnoscas vide, & simul inquirere causas, si non vides velocem & notabilem in te profectum humilia te, peteque à D. Deo hanc misericordiam, ideoque impedimenta eius amoue.

Tertium Punctum. Considera tertiam D. Dei misericordiam erga timentes eum, sitam in facili exauditione precum illorum: *Oculi Domini super timentes eum, & aures eius in preces eorum.* Hoc an experiare, & an etiam tuæ orationes sint tales, quæ id mereantur considerare, & tales quæ exauditione sint dignæ, adhibete stude.

Quartum Punctum. Considera quartam D. Dei misericordiam erga timentes eum, in eo positam, quod non tantum ipsi proficiant, sed alios quoque iuuent ad profectum, & D. Dei gloriam cæteris magis dilatant. Hoc nam tibi conueniat, vide, si non conuenit, quid impedimento sit, circumspice, & à Beatissima Virgine D. Dei, te participem faciat, ante omnia autem dispositionem ad eam impetret ardentem, scilicet filialem D. Dei timorem.

DOMINICA VIGESIMAQUINTA.

Post Pentecosten.

Primum Punctum. Considera non bonos sermones dari à Christo D. pro signo vitæ non bonæ. *Quomodo inquit, potest bona loqui, cum sit malus?* Hæc pondera, & agnosces, non paruum esse malum, nec parui mali indicium, terminem malum vel non bonum. Et videas an tales allocutores prensare debeas, & eos iuuare in similibus colloquiis.

Secundum Punctum. Considera causam quâ Christus D. dat sui dicti: *Ex abundantia enim cordis os loquitur.* Eam perpende, & inquirere, quâ te cor tuum sit abundans, & cum illud D. Deo consecraveris, vide num Domino Deo sit plenius, an rebus aliis, & quid te facere deceat agnosce, & statue.

Tertium Punctum. Considera adhuc aliam confirmationem eiusdem dicti: *Bonus homo de bono thesauro profert bona, & malus homo de malo thesauro profert mala,* & qualitatem tui thesauri introspecte, quæ si bona est, exulta, & Domino Deo gratias age; si mala, consule rebus tuis.

Quartum Punctum. Considera nominatim à Christo D. improbari, idque cum efficacia verborum, otiosa colloquia: *Dico autem vobis, quoniam omne verbum otiosum quod locuti fuerint, homines, reddent rationem de eo in die iudicij. Ex verbis enim tuis iustificaberis, & ex verbis tuis condemnaberis.* Si ergo etiam vnum verbum otiosum erit materia Diuini & publici coram toto mundo

mundo audiente iudicij, quid multa verba quid multa colloquia? quid ordinaria talia otiosa? & hæc illa lingua audebit infuturare, illo ore, quod toties tangit & recipit filij Dei corpus, os illud & linguam sacrosanctam, quæ nullo verbo Patrem cælestem offendit. Erubescere, deplora os tuum impudens, quod sæpè pollutum applicas diuinis epulis, & te emenda.

FERIA SECUNDA.

Post Dominicam vigesimam quintam à Pentecoste.

Primum Punctum. Considera innocentiam Christi Domini qui mendacibus Iudæis, calumniandi spiritu plenis omnia Christi Domini dicta & facta malignè obseruantibus, ut innocentissimus dicere non timuit: *Quis ex vobis arguet me de peccato*: id est, vel de vno solo. Hanc viuendi formam tibi præscribit, ita ut viuas, ne etiam inimici tui, quicquam notare possint in te reprehensione dignum. Talis animus, te introspecte, & annotatis præcipuis rebus, quas conscientia indice agnosces in te reprehendi posse, eas emendate stude.

Secundum Punctum. Considera Christi Domini exhortationem: *Si veritatem dico vobis, quare non creditis mihi*. Vbi considera, quàm male fecerint Iudæi, Christo non credendò, sed multò peius tu, qui Christum Dominum nouisti melius, qui eius doctrinæ certitudinem perspectam habes, & tamen factis ostendis, te ei non credere, quia facis quæ vetuit, non facis quæ iussit, non curas quæ commendauit. Hoc verumne sit inquire, examinando mores tuos, ideoque veniam pete & te emenda.

Tertium Punctum. Considera felicitatem eorum, qui libenter audiunt sermones pios: *Qui ex Deo est, verba Dei audit*: *Propterea vos non audistis, quia ex Deo non estis*. Pondera singula, & benè menti imprime, & aliquas huius rei causas inuestiga, & facta ad te reflexione, an libenter talia audias & loquaris necne, statue quid tibi sit faciendum.

Quartum Punctum. Considera blasphemiam Iudæorum contra Christum Dominum eructatam: *Nomine benè dicimus nos, quia Samaritanus es tu, & demonium habes*: à Christo Domino tamen mansuetè toleratam. Tu hic omnes iniurias tuas & conuitia collige in vnum, & vide quàm multò leuiores sint hac iniuriâ Christi Domini. Cur ergo non fers æquo animo, si vel modicum verbulo alterius pungaris? D. Deus in carne grauiora patitur, & tu toties promeritus inferni pœnas, nil vis audire acerbius? Confundere, dolo, & firmo animi decreto promitte Domino tuo eius imitationem.

FERIA TERTIA.

Post Dominicam vigesimam quintam à Pentecoste.

Primum Punctum. Considera Christi Domini occupationes in hac vitâ his verbis expressas: *Me oportet operari opera eius qui misit me, donec dies est*. Semper enim operabatur opera D. Dei. Tu qui vis haberi membrum eius, & seruus eius, examina opera tua, an talia sint quæ mereantur vocari opera D. Dei, & cum sit in potestate tua, Domino Deo iuuante ita viuere, ut semper opereris opera Domini Dei, exquire à te ipso causas, cur nolis ita viuere, cum hoc sit & magna utilitas tua, & magnus honor tuus, & quod magis æstimandum est, magnus honor Domini Dei.

Secundum Punctum. Considera statum tuum post mortem, illis Christi Domini verbis explicatum: *Venit nox, quando nemo potest operari*. Tunc enim non poteris operibus tuis & purgare mentem tuam à peccatis, & mereri quicquam apud Dominum Deum. Et tamè si nunc es in eo statu, velles vtrumque posse. Resolue te igitur ad ælem vitam, ut quamdiu viuus hæc pro bono animæ tuæ perficias, quæ post mortem perfecta velles.

Tertium Punctum. Considera obligationem tuam mundum iuuandi, quæ talis est, ut ad Christi Domini similitudinem tibi hoc conuenire possit, quod ipse de se dicebat: *Quamdiu sum in mundo, lux sum mundi*. Vide ergo quomodo luceas verbis, factis, domi & foris, in templo, in Schola, ubique. Quod si fortè tenebris magis similior es quàm luci, dolo, veniam pete, & te emenda.

Quartum Punctum. Considera modos, quibus Christus Dominus est lux mundi, & fuit dum viueret: tum quoad Diuinitatem suam, tum quoad humanitatem: & ex singulis rebus, factâ ad te moresequè tuos reflexione, elicias pios deuotionis & emendationis affectus.

FERIA QUARTA.

Post Dominicam vigesimam quintam à Pentecoste.

Primum Punctum. Considera ceremoniam quâ Christus Dominus vsus est, ante illuminationem cæci nati: *Expuit in terram, fecit lutum ex spato & linxit lutum super oculos eius: & dixit ei, Vade laua in natatoria Siloe*. Quo facto Christus Dominus docuit, necessitatem humanæ cooperationis ad percipienda sua beneficia. Cum enim posset sine hoc medio cæcum illuminare, noluit. Quocirca satis non est, inuocare Dominum, ut adiuuet, nisi & ipse facias quod potes. Quod quomodo facias vide, & teporem tuum excita.

Secundum Punctum. Considera fructum obedientiae caeci nati, qui, ut lauit in natatoria Siloe, visum recuperavit. Habebat autem humanas rationes in contrarium, suadentes non securam curationem, quam tot alij ibi loti, & quidem luto non infecti, non sunt consecuti. Ita Dominus Deus prosperat eos, qui simpliciter sine politicis discursibus obediunt, & Divinae providentiae quam per suos Vicarios exercent, fidunt.

Tertium Punctum. Considera pessimum affectum Iudaeorum erga Christum Dominum qui nec caeco, nec eius parentibus credere volebant, eum à Christo Domino curatum. Hinc agnosce vim depravati affectus detestandam, quae etiam in rebus clarissimis obfuscat intellectum, ne eas cernat. Examina te, an in te sit aliquis talis affectus, qui res etiam bonas & necessarias, tanquam malas declinare, vel improbare cogat, & res veras negare, aut non credere adigat, & considerato multiplici periculo, serio te emendare stude.

Quartum Punctum. Considera pium affectum caeci à Christo Domino sanati. Nam & falsus est sine metu, coram inimicis Christi Domini quos videbat Christo Domino infensos, se à Christo Domino sanatum, Christi que defendit innocentiam: *Scimus, inquit, quia peccatores Deus non audit. Nisi hic esset à Deo, non poterat facere quicquam.* Gratulare Christo Domino hunc pium defensorem. Gaude intus ob Christum Dominum defensum. Disce non erubescere Christum Dominum defendendo res & personas bonas, dum audis eas malignè carpi, & caue ne id committas.

FERIA QUINTA.

Post Dominicam vigesimam quintam à Pentecoste.

Primum Punctum. Considera vilitatem vitae bonae à caeco curato commemoratam: *Si quis Dei cultor est & voluntatem eius facit, hunc exaudit.* Hoc quam verum sit perpende, adductis Sanctorum exemplis. Deinde vide, an & qualis sis Domini Dei cultor, an & quam perfectè Domini Dei voluntatem facias, ut agnoscas quantopere sperare possis tuarum precum exauditionem, & quid corrigere debeas, ut verus Domini Dei cultor censeare.

Secundum Punctum. Considera felicitatem caeci curati, qui ob defensionem Christi Domini à Iudaeis eiectionis erat foras. Vbi considera quam felix sit illa anima, quae in hac vita patitur Domini Dei causam adversam, & ponderatam multiplici huius rei vilitate, excita in te ardens desiderium crucis. Sed quid sperare possis de tua in rebus magnis patientia, agnosces ex modo, quo toleras ordinarias Religiosae vitae afflictiones,

Tertium Punctum. Considera Christi Domini liberalitatem, in compensanda eiectione huius caeci: *Ut enim audivit eum eiectionem, renuntiavit ei praecipuum mysterium, suae Divinitatis, & ad se adorandum perduxit.* Exarsces hic in Christi Domini amorem, qui nihil irremuneratum vult transire, sui causam factum, vel toleratum, & simul excita in te ardens desiderium quam plurima Domini Dei causam faciendi, ut donorum eius sis particeps.

Quartum Punctum. Considera poenam incredulorum & inobedientium, de quibus Christus Dominus dixit: *In iudicium ego in hunc mundum veni: ut qui non vident, videant, & qui vident caeci fiant.* Hinc fit, ut non raro tepidi Religiosi deficiant, expellanturque; mali saeculares convertantur & optimi evadant. Tu inquire an in te sint causae, ob quas illud timendum sit, & maturè remedia adhibe, ne repulsus à Christo Domino caecus fias.

FERIA SEXTA.

Post Dominicam vigesimam quintam à Pentecoste.

Primum Punctum. Considera multorum hypocrisis, quibus Christi Domini verba Phariseo dicta aptè quadrant: *Quid deservit calicis & catini, mundatis: quod autem intus est vestrum, plenum est rapina & iniquitate.* Hic perpende an interior animae tuae status, sit què Religiosus ac pius, uti eum exterius ostendis, ijs praefertim qui vel te non norunt, vel à quibus aestimari cupis. Quod si discrepat, cogita quam turpe sit quodam modo factis mentiri, & plaris facere humana iudicia, à quibus probari vis, quam Divina. Ideo detestare duplicitatem tuam.

Secundum Punctum. Considera vilitatem quam adfert Religiosae vitae Status ritè susceptus, scilicet pleam mundationem à peccatis. Nam si Christus Dominus hoc elemosynae tribuit: *Dare elemosynam & ecce omnia munda sunt vobis.* Multo magis id convenit Religioso statui quem eligens, non partem substantiae, sed totum cum seipso dat Domino Deo & relinquit. Gratias age igitur Domino pro tanto beneficio, & ita vivere stude, ne moribus tuis foedes hoc mundissimum vitae genus.

Tertium Punctum. Considera quantam humilitatem etiam externam exigit Christus Dominus, à suis, cuius defectum in Phariseis reprehendit, quod diligenter primas Cathedras in Synagogis, & salutationes in foro. Tu examina te, an sis obnoxius alicui exteriori fastui ab humilitate alieno, & si quid emendandum sit, emenda.

Quartum Punctum. Considera quam turpe sit, habere animam peccatis inquinatam, & exterius

Exteriùs bonitatem præferre. Cõparat enim tales Dominus monumentis plenis cadaveribus, quæ non apparent, & homines supra ambulantes nesciunt. Pondera infelicitatem talis animæ, de abolendâ internâ immunditiâ non sollicitæ, & da operam, ne talis sis, & si fuisti talis, deplora tuas præteritas miseras, & in futurum caue.

SABBATO.

Post Dominicam vigesimam quintam à Pentecoste.

Fecit potentiam in brachio suo.

Primum Punctum. Considera potentiam brachij Diuini, id est, virtutis eius in creatione tam multarum & excellentium rerum ex nihilo, & in hac infinitæ Domini Dei potentie ostensione, agnosce Domini Dei erga te charitatem, qui hæc omnia secundariò propter vsum tuum, & multa propter recreationem tuam creauit, simul considera, quomodo his rebus vsus sis, & vteris, & desletes multis peccatis tuis in abusu creature tuæ, vide quid faciendum tibi sit in posterum.

Secundum Punctum. Considera potentiam Diuini brachij, quam ostendit in lege veteri, tot mirabilia patrando, in gratiam suorum, vt illos ex Ægypto educeret, & in locis commodis collocaret. Gratiâ age pro tanta charitate & timere, ne & te ob tuas culpas abiciat, sicut abiecit Iudæos olim ad eò sibi caros.

Tertium Punctum. Considera potentiam brachij Diuini quam ostendit in B. Virgine, faciendo eam Matrem sine humanâ operâ, & cum integritate Virginitatis, & præseruando eam ab omni culpa originali & actuali. Adora hanc Domini Dei bonitatem, gratias age pro his Matris tuæ beneficijs, & pete vt aliquâ parte ei te similem reddat, idem Domini Dei potens brachium, vt scilicet raro & leuissimè pecces, & peccati culpam & obligationem pœnæ non diu retineas, & sine vtraque hinc migres, rectâ ad cælum.

Quartum Punctum. Considera potentiam brachij Diuini, in conuertendis tot obstinatis peccatoribus, in sanctificandis tot imperfectis, in communicandis donis innumeris, virtute Sacramentorum, quorum materia & forma per se sunt ad eò imbecilles in naturali suâ Entitate. Admirare hanc Domini Dei virtutem, & eam extolle, & toga, vt in actu secundo in te eam ostendat copiosissimè, communicando tibi quàm plurima, & quàm maxima gratiæ & gloriæ dona, vt Matri tuæ vis plenè sis simillimus, & Christo Domino fratri tuo dilectissimo.

DOMINICA VIGESIMASEXTA.

à Pentecoste.

Primum Punctum. Considera quantum sit malum, Christum Dominum docentem non audire: *Viri Niniuite surgent in iudicio cum generatione ista & condemnabunt eam, quia penitentiam egerunt in prædicatione Iona, & ecce plus quàm Iona hic.* Applica tibi hæc verba, qui sapius Christi Domini inspirationes audiens, non vitas vitanda, non facis faciendâ, & quidem faciliora, quàm fuerint illa ad quæ Iudæi increduli, Christi Domini prædicatione trahebantur, ideoque proponere emendationem, annotatis frequentioribus inspirationibus executioni mandandis.

Secundum Punctum. Considera quàm auidè quætere debeas Christi Domini sapientiam, quàm suis suppeditat, in diligenti oratione, lectione spirituali & colloquio cum Patribus Spiritualibus ac Superioribus, proposito pet Christum Dominum exemplo Regiæ Austriæ, quæ venit à finibus terre, audire sapientiam Salomonis, & ecce plusquam Salomon hic, & tibi hoc ad exemplum dictum puta.

Tertium Punctum. Considera causas, ob quas maiore desiderio ferri debeas, ad SS. Eucharistiam tum adorandam, tum percipiendam, tum ei assistendum, quàm habuit Regina Austriæ, ad ad eundem Salomonem, magno sumptu & labore suscepto. Et tale desiderium, semper habere & nutrire stude. Quod si eo careas, doleas & erubescas.

Quartum Punctum. Considera impedimenta ob quæ non sentis tantum desiderium Christi in Eucharistia, quantum sentis, vel videndi vel audiendi aliquid curiosum, quantum ad otium, ad recreationes, & his similia. Et eos excita affectus hac consideratione, quibus & desleas impudentiam tuam, Christumque Dominum quem tam parui facis, tibi placatum reddas, & emendes te ipsum.

FERIA SECUNDA.

Post Dominicam vigesimam sextam à Pentecoste.

Primum Punctum. Considera veritatem illius Christi Domini sententiæ: *Nihil opertum quod non reueletur, neque absconditum quod non sciatur.* Quæ vera est & in malis & in bonis. Nam experientia quotidiana ostendit, mala quàmuis occultentur ab improbis omni artificio: tamen suo tempore detegentur, vti & iniuriæ, quas boni patuntur, apparebunt tales, quicquid faciant aduersarij. Vnde resolue te nil mali occultare, & sperare Diuinum auxilium dum tua innocentia vim patitur.

Secundum

Secundum Punctum. Considera quàm debeas esse secretus in non manifestandis iis rebus, quas scire non expedit quibusvis. Ordinariè enim contingit talibus, quod Christus Dominus prædixit: *Quæ in tenebris dixisti, in lumine dicentur.* Quin potiùs, secreta tua illis reuela, quibus id ex officio incumbit scire. Et causas ac utilitates tum politicas, tum spirituales huius rei perpende, & ad magnam sinceritatem cum ijs te excita.

Tertium Punctum. Considera felicitatem feruorum Christi Domini qui nil timere debent ab inimicis: *Ne terreamini ab his qui occidunt corpus, & post hac non habent amplius quid faciant.* Exemplis enim feruorum Domini Dei, & Dei propensione erga suos, id agnosces. Da igitur operam, vt talis sis, & ita placeas Domino Deo, vt dignus sis eius patrocinio.

Quartum Punctum. Considera causas, ob quas timeodas sit tibi Dominus Deus: *Time te eum inquit Christus Dominus, qui postquam occiderit, habet potestatem mittere in gehennam.* Vide ergo an in tuâ conscientia & vitâ sint causæ huiusmodi vel fuerint: & si fuerint, an sint sublata, ob quas meritò gehennam timere vel non timere possis, & tempestiuè rebus tuis consule.

FERIA TERTIA.

Post Dominicam vigesimam sextam à Pentecoste.

Primum Punctum. Considera miram Domini Dei benignitatem erga suos his verbis expressam: *Nonne quinque passeris veneunt dispono, & vnus ex illis non est in oblivione coram Domino Deo: Sed & capilli capitis vestri omnes numerati sunt.* Nolite ergo timere, multu passeribus pluris estis vos. Et quia non omnibus Christianis Dominus æquè est addictus, sed magis virtute maiore præditis, vt pat est, vide an eorum sis è numero, qui ita sint Domino Deo cordi, & si quid ex parte tua obstat, amouere stude.

Secundum Punctum. Considera fructum virtutis Christum Dominum non erubescens. *Quicumque confessus fuerit me coram hominibus, & filius hominis confitebitur illum coram Angelis Dei.* Inquire igitur an Christum Dominum coram hominibus confitearis. Non confiteris autem, si erubescis ea dicere vel facere, quæ ipsi sunt grata, & si non erubescis ea quæ exosa sunt Christo Domino. Et hinc collige, quid tibi sit à Christo Domino expectandum.

Tertium Punctum. Considera quàm debeas semper esse ad moriendum benè paratus, ne tibi de longiore vitâ cogitanti, & emendationem differenti, contingat audire illud: *Stulte hac nocte animam tuam repetent à te, quæ autem parasti ei non erunt.* Ideò examina te, an habeas

omnia parata ad benè moriendum necessaria. Et si quid deest, acquirere stude.

Quartum Punctum. Considera stultitiam eius hominis, de quo Christi Domini verba illa sunt prolata: *Qui sibi thesaurizat; & non est in Deum diues.* Quod agnosces ex enumeratis omnibus diei occupationibus, in quibus versaris, si inueneris eas cedere in Domini Dei honorè, non in merum commodum tuum; si inueneris te libentiùs occupari rebus, Domini Deum immediatè spectantibus, quàm rebus alijs. Quod si contrarium repereris, erubescere, veniam deprecare, & te emenda.

FERIA QUARTA.

Post Dominicam vigesimam sextam à Pentecoste.

Primum Punctum. Considera quàm exiguam curam velit nos habere Dominus Deus rerum temporalium: *Nolite solliciti esse, quid manducetis & quid induamini.* Quod an oblectes vide, vel an potius magis de pascendo & de vestiendo corpore, quàm de anima sis sollicitus, inquire, & tamen *anima*, inquit Christus Dominus *est plus quàm esca.* Quod quàm turpe sit, Religioso præsertim, perpende, adductis variis causis: & si quid corrigendum sit, corrige.

Secundum Punctum. Considera miram Domini Dei benignitatem in pascendis auitolis ad tuam vel recreationem, vel utilitatem creatis. *Considerate*, inquit, *coruos, quia non seminant neque metunt quibus non est cellarium neque horreum, & Deus pascit illos.* Quod filiali ac tenero affectu ponderans, D. Deo gratias age, quod tui causâ etiam eis rebus benè faciat, ita ne fame pereant. Et hinc magnam concipito fiduciam de Diuinis auxilijs, nunquam tibi delicturis, nisi tu ipse Dominum Deum impedas.

Tertium Punctum. Considera quantopere tibi cordi debeat esse humilitas: *Nolite*, inquit, *in sublime tolli.* Talis an sis vide, vt rum sis, agnosces ex sermonibus de rebus tuis, ex cogitationibus circa officia tua futura, ex maioribus tuis, ex desiderijs, procurationibus officiorum speciosorum, vel fugâ occupationum quarundam vilium. Ex alterâ parte inquire causas, ob quas non deberes in sublime tolli. Agnosce superbiam tuam & desce, & te emenda.

Quartum Punctum. Considera causas cur primo loco habenda sit maxima omnium ratio, cæli, quàm rerum terrenarum: *Quarite*, inquit, *primum regnum Dei & iustitiam eius.* Et cum magnâ confusione & detestatione caritatis tuæ, deplora stultitiam, immò impudentiam tuam, qui sepiùs, diutiùs, libentiùs, constantius, efficacius, quæris terrenas res, sermones, occupationes, quàm illas quæ directè ad Dominum Deum tendunt, & regnum cælestè. Quò ergo

fronte audes coram Domino Deo comparere, tam modicum vel ferè nullam sentiens in te rerum celestium famem & sitim. Et tamen idem Religionem ingressus es, mundam vt relinqueres; vt cœlum quæreres; vt Domino Deo ac Diuinis rebus te immergeres.

FERIA QUINTA.

Post Dominicam vigesimam sextam à Pentecoste.

Primum Punctum. Considera causas ob quas Christus Dominus Discipulos suos appellauit, *pulsillum gregem*, easque Religionis tuæ applica, & vt suo modo tu quoque pulsillus sis in conspectu Domini Dei, & dignus grege pulillo censaris stude, & an sis, ac quàm ob causam non sis, vide, & eam remouere conare.

Secundum Punctum. Considera causas, quæ tibi in hoc Religioso statu certam spem salutis adferre possunt. *Complacuit Patri vestro dare vobis Regnum.* Ex altera parte inquire diligenter, ne fortè sit aliquid in te, quod culpâ tuâ hanc spem tollere vel vocare in dubium possit. Et gratis actis pro vocatione ad Statum Religiosum salutem adferentem, salutis impedimenta si quæ sunt, à te amouere stude.

Tertium Punctum. Considera causas, ob quas sedulo procurare, debes *thesaurum non deficientem in cœlo, quo fur non appropriat, neque tinea corrumpit*; & quàm auide, quàm diligenter, quàm assidue quàm constanter illum procures, vide. Quod si secus facias, confundere, dole, & tuum teporem accende.

Quartum Punctum. Considera quâ in re collocatum habes thesaurum tuum. Quod agnosces ex Christi Domini verbis: *Vbi thesaurus vester est, ibi & cor vestrum erit.* Et hinc decerpe, quâ in te debeas habere depositum thesaurum tuum, & affectus cordis tui.

FERIA SEXTA.

Post Dominicam vigesimam sextam à Pentecoste.

Primum Punctum. Considera quid sit habere *lumbos praecinctos, & lucernas ardentes in manibus nostris*, quod est officium bonorum sequorum; & an in te sit hoc, inquire, quod si non est, dole, & te emenda.

Secundum Punctum. Considera vigilantiam, quàm habere debemus, expectando Dominum nostrum, quando veniat & paret ad nos, quod facit in hora mortis. Quod ex duobus agnosces. *Primo*, Ex conscientia bonæ tranquillitate, quàm qui habent, non timent, sed expectant & optant aduentum Domini sui. *Secundo*, Ex crebrâ & practicâ cogitatione de hoc

optato aduentu, & si quid horum tibi deest, acquirere sine mora stude.

Tertium Punctum. Considera felicitatem multiplicem & præsentem & futuram; quàm habent vigilantes serui Domini Dei. *Beati serui illi quos cum venerit Dominus, inuenerit vigilantes.* Et vt sis eorum è numero, submouere impedimenta stude, & si non es (statu tuo) deplorato) vt sis, serio conare.

Quartum Punctum. Considera magnum honorem quo Sancti in cœlo replebuntur, more humano expressum à Christo Domino. *Amen dico vobis quod praecinet se & faciet illos discumbere & transiens ministrabit illis.* Ex altera parte confer commoda huius vitæ, ob quæ vel Dominum Deum offendis, vel non tantum accumulâs gloriæ cœlestis gradus quantum posses. Et agnitâ stoliditate tuâ, eam emenda, à Deoque vepiam postula, quod pluris facias mundi commoda, quàm illos quos Dominus Deus suis offert honores in cœlo.

SABBATO.

Post Dominicam vigesimam sextam à Pentecoste.

Dispersit superbos mente cordis sui.

Primum Punctum. Considera malum quod sequitur superbiam superbiorum, quia D. Deus eos dissipat qui sui cordis consilijs superbis D. Deum offendunt; quod est superbitate mentis cordis sui. Hoc patuit in peccato Luciferi & in Adamo, cuius inobediencia ex superbiâ artum habuit. Cum ergo tu non scias in præsentis tuo statu, te æquè Domino Deo gratum esse ac erat Lucifer, & Adam ante peccatum, nec tot Domini Dei donis ornatum, vide quantopere metuere debeas, ne per superbiam excidas ex gratia Domini Dei.

Secundum Punctum. Considera causam ob quàm Beatissima Virgo dixit, à Domino Deo superbos non destruendos, non debellandos non humiliandos, sed *dispersos iri*, & ponderatis conditionibus earum rerum quæ solent dispergi, & ad superbiorum delineationes applicatis, decerpe aliqua documenta ad detestationem superbiam.

Tertium Punctum. Considera superbiam actum esse præcipuum, appetitum peruersæ excellentiæ seu celsitudinis, id est, indebitæ super alios supereminentiæ, quod in variis rebus potest contingere. Tu scrutare appetitus tuos, & examina cogitationes ac desideria circa occupationes præsertim publicas, in Scholis, in Cathedralis, &c. etsi quid inordinatum repereris resecta exemplo Domini tui, qui *cum in forma Domini Dei esset, exinanivit semetipsum formam serui accipiens.*

Quartum Punctum. Considera alterum superbiam actum esse, dum non contentus propriæ excellentiæ

excellentiæ appetit, etiam alios contemnit, vel contemni vult, & suas res indebitè præferri rebus aliorum. Hoc etiam examina & ponderatis iterum his verbis *Disperse superbos*, &c. discè à Christo Domino esse mitis & humilis corde.

DOMINICA VIGESIMASEPTIMA.

Post Pentecosten.

Primum Punctum. Considera verba pia illius mulieris ad Christum Dominum dicta: *Beatus veniet qui te portavit, & vbera qua suxisti, & ponderato hoc Christi Domini cõcepti domicilio, atque hoc eius alimento, vide quale debeas habere cor, ut Christum Dominum in Eucharistia dignè recipias, & quasi intra te concipias.*

Secundum Punctum. Considera Christi Domini responsum: *Quinimò Beati qui audiunt verbum Dei & custodiunt*: quo ut notat S. Augustinus, ostendit inelus esse verbum Domini Dei custodire & exequi, quàm esse Dei Matrem. Examina ergo te, quomodo illud & antea in sæculo custodiisti, & hic custodis, & varios affectus pios excita, doloris, gratiarum actionis & similes.

Tertium Punctum. Considera quàm magnam vim habeat Sanctissima Eucharistia dignè suscepta, ad hoc ut te faciat custodire exactè verbum Dei, qua in te ramen cuius delinquas, inculca te ipsum, dole, & emenda.

Quartum Punctum. Considera quanta sit felicitas, tam sæpè Christum Dominum in Eucharistia suscipere, & quare causas, ob quas inuenias verè quibusdam in rebus hoc esse maius beneficium, quàm fuerit conceptio Christi Domini Matri Sanctissimæ diuinitus concessa. Ideo exardesce diuinâ charitate, age feruentissimas ei gratias, & talem vitam inchoa, in qua appareat, te verè & vtiliter pasci & nutriti tali cibo, qui Deus sit, & fons omnis virtutis, perfectionis & sanctitatis.

FERIA SECUNDA.

Post Dominicam vigesimaseptimam à Pentecoste.

Primum Punctum. Considera causas ob quas magis timere debeas iudicium Domini Dei, quàm aduentum furis timere debent patresfamilias. *Hoc, inquit, Dominus scitote, quoniam si sciret paterfamilias quâ horâ fur veniret, vigilaret vtiq; & non sineret perfodi domum suam.* An autem ita timeas Domini Dei iudicis aduentum toties peccatis tuis irritati, vti timeri solet aduentus inimici, perpende, & agnitâ tuâ cæcitate, qui maiora pericula & mala imminetia non agnoscis, eam corrigere stude.

Secundum Punctum. Considera quid opus sit, ad excipiendum securâ mente & sine villo periculo, Domini Dei iudicis aduentum. *Esse, inquit parati, quia quâ horâ non putatis, filius hominis veniet.* Hoc autem agnosces, ex modo quo te parares ad aduentum Iudicis terrenti iudicaturi, si esses conscius criminis admissi pœnâ capitis digni. Quod ergo faceres ad euadendam talem pœnam, hoc proportionè quadam fac, & iudicium Domini Dei nò timebis.

Tertium Punctum. Considera infelicem conditionem serui Domini Dei negligentis, illis Christi Domini verbis expressam: *Seruum qui cognouit voluntatem Domini sui, & non fecit secundum voluntatem eius, vapulabit multis.* An autem tibi id timendum sit, vide & quid faciendum sit, ne id timere possis, statue, & dolore ac fugâ delicta præterita emenda.

Quartum Punctum. Considera quàm debeas esse liberalis erga Dominum tuum, à quo tot donis naturæ & gratiæ ditatus es: *Omni cui multum datum est, multum queretur ab eo.* Quàm parum autem des Domino tuo pondera, enumeratis tum ordinariis actibus, quorum raris est perfectus & multis defectibus non facturus, tum extraordinariis supererogationis operibus quæ vel nulla sunt, vel pauca, vel imperfecta. Quod an deceat, perpende, & te emendare stude.

FERIA TERTIA.

Post Dominicam vigesimaseptimam à Pentecoste.

Primum Punctum. Considera Domini Dei desiderium, à te feruorem in spirituali vita exposcentis: *Ignem veni mittere in terram, & quid volo nisi ut accendatur.* An autem ardeas, & causas cur nò ardeas, inquire, & submouere stude.

Secundum Punctum. Considera ardens Christi Domini desiderium quod habuit pro te moriendi: *Baptismo habeo baptizari, & quando coarctor vsque dum perficiatur.* Gratias age Domino tuo adeo de bono tuo sollicito. Ex alterâ parte quantopere crucem etiam leuissimam eius causâ ferre reformides, alioqui debitam multis nominibus. Considera, & pudore concepto, accende te ad desiderium ardens, quàm plurima pro Domino tuo tolerandi.

Tertium Punctum. Considera cur Domini Dei causâ deserendi sint amici & offendendi etiam intimi cognati: *Non pacem veni dare in terram sed separationem. Erunt quinque in vna domo diuisi, tres in duos, & duo in tres, pater in filium & filius in patrem, &c.* Tu verò quàm sæpè & pro amicis, & cum amicis inordinatè amatis coniungis te contra Christum Dominum, & eius voluntatem, & eius causâ non audes offendere amicum, cum tibi nec eius gratia ita sit quaerenda

renda sicut gratia Domini Dei, nec offensio tantopere metuenda, uti offensio Domini Dei. Hoc quàm sit magna & impudens cecitas, agnosce, & te serio emenda.

Quartum Punctum. Considera necessitatem penitentiae: *Si penitentiam non egeris, omnes peribis.* An autem egeris dignam tot tuis penitentiam peccatis, examina te. Cum autem penitentiae pars sit, poenalis satisfactio, quomodo eam adhibeas vide, & an sit proportionata tum peccatis admissis, tum poenis purgatorij preparatis, vide, & si sit augenda, auge cum approbatione eorum, quibus id ex officio incumbit.

FERIA QVARTA.

*Post Dominicam vigesimamseptimam
à Pentecoste.*

Primum Punctum. Considera in foemina octo-
decim annis infirma & inclinata, sursum
aspicere non valente, statum inueteratarum
infirmitatum spiritualium, maxime vnus qua
multi laborant, quia ferè semper & cogitant
& loquuntur & occupati sunt in rebus terre-
nis non caelestibus, & ex incommodis ac mo-
lestis, infirmitatum corporis, agnosce maiora
infirmitatum spiritualium incommoda, quae
si non sentiuntur, hoc peior est animae status.
Ergo da operam, ut non minus coneris cura-
ri à Christo Domino ab infirmitatibus animae,
quàm velles curari à morbis corporis, causis
huius rei ponderatis.

Secundum Punctum. Considera benignita-
tem Domini Iesu, qui visâ muliete, vltro ac-
cessit eam & sanauit. Gratias ei age pro hac
charitate, & tecum recogita cur te Dominus
non sanet tam facilè à maioribus animae mot-
ibus, & huius rei agnita impedimenta remo-
uere stude.

Tertium Punctum. Considera modum quo
Christus Dominus sanauit hanc foeminam:
Imposuit illi manus, & confestim erecta sit. Ex alte-
rà parte vide, an non magis se tibi applicet
Christus Dominus & tamen non sanaris. Non-
ne enim plus est Christi Domini carne & san-
guine vesci, quàm ab eo tangi? Nonne maio-
rem vim habeant eius voces interne, eius auxi-
lia gratiae, eius Sacramenta, quae tam sapè per-
cipis, & tamen non conualeciscis?

Quartum Punctum. Considera quid fecerit
& quomodo postquam erat foemina illa sana-
ta: *Glorificabat Deum,* inquit Euangelista, pro-
cul dubio magno & planè vehementi affectu
id faciebat. Tu an idem facias quem Dominus
Deus toties per Sacramentum penitentiae &
alios modos liberat ab infirmitatibus peccato-
rum, quae condonat, vide: & si quid deest de-
biti feruoris, eum ut acquiras cura,

Lancicij Opusc. Tom. 2.

FERIA QVINTA.

*Post Dominicam vigesimamseptimam
à Pentecoste.*

Primum Punctum. Considera paucos homi-
nes saluari, tum quia Christus Dominus
dixit: *Multos esse vocatos, paucos electos,* tum quia
interrogantibus quibuidam, *Domine si pauci
saluantur,* non aliud respondit tunc quàm:
Comendite intrare per angustam portam. Alio au-
tem loco dixit: *Paucos intrare per eam.* Tu seridè
inquire, an in te sint talia signa, ex quibus con-
iecturâ saltem probabili possis cognoscere, te
vnum esse ex his paucis: quod intelliges ex
ijs notis, quae communiter conuenire solent
saluandis.

Secundum Punctum. Considera quid sit an-
gusta porta, quid sit contendere per angustam
portam. Quod an reperiatur in te vide, & si
quid defuerit, acquirere stude.

Tertium Punctum. Considera infelicitatem
& stultitiam eorum de quibus Christus Do-
minus dixit: *Multi quarent intrare, & non posse-
runt.* Quae verba quibus conueniant, & quam
ob causam inquire, & ne eorum è numero sis,
da operam.

Quartum Punctum. Considera dolorem in-
gentem quo afficiuntur reprobi, cum viderint
Abraham & Isaac & Iacob, & omnes Prophe-
tas in Regno D. Dei, se verò expelli foras. Quod
ut agnoscas, adhibe aliquas similitudines, de
exclusis per vim ex loco nuptiarum, ex hortu
amoenissimo, ex palatio magnifico, ex paterna
domo, idque noctu, idque tempore imbrium,
frigoris, niuium, tempore famis. Hoc tenero
affectu & cõpunctionis plenè ponderans, cõ-
pungere, time ne tibi eueniat, & seridè ita mores
institue, ne ad eorum infelicitatem denenias.

FERIA SEXTA.

*Post Dominicam vigesimamseptimam
à Pentecoste.*

Primum Punctum. Considera die Enceniorum
Christum D. in hyeme ambulatè in tem-
plo, in porticu Salomonis, aspiciendo omnes
corporis eius motus, gestus, gressus, situm: &
factâ ad te reflexione, si quid discrepet, dete-
stare & emenda.

Secundum Punctum. Considera vtrorum ma-
ior sit incredulitas, Iudæorumne qui non cre-
debant Christum Dominum esse verû Deum,
ideoque eius præcepta & monita non audie-
bant, an eorum qui credunt certè Christum
Dominum esse Deum, eum tamen monentem
non audiunt, præsertim in rebus facilibus, quae
sine multo labore & sudore perfici possunt: &
factâ ad te reflexione, quid de te hanc ob cau-
sam sentire, quid emendare debeas, statue.

Tertium Punctum. Considera iniuriam Chri-
sti Do-

B b b b fti Do-

sti D. contra quem sustulerunt perfidi Iudæi, lapides ut lapidarent eum. Hic compatere Christo D. summo Regi ac Monarche, tam indignè à fece hominum tractato. Et hoc eius exemplo accende te, ad desideranda & toleranda opprobria & qualis iniurias quæ quamuis maximæ fuerint, pares non erunt hinc iniuriæ Christi D. si infinitam spectes eius Personæ dignitatem. Confer autem omnia illa quæ tibi in Religione molesta accidunt, maximè honori tuo, deprehendes enim esse multò minora. Erubescere igitur, qui res modicas Christi Domini causâ pati dedignaris.

Quartum Punctum. Considera causam, ob quam lapidare volebant Christum Dominum Iudæi: *Quia inquit, tu homo cum sis, facis te ipsum Deum, superbiam, iactantiam, simulatam dignitatem adscribent Domino Deo.* O quoties imitaris Iudæos, vel condemnando proximos innocentes ut imperfectos, vel non tanti æstimando quantum merentur. Hoc ne facias, causas cur facere non debeas inquire, & assuesce in quouis Christum Dominum inueneri ac honorare, tanquam te in rebus omnibus digniorem.

SABBATO.

Post Dominicam vigesimam septimam à Pentecoste.

Deposuit Potentes.

Primum Punctum. Considera verba illa Beatrix Virginitatis: *Deposuit potentes de sede, & exaltauit humiles.* Hæc depositio apparuit in superbis Angelis, in Saule, in Nabuchodonozor, in Luthero: Et exaltatio in Dauide, Apostolis, & tot Sanctis, quos D. Deus vel ex humili conditione ad principatum, vel à vita mala ad Sanctitatem euexit. Caue ergo animi elationem, & iactantiam, exerce te in humilitatis actibus, ut eucharis non ad speciosa officia, sed ad propinquum Christo Domino in cælo gradum.

Secundum Punctum. Considera alia eiusdem verba: *Esuriens impleuit bonis, & diuites dimisit inanes.* Hoc in multis pauperibus, Domini Dei beneficio ditatis, & in diuitibus, deuolutis ad inopiam, sæpè cernitur, & suo modo in iis, qui esuriendo & sitiendo iustitiam, id est sanctitatem, saturantur dum ea replentur, & contra in iis, qui fastu & arrogantia, ac tepore, qui inde sequitur tumidi, etiam illum feruorem qui in Tyrocinio bulliebat, amittunt. Beatus es, si verè esuris & sitis iustitiam, quia cum tali fame & siti, plenè deliberata peccata non possunt consistere, & optata perfectio per debitos gradus, talibus conceditur.

Tertium Punctum. Considera alia verba: *Suscipit Israël puerum suum, & hic varios modos ponderat,*

ra, quibus D. Deus populum suum in lege veteri & nouâ, & te ipsum, tum in sæculo, tum in Religione suscipere dignatus est, varia beneficia conferendo ne perites, & varios actus elicias, quos pij suggerent affectus.

Quartum Punctum. Considera primum fontem susceptionis huius, esse D. Dei misericordiam: *Recordatus misericordia sue: secundum promissionem suam de nobis iuandis: sicut locutus est ad Patres nostros.* Pöderat ergo D. Dei misericordiâ infinitâ, & promissionibus Abrahæ, Dauidi, alijque factis, de nobis iuandis, & nostro Beato Patri dum ei dixit: *Ego vobis propitius ero: Excita in animo magnam fiduciam, & ardentem pete, ut tibi & aliis faciat secundum verbum suum.*

DOMINICA VIGESIMOCTAVA

ET VLTIMA.

Post Pentecosten.

Primum Punctum. Considera motina quæ habes, & tanquam filius talis Ordinis, ad adhærendum inuicto animo Christo Domino tempore persecutionis Antichristi, Hæc motina petere poteris ex officio serui, filij, clientis, rei, erga Christum qui est Dominus tuus, Pater, Benefactor, Iudex. Atque ita ardenti animo offer te Domino tuo, ad tuendum eius honorem, si nunc is ab Antichristo pateretur & violaretur.

Secundum Punctum. Considera magna impedimenta & tentationes, quæ tempore Antichristi erunt, ob quas necessarius erit magnus animi vigor, ne succumbant iusti, dolis & potentia Antichristi. *Erit, inquit Christus Dominus, tunc tribulatio magna, qualis non fuit ab initio mundi usque modo, neque fiet: Et nisi breuiati fuissent dies illi, non fieret salua omnis caro, sed propter electos breuiabuntur dies illi.* Hic concipies ardens desiderium, ut iusti qui eo tempore erunt, constanter Christo D. adhæreant, idque à Domino petes, ne vllus eorum deficiat, & tu quantum est in te, Christo Domino te offeras ad tuendas eius partes.

Tertium Punctum. Considera quam parum possis promittere constantia tua Domino tuo quod agnosces, si introspexeris quam sæpè eum offendas, ne quid leue patiaris: quam sæpè ob respectus humanos, erubescis Christum D. sequi, ex quibus tamen non imminet tibi mala tanta, quanta adferret persecutio Antichristi. Confundere igitur & pete, ne D. Deus te leuet pro tam periculoso tempore, ne tunc eum deseras.

Quartum Punctum. Considera optimum adiumentum ad Christo Domino constanter adhærendum, hoc est ad faciendum id quod vult, ad vitandum id quod vetat, ad imitandum eius viuendi modum, esse vltimam Sanctissimam

mae Eucharistiae. Quomodo enim plenas Christo D. non sis, in omnibus actibus tuis, qui tam sapè Christo D. ipso uelceris? Cur ergo uerba, in cogitationes, actiones, Christum D. non redolent? Inquire causas, et uelce, veniam precare, & te emenda.

FERIA SECUNDA.

Post Dominicam vigesimam octauam à Pentecoste.

De mystico tempore Antichristi.

Primum Punctum. Considera quàm scdum sit, abominationem desolationis stare in loco Sancto, id est mysticè rem intelligendo, in loco D. Deo consecrato, reperiri aliquid, quod abominetur D. Deus, & quod tanquam res desolata, nullius sit utilitatis. Hoc peccatis omnibus conuenit, immò & operibus, quæ etiam mala nò sint, non sunt tamen meritoria, quæ non fiunt propter finem supernaturalem. Talia opera num in te sint uide, si non sunt, confundere, veniam pete, & ea excludere, & fuge.

Secundum Punctum. Considera causas, ob quas quodlibet peccatum etiam leuissimum, uerè dici potest abominatio in oculis D. Dei. Est enim magis abominabile, quàm quæuis turpitudine forditum, uicerumue. Vide ergo quàm malè oleas D. Deo, dum ad eum accedis, peccatis saltem uenialibus deliberatis maculatus, & te plenè quàm primum expurga, & quantum fieri potest liber ab illis uice.

Tertium Punctum. Considera quid sint montes, ad quos Dominus fugere iubeat eos, qui sunt in ludæa, per quam intelligere possumus sæculum, per montes autem, uel Siatum Religiosum, uel huius status perfectiorem uiuendi normam, uel Sanctorum auxilia, causis ponderatis, ob quas hæc mereantur montium appellationem, & quàm ista sint apta, ad muniendū hominè contra persecutiones sathanæ.

Quartum Punctum. Considera quantopere debeamus auerſi esse à rebus sæculi, ne infernalis Antichristus nobis noceat: *Qui in tecto est, non descendat tollere aliquid de domo sua.* Hoc faciunt, qui uel affectum nimium retinent ad consanguineos, uel ad res sæculi, & occupationes cum illis nimias effusi sunt, affectu ueluti descendente ad sæculum. Hoc num in te sit uide, & si quid sit corrigendum corrige.

FERIA TERTIA.

Post Dominicam vigesimam octauam à Pentecoste.

De uariis Antichristis Spiritualibus.

Primum Punctum. Considera Hæreticos omnes uti SS. Patres mysticè loquuntur, esse *Lancicij Opus. Tom. 2.*

Antichristos. Quorum cum tanta sit copia, dote tam multos esse seductos. Gratiâ age, quod non sis ex eorum sectis, præsertim si aliquando fuisti, compatere miseris, ora pro eorum conuersione sapè & ardentè, & uide quæ uirtutum & doctrinæ præsidia comparare debeas, ut aptus esse possis, ad eos Christo Domino aggregandos.

Secundum Punctum. Considera Antichristos quoque esse sæculi homines, Christi Domini mandata uolantes, & impiè uiuentes, quorum cum magnus sit numerus, siuiles primis affectus in te excita, & accende in te zelum Apostolicum uel Ignatianum aut Xauerianum, omnes ad Christum Dominum & Christianâ pietatem reducendi, idque nunc etiam quantum potes & licet incipe, exemplo præsertim uitæ irreprehensibilis, & sensuum custodia non ordinariâ, quâ etiam mali commouentur.

Tertium Punctum. Considera Antichristos esse illos quoque, qui Christi Domini seruos persequuntur, aut retrahunt à Christi Domini famulatu. Et eis compatere, & dote ex animo, Christi Domini causam ab his iniquè tractari, & pro zelo da operam, ut ad Christi Domini famulatum à sæculo pertrahas quàm plurimos, & quàm optimos, tum precibus, tum exemplis, tum aliis honestis modis, & quod tu pertractus sis, magnas Domino gratias age.

Quartum Punctum. Considera Antichristos domesticos illos esse, qui se opponunt uitæ, à Christi D. doctrinâ & exemplis commendatæ, qui nitrum irident uel carpunt, uel fugiunt ea simplicis pietatis & religiosæ seu modestiæ, seu deuotionis seu mortificationis & Regularis obseruantia opera, quæ Christo Domino & Sanctis eius placuerunt & placent, Christi que Domini uitæ & doctrinæ sunt confortia. Perniciosum hominum genus. Compatere talibus. Talis ne sis, da operam, & tales, si quod absit, occurrerent, tanquam Christi Domini aduersarios declina, illud cogitans Apostolicum: *Si hominibus placere, Christi Domini seruus non essem.*

FERIA QUARTA.

Post Dominicam vigesimam octauam à Pentecoste.

Primum Punctum Considera illa Christi Domini uerba: *Ue pregnantibus & nutrientibus in illis diebus.* Hoc spiritualiter illis conuenit, qui nimio affectu ad rem uel personam aliquam sunt alligati; ideoque non possunt expedite euadere insultus Sathanæ, sed in eis succumbunt: Docet id quotidiana experientia eorum, qui ad sæculum redeunt uel iussi, uel sponte. Examina ergo te, ne quis & in te sit partus aut superbiæ, aut inobedienciæ, aut com-

Bbbb 2 modita

meditatum, aut sensualitatis, aliusve, & eum ablaetare, hoc est abicere stude quã primùm.

Secundum Punctum. Considera alia Christi Domini verba: *Orate ut non fiat fuga vestra hysse vel Sabbato;* id est tempore inepto ad fugam. Tali tempore fugiunt peccata eorum & tentationes demonis, qui sui victoriam reseruant pro rebus facilibus, quando aetuum heroicorum occasio praterijt: qui sub tempus mortis, vellent suos emendare mores. Horum an sis e numero vide, & rebus tuis consule.

Tertium Punctum. Considera num sint aliqui, qui more sectatorum Antichristi, vt te à Christo Domino vero, eiusque doctrinã auerant, etsi non expressis verbis, tamen æquivalentibus, Christum D. non vbi quærendus est, ostentunt, sed alibi, *Ecce hic est Christus, aut illis.* Tales sunt, qui te à Regularum obseruantia retrahunt, qui ad otiosa colloquia, ad speciosa munia, ad mortificationum fugam trahunt, qui suadent ne ea facias vires, quæ iuxta Christi Domini vitam & doctrinam sunt facienda & vitanda. Talium indicia Christum D. non inuenies, ideò Christum Dominum quære, vbi quærendum Regulæ & moderatores tui suadent.

Quartum Punctum. Considera etiam bonos sæpe decipi à malis, vel à se ipsis, *ita vt in errorem inducantur, si fieri potest, etiam electi.* Ideò multi damnant ea, quæ in primitiis feruoris Spiritus agnoscebant esse sectanda, & probant quæ olim fugiebant. Tu examina tua dictamina, an sint conformia ijs, quæ dum serueres Spiritu, vel ex tempore collectionis annuæ, vel alio, agnoscebas: & omnes discrepantes sensus abige, propositã tibi Christi D. & Sanctorum eius, vitã ac doctrinã, pro normã viuendi.

FERIA QUINTA.

Post Dominicam vigesimam octauam à Pentecoste.

Primum Punctum. Considera terrorem vltimi Domini Dei iudicij, quem defectus omnis lucis incutiet. *Nam Sol obscurabitur, Luna non dabit lumen suum, & stella cadent de celo.* Nam si nunc noctis tenebræ terrent, etiam sine metu præsentis iudicij, quantò magis maiores tenebræ terrebunt, sed nullius peccati plenè expiati conscios non terrebunt. Vide ergo quid faciendum tibi sit modò, dum tempus habes admissa expiandi peccata, ne tenebræ illæ te perturbent.

Secundum Punctum. Considera primam causam apparituræ in iudicio crucis Domini: *Tunc apparebit signum Filij hominis in celo,* nimirum vt agnoscatu causa Christi D. mortis, peccata scilicet hominum & tua. Ideò desse ea quam potes maximè nunc, & de propinquo peccato molie esse sine metu. Expiatis enim peccatis &

desletis, crux tærori non erit, sed consolationis. *Tertium Punctum.* Considera secundam causam apparituræ crucis Domini in iudicio, fore ad confusionem delicatorum Christi Domini seruatorum, qui crucis studium & imitationem, suis in moribus non expresserunt, dum vel fugiebant, vel ægrè ferebant aculationes, reprehensiones, officia vilia, laboriosa, contemptu, calumnias, ludibria, incommoda carnis, in victu, vestitu, habitatione, & his similia. Ideò maturè tuis rebus consule, vt crucis aspectus eo tempore sit tibi iucundus non formidabilis.

Quartum Punctum. Considera tertiam causam apparituræ crucis; consolationem bonorum Christi D. seruatorum, qui tunc agnoscent, fontem omnium D. Dei donorum, Christi D. merita in cruce completa, & viam certam ad cælum sibi apertam, per crucis & Crucifixi amorem & imitationem. Accendere igitur ad practicum huius crucis amorem, & dic cum S. Andrea: *Salue ò bona crux, &c.*

FERIA SEXTA.

Post Dominicam vigesimam octauam à Pentecoste.

Primum Punctum. Considera in verbis Christi D. de vltimo iudicio differentias. *Tunc plangent omnes tribus terre;* causas futuri plandus, quæ esse possunt. *Primò.* Commissa peccata æterno supplicio digna, & non expiata. *Secundò.* Etiam expiata, sed ex affectu amoris erga D. Deum fletu digna. *Tertiò.* Ommissa multa mentorum occasiones. *Quartò.* Multitudo damnatorum, ob admissa & non deleta peccata. His causis etiam nunc mouere ad abundantem, si non oculorũ, saltem voluntatis fletum, & illum vltimum præueni, vt tunc non fleas sed exultes.

Secundum Punctum. Considera causas, ob quas, vltimus mundi Iudex, erit Christus D. in humanitate, & ex singulis proficere stude.

Tertium Punctum. Considera felicem sortem Electorum D. Dei, quos tunc congregabunt Angeli, à quatuor ventis, à summis calorum vjque ad terminos eorum. Et vide quid te oporteat habere, non tantum vt vnus Electorum sis, sed vt certò sis vnus ex illis. Multi enim sunt vocati, & ad Ecclesiam, & ad Statum Religiosum, qui tamò non sunt Electi, sed finem habent Luciferi vel Iudæ similem. Ideò dum tempus suppetit, da operam, vt certam tuam vocatiorem & electionem facias, ea procurando, quæ sunt magna signa Electorum Domini Dei.

Quartum Punctum. Considera causas, ob quas quidam magni Dei serui, etsi antea non fuerint magni peccatores, vel si fuerint, post longam & asperam penitentiam, valde timentes timentem diem iudicij. Alij verò ijs similes

in vita, eum non timebant, sed cum magno gaudio ex hac vita migrabant. Et facta ad te reflexione, ita vivere stude, vt te quam optime disponas, ad tremendum illum diem.

S A B B A T O.

Post Dominicam vigesimam octauam à Pentecoste.

De quatuor affectibus erga B. V. Mariam.

Primum Punctum erit, excitare in nobis affectum gaudij, de bonis Beatissimæ Virginis: *Primum*. Personalibus, ipsæ triplicibus: *Natura*, in qua genuit Christum Dominum: *Gratia*, quâ superauit omnes Sanctos: *Gloria*, quâ Domino Deo est propinquissima. *Secundum*. De bonis quæ suis precibus & meritis confert in homines. *Tertium*. De cultu eius vario per totum orbem terrarum, quæ omnia pio affectu consideranda sunt, & varij affectus gratulationis & gaudij eliciendi.

Secundum Punctum erit, excitare affectum, imitationis virtutum B. V. præsertim castitatis eius, quæ ne Christi Domini Mater esse voluit, donec intellexit id futurum integrâ virginali castitate: humilitatis, quæ etsi esset nobilior omnibus puris creaturis, tamen & iudicio interno, & verbis, & actibus humiliationis, profundissimam ostendit demissionem: paupertatis, quæ etiam partus tempore, incommodissimum elegit hospitium, bestis, non hominibus destinatum: obedientiæ, quæ etsi grauida Filio Dei, abiit vt obediret decreto Cæsaris Augusti, & sic aliarum virtutum.

Tertium Punctum erit, excitare affectum gratiarum actionis pro beneficiis & communibus, & tuis propriis, per hanc Virginem acceptis à Domino Deo.

Quartum Punctum erit, excitare affectum obsecrationis, ei tum communes, tum proprias necessitates commendando.

S E C V N D A P A R S.

MEDITATIONES PRO FESTIS TOTIVS ANNI.

Non positis in Prima Parte.

De Omnibus Sanctis.



Primum Punctum. Considera multiplicem gloriam Sanctorum in cælis varias in classes distributam, tam Angelicorum quam humanorum Spirituum Beatorum, quam gloriam habent, ex clara ac intuitiva Domini Dei visione, prout est in se. Vnde replentur omni bono, illi statui conuenienti, cum summo gaudio voluptateque, experte omnis tristitiæ, cædij, sollicitudinis, timoris, laboris, & aliarum omnium rerum molestiarum: cuius gloriæ magnitudinem cognosces, tum ex illâ Spiritus S. sententia: *Nec oculus vidit, nec auris audiuit, nec in cor hominu ascenderunt qua præparauit Deus diligentibus se*; tum ex infinito valore operum ac meritorum Christi Domini vitæ ac mortis, quâ comparauit Electis, huius gloriæ consecutionem. Et ita ad consecutionem huius gloriæ, vehementer desiderium tuum accende.

Secundum Punctum. Considera facilitatem assequendi hanc gloriam, vi meritorum Christi Domini & auxiliorum eius gratiæ. Cuiuslibet enim in Domini Dei gratiâ existenti, datum est ius ad gloriam: quo iure, inuitus, ne quidem à Domino Deo potest priuari vllus: gratiæ

Lancicy Opusc. Tom. 2.

autem consecutio tam facilis est, quam facilis est bona confessio, ac post eam gratiæ consecutio, per fugam peccatorum, quæ etiam volenti, per Domini Dei gratiam, cuius est facilis. Vide igitur quomodo hac in parte te geras, & tibi ad gloriam aditum per gratiæ consecutionem pares.

Tertium Punctum. Considera facilitatem consequendi locum & gradum altissimum in gloriâ cælesti, ad quam altiore & maiorem consequendam iusto nulla alia re ex parte ipsius opus est, quam operum bonorum propter finem supernaturalem, liberè & sine peccato factorum, frequentatione: minimis enim operibus talibus, correspondet certa gloriæ pars, vnde in infinitum augeri potest, si in infinitum à te frequentetur in hac vitâ. Deplora ergo cæcitatem tuam, qui cum possis in tam altissimo loco, Deoque propinquissimo tam facile esse, per meram tuam socordiam tam magno bono te priuas.

Quartum Punctum. Considera necessitatem multiplicem, quâ planè obligaris ad hoc, vt non quomodocunque, sed tanquam magnus Domini Dei seruus & perfectus, ex hac vitâ ad gloriam cælestem transferaris, cum habeas multa auxilia interna & externa ad hoc, & nulla impedimenta; & si quæ sunt, talia sunt, quæ

B b b b ; quæ